



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>









+ 728

v. 7

Public Library

OF THE

CITY OF DETROIT

==
No. 913. K8 J7
==

This book is the property of the
Public Library of Detroit, and must
be properly cared for.

For damage done to the books of
the Library, fines will be imposed,
according to the extent of the injury,
up to the full cost of the book or
set to which it belongs.

For self-protection, examine the
book and report imperfections when
drawing a volume from the Library.

1875-91

FORNMANNA SÖGUR,

EPTIR GÖMLUM HANDRITUM

ÚTGEFNAR

AÐ TILHLUTUN HINS

KONÚNGLIGA

NORRÆNA FORNFRÆÐA FÉLAGS.

Urðar orði
kveður engi maðr.

Fjölsvinnsmál.

SJÖUNDA BINDI.

Sögur Noregs konunga frá Magnúsi berfætta
til Magnúss Erlingssonar.

Kaupmannahöfn, 1832.

Prentaðar í enni Poppsku prentsmiðju.

Released by
Public Library
Detroit, Mich.

837.02
F. 11.1
P. 1

S Ö G U R

N O R E G S K O N Ú N G A
FRÁ MAGNÚSI BERFÆTTA
TIL MAGNÚSS ERLÍNGS-
SONAR.

EPTIR GÖMLUM SKINNBÓKUM

ÚTGEFNAR


AÐ TILHLUTUN HINS

KONÚNGLIGA

NORRÆNA FORNFRÆÐA-FÉLAGS.

Kaupmannahöfn, 1832.

Prentaðar í enni *Poppsku* prentsmiðju.



Speli-
Núli...
6-15
v. 7

Formáli.

Hið sjöunda bindi af Fornmannasögum, sem hér kemr fyrir almennings sjónir, hefir inni að halda sex smásögur af Noregs konúngum, frá Magnúsi berfætta ok til Magnúss Erlíngssonar; eru þær í gömlu skinnbókinui að mestu leiti óaðgreindar, en hér aðskildar eptir esuiuu ok sumparti eptir Heimskringlu.

Fyrst er *Magnússaga berfætta*, allt þartil er hann féll á Irlandi.

Þá *Sigurðarsaga Jórsalafara ok Eysteins ok Olafs*, bræðra hans, allt að dauða Sigurðar konúnga, sem lifði þeirra leingst.

Þarnæst sonar hans *Magnúss blinda*, eðr heldr *Haralds konúnga gilla*, sem eiginliga var konúgr í landinu, þángať til hann var myrðr af Sigurði slembidjákni.

Þarnæst sona Haralds ok helzt *Inga*, sem sigraði bræðr sína *Sigurð* ok *Eystein* ok aðra mótstöðumenn, nema Hákon Sigurðarson.

Tekr þá við *Saga Hákonar* þessa, er kallaðr var *herðibreiðr*, ok segir frá því helzt, hversu hann felldi þá Gregoríum Dagsson ok Inga konúng; en þá var tekinn til konúnga á móti honum Magnús, son Erlínga skakka, ok féll hann it fyrsta sinn er þeir mættust í bardaga.

Þá er eptir *Saga Magnúss Erlíngssonar*; þykir þat eitt rétt at skipta þannig sögum þessum. Heimskringla hefir aðgreint þær mjög öðruvísi, ok smeygt inn 2 kapítulum um jarteignir Olafs konúnga ens helga, að öllu leiti óviðkomandi Sögu Hákonar herðibreiðs,

6-16-37 204

204

í byrjun af 21. kap. (bls. 279, l. 5) á milli orðanna: „sendi hon þau orð bónda sínum, at hann skyldi aldri trúa þeim” ok „En er Erlíngur varð þessa vís”; byrjar Heimskringla þá sögu Magnúss Erlingssonar á þessum stað, ok hefir þessvegna orðit at umbreyta orðatiltækinu nokkut, sem annars í *A*, er lagt er til grundvallar fyrir 3. deild Heimskringlu, að öllu leiti er samhljóða okkar *A*. Ilínsvegar þykir efnið sjálfst útheimta; að Saga Hákonar ljúkist með 29. kap., sem inniheldr lýsing hans ok auknefnis hans, eptir þat búið er að segja frá dauða hans ok greptrun. Saga Magnúss Erlingssonar nær ekki til dauða hans, heldr, rétt viðlíka ok Inga konúngs, einúngis þartil er sá hófst ámóti honum, hverjum auðit varð loksins at stíga yfir höfuð honum, en þat var Sverrir konúngur, hvers Saga lesendum mun fyrir sjónir lögð í þeim 2 bindum, er næst koma eptir þetta.

Aptarst er hér viðbætir úr Morkinskiptum, sem sciuna mun getit verða.

Nefndar 6 Sögur ásamt viðbæturnum, sem í þessu bindi finnnast, eru úr enum sömu þrimr handritum teknar ok hinar í sjötta bindinu, ok er þar í formálanum búið þeim að lýsa; þarf því hér ekki nema fátt eitt at nefna um þessar skinnbækur; þeim mun heldr, sem hér með fylgja þrjú eyrgrafin sýnishorn af þeim er hverri lýsingu betr, sýna sérhverrar rithönd ok annat ásigkomulag.

Þat var eptir því tekit að Nr. 6 í arkarforuni í Arna-Magn. safninu, sem merkt er *A*, ok hér einsok í undanfaranða bindi er lögð til grundvallar, mjög nákvæmlega hefir *ie*, allstaðar, jafnvel þó bundit sè orðit, þar sem skrifariinn hefir viljat gefa til kynna hljóðit *e*, en hvörgi nærri allstaðar, þar sem nú heyrir *e* í íslenskku tali; þótti þetta sýna, hvörninn framburðrinn hefir verið á hans dögum, þat er á öndverðri 14^{du} öld, ok hefir því nákvæmlega fylgt verið í þessu bindi, er

þá einblmt *e* scinast í einsatkvæðisorðum: *se, fœt, segjaðir, semildum, sefanng, dúnarfe, lausafe, ráufe, kne, tre, tæð, hleborða, at ek se, þú ser, ver sem, þeir se* (l. siut); *ek se* (video), *hann ser, ne*; einnig í fyrir-
nðsnum: *mer, ver, þer* (tibi), *þer* (vos), *ser*, bæði í eintali ok margt. ok í *her, heðan, heðra, heruð, sneri, reru*, líka: *með velum, Heðinn, Petr*, (ok jafuvel í miklu nýrri skinnbókum: *Slessitk*) Önnur regla, sem *A*, ásamt öðrum göðum skinnbókum fylgir, er að hafa *ð* fyrir *t* í niðrlagi orða, þar sem *t* gengr á undan, t. d. *ttið, látið* o. s. fr.; líka *en* fyrir l. ¹) *sed* ok ²) *quam*; *enn* fyrir *etiam*, *adhuc*; er því einnig fylgt hér í textanum; en öðru sleppt, sem minna þótti áriða, t. d. *fi* fyrir *pt* allviða í: *eftir, aftr, skifti*, o. þvil.

Hrokkínakiuna, *H*, er aungum mun betri eðr greinilgri hér en í fyrra bindi, en þó nákvæmliga samanborin ok stöku staðir úr henni uppfylltir. Hefir hon einnig; *see, see, se ek*, en *hieðan*; *en*, l. *qvaun*.

Morkínskiuna, *M*, er í þessum parti af bókbindaranum nýjg misbundin, en annars viðlíka ásigkomin, ok búit er að lýsa henni í formálanum við 6ta bindi. Hon er hér nákvæmliga samanborin, þótt allviða væri ógeranda að innfæra allan orðamuninn. Sigurðarsaga alembis er hér aptan við innfærð úr henni til sýnis, sérilagi vegna fjölda víana, sem vantar í hinar. Líka frásagnir tvær, önnur frá skáldinu Einari Skúlasyni, önnur frá Gregoríó Dagsyni, sem er að öllum líkindum sönn saga, en vantar í hinar báðar.

Heilmakríngla Snorra Sturlusonar (*HK*) er einnig samanlesin við textann í þessu bindi, en þegar farit var nokkru nær, fannst hennar texti ok sérilagi orðamunur óreiðanligr; varð þá að gá at handritunum; en af 3ja parti hennar eru einungis 2 skinnbækir til, önnur Nr. 45 í arkarformi í Arna-Magn. safninu, merkt *E* í útgáfunni einsok hér; önnur Nr. 47 í arkar-

formi í tæðu safni (Eyrspennill), lögð til grundvallar við 3. p. Hk, ok í athugasgreinum nefnd A. Þetta nafn getr þó hvorki staðizt í Hk, þarð A merkir alla aðra bók í hinum tveimr fyrri pörtunum, hvaðan einnig sá hálærði seinni útgefari Skúli heitinn Thorlacius hefir villzt á því (Form. bls. 15), nè heldr hér, þar sem A einnig merkir aðra bók, þó í rættitun ok fleiru nokkuð svipaða, er hon því hér einsok annarsstaðar merkt A, þar eð ekki varð nærri komizt linu merkinu; þó eru þessar tvær skinnbækr einúngis hér ok hvar hagnýttar einna helzt í vísunum.

Textinn allr í þessu bindi er útskrifaðr úr skinnbóknum af mentuðum Islendingi, en þarnaest nákvæmlega samanborinn við skinnbækurnar sjálfar ok leiðrættir þar-eptir af Prófessóri í Austrlanda tungumálum ok bók-averði háskólans R. Rask; sá sami hefir einnig samanborit hann við H, M, Hk, ok hér ok hvar, þegar þurfa þótti, við E, A, til þess að safna þeim töluverðasta orðamun úr þeim. Registrit er tilbúit af úngum íslenskum stúðenti.

Kaupmannahöfn þann 3. Sept. 1832.

Saga Magnúss konúnga berfætts.

MAGNÚS, son Ólafs konúnga, var til konúnga tekinn [í Víkinni¹ þegar eptir andlát Ólafs konúnga yfir allan Noreg. En er Upplendingar spurðu andlát Ólafs konúnga, þá tóku þeir til konúnga Hákon þórisfóstra, bræðrúnga Magnúss. Síðan fóru þeir Hákon ok þórir norðr til Þrándheims; ok er þeir komu út til Niðaróss, stefndu² þeir Eyrarþing³; beiddi Hákon ser þar konúngsnafns: var honum þat veitt, at bændr gáfu honum konúngsnafn yfir hálfu landi, sem faðir hans hafði haft, Magnús konúng Haraldsson. Hákon konúng tók af við þrændi landaurgjald, ok gaf þeim margar aðrar réttarbætr; hann tók ok af við þá jólagjafir; snerust allir þrændir til vináttu við Hákon. Þá tók Hákon konúng ser hirð, fór hann síðan til Upplanda, ok veitti Upplendingum allar slíkar réttarbætr sem þrændum; voru Upplendingar ok fullkomnir vinir hans. Þá var þetta kveðit í Þrándheimi:

¹) v. í H. ²) þannig H, R; ok stefndu A. ³) Eyrarþing, H.

Ungr kom Hákon hingat,
 hann er beztr¹ alinn manna,
 frægðar-mildr, á foldu,
 fór með Steigar-Þóri:
 syni Ólafs bauð² síðan
 sjálfr upp Noreg hálfan
 mildr, en Magnús vildi
 málsnjallr hafa allan³.

2. Magnús konúgr fór um haustit norðr til Þrándheims, ok er hann kom inn til Niðaróss, fór hann í konúngsgarð, ok var þar að herbergi; dvaldist hann í bænum öndverðan vetr. Hann hēlt 7 skipum⁴ í vök þýðri í Nið fyrir konúngsgarði. En er Hákon spurði at Magnús, frændi hans, var austan kominn, þá fór hann norðr til Kaupánga, ok tók sér herbergi í Skúlagarði ofan frá Klemenskirkju; þat var hinn forni konúngsgarðr. Magnúsi konúngi líkaði illa stórgjafir þær er Hákon konúgr hafði gefit bóndum til vinsælda sér, þótti Magnúsi sín eign gefin, ok ýfðist mjök hugr hans við þat, ok þóttist mis-haldinn af [við frænda sinn⁵, er hann hafði miklu minni tekjur, en faðir hans hafði haft, eðr hans forellri, ok kendi Þóri völdin. Hákon konúgr ok Þórir urðu þessa varir; var þeim mikill uggr á, hver tiltæki Magnús konúgr mundi hafa, þótti þeim grunsamligt, er Magnús hafði á floti lángskip tjölduð ok búin. Eitt kveld mjök síð

(1) æzstr, H. (2) H, Hk, R; v. i' A. (3) þessa vísu v. i' M. (4) lángskipum, H; lángskip R. (5) frænda sinum, H, M, R.

lagði Magnús konúgr brott skipum sínum tjölduðum út undir Hefríng, ok bjuggu¹ þar um nóttina. Þeir gerðu elda stóra á landi uppi. Þá hugði Hákon, [ok þat lið er í bænum var, at þat mundi gert til svika við þá², lét hann blása liðinu út á eyrar, ok sótti þagat allr bæjarlýðr; [voru þeir í liðsafnaði³ um nóttina. En um morgininn er lýsti, ok Magnús konúgr sá her (manns) á eyrunum, þá hèle hann skipum sínum út eptir firði, ok fór suðr í Gulaþíngslög. Hákon konúgr bjó þá ok ferð sína, ok ætlaði landveg austr í Vík. Hann átti áðr mót í bænum; talaði þá, ok bað menn vináttu, ok hèle öllum mönnum sinni vingan; sagði hann ser vera mikinn skugga⁴ á, hvat Magnús frændi hans myndi ætlast fyrir. Hákon sat á hesti, ok var ferðarbúinn. Allir menn hētu honum vináttu með góðvilja ok sínu liði, ef hann þyrfti, ok fylgði honum allr lýðr út undir Steinbjörg; þat var litlu eptir⁵ kyndilmessu. Fór Hákon konúgr þá upp til Dofrafjalls; en er hann fór um fjallit, reið hann leingi dags eptir rjúpu einni, er flaug fyrir honum; þá tók hann banasótt, ok andaðist þar á fjallinu. Var lík hans flutt norðr til Niðaróss, ok kom þar hálfum mánuði síðar en hann hafði þaðan farit. Ímóti líki hans gekk allr lýðr, ok flestir grátandi, því at alþýða unni honum hugástum. Lík Hákonar konúgs var jarðat at Kristskirkju. [Hák-

¹) lágu, H. ²) at þ. l. e. í b. var mundi þetta gjöra til sv. v. sig, H, R. ³) var þar liðs samfnaðr, H. ⁴) grun, H. ⁵) fyrir, H, R.

on konúgr var hálfertögr, þá er hann andaðist¹. Hann hefir einhverr höfðingi vinsælstr verit í Nor-egi af allri alþýðu. Hann hafði farit norðr til Bjarmalands, ok átti² þar mikla orrostu, ok fèkk sigr.

3. Magnús konúgr fór um vetrinn í Vík austr; en er váraði hélt hann suðr til Hallands með³ liði sínu ok herjaði; hann brendi þar sem heitir Viskardalr⁴ ok enn fleiri heruð; fèkk hann þar fe mikit, [ok fór síðan aptr í ríki sitt. Svá segir Björn hinn krepphendi í Magnússdrápu⁵:

Vítt lét Vörsa-drottinn⁶
(varð skjótt rekinn flótti)
(hús sveið Hörða-ræsir)
[Halland farit⁷ brandi;
brendi buðlúgr þrænda⁸
(blès-kastar hel⁹ fasta)
(vakti viskdælsk¹⁰ ekkja)
(við-)¹¹ mörg heruð síðan.

Her getr þess, at Magnús konúgr gerði hit mesta hervirki á Hallandi¹².

4. Sveinn er maðr nefndr, danksr at kyni, son Haralds, er kallaðr var flettir. Sveinn var hinn mesti víkígr, ok bardagamaðr hinn hraustasti, ættstórr í sínu landi. Hann hafði verit í kærleik-

¹) oc höfpo þeir frændr ráðit landino eigi fulla 2 vetr, er Hákon konongr andaðiz, *M*; e. h. þ. Magnús konongr þá ráðit l. 2 vetor. Hákon konongr var maðr vel hálf-þrítoyr at aldri, *Hk.* ²) háit, *H*; háð, *R.* ³) v. í *H.* ⁴) *M*; Vikardalr, *A*; Vikarsdalr, *Hk.* ⁵) sumt við ráni, en sumt með útlausnom, sem Björn segir, *M.* ⁶) Vörsadr, *H*, *Hk*; en *M* hefir Vörsadr. ⁷) heldr land varit, *H*, *R.* ⁸) þrænda, *M.* ⁹) vel, *H*; hræ, *M.* ¹⁰) *M*; vikdælsk, *H*; vígdælsk, *A.* ¹¹) vitz, *M.* ¹²) þenna kap. hefir *M* miklu seinna eptir Sveinkúþátt.

um við Hákon konúng Magnússon; en eptir fráfali Hákonar konúgs, þá trúði Steigar-Þórir illa, at hann mundi komast í sætt ok vináttu við Magnús konúng; báru þeir Þórir ok Sveinn þá saman ráð sín¹, þat er síðan varð frammgengt, at þeir reistu flokk [í mót Magnúsi konúgi² með styrk ok fjölmenni Þóris; en fyrir því at Þórir var gamall ok þungfærr, þá tók Sveinn forstjórn yfir flokkinum ok höfðingja nafn. At þessu ráði hurfu fleiri höfðingar, var þar einn ágætastr³ maðr Egill, son Ásláks af Aurlandi⁴; Egill var lendr maðr; hann átti Íngibjörgu, dóttur Ögmundar Þorbergssonar ok systur Skopta í Gizka. Skjálgr hēt einn auðigr maðr, er til liðs kom með þeim. Þess getr Þorkell⁵ hamarsskáld í Magnússdrápu:

Vítt dró sínar sveitir
saman stórhugaðr Þórir,
heldr várut þau⁶ höldum
haglig ráð með Agli;
snörp⁷ frá ek á því er urpu
endr Skjálgs vinum⁸ lendir
menn við morðvals⁹-brynni
mein um afl ser steini.

Þeir Þórir¹⁰ hófu flokkinn á Upplöndum, ok komu ofan í Raumsdal á Sunnmæri; öfluðu ser

¹) v. í Hk; kannske rættara: ráð sín um þat. ²) þannig H; v. í A. ³) ágætr, H. ⁴) Örlandi, Hk. ⁵) þannig H fullum bókestöfum, einnig Hk; en A hefir hér Þorb. ⁶) þá, H. ⁷) H, M; snæpp, A. ⁸) vinir, Hk, ríngt. ⁹) morðhauks, Hk. ¹⁰) þannig H, Hk, R; þrir, A.

þar skipa, fóru síðan norðr til Þrándheims. Sigurðr ullstreingr hételendr maðr, son Loðins Viggjarskalla; hann skar upp herör, þegar hann spurði at flokkr þeirra Þóris var kominn, ok stefndu¹ liði öllu til Viggjar². Þeir Sveinn ok Þórir hældu þángat, ok börðust við Sigurð, ok fengu³ sigr, ok veittu mikit mannsPELL. Sigurðr flýði, ok fór á fund Magnúss konúngs; en þeir Þórir fóru inn til Kaupánga, ok dvöldust þar um hríð í firðinum, ok kom mart lið til þeirra.

5. Magnús konúngr spurði þessi tðindi, ok stefndi þegar liði saman, ok efldist at skipum; ætlaði síðan norðr til Þrándheims at þeim Þóri⁴. Svá segir Gisl⁵ Illugason, er þá var með Magnúsi konúngi:

Ungr framdi' hannsik,
þá er alendr vildu
lofsælan gram
landi ræna
Imdar-faxa⁶;
en jöfurr⁷ sótti
Báleygs-viðu
með blám hjörvi⁸.

Magnús konúngr dró saman lið sitt í Osló, ok fór þaðan þá er hann var búinn. Svá segir Gisl:

¹) stefndi, R; en M kemst hér svo að orði: þat er sagt, áfr Magnús konúngr fœri at þeim, at hann sendi Sigurð ullstreng til mótz við þóri, oc marga aðra vini sína; þeir scáro upp herör, oc sendo um land, oc sömnoþo lipi í móti þóri, oc stefndu því. ²) þannig H, M; Viggju, A, Hk. ³) fjengu, H venjulega. ⁴) þat sem eptir er af þessum kap. v. í Hk. ⁵) Gislí, R. ⁶) Imþar faxa, M. ⁷) ofra, H, R, missskrifat. ⁸) þessa vísu v. í Hk.

Ytti¹ ör Osló²
 til Egils fundar
 lofðung³ liði
 lands at krefja;
 fylgdu ræsi
 ok Rygir sunnan
 linns-láð-gefendr
 ör lögum tvennum⁴.

Konúgr sigldi norðr með landi ok fékk raðbyri
 allt norðr um Stað⁵; lét hann fast sækja ferðina;
 var þegar róit, er eigi gaf at sigla. Svá segir
 Gisl:

Sjá knátti⁶ þá
 siklíngs flota
 vel vígligan,
 vanan⁷ sigri,
 er fyrir Yrjar
 í aga miklum
 óþrotligt⁸ lið,
 árar knúði.

Magnús konúgr lagði at landi öllu liðinu fyrir
 innan Örvarhamra⁹; gekk hann þar upp, ok
 átti húsþing, ok er þingit var sett, stóð konúgr
 upp, ok talaði: þat mun yðr kunnigt, at várir
 landsmenn hafa reist flokk í móti oss innanlands,
 ok háfit hernað í ríki váru, ok hafa tekit ser til
 höfðingja þann mann, er því síðr er her í Noregi

¹) þannig H, M; ýtim, A. ²) Avsló, M. ³) Vísuna
 v. í Hk. ⁴) H; staði, A. ⁵) hnáttu, H. ⁶) ok vanan,
 H, M. ⁷) óþrotligt, H. ⁸) Vís. v. í Hk. ⁹) Avrvahamra, H.

til ríkis borinn, at hann á einga ætt her í landi. Því bið ek yðr at þer veitið mer trúliga fylgd, ok styrki hvárir aðra, at reka af höndum þetta illþýði. Hvat megi meiri skömm ok úvirding gera sínum konungi, þeim er réttborinn er til ríkis, en þeir, sem várir höfðingjar ok lendir menn skyldu heita, hafa gert við mik, tekit út-lendan mann ok ekki konungborinn til ríkis, svá sem þessi maðr er, Sveinn son Haralds flettis, danskr at allri ætt, ok þó smáborinn? Þat var nökkur várkunn, meðan Hákon frændi vár lifði, at þeir höldi undir hann ríki, þvíat hann sýndi sínum vinum mikinn örleik ok góðvilja; létum ver ok nökkut vårt samþykki þartil svíva, þvíat hann var kallaðr jafnborinn til ríkis sem ek; en þetta er úsæmanda, sem nú er upptekit, ok ekki má ek konungr heita, nema ek eyða þessum úaldarflokki, ok hegnag slíkan nýðingskap, ella er ek úlíkr mínum frændum ok forellrum. Er yðr ok vel veitandi mer styrkr til þessa, mun þat vel fyrirmælast af öllum góðum mönnum ok réttsýnum. Er þat ætlan mín um þá menn alla, er gengit hafa undir þá þóri, at ver skulum brenna bygð þeirra, en drepa þá sjálfa, ef ver nám, en taka fe þeirra at herfángi. Lauk konungr svá sínu eyrindi, at allir hans menni róm-uðu vel. Svá segir Gisl Illugason:

Átti hilmir

húspíng við sjó¹,

¹) sjá, M.

þat var fyrir innan
 Örvahamra;
 bjóst¹ at brenna,
 en búendr² flýðu,
 stórráðr konúgr
 af³ Staði utan⁴.

6. Þeir Þórir lágu í⁵ Hefring, þá er þeir spurðu at Magnús konúgr var kominn utan á fjörðinn með lið sitt; voru þeir Þórir áðr albúnir at halda út eptir firði. Þeir lögðu þá skipum sínum yfir við⁶ Vagnvikaströnd⁷, flýðu þeir frá skipum á land upp, ok komu fram í Þexdal í Seljuhverfi. Þess getr Gisl, at þeir Þórir flýðu, þegar þeir spurðu til konúgs:

Raufst⁸ við rostu,
 [rymr varð⁹ í her,
 helmíngr Egils,
 við Hlaðir utan¹⁰;
 [máttu eigi¹¹ hersar
 fyrir Haða-drottni
 láðgöfugum¹²
 landi ráða¹³.

Þórir var borinn í börum um fjallit, þvíat hann var svá fóthrummr, at hann mátti eigi ganga. En er þeir komu í Seljuhverfi, [ræðu þeir ser til

1) bjóst, *M.* 2) bændr, *H*; búöndr, *M.* 3) fyrir, *H.*
 4) þessa vísu v. í *Hk.* 5) við, *H, Hk.* 6) at, *M.* 7) Vagn-
 vik á Strönd, *R, Hk.* 8) Rlaust, *H*; raufsc, *M.* 9) rymm
 var, *H.* 10) austan, *H.* 11) máttut, *H.* 12) þunnig *H, M*;
 láðgöfugum, *A.* 13) *Fis. v. í Hk.*

skipa, hafði Þórir mikit skip ok gott, er hann hafði gjöra látit; fóru þeir norðr á Hálogaland¹. En Magnús konúgr fór norðr eptir þeim, þá er hann var búinn ör Þrándheimi. Þeir Þórir fóru allt norðr til Bjarkeyjar, ok stókk Jón undan, ok Viðkunnr son hans. Þeir Þórir ræntu þar lausafe öllu, en brendu bæinn ok lángskip gott, er Viðkunnr átti. Þá mælti Þórir, er snekkjan brann, ok hallaðist á bakborða: betr á stjórni², Viðkunnr, segir hann; þá var þetta kveðit:

Breðr³ í Bjarkey miðri
ból, þat er⁴ ek veit gólast,
tæra þarft af Þóri -
(þýtr vandar⁵ -ból) standa:
Jóan⁶ mun eigi frýja
elds ne ráns, er kveldar,
svíðr bjartr logi breiðan
[bý, leggr⁷ reyk til skýja.

Þeir Jón ok Viðkunnr fóru dag ok nótt, til þess er þeir fundu Magnús konúgr. Þeir Sveinn ok Þórir hældu ok norðan⁸ sínu liði, ok ræntu víða um Hálogaland. En er þeir lágu á firði þeim er Harmr⁹ heitir, þá sá þeir siglíng Magnúss konúgs, ok þóttist Þórir eigi hafa til lið at ber-

¹) þannig H, einnig hërumbil, M; frá [vantar í A. ²) stjórnhorða, Hk. ³) H, Hk, R, bræðr, A. ⁴) v. í A. ⁵) þannig M, Hk; þeyrvandar, A; þrekvandur, H. ⁶) M venjulega; Jón, A H. ⁷) þannig H, M; býlekk, A. ⁸) norðr, Hk. ⁹) Hefmur, H; en M hefir: á firðinum Harme.

jast; reyru þeir þá undan, ok flýðu. Reri Sveinn út til hafs, en sumt lið þeirra reri inn í fjörðinn. Þeir Þórir ok Egill reru til Hesjutúna¹, ok hugðust fengit² hafa meginland, en [þar var þó Vambarhólmr heitandi ok eyland³. En er þeir reru at landi, þá mæltu menn Þóris: hvar sá menn jafnfrítt skip, ok ekki mun betra gert hafa verit, síðan Ormrinn lángi var gjör; þetta skip er ok vöskum dreingjum skipat, þeim er líkligir eru til góðrar varnar.

7. Magnús konúgr sneri eptir þeim Þóri, ok er skip konúgs komu mjök at hólmanum, þá reyndust illa menn Þóris, ok runnu frá honum. Þá mælti Þórir: svá létu þer sem vart skip myndi eigi verr skipat en Ormrinn lángi var, en⁴ svá sýnist mer sem skipti muni á vera um skipanina; get ek þar fèlli fleiri, en [her renni fleiri⁵. Þat fór ok svá, at svá gersamliga flýði lið frá Þóri, at þeir Egill voru tveir einir eptir. Þá mælti Þórir til Egils: flý þú,⁶ mágr; þat er skaði mikill, ef þú týnir lífi, svá góðr maðr ok vaskr dreingr sem þú ert. Egill svarar: ekki ero menn ofmargir hjá þer, þótt ek se⁷ einn⁸. Þórir sat í fyrirrúmi á skipi sínu, þá er konúngsskipin rendu at þeim. Þá kallaði Sigurðr ullstreingr á Þóri, ok mælti: er þú heill, Þórir? Hann

1) Seljotúna, *M.* 2) tekit, *H.* 3) þat var eyland, ok heitir Vambarhólmr, *H.*; einnig *M.* 4) *H.*; ok, *A.* 5) rynnue færi, *H.* 6) flý nú, *M.* 7) sjác, *M.* 8) ok eigi mondi dóuir þín þat eula at ek monda flýja frá þer, *b. v. M.*

systrar: heill at höndum, en hrummr¹ at fótum.

Þá var þetta kveðit:

Spurði Ullstreingr orði
(at rendust² skip hvatla)
(sverð bitu snarpa³ fyrða
slætt)⁴ hve Þórir mætti:
lundr kvaðst⁵ heill at höndum
hjörs, frágum þat gjörva,
(gerði glamm á borði
grjóts), en hrummr⁶ at fótum.

Þá voru þeir handteknir Þórir ok Egill, ok lét konúgr flytja þá upp á Varnbarhólm. En, er þeir voru handteknir, mælti Sigurðr: feitr er þú enn, Þórir! svá gamall maðr. Matr minn veldr því ok munngát, segir hann. En er þeir voru leiddir upp á land⁷, þá reikaði Þórir á fótunum, er hann var hrummr, ok hrataði áfram. Þá mælti Viðkunnr: betr á bakborða⁸, Þórir! Síðan reistu þeir gálga. En er Þórir sá þat, mælti hann:

Várum felagar fjórir,
færðum⁹ einn við stýri.

Ok er Þórir var leiddr at gálganum, mælti hann: ill eru ill ráð. Þórir var manna mestr,¹⁰ bæði digr ok hár. Síðan var hann heingdr; en er upp reið

¹) hrumr, *H*; hrunaþr, *M*. ²) rendusc, *M*; rendo, *Hk*. ³) snarpa, *Hk*. ⁴) þunnig *A*, *H*, *R*, *M*; sætt, *Hk*. ⁵) qvæst, *H*; qvazc, *M*. ⁶) *A*, *H*; hrumr, *M*. ⁷) Þórir... ok með honum Egill af Förlandi, enn curteysasti maðr oc allra manna vaskastr, *b. v. M*. ⁸) bakborð, *H*. ⁹) forþom, *M*; forðom, *Hk*. ¹⁰) ok fœitastr, *b. v. H*.

gálgatreið, þá var Þórir svá þúgr, at slitnaði af honum höfuðit, ok féll búkrinn til jarðar. Því næst var Egill leiddr til gálgangs; þá mælti hann til konúnga þræla, er hann skyldu heingja: eigi skulut þer af því þetta við mik gera, at festa mik upp, at eigi væri hverr yðvar makligri at hánga. Svá segir Þorkell hamarskáld:

Orð frá ek Agli verða
 (unnar-dags) á munni
 (sól!) við siklúgs þræla
 satt einarðar latta:
 hvern þeirra kvað hærra¹
 (hjaldr-bliks)² en sik miklu
 (beið of mikit eyðir
 ángr) makligra at hánga.

Þá mælti Egill til konúnga manna: þat ætla ek at þer hyggit allgott til at sjá fótalætin mín í dag³. Þeir svöruðu: ætlar þú eigi at þú munir⁴ ráða, hversu þer skal bregða við banann? Þat mun nú sýnast, segir hann, hvárt ek má nökkuro um þat ráða. Því næst var [virgill dreginn⁵ á háls honum; en er hann hóf upp, þá stó hann (öðrum) fætinum á aðra ristina, ok brást ekki við síðan; lét hann svá líf sitt at allir hörmuðu, þeir er við voru, er svá hraustr dreingr skyldi svá fara⁶. Magnús konúgr sat hjá, er þeir

¹) hera (þ. e. herra), *M.* ²) þannig *M*, *Hk*; höldr-bliks, *A*; hjol bliks, *H.* ³) Hann var í hálfsciptom kyrtli, þ. v. *M.* ⁴) monir því, *M.* ⁵) þannig *M*; viðina dreginn, *A*; et sterkasta reip dregit, *H.* ⁶) Frá útsinni hertil v. í *Hk*.

Þórir voru heingdir, ok svá reiðr, at eingi var svá djarfr hans manna, at þyrði biðja þein friðar. En þá er Egill hëkk¹, mælti konúngr: illa koma þer góðir frændr í þörf, Egill! Í því sýndist at konúngr vildi beðinn hafa verit, at Egill gengi undan. [Aftöku Þóris getr Björn hinn krepphenti:

Snarr rauð Sygna-harri
sverð á úthlaupsferðum,
vitt nam² vargr at slíta
varma bráð á Harmi³;
fráttu hve fylkir mátti,
(fór svá at heingdr var Þórir),
([fór varð⁴ Gunnar-gjörvis
greið), drottinssvik leiða⁵?

8. Magnús konúngr fór suðr⁶ til Þrándheims, veitti þar stórar refsíngar þeim mönnum, er sannir voru at landráðum við hann, brendi bygðir þeirra, en drap suma, sem her segir:

Hrafnagæðir⁷ [nam hræða⁸
hlífar-styggr,⁹ í bygðum,
þrænzka drótt, er þótti
þeim markar-böl sveima;

¹) spara gálgann, *Hk.* ²) rann, *M, Hk.* ³) hrafni, *H;* armi *M,* en þar v. seinna helming útsunnar. ⁴) fyrr var, *H.* ⁵) Ístaðinn fyrir þenna vtauhelming hefir *M:* oc enn:

Víkinga lettr vengis vitt ryðr járn á ýtom
vallbaugs hati falla; Ólafs mögr en fögro.

⁶) norðr, *H.* ⁷) Hrafnagæðir, *H;* Hrafnagreddir, *Hk.* ⁸) vann hrædda, *Hk.* ⁹) hlífar styggr, *Hk.*

hygg ek at hersa tveggja
 herbaldr lyki aldri
 [sinniör vera¹ sváru
 svánger fló² örn til hánga³.

Svá segir Gisl:

Hýrr sveimaði,
 hallir þurru,
 gekk hárr logi
 um heruð⁴ þeirra:
 sjá knátti þar,
 er salir fèllu,
 landráð konúgs,
 um liði þóris.⁵

Sá þrændir þann beztan sinn kost, at gefast á
 konúgs vald, ok biðja ser miskunnar; tók Magn-
 ús konúgr sættum við þá er þess beiddu, sem
 Gisl segir:-

Sættist síðan
 (síðr batnaði)
 hugfullr konúgr
 við hatendr sína:
 þann gat⁶ bragnígr⁷
 er bóendr áttu
 rétt ráðspakir
 [rekkum launat⁸.

Gerðist Magnús konúgr þaðan af ríklundaðr,

¹) þannig Hk; syndr or [vara] ra, A; syndr or vara H; synd-
 ur aurvara, R. ²) aló, H. ³) Niðrlag fyrirfaranda kap.
 frá orðinu: undan, og byrjun þessa hingat til v. í M. ⁴)
 hús, H. ⁵) Vís. v. í Hk. ⁶) gaf, H, M. ⁷) brögnom,
 M. ⁸) rekkom launa, M; en þessa vísu v. í Hk.

hegndi mjök illþýði ok ránsmenn¹, ok friðaði svá fyrir kaupmönnnum ok öðru siðgóðu fólki. Svá segir Gisl:

Gramr vann gjörvan
(en glatat þjófum)
kaupmönnnum frið,
þanns² konúngr bætti³;
svá at í Elfi
[öxum hlýddi⁴
flaust fagrþúin
[firum at⁵ skorðað⁶.

Sveinn Haraldsson flýði fyrst á haf út, sem áðr var sagt, ok svá suðr til Danmerkr; var þar allt þartil er hann kom ser í sætt við Eystein konúng Magnússon, ok var með honum vel siðaðr. Gerði Eysteinn konúngr Svein skutilsvein sinn, ok hafði hann í kærleikum ok virðingu⁷. Magnús konúngr hafði nú einn ríki í Noregi, hann friðaði vel fyrir landi sínu, eyddi öllum víkingum ok útilegumönnnum; hann var herskárr ok starfsamr, ok í öllu lyndi líkari Haraldi föðurföður sínum heldr en Ólafi konúngi föður sínum.

9. Maðr er nefndr Sveinki Steinarsson, hann bjó austr við Elfi, hinn ríkasti maðr; hann hafði fósturað Hákon Magnússon, áðr Steigar-þórir tók við honum. Sveinki hafði þa enn eigi gefizt upp í vald Magnúss konúngs, þvíat hann hafði haft

¹) ránsmönnnum, *H.* ²) þann, *H.* ³) bætti, *M.* ⁴)
eyjum hlýddu, *M.* ⁵) í fjöru, *M.* ⁶) *Vís. v. í Hk.* ⁷)
virðom, *M.*

svá mikla ást við Hákon konúng fóstura sinn, at hann hugði seint af andláti hans. Magnús konúngur heimti til sín Sigurð ullstreing, ok sagði at hann vildi senda hann í Vík austr, at boða Sveinka af löndum ok konúngs-eignum: hann hefir enn ekki hneigt sik til við oss, segir konúngur, eðr vörn sóma gert, en ek vil at allir lendir menn í vǫru ríki lúti til vǫr, eðr stökkvi af eignum sínum ellar¹. Þar eru ok lendir menn vǫrir í Víkinni austr, nefni ek til þess Svein bryggjufót, Dag Eilífsson, Kolbein klökku²; þeir munu flytja vǫrt mál, ok veita þer lið til réttinda ok laga. Sigurðr svarar: eigi [veit ek þess lends manns vǫn í Noregi, at 3 lenda menn muni tilþurfa aðra en oss, at koma flutnǫngi við³. Konúngur mælti: þú tekr eigi til þeirra liðsinnis, ef eigi þarf. Sigurðr bjó ferð sína, ok hélt einu skipi austr í Vík. Hann stefndi saman lendum mönnum. Síðan var þǫngs kvadt um Víkina, ok þeim tilboðit austan Elfargrímumum; kom þar saman fjölmenni mikit, ok þeir lendir menn, sem áðr eru nefndir; sögðu þeir Sigurði at honum mundi Sveinki reynast ekki lítill undir höndum: þvíat hann hefir mikit vald ok ríkdóm austr þar við Elfina, sögðu þeir; viljum ver þess beiða, at þú farir í fyrstu

¹) ella, *H, M.* ²) kallast í *M* Kolbeinn clacca, en í *Hk* Kolbjörn klakki; í *A, H* Kolbeinn klokka. ³) vissu ek vǫnir þess lens manns í Noregi, at 3 lenda menn þurfti í móti apra en oss, *M*; vissu þess manns vǫn í Noregi, er þeir lendir menn mundi þyrfa til at koma við mitt fullkingi, *Hk*.

mjúkliga at við hann, ok flytir vægiliga þitt eyrindi, en eigi með ákæfð, þvíat þat eitt mun hæfa við svá ríkan mann ok úeirinn. Sigurðr svarar: mikill er afli Sveinka, ef þer þrír með [mínu fulltíngi¹ fáit eigi haldit konúngs málum til rættinda fyrir honum; [þvíat ek ætla þat eitt at flytja, er eigi mun² úsannligt þykkja, þótt þeir reiðist³ við. Þeir sögðust at vísu skyldu styðja⁴ ok styrkja konúngs mál, ok beggja þeirra, en kváðu eigi víst at þat kæmi til nökkurs frama.

10. En síðan þíngit var sett, áttu menn at biðja Sveinka um hrífð; síðan var senn ferð þeirra⁵, var þat lið svá vel búit at vápnum, sem á eina ísmöl sæi; komu þeir Sveinki á þíngit, ok settust allir í einn hring, þeir höfðu 5 hundruð manna. Þá stóð Sigurðr upp ok mælti hátt: Guðs kveðju ok sína sændir Magnús konúngr guðs vinum ok sínum, einkannliga öllum lendum mönnum ok ríkum bóndum ok þar með allri alþýðu, ok með kveðju fögr orð ok vináttuheit öllum þeim er til hans vilja hneigjast. Þer munit spurt hafa at konúngr hefir hreinsat ríki sitt af hernaðarmönnum, er áðr gerðu mörg ok mikil illvirki í þessu landi; vildi guð nú enda láta áverða þeirra ofstopa, er með fádæmum hófu þá ofdirfð ok niðingskap, at taka þann mann til höfðingja í móti Magnúsi konúngi, er ekki var ættborinn til lands þessa; nú fór þat mál eptir vãn ok rættindum. Nú vill konúngr

1) mínum flutningi, H. 2) oc lét sitt mál eigi myndu M. 3) røþiz (þ. e. ræðist), M. 4) flytja, H. 5) manna, M, Hk.

sýna sik í allri blíðu ok góðum friði til allra sinna manna, þeirra er til hans vilja þjóna, býðr sik til forystu, ok vera brjóst fyrir öllum Noregs mönnum, stórum ok smám, ríkum ok fátækum; þarímót vill hann hafa af sínum landsmönnum góða þjónustu ok fylgd sæmiliga, ok er mönnum einsætt at taka vel hans málum; svá mikit gott sem hann má¹ yðr gera, ok svá vill hann gjarna öllum þeim er þess gerast verðir². Þá stóð upp maðr í flokki þeirra Elfargrímanna, mikiill vexti ok þrekligr í loðkápu, ok hafði refði um öxl, danskan hött³ mikinn á höfði; hann mælti: era hlums⁴ vant, kvað Refr, dró hörpu at ísi. Hann talaði ekki fleiri orð, ok settist niðr. Litlu síðar stóð upp Sigurðr ullstreingr, ok tók svá til orða: Litlar greinir [ok teingingar⁵ höfum ver konungs mála ör flokki yðrum, Elfargrímanna, ok meðallagi vingjarnligar til vár, en sik sýnir hverr í slíku. Nú at gera berara konungseyrindi, þá beiðist hann landskylda af ríkismönnum⁶ ok leið-ángsrgerða ok annars konungligs sóma, er þer erut honum skyldir at veita; renni hverr hug síntum heim, hvernveg þat mun gert hafa, unni ser sóma, en konungi rættra laga, ef áðr hefir nökkut áskort, ok minnist á hversu þessum hefir farit, er mót honum risu (fyrir) skömmu. Sett-

¹) Þannig H, M; en A b. v. af. ²) Hk hefir þessa ræðu nokkru styttri. ³) M; hatt, A. ⁴) Þannig líka H, Hk; M hefir hlús. ⁵) v. í H, en finnst í M, Hk. ⁶) jafn vel sem smærom mönnum, b. v. M.

ist Sigurðr niðr. Sami maðr sem fyrr reis upp í flokki Elfagríma, varpaði nökkut svá hettinum, ok mælti: snæliga snuggir¹, kváðu Finnar, áttu andra fala². Sigurðr hafði þá tal við lenda menn, ok sagði at ekki myndi leingr þurfa at draga fjöðr um sköruligt eyrindi konúngs. Þeir báðu hann enn vægiliga tala, sögðu at honum myndi Sveinki reynast [harðr viðfánga³, sem nökkut mátti finnast á hans orða atvikum. Sigurðr sagði þat ekki mundo fást af ser, at hann vægði leingr orða atkvæðum. Hann var í rauðum skallatskyrtli, ok hafði vesl⁴ blátt yfir ser. Sigurðr stóð upp ok var reiðuligr, varpaði veslinu ok mælti: Nú er svá komit at hverr verðr sín at gæta, ok þarf ekki leingr yfir þessu at hylma⁵, eðr⁶ af manni at skera, er nú sèt hvers ver þykkjóm verðir, ok er þat þolanda, en hitt er meira vert er hneisuliga er svarat konúngs eyrindi; [virðir þó hverr sik⁷. Maðr heitir Sveinki ok er Steinars son, býr austr við Elfi, ok hefir leingi setið yfir konúngs eignum, ok dregr⁸ á sik mikit ofbeldi ok dramb, en mer þykir líkligt at konúngr vilji vera honum meiri; vill konúngr hafa af honum sem öðrum sínum undirmönnum rættar skuldir ok vísar eignir, [ellar bjóða⁹ honum af löndum; ok er ekki at slota við eðr svara skotyrðum, því-

¹) sveinar! *b. v. M, Hk.* ²) seze niðr síðan, *b. v. M, Hk.* ³) afarúþigr, *M.* ⁴) þannig *H, M*; vetzl *A.* ⁵) ylma, *H.* ⁶) ne, *M.* ⁷) ok virðir hverr sig í því, *H.* ⁸) dregit, *H.* ⁹) ella boða, *H*; eða bjóða honum ella, *M.*

at honum mun fást nökkurr jafnríkr, þótt hann taki úvirðiliga váru máli; ok er honum nú betra en síðar, at snúa áleiðis sínu ráði með sæmd, en bíða eigi hneisu með þrjózku ok þrálýndi. Þá settist Sigurðr niðr, en Sveinki stóð upp, ok kastaði hettinum á bak ser aptr, ok mælti: Putt, putt¹, skömm hunda! skitu refar í brunn karls. Heyr á firn ok endimi; ermlaus maðr ok af bakskyrtnan! hvat boðar þú mer af löndum? Sendir voru fyrr til þessa tveir menn, þer mjök skyldir, Sigurðr ullband! hæt annarr Gilli bakrauf, en annarr átti verra nafn, váru nótt í húsi, ok stálu [hvar sem þeir komu²; hvat boðar þú oss af löndum? Var minna karp³ þitt, meðan Hákon konúngr fóstri minn lifði, er þú vart svá hræddr, ef þú vart á veg hans, sem mús í skreppu, var þú huldr fötum sem hundr á skipi, var þer svá troðit í kýl sem korni í belg, vartu svá eltr af óðalum sem arðsgeldíngr ör stóði, áttir þú einnveg andarrúm sem otr í kelpu; [mun þú boða mer af löndum⁴? Lát heldr góðra gjalda vert, ef þú kemst með fjörvi á brott; ok stöndum upp allir at þeim! Spruttu þá upp allir hans menn, ok gerðu mikit vâpnabrák. Sá þá Sveinn bryggjufótr ok aðrir lendir menn þat eitt ráð, at skjóta hesti undir Sigurð, ok reið hann sem skjótast á skóg á brott; lauk svá því þingi, at Sveinki fór heim til búa sinna, en Sigurðr fór

1) Ullband! b. v. H. 2) hvars qvâmo, M. 3) þannig A, M, E, Å; kapp, Hk. 4) hvattá? b. v. M; en Hk hvat þá.

landveg við annan mann norðr til Þrándheims, ok komst svá við illan þeik til fundar við Magnús konúng, ok sagði honum svá búit.

11. Konúngr mælti: þurftir þú (nú) nökkut traust¹ þeirra hinna lendu manna? Sigurðr lét illa yfir sinni ferð, ok kvaðst fyrir hvern mun hefna vilja, ok eggjaði konúng mjök. Konúngr svarar: Ofmjök dragast lendir menn þá framn, er þeir vilja eigi þess gæta [at veita skylduhlýðni konúngi sínum²; hefir þeim þat ok aldri vel gefit í þessu landi: fyrst um daga Ólafs konúngs hins helga, sem fór um mál þeirra Erlíngs Skjálgssonar; svá ok um Einar þ. nbarskelfi, er jafnbjóða vildi at ríkdómi Haraldi konúngi frænda vörum; svá gafst ok nú Steigar-Þóri ok Agli; heyrir þat til konúngstign at [lægja uppgáng ok ofrökk³ sinna undirmanna, ef þeir kunna eigi at meta sik sjálfir; er Sveinki víst ríkr maðr, en þó kann vera at hann ætli ser ofhátt, ef hann vill við mik þreyta⁴. Lét Magnús konúngr þá búa 5 skip; for hann þegar hann var búinn suðr með⁵ landi, ok svá austr í Vík; þá hann þar veizlur at lendum mönnum sínum. Konúngr segir þeim at hann vildi finna Sveinka: er því fyrir yðr at lýsa, segir hann, at ek ætla einn at vera konúngr yfir Noregi, meðan eingi annarr er mer jafnborinn til ríkis þessa; mundi ek þat vilja at lendir

¹) trausta, *M.* ²) er til konungs kömr, *M.* ³) leggja ofstopa ok ágang, *H.* ⁴) þessa ræðu konungs v. í *Hk.* ⁵) þannig *H.*; at, *A.*

menn se eigi svá ofkátir, at sjálfir mínir heim-
olligir höfðingjar fari svá stopalt ok svírvirðliga
fyrir þeim, sem Sigurðr ullstreingr hefir nú far-
it fyrir Sveinka. Þeir sögðu konungi at Sveinki
var maðr bæði ríkr ok údæll: [skortir hann
hvárki, sögðu þeir, liðsafla ne vápnabúnað¹.

12. Magnús konúngr fór ör Víkinni ok þessir
lendir menn með honum: Sveinn bryggjufótr,
Dagr Eilífsson, ok Kolbeinn klakka². En er þeir
komu fyrir bæ Sveinka, þá beiðdust hinir lendu
menn at gánga fyrst á land ok vita tíðindi: þvíat
oss er grunr á, sögðu þeir, at Sveinki hafi mann-
fjölda fyrir, ok eigi síðr í skógum umhverfis. Kon-
úngr bað þá ráða: en vitið þat þó til viss, segir
hann, at ek mun búinn at gera bóndum ein-
hverja harða hrið, ef þeir færa sik eigi sjálfir í hóf.
En er þeir komu upp á land, sá þeir at Sveinki
var á ferð kominn frá bæ sínum með her manns,
var þat lið allvel búit. Þeir hinir lendu menn
brugðu upp hvítum skildi, ok er Sveinki ser þat,
þá stöðvar hann lið sitt, ok hittast þeir. Þá
mælti Kolbeinn: Magnús konúngr sendir þer,
Sveinki! kveðju, ok þat með, at hann bað þik
gæta sæmdar þinnar³ ok tignar konúngs, ok bú-
ast eigi við úfriði, eðr því at berjast við konúng;
viljum ver bjóðast til at bera friðmál millum
yðvar, er þú miklu vitrari maðr, en þú munir
at óreyndum sökum vilja eflast móti konungi

¹) en orof bæði manna ok vápna, *M.* ²) klokka, *A*;
klukka, *H.*

Þínum réttteknum¹ ok ættbornum til lands þessa, hefir þat enn eingum manni vel gefizt. Sveinki svarar: Ekki ætla ek fyrri at gera konúngi úfrið; fórum ver fyrir þá skyld í móti yðr, at ver vildum eigi at þer træðit akra vára, eðr veitið oss [annan úmaka². Nú munum ver hær bíða, ef þer vilit finna konúng. Þeir sneru þá aptr til konúngs, ok sögðu honum allt kyrt ok friðvænligt frá Sveinka: vill hann, sögðu þeir, allt sitt mál leggja á yðvart vald ok dóm. Skjótr er dómr minn, segir konúngur: flýi hann af landi á brott ok komi aptr aldri, meðan mitt ríki er í Noregi; láta skal hann ok feit allt. Kolbeinn svarar: mun yðr eigi þat meiri sæmd, herra! ok öðrum betra tilspurníngar³, at þer gerit hann ör landi með svá miklu fè, at hann megi sæmiliga halda sík annarsstaðar með ríkum mönnum, en hann mun aldri (aptr) koma, meðan ver höfum lönd hans; en þer gerit þá þó ríkdómliga; hyggitat ok virðit til yðr sjálfa ok yðra tign, ok enn nökkut fyrir vár orð, ef yðr líkar. Konúngur mælti: fari hann á brott þegar! Þeir hittu Sveinka, ok sögðu honum blíf orð konúngs, ok þat með, sögðu þeir, at hann beiddi, at þú myndir gera þat honum til sæmdar fyrir þín afbrigði, at fara ör landi, með svá miklu fè, at þú ser vel sæmdr af; er þetta hvárstveggja ykkars virðíng, sem þú mátt hugsa. Sveinki mælti: skipan er þá ávörðin, ef konúngur mælir vel til mín eðr

¹) réttkosnum, *M.* ²) annað úmak, *H.* ³) til sp., *H.*

fríðsamliga, ok¹ fyrir hví myndi ek lönd mín flýja eðr eigur? Heyr á firn! Betra þykki² mer at falla á fè mínu, en flýja óðul mín eðr eigur; segit svá konúngi, at Sveinki mun eigi flýja eitt órdrag. Kolbeinn svarar: eigi er þat einsætt, vinr! Þvíat betra er at vægjast³ til virðingar við hinn bezta höfðingja, en bægjast til stórvandræða. Góðum dreing er þar gott sem hann lifir; munþú þar mest metinn, sem ríkastir menn eru fyrir, en haldit hluta þínum fyrir slíkum höfðingja. Virð nú til vart langt fóstbræðralag ok fullkomit vinfengi, ok gjör fyrir vár orð, at þú drep eigi hendi við þessu boði konúnga, ok firr svá marga góða menn miklum vandræðum; ok ef þú gerir sem ver beiðum, þá viljum ver bjóðast til forvistar ok trúligrar geymslu um eignir þínar; ok þat með, ef þú kemr aptr til eigna þinna, sem ver væntum, þá skalþú aldri gjalda skatt, nema þat se þinn vili; skulum ver þartil leggja bæði fe ok fjör, ef þess þarf, at koma þessu á leið við konúng. Sveinki þagði um stund, ok svaraði síðan: vitrliga er eptir þessu máli leitað af yðr, en þó grunar mik at þer munit sýnt hallat hafa konúnga eyrindi; en þó fyrir svá mikinn góðvilja sem þer sýnit í þessu máli, þá skal virða orð yður, at ek mun fara brott, ok vera ör landi vetr-lángt, ef ek skal þá síðan í fríði hafa eigur mínar. Segit svá konúngi, at ek geri þetta fyrir yður orð en ekki konúnga, þvíat ek finn með yður

¹) eðr, *H.* ²) þykkja, *A.* ³) vægja, *H.*; bæigjast, *M.*

nú sem fyrr sanna vingan til vár. Fara þeir nú ok finna konúng, ok segja at Sveinki leggðr allt sitt mál á hans dóm: ok beiðist þarfyrr sæmdar af yðr, herra! sögðu þeir; mun hann vera í brottu 3 vetr, en koma þá aptr, ef þat er beggja ýkkar villi; gerit nú þetta fyrir konúngdóm yðvarn ok bæn vára; alls¹⁾ er hans mál á yðrum dómi; takit af honum þessar sættir, en ver skulum allt viðleggja, at hann komi aldri aptr, nema at yðrum vilja. Konúngr svarar heldr seint: dreingiliga ferr yðr; ok fyrir yðrar sakir skulum ver svà gera, sem þer beiðit; segit honum svà. Þeir þökkuðu konúngi. Fóru þeir þá ok fundu Sveinka, ok sögðu honum blíð orð konúngs: erum ver því fegnir, sögðu þeir, ef þer mættið sættast; beiðdist konúngr at nefndir væri þrír vetr til yðvarrar brottvistar, en ver vitum þó at fyrr mun hann þik eigi þykkjast mega án vera í landinu, ok er virðingarráð at neita þessu eigi. Sveinki svarar: hvat se þá heldr en ek gera konúngi eigi skapraun í hervist minni. Takit her nú, Kolbeinn! við mínum varnaði. Stóð Sveinki upp, ok sneri með liði sínu heim á bæinn, ok þegar á brott; var hann búinn við öllu þessu áðr.

13. Kolbeinn var eptir, ok bjó konúngi ágæta veizlu, ok lét sem Sveinki hefði áðr svà ráð fyrir gert. Sveinki reið upp á Gautland, með liði því er hann vildi með ser hafa; konúngr þá veizlu at búi Sveinka. Eptir þat fór hann norðr

¹⁾ allt, H; er allt er á þínum dómi, M, Hk.

í Víkina, ok gerðu lendir menn honum veizlur, ok dvaldist hann þar um stund, ok undi vel sættum þeirra Sveinka; voru þat þá kallaðar konúngseignir, er Sveinki hafði átt, ok skyldi Kolbeinn varðveita; hældu þeir hinir lendu menn þessu öllu konúngi æm mest til virðingar, en gættu þó alls sem bezt þess er Sveinki átti. Eptir þat fór konúngr norðr með landi allt til Þrándheims með liði sínu; lagðist þá illþýði ok ránsmenn¹ á Elfargrímana, er þar er höfðingjalaust; [sendu lendir menn þá orð konúngi, at eyðast mundi ríkit austr þar, ef leingi er höfðingjalaust²: sýnist oss einsætt, herra, sögðu þeir, at þer kallit Sveinka aptr í land, ok unnit honum straumbrots fyrir; þvíat hann mun sízt harðfengi tilskorta, at reka illþýði af höndum, ok eyða víkingum. Konúngr ser at þetta mun satt vera, ok með fortölum vana sinna sendi hann tysvar menn eptir Sveinka, en hann fór eigi, fyrr en Magnús konúngr sjálfr kom suðr til Danmerkr, þá fundust þeir Sveinki, ok sættust með fullu; fór Sveinki þá til eigna sinna ok búa, ok var síðan hinn mesti vin Magnúss konúngs ok styrkr ríkis hans austr þar; hældu þeir kærleikum, meðan þeir lifðu.

14³ Eptir aftöku Steigar-Þóris ok Egils er sagt at Hákon son Páls jarls Þorfinnssonar kom til Noregs austan af Svíþjóðu til fundar við Magn-

¹) raufarar, *M.* ²) þannig *H.*, einnig *hèrumbil M.*, en *frð* [er hlaupt yfir í *A.* ³) 14—19, kap. v. í *M.*, *Hk.*

ús konúng frænda sinn. Hákon hafði þá leingi verit á brott ör Orkneyjum, þvíat hann þótti eigi þar mega vera fyrir újafnaðar sakir. Magnús konúngr tók vel við honum. Þar frètti Hákon þau tíðindi af Orkneyjum, at Erlendr jarl, föðurbróðir hans, ok synir hans ræðu þar mestu, ok voru allvinsælir; en Páll jarl, faðir Hákonar, var afskiptalítill¹ um ríki. Þat þóttist hann ok spurt hafa af þeim mönnum, er vestan komu, ok helzt mæltu trúnað sinn fyrir honum, at Orkneyíngar² myndi lítt lánga til, at hann kæmi vestr þagat; höfðu þeir þá frið góðan ok kyrsæti, en þeim var uggr á, ef Hákon kæmi austan, at af honum myndi standa styrjöld ok úfriðr. En er Hákon hugsaði slíka hluti fyrir ser, þá þótti honum eigi örvænt, at frændr hans myndi halda ríkinu fyrir honum, en láta honum eigi úhætt, ef hann kæmi fámennr vestr þagat. Beiddi hann þá Magnús konúng frænda sinn styrkja sik, til at ná ríki, því er hann var ættborinn til, í Orkneyjum, en konúngr tók því seinliga. Hákon var vitrmaðr, ok þóttist hann þat skilja af orðum konúngs, þá er þeir töluðust við, at konúngr myndi vera stórráðr, ok ágjarn á ríki annarra höfðíngja. Hákon tók (þá) þat tal fyrir konúngi, at þat væri höfðíngligt bragð, at hafa leiðánger úti, ok herja vestr um haf, ok leggja undir sik Suðreyjar, sem gerði Haraldr hinn hárfagri, ok ef hann fengi ríki í Suðreyjum, at þaðan væri hægt at herja á Írland

¹) þannig H. allskipta lítill, A. ²) Orkneyínga, H, R.

ok Skotland, en ef hann kæmi undir sik þeim löndum, þá væri gott at eflast þar með styrk Norðmanna á mót Einglismönnum, ok hefna þar Haraldskonungs föðurföður síns¹. En er þeir töluðu þetta, þá fanst þat brátt á, at konúngi fellu slíkar ræður vel í skap, ok svarar svá: þetta er bæði mælt dreingiliga ok höfðingliga ok nær mínu skapi, en þat skal þú hugsa, Hákon! ef ek geri þetta fyrir þín orð, at fara með her vestr um haf, at þer skal eigi á úvart koma, þótt ek bori² frekan atsúg til ríkja þeirra, er liggja fyrir vestan hafit, ok gera ek at því eingan mannamun. En er Hákon heyrði þenna örskurð, lét hann ser fátt um finnast, þóttist skilja hvartil var mælt. Lét hann þá af at eggja konúng á ne einar herferðir; þurfti þá ok lítils við, þvíat eptir þessa ræðu sendi konúngr boð um allt ríki sitt, at leiðángr skyldi úti vera um sumarit eptir; gerði hann þat hert fyrir alþýðu, at hann ætlaði her þeim at halda vestr um haf, hvat sem síðan gerðist til tíðenda í hans ferðum. Bjuggust menn þá af öllu landi til þessarrar ferðar með konúngi.

15. Á dögum Magnússkonungs kom utan af Íslandi til Noregs sá maðr er Gisl³ hét, hann var son Illhuga Þorvaldssonar, Tindssonar. Tindr var bróðir Illhuga svarta. Gisl var 17 vetra gamall, þá er hann fór til Noregs; hann lét lítit yfir sik, ok var laungum hljóðr. Hann tók ser vist með ríkum manni, er hét Hákon á Forborða.

1) þíns, H. 2) bora, H. 3) þannig A, H.

Gisl¹ lét fátt til sín taka um vetrinn, ok (var) aldri glaðr. Hákon mælti eitt sinn til Gisl: ek hefi hugleiddt skaplyndi þitt, ok sýnist mer (þú) jafnan með miklum áhyggjusvip, ok mun vera annathvært, at þú býst við stórræðum nokkurum, ella eru þer stórir hlutir á höndum. Nú seg mer, hvat þer býr í skapi, ok þótt þú eigir um stórt at ræða¹, mun ek mega leyna; en ef þú vill eigi segja mer, ok farir þó svá heðan til nökk-urra stórvirkja, þá mun mer þat illa líka. Gisl svarar: þú getr rétt, ok skal ek segja þer satt af. Maðr heitir Gjafaldr², ok er mer sagt at nú se hirðmaðr konúngs. Gjafaldr var at drápi föður míns, ok veitti honum banasár, svá at ek sá uppá út á Íslandi, með Þormóði Kollasyni mági sínum. Nú er ek því kominn her til lands, at ek ætla at fá hefnt föður míns, eðr liggja her drepinn. Sú er úvæn ætlan, segir Hákon, því at Gjafaldr er með Magnúsi konúngi í miklum kærleikum, ok mun útlendum manni eigi hægt at ná honum, en ekki skal ek gera þer til úliðs. Magnús konúngr sat þann vetr í Niðarósi, ok Gjafaldr með honum vel virðr. Gisl fór til bæjarins, ok gerði þat bragð á með ráði Hákonar, húsbónda síns, at hann lét steypa heitu vaxi á andlit ser, ok lét þar harðna á, var hann þá vanheiligr at sjá. Hann sat um Gjafald, ok fengust honum eigi hæglig færi á.

16. Þat var einn þváttdag, at Gisl stóð við

¹) vera eðr ráða, H. ²) Gjafvaldr, H.

stræti nokkut snemma dags, ok heyrði hann gny mikinn; hann sá hvar Magnús konúgr fór ok sveit mikil manna með honum, þar sá hann Gjafald. Þá gekk kona út ör garði einum, ok hafði barn í faðmi, þar var Helga Þormóðsdóttir, kona Gjafalds; hon kallaði á hann, ok gekk hann til fundar við hana, en konúgr ok sveitina bar undan framm. Síðan gekk Gjafaldr at strætinu við annan mann. Þá sneri Gisl í móti honum, ok hjó til hans, kom höggit á öxlina, hljóp höndin niðr, en gekk eigi af. Gjafaldr snerist við honum, Gisl hjó þá á aðra öxlina, ok fór þat sár nær því sem hit fyrri; féll þá Gjafaldr. Gisl hljóp ofan á bryggjurnar, þar sem flaut einn bátur hlaðinn skiðum, hæt sá maðr Þorsteinn, íslenzkr, lítill vexti, er átti bátinn. Gisl hljóp út á bátinn til Þorsteins, ok svörfuðust skiðin utanborðs, en hann reyri yfir til Bakka; ok er þeir komu á ána miðja, stóð Gisl upp, ok kallaði á bryggjurnar: sár þau, segir hann, er fengit hefir Gjafaldr, hirðmaðr Magnúss konúgs, ef at sárú gerist, en víg, ef at vígi gerist, lýsi ek mer á hendr, hæt ek Vígfús í morgin, en í kveld væni ek at ek heiti Úfeigr. Síðan lendu þeir upp frá Bakka, ok hljóp Gisl þar á land. Þá var blásit í bænum, ok farit at leita mannsins bæði á skipum ok landi. Hann fanst í hrísum nökkurum, ok var færðr til bæjarins. Konúngsmenn kendu Þorsteini, at hann hefði flutt Gisl yfir ána, ok gáfu honum sök á, sögðu hann ok dauða verðan. Þá mætti Gisl: gefit

honum ekki sakir á því, er hann er eingu¹ af valdr. Gisl greip til Þorsteins, er hann gekk hjá honum, var hann svá líttill at hann tók varla undir hönd honum. Gisl varp honum á lopt annarri hendi, ok mælti: sjáit nú her til, segir hann, hvat mundi veslíngur þessi varða mer bátinn, ef ek vildi til sækja, er ek veifi honum sem barni; látið hann fara í friði, þvíat hann er saklaus. Þeir gerðu svá, ok sögðu at Gisl talaði vel ok dreingiliga. Gisl var settr í fjötur þann, er gera hafði látið Haraldr konúgr Sigurðarson, ok eingi maðr hafði ur komizt. Hann sat í jarðstofu einni, er kona nökkur átti völd á; þá var fjölmenni mikit í bænum. Þar voru þrjú íslandsför: ræð fyrir einu skipi Teitr, son Gizurar biskups; þar var þá ok Jón prestur Ögmundarson, er síðan var biskup², ok var eigi færra íslenzkra manna í bænum en 3 hundruð. Magnús konúgr var ákafa reiðr, sat hann á stefnu ok bæjarbiskupinn með honum; ok þar var Jón prestur, hann var vinr biskups. Konúgr bað drepa manninn; í því kvað við nónklokka. Konúgr mælti: er³ nú nón? ok sjái til sólar! Svá var þá gert, ok var öndvert nónit. Þá mælti biskup: herra! eiga verðr maðrinn helgar⁴ frið á ser, þótt hann hafi stórt tilgert. Konúgr mælti: þetta er prettr yðvar, ok hafi þer ráðagerð í móti mer. Eigi er þat, herra, segir biskup, en⁵ sjáit svá fyrir,

¹) einkis, H. ²) at Hólum, b. v. H. ³) eru, H. ⁴) helgi, H. ⁵) síðan, b. v. H.

sem bezt samir. Síðan söfnuðust saman íslenzkir menn, voru þar margir frændr ok vinir Gisl¹, ok ræddu um málit, hverja meðferð hafa skyldi. Sýndist þeim í mikit vandkvæði komit, ok urðu eigi ásáttir.

17. Nú kom drottinsdagr, var þá sent til konúngs, ok sagt at Gjafaldr vildi finna hann. Konúngr kom á fund hans; þá mælti Gjafaldr: nú vil ek skipa, herra! til fjäreigna minna, því at eigi veit, hversu langt tóm til gefr, en biðja vil ek at þer gefit Gisla grið, þvíat skörugliga hefir hann hefnt sínð föður. Þess er eingi ván, segir konúngr. Gjafaldr mælti: þat veizt þú, konúngr! at mjök leingi hefir ek þer fylgt, ok lagt stundum mitt líf fyrir þitt líf, ok verit búinn til þess alls, sem þú hefir viljat fyrir mik leggja, hvárt sem var gott eðr illt; en nú kann vera, at sjá se hinn síðasti fundr okkarr, hefir ek nú talat við kennimenn, ok gert þeim í kunnleika ráð mitt, ok tekit þjónostu (af þeim), ok segja þeir mer svá, at ek mun vera hjálparmaðr, ef nú fyrirgef ek þat, er við mik er misgert. Nú vænti ek þess, herra! at eigi munir þú byrgja svá fyrir mer himinríki, at sjá se dauðamaðr. Bezta² ferr þer, segir konúngr. Gekk hann í brott, en Gjafaldr andaðist litlu síðar.

18. Snimma annan dag vikunnar áttu Íslendingar stefnu; þá mælti Teitr: her horfist eigi sköruliga á um vart mál, ef samlandi varr ok

1) Gils, H. 2) Hlð bezta, H.

fóstbróðir mikilsverðr er drepinn, en allir megum ver þat sjá, hversu mikit vannkvæði er at bindast við mál þetta, at sá veðsetr sik ok fe sitt. Nú legg ek þat til ráðs, at ver gefim á konungsdóm, en ef þess skal eingi kostr, at maðrinn hafi líf, þá sem ver allir drepnir eðr hafim vart mál ella; viljum ver þeim atfylgja er formaðr gerist. Þeir kváðust allir hann vilja fyrir ser hafa, ok hans ráðum atfylgja. Hann svarar: svá megit þer ætla, at allir skulu þer sverja mer eiða, at hværki sparit þer yðr ne fe yðvart, til þess sem ek vil framfara um þetta mál. Þetta gerðu þeir. Eptir þat tóku þeir bað, ok í því var blásit; hljóp Teitr þegar ör baðinu, var hann í skyrtu ok línbrókum, ok hafði gullhlað um enni, en yfir ser skallats skikkju hálfskipta, rauða ok brúna, ok undir gráskinn, ok snúit út skinnunum. Þá voru þar samákomnir allir íslenzkir menn; en þat er eigi allt í senn er blásit er, ok menn koma til móts. Þá mælti Teitr: snúum nú þegar at stofunni, þar sem Gisl er, ok verðum fyrri at bragði en konungsmenn. Þeir gengu snúðigt eptir strætinu, ok varð af gnýr mikill, en konan hafði gert skjá fyrir stofuna. Hon hljóp af húsinu, ok sagði Gisl: mikil úhamíngja er þat, er þú komt her niðr, þvíat nú fara her konungsmenn. Gisl svarar: látum okkr ekki þat ánga, fóstra! Hann kvað þá vísu þessa:

Kátr skal ek enn, þótt¹ ætli
 aldrán viðir skáldi
 (járn taka oss að orna)
 undateins (at beinum);
 hverr deyr [seggr, en², svarri³!
 snart er dreinskapat hjarta;
 þrúðr⁴ skal ek enn í óði
 eitt sinn á þrek minnast.

Þvínæst hjuggu þeir upp hurðina, ok brast við hátt. Þá at eins sá menn at Gisl kiptist við, ok þó lítt. Teitr hjó af honum fjöturinn; ok tók hann í sinn flokk; gengu svà til mótsins. Þá gekk öðrum megin at mótinu Sóni⁵ gesta-höfðingi, ok ætlaði þá eptir manninum. Hann mælti: eigi voru þer nú tómlátir, Íslendingar! hygg ek nú at þer ætlit yðr dóminn um manninn en eigi konúngi. [Er þat ok vel at þeir ræki minni til, hvat þeir hafa gert⁶ þenna morgin; ok reiðst hefir Magnús konúngr um minni mótgerðir, en drepinn se hirðmaðr hans af þeim Mörfjöndunum⁷. •

19. En er þíngit var sett, þá stóð upp Sigurðr ullstreingr ok mælti: Þat ætla ek at flestir menn munu vita, at veginn er lögunautr várr, Gjafaldr; kom maðr af Íslandi utan, ok þóttist eiga sakir við hann, ok hafði þá atferðina at hann veitti honum

1) Þannig A. þó at, H. 2) Þannig H; seggr hinn, A. 3) svari, H. 4) brúðr, H. 5) Sóni, H. 6) Þannig H; Væri þat ok vel at þer rækt minni til, hvat þeir hefði gert, A. 7) mannfjandunum, H.

þegar banasár, en leitaði eigi eptir bótum, sem öðrum mönnum er títt; mun oss svá sýnast, konúngsmönnum, at lítið mun fyrir þykkja at bleðja af hirð konúnga, ef þessa skal hafa atförina, at höggva niðr hirðina; má vera at þeir láti svá ganga allt at höfðinu, ok þyrmi eigi heldr konúnginum en öðrum mönnum. Nú ero slíkt mikil endimi, ok stórrefsínga vert, ok er eigi at bættu, þótt þar se 10 drepnir af íslenskum mönnum, sem einn er af vörum mönnum; ok hegna þeim svá sína ofdirfð, at taka menn ör konúnga valdi. Síðan þagnaði hann. Þá stóð upp Teitr biskupsson ok mælti: hvárt vill konúgr leyfa mer at tala eyrindi? Konúgr spurði mann, er stóð hjá honum: hverr er sjá maðr? segir hann. Hann svarar: herra! þat er Teitr biskupsson. Konúgr mælti til Teits: fyrir eingan mun vil ek þer leyfa at mæla, þvíat öll þín orð, þau er þú mælir, munu mikit spilla, ok væri makligt at ör þer væri skorin túngan. Þá stóð upp Jón prestur Ögmundarson ok mælti: vill konúgr leyfa mer at mæla nokkur orð? Konúgr spurði: hverr mælir nú? Maðrinn svarar: prestrinn sá hinn íslenzki, hann Jón. Konúgr mælti: leyfa vil ek þer at tala. Þá hóf Jón prestur svá sitt mál: Guði er þat at þakka, at löndin ero kristin orðin, Noregr ok Ísland, þvíat áðr óðu¹⁾ saman menn ok fjandr, en nú geingr fjandinn eigi svá djarf-

¹⁾ óðu eðr óð A; óð, H; óðu, R.

liga í sýn við menn; fær hann nú menn til at bera (framm) sín eyrindi, sem skamt er á at minnast, at fjandinn mælti fyrir munn þessum, er nú talaði; var fyrst veginn maðrinn einn, en síðan fýsti hann, at drepa skyldi 10; ok þat hygg ek at slíkir menn muni mest atvinna í sinni illgirnd ok vándum fortölum, at eyða réttlæti ok miskunn ok öðrum góðum síðum höfðingjanna, en hvetja þá ok hvessa til grimdar ok glæpa, ok gleðja svá fjandann í kristinna manna drápi. En jafnt erum ver, herra konúngr! þínir þegnar, sem þeir er her eru innanlands; skyldu þer at því hyggja, er settir erut her í heiminum höfðingjar ok dómendr yfir fólkinu, at þer berit merking þess dómmandans, er koma mun at efsta dómi, at dæma alla veröldina. Nú mún yðr, herra! mikit viðliggja, at þer dæmit rétta dóma en eigi ránga; þvíat til hvers þings ok móts kemr sjálf almáttigr guð ok hans helgir menn, vitjar guð góðra manna ok réttra dóma; svá kemr ok fjandinn ok hans árar at vitja vándra manna verka ok rángra dóma; ok utan ef mun sá dómandi koma um síðir, er alla hluti mun rétt dæma. Hyggit at nú, herra konúngr! hvârr eldrinn mun vera heitari ok lángærri, sá lagðr er í eikistokkiun, er gjörr er um ofninn, eðr hinn sem kveiktr ér í þurru limi. Nú ef þú, konúngr! dæmir ránga dóma, þá mun þer orpit í þann eldinn er í eikistokkinn er lagðr, en ef þú dæmir rétta

dóma, eptir þínu viti, þá er þó vãn at þú skír-
ir þik í hreinsanareldi, þeim er af þurru limi
er gjörr. Svà lauk Jón prestur sinni ræðu. Þá
mælti konúgr: strítt hefir þú talat, prestur; en
ekki fannst¹ þat á, at hann reiddist mjök við. Þá
stóð upp Gisl ok mælti: villtu leyfa mer, kon-
úgr! at tala lítið eyrindi? Konúgr spurði, hver
nú mælti. Honum var sagt. Eigi vil ek banna,
segir konúgr. Gisl mælti: þá tek ek þar til
máls, er faðir minn var veginn; vāru at því
verki Gjafvaldr ok Þormóðr, þá var ek 6 vetra
gamall, en Þorvaldr bróðir minn 9; vārum við
þar viðstaddir, er faðir minn vāf drepinn. Þá
mælti Gjafaldr, at okkr bræðr báða skyldi drepa,
en eigi er karlmannligra frá at segja, herra!
at þá var grátraust í kverkum mer. Konúgr
mælti: dreingiliga hefir þú þá grátraust á brott
fært. Gisl mælti: þat er satt at segja, herra!
at ek hefi leingi í vār setit um Gjafald, ok þá
tysvar, er mer gáfust helst færi á, virða ek til
kirkjuna í annat sinn, er þetta verk fōrst fyrir,
en í annat sinn lēt ek standa fyrir nónhring-
ing, ok virði ek svā, at því gæfi nónhringingin
mer nú líf; en kvæði hefir ek ort um yðr, ok
vildi ek hljóð hafa. Konúgr mælti: kveð þú,
ef þú vill. Hann flutti kvæðit skōruliga, en ekki
var þar mikill skāldskapr í því kvæði. Síðan
mælti Gisl til Teits: þer hafit sýnt við mik mik-
inn manndóm, en nú vil ek eigi leggja yðr í

¹) fann, H.

hættu leingr, vil ek ganga á vald Magnúss konúngs, ok færa honum höfuð mitt. Gjör nú sem þú vill, segir Teitr. Tók Gisl þá af ær vöpnin, gekk yfir mótfjalirnar, ok lagði höfuð sitt í knè konúngi, ok mælti: gerit nú slíkt af höfði mínu, sem yðr sýnist, kann ek þökk ef þer ylit gefa mer, ok gera mik at slíkum manni, sem yðr sýnist fallit. Konúngr svarar: ráð sjálfir höfði þínu, en gakk inn til borðs í rúm Gjafalds, [tak þar vist ok drykk, ok halt slíka þjónostu, sem hann hefir haft áðr¹; geri ek þetta mest fyrir bæn Gjafalds vinar míns. En nú gangi 8² íslenzkir menn til festu; en ek geri fyrir víg Gjafvalds 16 merkr gulls; skal gefast upp helmíngir fyrir³ sakir, en sína mörk gjaldi hverr yðvar festumanna. Þeir þökkðu konúngi, ok sættust at því. Þá mælti konúngr til Jóns prests: vel virðist mer þitt formæli, hefir þú af guðs hálfu talat; vildi ek gjarna vera undir þínum bænum, þvíat þær munu mikit mega við guð, þvíat ek trúi at saman fari guðs vili ok þinn. Hann játti konúngi bæn sína. Ok einn dag, er Jón prestr gekk at stræti, mælti maðr til hans; gakk inn í herbergit, Sigurðr ullstreingr vill finna þik. Hann gerði svà. Sigurðr mælti: eigi veit ek, prestr! nema orðin þín hafi bitit mik, þvíat ek er sjúkr, ok vildi ek at þú sýngir yfir mer. Hann gerði svà ok signdi hann. Þá mælti Sigurðr: mikit mega

¹) vinar vors, H. ²) H sýnist hafa: 10. ³) þínar b. v. H.

orð þín, bæði hörð ok góð, þvíat nú er mer gott. Sigurðr gaf Jóni presti góðar-gjafir, ok skildust þeir vinir. Þessi Sigurðr lét fyrst setja múnklífi í Niðarhólmi¹, ok gaf þartil stórar eignir. Eptir þetta fóru þeir til Íslands, Jón prestur ok Teitr biskupsson; gerðist Teitr ágætr maðr, ok varð skammærr; en Jón prestur varð biskup at Hólum, ok er nú sannheilagr.

20². Nú er þar til at taka, sem fyrr var fráhorfit, at Magnús konúngr bjó ferð sína ör landi; hafði hann með ser son sinn, er Sigurðr hét. Gisl Illugason fór með konúngi ok margir aðrir ágætir menn; hafði hann bæði mikit lið ok frítt ok góðan kost skipa; hæld Magnús konúngr her þeim vestr um haf, fyrst til Orkneyja. [Hann tók höndum jarlana Pál ok Erlend, ok sendi þá báða austr til Noregs, en hann setti eptir til höfðingja yfir eyjunum Sigurð son sin, ok fékk honum ráðuneyti³. Þess getr Þorkell hamarskáld, at Magnús konúngr fór vestr um haf:

Vestr lét varga-nistir

(vann hilmir frið⁴ bannat)

(hrönn brutu hlýrin⁵ stinnu)

hugprúðr fóru⁶ snúðat.

Magnús konúngr hafði með ser ör Orkneyjum sonu Erlends jarls, Magnús ok Erlíng⁷, [ok Há-

¹) Niðarósshólmur, H. ²) Hér koma til aprt M, Hk. ³) u. í H, M, E, en finnst í Hk. ⁴) lið, H. ⁵) stýri en, H, hlýr en, M; hlýr enn, E. ⁶) þannig M; fóru A, E; fævr, H. ⁷) Hallend eðr Hællend, H.

on Pálsson¹, ok mikit lið annat²; hélt hann öllum her sínum til Suðreyja: en er hann kom þar, tók hann þegar at herja; brenna bygðir, en drepa mannfólkit, ok ræna, hvar sem þeir fóru; en landslýðr flýði víðsvegar, sumir upp á Skotland eðr inn í fjörðu, sumir suðr á Satri eðr til Írlands; sumir gengu til handa Magnúsi konungi ok þágu grið. Vann hann fyrst Ljóðhús, ok brendi þá bygð; þarnæst herjaði hann [í Ívist³, brendi þar ok rænti fe öllu. Svá segir Björn hinn krepphenti:

Læk of Ljóðhús fíkjum
limsorg óð⁴ nær⁵ himni,
vitt var⁶ ferð á flóitta
fús, gaus eldr ör húsum⁷:
örr skjöldúngur fór eldi
Ívist⁸, búendr mistu
(róggeisla vann ræsir
rauðan) lífs ok auðar.

Síðan herjaði hann á Skíði, ok eptir þat vann hann eyjarnar Tyrvist⁹ ok Myl, sem Björn segir:

Húnger-þverrir lét herjat
hríðar-gagls á Skíði¹⁰,

1) v. í M. 2) *Vísuhelminginn* og þessar línur v. í Hk. 3) þannig A, H. 4) H, v. í A, Hk. 5) nærri, Hk af getgátu útgefaragna. 6) varð H; bar, Hk. 7) Þenna *vísuhelming* v. í M, er þar nokkut umbreytt ríð þessara atburða; tekr konungur þar fyrst Ljóðhús, þá "Scið," þá Tyrvist og Ívist, en ekki nefnist þar enn Myl. 8) þannig H, A; í vist, A, Hk. 9) Tyrlist, H. 10) M tengir herved 2 seinustu vísuorð í þessum kap: en sleppir hér því sem eptir er af þessari vísu; þykir þat rúngt, þaræð ekki er ennþá getit Munar í textanum.

tönn rauð Tyrvist¹ innan
 teitr vargr² í ben margri:
 grætti³ Grænlands drottinn
 (gekk hátt Skota-sökkvir⁴)
 (þjóð rann rhylsk⁵ til mæði⁶)
 meyjar suðr í eyjum⁷.

Magnús konúgr kom með liði sínu í eyna Helgu, ok gaf grið ok frið öllum mönnum, þeim er þar voru, ok allra manna varnaði. Þat segja menn at Magnús konúgr lyki upp Kolumkilla⁸ kirkju hina⁹ litlu, ok gengi (þar) eigi inn; lauk hann þegar hurðina í lás, ok mælti at eingi maðr skyldi vera svá djarfr, at þar gengi inn, ok hefir sú kirkja aldri verit upplokin síðan. Þá lagði Magnús konúgr liði sínu [til Ílar¹⁰; herjaði hann þar ok brendi; [en er hann hafði vunnit þat land, þá fór hann suðr undir Satíri, ok herjaði þar á bæði lönd, upp á Skotland ok út á Írland, fór hann svá herskildi allt suðr til Manar, ok herjaði þar sem annarsstaðar¹¹. Svá segir Björn:

Vítt bar¹² [snarr á¹³ slætta
 Sandey konúgr randir;
 rauk um Íl, þá er jóku
 alvalds menn á brennur;
 [Satíris hnè sveitar¹⁴

1) Tyrfvist, H. 2) vargr, Hk. 3) grætti, M. á öðrum stað seinna. 4) þannig A; skukkvir eðr savkkvir A; sóknir, H; stökkvir, M. 5) mulsc, M. 6) mæði, M. 7) eyjar, M. A. 8) Kolumba, Hk. 9) enni, H, Hk. 10) út á Mulsc, M. 11) v. í M. 12) berr, M. 13) snjallr of, Hk. 14) Sauntírl laut sunnur, Hk.

seggja-kind und eggjar;
 sigrgæðir ræð síðan
 snjallr Manverja falli¹.

21. Lögmaðr² hét son Guðrauðar Suðreyja-konúngs. Lögmaðr var settr til landvarnar í Norðreyjum³. En er Magnús konúgr kom til eyjanna ok herjaði, þá flýði Lögmaðr higat ok þagat um eyjarnar; en at lyktum gátu menn Magnúss konúngs tekit hann með skipsögn⁴ sína, þa er hann vildi flýja út til Írlands; lét konúgr hann í járn setja ok hafði í gæzlu, sem Björn segir:

Hætt var hvert þat er átti
 hvarf Guðrauðar arfi,
 lönd vann, lofðúgr þrænda
 Lögmanni þar bannat
 nýtr⁵; lét nesjum utar
 naðrs-bíng-töpuð fenginn
 Egða-gramr þar [er umdu⁶
 úngr vèttrima túngur.

Þess getr ok Gisl Illugason, at Magnús konúgr rak hernað um eyjarnar, ok tók höndum Lögmann⁷, ok hafði í sínu valdi; hann kvað:

Tók fyrir⁸ Skíði,
 en Skotar flýðu,
 jöfra ægir⁹

¹) Ístaðinn fyrir þenna víshelming hefir M hærvið tengt grætti Grænlands drottinn o. s. fr., sjá bls. 42 ²) Lavgmaðr eðr Lavghmaðr H. ³) Suðreyjum, H. ⁴) skipshöfn, H. ⁵) þannig M, Hk; nýt, A; nýtt, H. ⁶) eirðu, H. ⁷) við Skorpu, b. v. E. ⁸) á, M, E. ⁹) ægi, M.

Ívistar gram¹:
 hafði fylkir,
 [sá er framm² tæði,
 Lögmenn konung³
 í liði sínu⁴.

22. Síðan hélt Magnús konungur liði sínu til Bretlands, ok lagðist í Aungulseyjar-sund⁵. Þar kom í mót honum herra mikill af Bretlandi⁶. Ræðu fyrir því liði jarlar tveir, Hugi hinn þrúði ok Hugi hinn digri. Þeir [voru báðir⁷ valskir at ætt. Svá segir Gisl:

Ættlöndum vann
 [eyja-dróttar⁸
 fólkvörðr und sik
 fjórum þrúngit,
 áðr en hitti,
 sá er hamalt fylkti,
 vedr-smiðr Viðurs
 valska jarla⁹.

Jarlarnir lögðu þegar til orrostu¹⁰; varð þar hinn snarpasti bardagi; svá segir Gisl, ok hrósar því at hann var í þessi orrostu með Magnúsi konungi:

Háðum hildi
 með Haralds frænda

1) þannig H; gramr, M; gra, A. 2) sá frami, H; sá er frami, M. E. 3) konungur, H. 4) þessa vísu v. í Hk. 5) ok herjar þar á bæði lönd upp á Bretland oc út (á) Aungulsey, b. v. M. 6) H, einnig A, lagfært fyrir Englandi. 7) hræðr voru. H. 8) eyjar drottinn, H; eyja drottinn, E, M. 9) Visuna v. í Hk. 10) þeir sábyrpo saman sciponom, gengu þar lúprar með ópi, b. v. H.

Aunguls við ey
 innanverða¹:
 þar er af reiði
 ríkis vendir
 konúngr ok jarlar
 kapp sitt brutu².

Gerðu Nörðmenn í fyrstu allharða skothríf.
 Hugi hinn prúði var albrynjaðr, svá at ekki var
 bert á honum nema augun ein. Magnús kon-
 úngr skaut af handboga, ok annar maðr há-
 leyskr er stóð hjá honum. Þeir skutu báðir senn
 at Huga hinum prúða, kom önnur örin í nef-
 björg hjálmsins, ok lagðist nefbjörgin fyrir út
 af annanveg. Svá segir Gisl:

Margan höfðu
 Magnúss liðar
 björtum oddi
 baugváng skorit³:
 varð hertoga
 hlíf at sprínga
 káps vel skipuð
 fyrir konúngs darri⁴.

Annat skotit kom í auga jarlinum; flaug þat
 aptr í gegnum höfuðit, ok út um hnakkann, ok
 var þat konúnginum kent af flestum mönnum,
 sem Björn segir:

Lífspelli ræð laufa-
 lundr í Aunguls-sundi;

¹) þannig E, H, M; sunnan, A. ²) Vis. v. í Hk. ³) skot-
 it, H. ⁴) þannig líka M, án orðamunar, víð. v. í Hk, en
 finnet í E.

broddr fló, þar slög snuddu¹,
 snúðigt [Huga hins² prúða:
 öll hefir Jóta fellir
 eylönd farit brandi;
 vítt liggr dygs und³ dróttum
 döglíngs grund um⁴ stundir.

Þat segir ok berliga Þorkell hamarskáld, at
 Magnús konúgr hafi veitt jarlinum bana, þótt
 Gisl þykki hinsig⁵ ei sðr tilvísa⁶ í sinni vísu,
 þeirri sem áðr er rituð. Þorkell kvað:

Dundi broddr á brynjur⁷,
 bragnígr skaut af magni,
 sveigði allvaldr⁸ Egða
 álm, stökk blóð á hjálma,
 streings fló hagl á hringa,
 hnè ferð, en lét verða
 Hörða-gramr í harðri
 [hjarlssókn⁹ banat jarli.

Þar fèll Hugi jarl hinn prúði ok allmikitt lið
 af Bretum, þvíat Magnús konúgr skaut all-
 ákaft, ok allr hans herr barðist hit fræknligsta,
 sem Gisl segir:

Böðkennir skaut
 báðum¹⁰ höndum,
 allr vá hilmis
 herr prúlliga:
 stukku af álmi,

¹) snúðu H; en snuddu, M. Hk. ²) Hugans, M. ³) fyrir, H. ⁴) of, Hk. ⁵) hinnveg, H. ⁶) tilyrkja, H. ⁷) brynju, M; Hk. ⁸) H, M; allvald, A. ⁹) hjarl skavll, H. hjarl sókn, M, Hk. ¹⁰) bæðom, M; en báðom, E.

þeims jöfurr sveigði,
hvítmýlingar,
áðr Hugi fèlli¹.

Flyðu þá allir Bretar, þeir er eptir lifðu, fékk Magnús konúgr mikinn sigr í þessi orrostu. Hann eignaðist þá Aungulsey, svá sem hinir fyrri Noregs konúgar höfðu eignast ríki leingst suðr. Aungulsey er þriðjúngr Bretlands.

23. Eptir þessa orrostu sneri Magnús konúgr aptr liðinu, ok hæld fyrst til Skotlands; þá fóru menn milli þeirra Melkólms² Skotakonúgs, ok gerðu þeir sætt milli sín, með því móti at Magnús konúgr skyldi eignast allar eyjar fyrir vestan Skotland, þær er fara mætti stjórnföstu skipi í milli ok meginlands. Magnús konúgr lagði skip sín sunnan at Satíri. Þá lét hann draga skútu yfir Satíriseið, ok leggja stýri í lag. Konúgr sjálfr settist í lypting, ok hæld um hjálmunvöl, ok eignaðist svá land allt, þat er lá á bakborða. Satíri er mikit land, betra en hin bezta ey í Suðreyjum nema Mön. Þar er eið mjótt í milli ok Skotlands, svá at þar eru opt dregin skip yfir. Magnús konúgr fór þaðan til Suðreyja, [en sendi menn sína í Skotlands-fjörðu³, ok lét þá róa með öðru landi inn en öðru út, ok eignaðist hann svá allar eyjar [fyrir vestan Skotland⁴, bæði bygðar ok úbygðar. [Þar voru þá með Magnúsi konúgi

¹) Vís. v. í Hk. ²) Melkólfs, H; Mælkólfs, Hk. ³) fyrir vestan Skotlandsfjörðu, H. ⁴) v. í H.

margir lendir menn af Noregi, er honum höfðu fylgt austan um sumarit, Viðkunnr Jónsson, Sigurðr Hranason, Serkr ör Sogni, Dagr Eilífsson, Skofti ör Gizka ok synir¹ hans Ögmundur ok Finnir (ok) Þórðr²; Eyvindr olbogi, stallari konúngs, Kali³ af Ögðum Sæbjarnarson, Þorleifssonar hins spaka, er Hallfróðr meiddi, ok Kolr son hans. Kali⁴ var spekingr mikill ok orti vel. hann var kær konúngi. Kali hafði fengit sár mörg ok eigi mjök banvæn í bardaganum í Aungulseyjar-sundi.

24. En er Magnús konúngr kom til Suðreyja um haustit, þá gerði hann þat bert (fyrir liðinu), at hann myndi þar sitja um vetrinn, en leyfði þeim mönnum heimför, er honum þótti mest nauðsyn á vera. En er liðsmenn vissu þat, þá kurrðu þeir illa um brottvist sína, ok gerðust heimfúsir. Konúngr átti þá tal við ráðuneyti sitt, ok sá yfir sár manna; þá fann hann Kala, ok frètti eptir sárum hans; hann kvað lítt gróa, ok lèzt eigi vita til hvers draga myndi. Konúngr leitaði ráða við hann. Kali mælti: er eigi þat nú, herra! at á brott skjótist vinir yðrir, fleiri en þer hafit orlof tilgefitt? Konúngr kvaðst ætla at eigi mun þat vera. Kali bað hann eiga vâpnastefnu, ok kanna⁵ svâ lið sitt. Konúngr gerði svâ, saknaði hann þá margra manna, ok sagði Kala. Kali kvað þá vísu:

¹) H; son, A. ²) H; v. í A. ³) Þannig H, einnig A
seinna, en hér Karl. ⁴) Þannig H; Kolr, A. ⁵) H; kannaði, A.

Hve launa þer¹ þínir
[þingrikir höfðingjar²?
vestr bifast rengr³ í röstum⁴,
reyndu oss jöfurr hnossir.

Þá svarar konúgr:

Auð hefig minn, þann⁵ mönnum
margteitum ræð ek⁶ veita,
(húf læt ek klökkvan klífa
kólgur) illa fólgið.

Eptir þar hélt Magnús konúgr vörð á, at menn
hans skytist eigi frá honum⁷. Þess getr Gish,
at þeir menn sigldu austr til Noregs um haust-
ið, er Magnús konúgr gaf orlof til heimferðar:

Hofða seggir,
þá var sókn lokit,
heimför þegit
af⁸ höfuðsmanni;
landsmenn litu
ýfir⁹ liði göfgu
segl sjá-drifin
sett við hma¹⁰.

Magnús konúgr fékk til handa Sigurði, syni
sínum, Bjaðmynja, dóttur Myrjarkjak¹¹ þjálf-
sonar, konungs af Kunnaktum¹² á Írlandi, [var

1) u. í H. 2) þingmæltir dýrlingar, M. 3) rang,
H. 4) H, M; röstum, A. 5) M; þann er, A. 6) u. í
H. 7) Niðrlag fyrirfar. kap. og byrjun þessa frá orðunum
bygðar ok úbygðar og hertil u. í M, Hk, að undanteknum vísunum,
sem M smeygir inn seinna. 8) at, M. 9) um, M. 10)
húna, M; Vísuna u. í Hk. 11) Myrjarkak, H, Myrjarkak,
Hk. 12) Kunnactum, H; Kunnoktum Hk.

50. SAGA MAGNÚSS BERFÆTTS. 24-25. K.

Sigurðr þá 9 vetra, en mærin 5 vetra. Þann sama vetr, er Magnús konúgr var í Suðreyjum, andaðist Kali Sæbjarnarson af sárum¹.

25. Um vârit snemma fór konúgr ör Suðreyjum fyrst til Orkneyja; þá frëtti hann austan af Noregi andlát jarlanna; hafði Erlendr jarl andazt í Niðarósi, ok var þar jarðaðr, en Páll í Björgyn. Þá gipti Magnús konúgr Gunnhildi, dóttur Erlends jarls, Kol Kalasyni í föðurbætr, ok fylgdu henni heiman eignir í Orkneyjum ok bú í Papey². At brúðlaupi sínu gerðist Kolr lendr maðr Magnúss konúgs, sem faðir hans hafði verit; síðan fór hann austr til Noregs með konúgi ok heim á Agðir með konu sína, ok settist at búum sínum. Magnús konúgr setti Sigurð son sinn höfðingja yfir [öll ríki, þau³ er hann hafði vunhit undir sik fyrir vestan hafit, ok gaf honum konúgsnafn⁴,

1) v. í Hk; en M kemst hér svá at orði: Magnús konúgr hafði eptirlátit í Orkneyjum Erling, son Erlenz jarls, en Magnús bróðir hans hafði hlaupiz frá konúgi it fyrra sumarit ok til Scotakonúgs, ok voro leystir sporhundar í æcóginn, ok þegar villtisc þeim vegr. Oc er Magnús konúgr var staddr í Orkneyjum, þá sendi Melkólmr Scotakonúgr dóttur sína út til Orkneyja Magnúsi konúgi, til settar við hann: en Magnús konúgr gaf hana Sigurpi syni sínom, ok var hann þá 9 vetra, en mærin 5 vetra. 2) Vapey, H. 3) öllum ríkjum, þeim, H; Orkneyar ok Suðreyar, Hk. 4) ok féce hann í hönd Hákonar jarls Pálssyni frænda sínom til ásjá, ok þeim Erlingi Erlenzsyni við styrc þeim, er Sigurpr konúgr hafði af því ríki, er hann var ífir settur, ok var með þvílíkom hætti hundin sætt ok víuátt milli Magnúss konúgs ok Melkólms konúgs, föður Davíð konúgs, er var í Scotland eptir föður sinn, b. v. H; ok fékk hann í hendr Hákonar Pálssyni frænda sínum, b. v. Hk.

en Magnús konúgr fór um sumarit austr til Noregs með liði sínu; fengu þeir í hafi storm mikinn ok stóran sjá, svá sem Gisl segir:

Vágr þrútnaði,
en vefi keyrði
steinóðr á stag
storðar-galli:
braut dýrr dreki
und Dana skelfi
hrygg í hverri
hafs glymbrúði¹.

Her segir at Magnús konúgr hafði dreka mikian ok allvel búinn, er hann sigldi vestan, var þessi ferð hin vegligsta. Svá segir Gisl:

Blár ægir skaut
búnum svíra
gjálfr hljóp í gin
gollnu höfði:
skein af hausum²
sem himins-eisa
döglings dreka
djúps valfasti³

Skofti Ögmundarson⁴ var lendr maðr ágætr í Noregi; hann bjó í Gizka á Sunnmæri. Hann átti Guðrúnu, dóttur Þórðar folafóts⁵. Börn þeirra voru Ögmundur ok Fianr, Þórðr ok Þóra,

¹) Líka *M* án orðamunar, en í *Hk* v. *visuna*. ²) Þannig *H*, *M*; höfðum, *A*. ³) *Vis.* v. í *Hk*. ⁴) Þorbergssonar, b. v. *Hk*. ⁵) Folasonar, sem bar merki Ólafs konunga á Sticklestöðum, er hann féll, *Hk*.

er átti Ásólfir Skúlason. Synir þeirra Skofta voru hinir mannvænligstu ok vinsælstu. [Allir þeir feðgar höfðu farit vestr um haf með Magnúsi konúngi, sem áðr er sagt, ok komu áptr í land með honum¹.

26. Steinkell Svía-konúngr andaðist nær falli Haraldanna², en Íngi son hans³ var konúngr í Svíþjóð, þá er Magnús var konúngr yfir Noregi. Íngi var góðr konúngr ok ríkr, allra manna mestr ok styrkastr. Magnús konúngr taldi þat verit hafa landaskipti at fornu, at Gautelfr hefði skilið ríki Noregs-konúngs ok Svía-konúngs, en síðan vatnit Vænr⁴ til Verma-lands. Taldist Magnús konúngr eiga alla bygð, þá er liggr fyrir vestan Væni, en þat var Sunndalr ok Norðdalr, Vear ok Jardyngjar⁵ ok allar markir, þær er þar liggja til; en þat hafði þá lánga stund legit undir Svíakonúngs veldi ok til Gautlands vestra at skyldum; ok markamenn vildu vera undir ríki Svíakonúngs þá sem fyrrum. Magnús konúngr reið ör Vík-inni uppá Gautland; hann hafði mikit lið ok frítt; en er hann kóm í markbygðina, herjaði hann ok brendi, ok fór svá um allar bygðir. Gekk þá allt fólk undir hann, þar sem hann fór, ok sór honum hlýðni; vann hann undir

¹) v. í Hk, en allt frá vísunni v. í M. ²) Hákon hét á konúngr, er næstr var í Svíþjóð eptir Steinkel konúng, b. v. Hk. ³) Steinkels konúngs, Hk. ⁴) Þannig H; Vænr, A venjula, þó eigi alltaðar. ⁵) Værbýngjar, M; Værbýngjar, Hk.

sik í þeirri ferð mikit ríki af Gautum ok mörg
heruð. Svá segir Gisl Illugason:

Framdist síðan
á Svíadrottni
austr frá¹ Elfi
Upplanda-gramr;
liðskelfir tók
ör lögum² Gauta,
fimmtán heruð
fránni eggju³.

Þessa hernaðar getr Þorkell hamarskáld í Magn-
ússdrápu:

Hraustr lét Elfi austarr⁴
alvaldr saman gjalla
(vitr stillir rauð völlu)
valskan brand ok randir:
verða⁵ víg þar er herðir⁶
vellmildr⁷ konúngr fèllu
bolr⁸ lá gauzkr und gulri⁹
gras arnarkló þrasi¹⁰.

En er Magnús konúngr kom til Vænis, þá leið
á haustið. Þá fóru þeir út í Kvaddíngsey¹¹, ok
gerðu þar borg af torfi ok viðum¹², ok grófu
dík um. En er þat virki var gert, þá var til-
flutt vist ok (önnur) faung, þau er þurfti. Kon-
úngr setti þar til gæzlu 3 hundruð manna, ok

¹) víp, *M.* ²) lið eðr kannske landi, *H.* ³) *Vís. v.*
í Hk. ⁴) aulfar, *H.* ⁵) verða, *H.* ⁶) gjörði, *H.* ⁷)
þannig *H, M;* vellmildr, *A.* ⁸) þannig *H, M;* bolar, *A.* ⁹)
golri, *M.* ¹⁰) *Vís v. í Hk.* ¹¹) Einnig, þó óglögg, *H;*
Kvaldínsey, *Hk.* ¹²) grjóti, *H.*

voru þar höfðingjar fyrir Finnr Skoptason ok Sigurðr ullstreingr, höfðu þeir hit fríðasta lið, en konúngr sneyri þá með [sumt liðit¹ út í Vikina. En er Svíakonúngr spurði þetta, þá dró hann her saman, ok fóru þau orð um, at hann myndi ofan riða, en þat frestaðist um hríð. Þá kváðu Norðmenn þetta:

Alleingi dvelr Íngi

ofanreið, hinn þjóbreiði.

En er ísa lagði á vötn, þá reið Íngi konúngr ofan, ok hafði nær 30 hundraða manna. Hann sendi orð Norðmönnum, þeim sem í borginni voru, bað þá brott fara, ok aptr til Noreg², með allt herfáng þat er þeir höfðu; ok er sendimenn báru þeim konúngs orð, þá svaraði Sigurðr ullstreingr, at Íngi konúngr myndi öðru verða við at koma, en vísa þeim í brott í haga sem hjörð, ok kvað hann nær myndu áðr gánga verða. Sendimenn báru slík orð aptr til konúngs. Þá reið Íngi konúngr út á eyrna með allan herinn. Þá sendi hann öðru sinni menn til Norðmanna, bað þá brott fara, hafa vöpn sín ok klæði ok hesta, en láta eptir annat ránfe. Þeir [neittuðu þessu³. Síðan veitti konúngr þeim atgaungu, ok skutust þeir á. Þá lét konúngr bera til víðu ok torf, ok fylla díkit. Því næst lét hann taka akkeri, ok dreingja³ við ása lánga, ok bera þat upp á timbrveggina, ok draga svá í sundr. Þá voru ok gerfir eldar

¹) lið sitt, H. ²) neittu því, H. ³) binda, H.

stórir, ok skotit logandi bröndum at þeim. Þá báðu Norðmenn griða. Konúngr bað þá útganga vápnlauða. En er þeir gengu út, þá var hverr þeirra sleginn lurkshögg¹, fóru brott við svá búit, ok heim í Noreg; en allir Marka-menn snerust til sætta ok aptr undir Sviakon-úng. Norðmenn fóru á fund Magnúss kon-úngs, ok sögðu honum sem farit hafði með þeim Ínga konúngi.

27. Þegar er váraði, ok ísa leysti, fór Magnús konúngr með liði sínu austr til Elfar, ok hēlt upp eptir hinn eystri kvísl, ok herjaði víða um veldi Sviakonúngs. En er hann kom þar, sem Foxerni² heitir, þá gengu þeir á land upp frá skipum. Ok er þeir komu yfir á eina³, þá er þar verðr, þá kom móti þeim herr Gauta, ok varð þar orrosta mikil; vurðu þá Norðmenn bornir ofrliði, ok sneru á flótta, ok var áðr drepit mart manna af þeim⁴. Magnús konúngr flýði, ok allir hans menn; Gautar fylgdu þeim, ok drápu hvern sem þeir náðu. Konúngr var auðkendr, manna mestr, ok hafði rauðan hjúp yfir brynju, hárit silkibleikt, er féll á herðar honum aptr. Ögmundr Skoptason reið á aðra hlið konúngi, hann var ok manna mestr ok fríðastr; hann mælti: gef mer hjúpinn, kon-úngr! Konúngr svarar: hvat skal þer hjúprinn⁵? Ek vil hafa, segir Ögmundr, gefit hefir þú mer

¹) limahögg, *Hk.* ²) Voxerni, *M.* ³) *H*; eyna, *A.* ⁴) við forð einn, *b. v. Hk.* ⁵) segir hann, *b. v. H.*

stærrum. Þar var svá háttað landslegi, at þar voru víða vellir sléttir, ok sá þá ávalt hvárir aðra, Gautar ok Norðmenn. Þá voru enn skógarkjörri ok kleifar nökkurar, ok fal þá sýn í milli þeirra. Þá fèkk konúgr Ögmundi hjúpinn, ok fór hann í. Síðan fóru þeir framm á völlum. Sneri þá Ögmundr ok hans sveit þvers annan veg frá liðinu. En er Gautar sá þat, þá hugðu þeir, at þar færi konúgr, ok riðu þagat allir eptir. Reið konúgr leið sína til skipa, en Ögmundr dró nauðuliga undan, ok kom þó heill til skips. Hèlt Magnús konúgr þá ofan eptir ánni, ok síðan norðr í Víkina¹.

28. Sá maðr kom til Magnúss konúgs, þá er hann var í Víkinni, er Gíffarðr² hét, hann kvaðst vera góðr riddari³. Konúgr tók vel við honum. Gíffarðr var valskr at ætt ok eðli. Þá bjóst Magnús konúgr at ríða uppá Gautland; þvíat hann þóttist þar eiga ákall⁴, at gjalda Gautum þann svaðil, er hann þóttist farit hafa fyrir þeim um vârit. Þá hafði hann mikit lið. Gengu þá Vestrgautar undir hann um hinar nyrðstu⁵ bygðir. Síðan settust þeir við landamæri, ok bjuggu í tjöldum, ætluðu þaðan til áreiðar. Íngi konúgr frá þat, safnaði hann þegar liði, ok stefndi á fund Magnúss konúgs.

¹) Þenná kap. v. í M. ²) Gíparðr, Hk. ³) M getr í öndu. 26. kap. um komu þessa riddara ok burtför, er þar yfir höfuð efninu öðruvísið niðrtráðat ok styttra frásagt. ⁴) tilkall, H. ⁵) næstu, H.

En er Magnúsi konúngi kom njósn um ferðir hans, þá eggjuðu liðshöfðingjar Magnús konúng at hverfa aptr, en konúngr vildi þat víst eigi, ok hèlt með lið sitt mót Ínga konúngi, fyrr en hann varði á náttarþeli. Þeir fundust þar sem heitir Foxerni¹. En er Magnús konúngr skipaði liði sínu til atgaungu, þá spurði hann hvar Giffarðr væri, ok fanst hann eigi þar með liðinu. Þá mælti konúngr:

Vill hann eigi flokk várn fylla,
falsk riddarinn valski.

Þá tók undir skáld, er var með konúngi:

Spurði gramr, hvat gerði
Giffarðr, þá² er lið barðist;
ver ruðum vápn í dreyra,
varat hann kominn þannig:
framreiðar³ var fnauði⁴
fulltrauðr á⁵ jó rauðum,
vill eigi flokk várn fylla,
falsk⁶ riddarinn valski.

Því næst tekst þar orrosta, ok sneri þegar mannfalli á Svía; þvíat þeim kom á úvart atreið Norðmanna. Magnús konúngr barðist alldjarfliga, hjó hann á trær hendr, ok reið í gegnum fylkingar Svía, svà at ekki stóð við, sem Gisl segir:

Reið fólkhvötuðr
fyrst í gegnum

¹) þar sem fyrr hafði orþit fundr þeirra konunga, b. v. M. ²) þar, M. ³) H, Hk; framreið; A; fram reip. þar, M. ⁴) frændi, H. ⁵) af, M. ⁶) falsk, H, minskrifat.

safnað¹ - Svía
 sigri hnugginn:
 málmr dreyrugr varð
 á meðal hlaupa
 hauss ok herða
 hans andskota².

Ok allir Norðmenn börðust alldreingiliga, varð
 þar hit mesta mannfall af Svíum; var Magnús
 konúgr fyrstr ok fremstr allra sinna manna.

Svå segir Gisl:

Helmerki³ blès,
 en huginn gladdist,
 fránu⁴ höfði
 feðr Sigurðar:
 þann sá ek fylki
 með frama mestum
 snörpu sverði
 til sigurs vega⁵.

Gisl vattar þat at hann var með Magnúsi kon-
 úngi í þessi orrostu ok víða annarsstaðar, sem
 hann kvað:

Fylgda ek fræknum,
 sem ek frámast kunna,
 Eysteins föður
 í atals drifu;
 opt brá ek hjörvi
 með Haralds frænda

¹) sonnut, M. ²) *Vís. v. í Hk.* ³) Holmerki, H, M. ⁴)
 H; fránum, A, M. ⁵) *Vís. v. í Hk.*

vanr vásföllum,

þar¹ vega þurfti².

29. Svá lauk þessi orrostu, at fjöldi lá eptir af Svíum, en Íngi konúgr frelstist með flóttu; fékk Magnús konúgr mikinn sigr. Þá reið Gíffarðr af landi ofan, ok mæltist eigi vel um, er hann var eigi við orrostuna, at veita Magnúsi konúgi, fékk hann ok þarfyrir illt orð ok gabb af konungsmönnum; fór hann brott ok vestr til Einglands með kaupmönnum. Þeir fengu útivist harða í hafi. Gíffarðr var liðlúill; lá hann laungum, þá er aðrir jósu. Þar var á skipi íslenzkr maðr einn, húsvíkskr at ætt, ok var þá nýkominn utan af Miklagarði; hann hét Eldjárñ. Þat var eitt sinn, þá er Eldjárñ gekk til at ausa, ok sá hvar Gíffarðr lá, at hann kvað:

Hví samir hitt at dúsa

hirðmanni geðstirðum?

vestu³ nú, þó kjöl kosti,

knár, riddarinn hári!

Þat er satt at ek býð byttu

breiðhúfuðum⁴ reiða

austr er til hár í⁵ hesti

hvaljarðar Gíffarði.

Þeir tóku Eingland, ok fór Gíffarðr þegar frá skipi til hinna næstu borgar, ok er hann fann greifa þann, er yfir var skipaðr borgina, bað

1) þars, *M.* 2) *Vís. v. í Hk.* 3) verþr, *M*; verðu, *Hk.* 4) breiðhúfóþ, *M*; breiðhúfom þer, *Hk.* 5) of, *M.*

Gíffarðr hann rétta mál sitt við Norðmann, kvað hann hafa niðdan sik í kveðskap. Greifinn var maðr úngr, ok hafði mjök nýtekit vald, en þó kveðst hann myndu líta á mál hans, eptir þeim efnum sem honum þætti tilstanda. Var þá móts kvadt, ok Norðmanni tilboðit; ok er mótit var sett, þá var uppborit fyrir greifann málit. Eldjárn kvað þat eigi satt, at hann hefði niðdan Gíffarð: mun ek enn kveða, segir hann, ef greifinn vill. Hann svarar: ek hefir enn lítt setið yfir málum¹ manna, ok þó kann ek einna sízt at skynja þat, sem þer kallit kveðit, en hvat mun varða, þótt ver heyrir. Eldjárn kvað:

Frá ek at flótta rákut²,
falsk³ annat lið manna,
þar var harðr, er ek heyrða⁴,
hernaðr á Foxerni;
varð hjálm-þrimu-herðis
hár⁵, er staddir váru⁶,
gángr, þar⁷ er gauzka dreingi
Gíffarðr í hel barði⁸.

Þá mælti greifinn: ekki kann ek í skáldskap, en þó skil ek at þetta er ekki-nið, heldr er þer, Gíffarðr! at þessu vegr ok lof, ok ekki kann ek her annan dóm á at leggja. Gíffarðr þóttist eingu kunna at svara, þvíat hann vissi

¹) molum, *M.* ²) þannig *M*; ráku, *A*; ræki, *H.* ³) falsk, *Hk*; fasc, *M*; misakrifat. ⁴) heyra, *H.* ⁵) þar, *b. v. Hk.* ⁶) víkot, *Hk.* ⁷) þá, *Hk.* ⁸) barði, *Hk.*

tilefni sín, at honum var þetta háð en ekki lof, en vildi víst eigi gera bert fyrir mönnum, hversu hann hafði farit á Foxerni. Skildu þeir við svá búit, líkaði Giffarði alhilla þessi málalok; fór hann brott.

30. Magnús konúgr fór af Gautlandi heim norðr í Noreg eptir orrostu þeirra Ínga konungs. Þessi vísa er kend Magnúsi konungi, at hann hafi kveðit til Mathildar¹ keisaradóttur:

[Ein er sú² er mer meinar,
Makthildr³, ok vegr hildi,
(már drekr suðr or sárum
sveita) leik⁴ ok teiti;
sá kennir mer svanni,
sín lönd er verr röndu,
(sverð bitu Högna hurðir)
hvítjarpr sofa lítið.

Ok enn kvað hann:

Hvat er í heimi betra
(hygg skáld á⁵ þrá sjaldan)
(mjök er lángr, sá er dvelr dreingi,
dagr) en [vífit fagra⁶:
þúngan ber ek af þingi
þann harm, er ek skal svanna
(skreytast⁷ menn at⁸ móti)
minn aldregi finna.

1) Mathildar, H. 2) Sú er ein, M. 3) Matthildr, H, Hk; Matthildr, M. 4) þannig H, M; læk, A. 5) af, M, Hk. 6) víf en fögru, M; víren fögro, Hk. 7) skreyttast, H; skreytasc, M. 8) á, M, Hk.

Magnús konúgr hafði spurt vingjarnlig orð keisarans dóttur til sín, þau er hon hafði svá mælt, at henni þótti slíkr maðr sæmiligastr, sem Magnús konúgr var. Þá kvað hann þetta:

Jörp mun eigi verpa
ormlína¹ á glæ sínum,
(orð spyr ek gullhrings Gerðar
góð) um² skáld í hljóði:
ann ek, þótt³ eigi finna⁴
opt, guðvesjar-þóptu
(viti menn at ek hygg henni⁵)
hála⁶, ræktar málum.

31. Annat sumar eptir orróstu þessa, er þeir Magnús konúgr ok Íngi Svíakonúgr áttu, var lögð konúngastefna í Elfi við Konúngahellu. Kom þartil Magnús konúgr ör Noregi ok Íngi Svíakonúgr, ok Eiríkr⁷ Sveinsson Dana-konúgr; var sú stefna bundin griðmálum. En er þíngit var sett, þá gengu konúngar framm á völlinn frá öðrum mönnum, ok töludust við litla hrið, gengu þá aptr til liðs síns; var þá gjör sætt með þeim; skildi hverr hafa þat ríki, sem áðr höfðu haft feðr þeirra, en hverr þeirra höfðingjanna skyldi bæta sínum undir-mönnum mannskaða ok rán⁸. Þá fastnaði Íngi konúgr Magnúsi konúgi Margrétu, dóttur sína; [skyldu henni heiman fylgja jarðir þær í Gaut-

¹) seinasti bókt. er óskir í A; ormlinnz á glæ sinni E, A; arm-lín, Hk. ²) þannig M, Hk; mun, H; tinn, A. ³) ec, b, v. M. ⁴) finna, H. ⁵) heunar, Hk. ⁶) hál á H; hæla, E. ⁷) Eiríkr, H, Hk. ⁸) en hverr þeirra síðan jafna við annan, b. v. Hk.

landi, er þeir höfðu áðr deilt um¹. Hon var síðan kölluð Friðkolla. Þat var mál manna, at eigi hefði sèt 3 menn höfðingligri, en þessir voru. Ingi konúgr var þeirra elztr, mestr ok þrekligastr, ok þótti hann [öllum einna formannligastr², [en Magnús konúgr skörugligastr ok skjótligastr, en Eiríkr konúgr var einna fegrstr³; en þó voru þeir allir orðanjalir, fríðir sýnum ok göfugligir; fór þá hverr þeirra heim í sitt ríki, ok voru vel sáttir.

32. Magnús konúgr fèkk Magrètar drottningar, var hon send austan af Svíþjóð til Noregs, ok var henni fengit vegligt föruneysi. Magnús konúgr átti áðr nokkur börn, þau sem nefnd eru: Eysteinn hét son hans, ok var hans móðerni lítið; annarr hét Sigurðr, ok var hann vetri yngri, Þóra hét hans móðir; Ólafr hét hinn þriði, ok var hann miklu yngstr, hans móðir var Sigríðr Saxadóttir ör Vík, göfugs manns í Þrándheimi, hon var fríðla konúgs. Svá segja menn, þá er Magnús konúgr kom ör-vestrvíking, at hann hafði mjök þá síðu um klæðabúnað, sem títt var í Vestrlöndum, ok margir hans menn, at þeir gengu berleggjaðir, höfðu stutta kyrtla ok svá yfirhafnir, ok kölluðu margir menn hann berbein eðr berfætt,

¹) v. í *Hk.* ²) af öllum þeim öldurmannligastr, *M.* ³) Eiríkr Danakonúgr hafði fegrsta ásjáno oc írmannligsta; en Magnús Noregs konúgr var af þessum öllum miclo karteisast ok vascligastr oc hermannligastr, *M*; einnig *H* segir seinast frá Magnúsi Noregs konúgi.

sumir kölluðu hann Magnús hinn háfa, en sumir Styrjaldar-Magnús. Hann var manna mestr ok hæstr. Mark var gert til um hæð hans á Marfukirkju í Kaupáangi, þeirri sem Haraldr konúgr Sigurðarson hafði gera látið; þar hjá norðr-dyrunum voru klappaðir á steinveggjum um krossar þrír, merkir einn hæð Haralds konúgs, annarr hæð Ólafs konúgs sonar hans, þriði Magnúss konúgs hæð; er þat markat, hvar þeim var hægt at kyssa; var ofarst Haralds kross, en lægstr Magnúss kross, en Ólafs mark jafnær báðum¹.

33. Skopti Ögmundarson varð missáttir við Magnús konúgr, deildu þeir um dánarfe, hèle Skopti, en konúgr kallaði til með svà mikilli freku, at þat var viðvæða sjálfan. Voru þá áttar stefnur at, ok lagði Skopti þat til ráðs, at þeir feðgar skyldi aldri vera allir í senn á konúgs valdi, sagði at hlýða mundi, meðan þeir gerði svà. Ok þá er Skopti var fyrir konúgi, flutti hann þat fram, at skyld frændsemi var milli þeirra konúgs: ok þat með, sagði Skopti, at ek hefi jafnan verit kær bæði þer ok föður þínum, svà at aldri skjöplæðist okkur vinátta, meðan hann lifði; fyrir því megit þer þat skilja, konúgr, at ek myndi þetta mál eigi halda í deilu við yðr, ef ek mælti rángt; en þat bregðr mer til forellris míns, at ek haldi réttu máli fyrir hverjum manni, ok geri ek

¹) þenna kap. v. í M.

þar eingan mannamum at. Konúgr var hinn sami, ok mýktist ekki skap hans við slíkar fortölur. Fór þá Skopti heim, en Finnir á konúgs fund, ok bað konúg at hann skyldi þá feðga láta ná réttindum um þetta mál. Konúgr svarar stutt ok stygt. Þá mælti Finnir: til annars hugði ek af yðr, konúgr, en þer myndit gera mik lögræning, þá er ek settumst í Kvaddings-ey, er fáir vildu aðrir vinir þínir, ok sögðu, sem satt (var, at þeir) voru framseldir ok til dauða dæmdir, er þar voru, ef Íngi konúgr hefði eigi sýnt við oss meira höfðingskap, en þú hafðir fyrir oss sèt; ok mun þó mörgum sýnast, sem ver bærim þaðan svívirðing, ef þat væri nokkurs vert. Konúgr skipaðist ekki við slíkan formála, fór Finnir heim. Síðan fór Ögmundr Skoptason, ok er hann kom fyrir konúg, bar hann upp sín eyrindi, ok bað konúg gera þeim feðgum sinn¹ rétt. Konúgr svarar: þat er rétt, er ek mæli, ok ertu firna djarfr. Þá mælti Ögmundr: koma muntu, konúgr! þessu á leið, at gera oss rángt, feðgum, fyrir sakir ríkis þíns; mun her þat sannast, sem mælt er, at margir launi illu lífgjöfina eða eingu; skal þat ok fylgja mínu mali, at aldri síðan skal ek koma í þína þjónustu, ok eingi várr feðga, ef ek ræð. Fór Ögmundr heim, ok sást þeir aldri síðan. Skopti Ögmundarson bjó ferð sína ör landi um vârit með 5 skip², ok voru öll vel búin, voru með honum synir hans

¹) v. i H, Hk. ²) skipum, H.

Ögmundur ok Finnur [ok Þórðr¹. Þeir sigldu um haustit til Flæmingjaland, ok voru þar um vetrinn. Snimma um várit eptir sigldu þeir vestr til Vallands, en um sumarit sigldu þeir út Njörfasund, ok svá austr til Rómaborgarlands. Þar andaðist Skopti. Allir önduðust þeir feðgar í þessi ferð. Þórðr lifði þeirra leingst; hann andaðist í Sikiley. Þat er sögn manna at Skopti hafi fyrstr Norðmanna siglt Njörvasund, ok var sú för hin frægjasta².

34. Magnús konúgr byrjaði ferð sína ör landi, hann hafði her mikinn. Þá hafði hann verit konúgr yfir Noregi 9 vetr. Hann hafði með ser allt hit frðasta lið, er til var í Noregi. Honum fylgdu flestir ríkismenn, er í-voru landinu, Sigurðr Hranason, Viðkunr Jónsson, Dagr Eilífsson, Serkr ör Sogni, Eyvindr olbogi, stallari konúgs, Úlfr Hranason, bróðir Sigurðar, ok margir aðrir ríkismenn. Fór hann öllu þessu liði vestr um haf. Þá var þetta kveðit um siglíng Magnúss konúgs;

Vegg [blæs veðr um³ tiggja
viðr þolir nauð í löðri
læ⁴ tekr klúngs⁵ at knýja
keip, en gellr⁶ í reipum;
mjórr skelfr Magnús stýrir
móð skerr eik at flóði

¹) þannig Hk; v. i A, H. ²) 33. kap. v. i M. ³) blæs vindr undir, H. ⁴) ley, H. ⁵) klúngur, H. ⁶) gelr, M.

beit verða¹ sjá² slíta

sjötögr vöndr und röndu³.

Þeir tóku veðr stór, ok vildu margir minka sigl-
ing ok svipta. Konúngr bað þá sigla djarfliga,
ok óttast ekki, hversu sem sjár lèti, sem her
segir:

Eggendr⁴ bað-at ugga

úhlífinn gramr lífi,

hvegi⁵ er lèt hinn ljóti

landgarðr [fyrir barði⁶;

satt var⁷ at alvaldr átti,

ógusnart borit hjarta

súð varð í gný græðis⁸

geyst farsælu treystast⁹.

Magnús konúngr tók Orkneyjar með öllu liði
sínu, hafði þaðan með ser¹⁰ Erlíng, son¹¹ Er-
lends jarls, ok mikit lið annat. Sigldi konúngr
þá til Suðreyja¹², síðan hélt hann liðinu til Ír-
lands, ok herjaði þar. Þá kom Myrjartak¹³ kon-
úngr af Kunnaktum til móts við hann, ok vunnu
þeir báðir saman af Dýflinni mikit ríki ok Dýfl-
innar-skiði¹⁴; ok var Magnús konúngr úm vetr-
inn uppi á Kunnaktum með Myrjartak konúngi,

1) verðr, H. 2) að, b. v. H. 3) Vís. v. í Hk. 4) Egg-
jendr, M. 5) þannig, H, M; hveigi, A. 6) hinn harði, H.
7) er, H. 8) græpis, M. 9) treysta, H; treystasc, M; en
vís. v. í Hk. 10) Magnús oc, b. v. Hk. 11) sono, Hk.
12) oc er hann lá við Skotland, þá ljóp Magnús Erlendzson
um nótt af skipi konongs, oc svam til landz, fór síðan upp í
skóg, oc kom fram í hirð Skotakonongs b. v. Hk; (sjá 24. kap.
bls. 50, athug. 1. 4.) 13) Myrkjartan, M. 14) skíri, Hk.

en setti menn sína til landsgæzlu yfir ríki þat¹,
er hann hafði vunnit. En er váraði [fóru kon-
úngar² með her sinn vestr á Úlazitir³, ok áttu⁴
þar margar orrostor. En er þeir höfðu vunnit
[mikinn hluta Úlazitirs⁵, þá fór Myrjartak kon-
úngr heim á Kunnaktir, en Magnús konúngr
bjó skip sín, ok ætlaði austr til Noregs.

35. Hann lá við Úlaðstir öllu liðinu, ok
voru seglbúnir. Þeir þóttust þurfa strandhöggva,
sendi Magnús konúngr þá menn sína til Myr-
jartak konúngs, at hann myndi senda þeim
strandhögg, ok kvað á dag um, at sendimenn
skyldu aptrkoma, ef þeir væri heilir, hit seinsta
fyrir Bartólóméus-messu, en mánudags aftaninn
voru þeir eigi komnir. En á sjálfan mánudag-
inn, þá er sól rann upp, gekk konúngr á land
með mestan hluta liðs síns, ok vildi leita eptir
mönnum sínum ok strandhöggvi. Veðr var
vindlaust, ok sólskin; leiðin lá yfir mýrar ok
fen, ok voru þar höggnað yfir klappir, en kjarr-
skógar voru tveggja vegna frá; þá er þeir sóttu
framm um hrísín, varð fyrir þeim leiti nokkut
mjök hátt; þaðan sá þeir víða. Þeir sá þá jó-
reyk mikinn upp á landit, ok ræddu um milli
sín, hvárt þat myndi herr vera, eðr myndi þar
fara menn þeirra með strandhögg; námu þeir
þar stað. Þá mælti Eyvindr olbogi: herra!
segir hann, gerit nokkut gott ráð fyrir liðinu.

¹) því, H. ²) fór Magnús konúngr, H. ³) Úlaðstir, M,
Hk. ⁴) átti, H. ⁵) Úlazitir, H; þann hluta lánzins, M.

Fylkjum liði voru, sagði konúgr, ok verum viðbúnir, ef þetta er úfríðr; var þá fylkt. Þeir konúgr ok Eyvindr gengu fyrir fylkingunni; hafði Magnús konúgr gyldan hjálm á höfði, rauðan skjöld, ok lagðr¹ á leó af gulli; hann var girðr sverði því er Leggbítr hét, váro² tannhjölt at, ok vaðr gulli meðalkafinn; var þat hit bitrasta vápn. Hann hafði kesju í hendi ok silkihjúp rauðan yfir brynju, ok skorit á af gulu silki león hæði fyrir ok á bak; ok var þat mál manna, at eingi hefði sèt herligra mann undir vápnum ne tígurligra. Eyvindr stallari hafði ok rauðan hjúp, ok var búinn með sama hætti ok konúgr, var hann mikill maðr ok fríðr ok hinn vígligsti. En er jóreykrinn nálgæðist, kendu þeir at þar fóru þeirra menn með strandhögg inikit, er konúgr af Kunnaktum hafði sent þeim, ok hélt hann öll orð sín við Magnús konúg.

36. Sneru þeir þá aptr til skipa, ok var þat um miðdegis skeið; en er þeir komu út á mýrarnar, fórst þeim seint um fenin. Þá hafði safnæzt saman herr Íra með alvæpni, var þat svá mart lið, at úr hverju skógarnefi þusti at þeim mikill mannfjöldi, ok reðu þegar til bardaga; en Norðmenn fóru dreift, ok fællu þegar margir. Þá mælti Eyvindr til konúgs: úheppiliga ferr lið vart, tökum nú skjótt ráð ok gott.

¹) dreginn, *H*; scrífat, *M*. ²) þannig *M*; ok *H*; en v. í *A*; tannhjöltat, *Hk* þykir mæskilic.

Konúngr mælti: blási herblástrinn, ok öllu liðinu saman undir merkit, en þat liðit sem her er skjóti á skjaldborg; förðum síðan á hæli út yfir mýrarnar; síðan mun ekki tilsaka, er ver komum framm á sléttlendit. Eyvindr mælti: þat er mitt ráð, at þer leitið til skipanna, sakar oss ekki til, ok er öllu hólpit, ef þer takir undan. Konúngr mælti: ekki vil ek þann kost, er þat ekki konúngligt at flýja frá liði sínu, svá vöskum dreingjum sem ek á at fylgja; tökum heldr við allir samt Írum sem dreingiligast. Þá kvað konúngr vísu þessa:

Hvatt¹ skulum heimför kvitta,
 hugr er minn í Dyflinni²,
 enn til kaupánga-kvenna
 kem³ ek eigi austr í hausti;
 unik⁴ því, at eigi synjar
 íngjan gamanþinga⁵
 ærskan⁶ veldr⁷ því er⁸ írskum
 ann ek betr en mer svanna⁹.

Írar skutu ákaft, ok sóttu at djarfliga, en þó fellsu þeir allþykt, en svá dreif til landherinn, at þar sem einn féll af þeim, komu ætveir í staðinn. En er konúngr var kominn at hinu neðsta dýkinu, var þat fen mikit ok fástaðar yfirfært; þá sóttu Írar at fast, en konúngr varðist

¹) þannig H, hvat, A, M. ²) þannig M, Dyflinn, A; Dyflin, H. ³) kom, M. ⁴) unnig, H. ⁵) gamans þinga, M. ⁶) æska, H; orscan (þ. e. orscan), M. ⁷) veldr, M. ⁸) er, M. ⁹) Vís. v. 4. M.

alldreingiliga, ok allir hans menn; svá segir Þorkell hamarskáld:

Uppgaungu ræð yngvi¹
 ítr með helmíng lítinn,
 áræði hygg ek áðan
 Eysteins föður treystast,
 hátt gall hjörr, en sótti
 (hneit egg við fjör seggja)
 (málmsækir² rauð mæki)
 Magnús³ í lið gegnum⁴.

Þar féll þá mart Norðmanna við dýkit. Þá kallaði konúgr Þorgrím skinnhúfu,⁵ lendan mann sinn upplenzkan, ok mælti til hans: far þú með þína sveit yfir dýkit, en ver munum verjast her meðan, ok gæta til, at yðr skaði ekki. Farit síðan á hól, þann er þar verðr, ok skjótut á Íra sem ákafast, meðan ver förum yfir fenit; þvíat þer erut bogmenn góðir. En þegar er þeir Þorgrímr komu yfir dýkit, tók hann ok allir hans menn eitt ráð, þeir köstuðu vápnum ok skjöldum á bak ser, ok runnu til skipa ofan. En er konúgr sá þat, mælti hann: údreingiliga skilst þú við þinn konúng; úvittr var ek þá er ek gerði þik lendan mann minn, en útlægan Sigurð hund, aldri myndi hann svá fara.

37. Magnús⁶ konúgr fékk sár, var lagðr

¹) þannig B, M; ek yngri eðr yngvi, A. ²) málmsækir, M. ³) Magnúss, M. ⁴) Vis. v. í Hk. ⁵) húfo, M. ⁶) Eptir þetta sýpu allir þeir er aptar stópo, oc ífir fenit, en konúgr sjálfr stóð undir merkino oc harpist, oc hugði at hlýpa mondi, fyrir því at lánga hríp hjöggo þeir Íra'nir sem búfo, en

með kesju í gegnum bæði lærin fyrir ofan kne. Hann greip skaptið, ok braut milli fóta ser ok mælti: svá brjótum ver, sveinar, hvern sperrilegginn, ok berjumst ennðjarfliga, ekki mun mik¹ saka. Litlu síðar var konúngr höggvinn með spörðu írskri á hálsinn við herðarnar, var þat hans banasár. Viðkunnr Jónsson var þá næstr konúngi, ok þegar í stað hjó hann þann mann í tvau, er konúngi hafði veitt sárit. Föll þar Magnús konúngr. Þá flýðu flestir Norðmenn. Ok er konúngr var fallinn, ok hann fann at hann var sárr til úlffis, mælti hann til Viðkunns: leita þú nú at hjálpa þer, þvíat mest vãn er at her verði vár skilnaðr, hefir þú vel fylgt mer ok dreingiliga; berþú kveðju mína sonum mínum, ok öllum mínum frændum ok vinum. Eptir þat andaðist konúngr. Viðkunnr tók þá merki konúngs ok sverðit Leggbít, ok bar til skipa. Þeir runnu síðast, Viðkunnr Jónsson, Sigurðr Hranason ok Dagr Eilífsson. Þar fëllu með Magnúsi konúngi Eyvindr olbogi, Úlfr Hranason, Erlíngtr son Erlends jarls, ok margir aðrir ríkismenn fëllu af Norðmönnum, en þó miklu fleira af Írum. Viðkunnr Jónsson hafði fengit 3 sár í bardaganum, ok var mjök ágætt hans hreysti ok fylgd við sinn höfðingja. Af

æ þars einn var hgögvinn, þá como 2 í staðinn af landi ofan. Oc þá er þynntisc um merkit fecc Magnús konúngr lag af spjóti o.
s. fr., M.

¹) þetta, b. v. H

þeim sökum tóku synir Magnúss konungs hann síðan í hinn mesta kærleik. Allir Norðmenn, þeir er undan komust, fóru þegar brott af Írlandi, fyrst [á haf út, ok sigldu skjótt¹ til Orkneyja. En er Sigurðr konúngr spurði fall föður síns, þá réðst hann til ferðar með þeim; fóru þeir um haustit norðr² til Noregs³; en Sigurðr lét eftir dóttur Írakonungs fyrir vestan haf.

38. Magnús konúngr var þrítögr at aldri, er hann féll, þá hafði hann verit konúngr at Noregi 10 vetr; var á hans dögum góðr friðr innanlands, en menn höfðu mjök starfsamt ok kostnaðarmikit af leiðangrum. Var Magnús konúngr hinn vinsælsti við sína menn, en bóndum þótti hann harðr. Þat herma menin frá orðum hans, er vinir hans mæltu at hann færi úvarliga, þá er hann herjaði utanlands, er hann gerði sik auðkendan frá öðrum mönnum í hverri orrostu; hann svaraði svá: til frægðar skal konúng hafa meir en til lánglífis⁴.

¹) H; v. í A. ²) austr, H. ³) En þá voru settir jarlar yfir Orkneyjar Magnús Erlendason oc Hácon Pálsson, b. v. M. ⁴) Kap. 38 v. í M.

Saga Sigurðar konúnga jórsal- afara ok bræðra hans, Eysteins ok Ólafs.

EFTIR fall Magnúss konúnga berfætts tóku synir hans konúngdóm í Noregi: Eysteinn, Sigurðr (ok) Ólafr; hafði Eysteinn hinn nyrðra hlut lands, [en Sigurðr enn syðra¹. Ólafr var til konúnga tekinn 5² vetra eðr fjögurra, ok höfðu bræðr hans báðir til varðveizlu þann þriðjúng er hann átti. Sigurðr var til konúnga tekinn 13 vetra eðr fjórtán, en Eysteinn var vetri ellri. Þá er synir Magnúss konúnga voru til konúnga³ teknir í Noregi, komu utan af Jórsalaheimi, en sumir ör Miklagarði, þeir menn er farit höfðu út með Skopta Ögmundarsyni, voru þeir hinir frægstu menn af sinni ferð, ok kunnu margskonar tíðindi at segja. Þeir sögðu ok at í Miklagarði fengu⁴ Norðmenn fullsælu fjár, þeir sem á mála vildu gánga, ok af þeim nýnæmum fýstust fjöldi manna í Noregi til þeirrar ferðar, ok báðu konúngana at annarhvárr þeirra skyldi

¹) *H, Hk; v. í A; Sigurðr hafði enn eystra lut lands til for-
ræpa . . . en Eysteinn kon. enn nörpra lut, M.* ²) *M sýnist
hafu 3.* ³) *þannig H, Hk; konúnga, A.* ⁴) *fengi, H.*

gerast formaðr þess liðs, er til útferðarinnar reðist, en konungar játtuðu því, ok bjuggu ferðina með beggja þeirra kostnaði. Til þessarrar ferðar reðust margir lendir menn ok ríkir bændr. En er ferðin var búin, þá var þat af ráðit at Sigurðr konungr skyldi fara, en Eysteinn konungr skyldi hafa landráð af hendi beggja þeirra¹. Einum vetri eðr tveimr eptir fall Magnúss konúgs berfætts kom vestan af Orkneyjum Hákon, son Páls jarls. Gáfu konungar honum jarlsnafn ok yfirsókn í Orkneyjum, slíka sem haft hafði Páll jarl faðir hans. Fór Hákon vestr til eyjanna aptr.

2. Fjórðum² vetrum eptir fall Magnúss konúgs var albúin ferð Sigurðar konúgs; hafði hann frítt lið ok mikit, er valizt hafði til ferðarinnar af öllu landi, sem Þórarinn stuttfeldr segir:

Dreif til handa
herr framr grami
hollr hauksnjöllum
hvaðan æfa, sva

¹) *M hefir þessa frásögn styttri og öðruvísi, segir þar at Sigurðr konungr fystist at fara or landi út til Jørsalalands; oc áþr hann næði at velja lipit, svá mjök sem hann vildi þat vanda til fararinnar, þá vingaþist hann oc þeir brøþr í mörgo lagi við landsmenn oc alla alþýðu. Þá tóco þeir brøþr af mönnum áþjóner oc marga ánaup oc illar frecor oc álögor, er konungar oc jarlar höfðu lagt á lýþinn, sem fyrr er sagt í þeirra sögom, oc anero þeir brøþr svá ánaup til frelsis, oc aflaði þeim þat mikilla vinsælda af allri alþýðu.* ²) 3, *M.*

sem [fyrir í¹ för
frétt höfðu rétt
konúngakyn
kraka margspökum².

Ok áðr þeir bræðr skildu, mælti Sigurðr konúgr til Eysteins konúgs: Nú er þessi ferð, bróðir! vænliga³ búin með yðrum styrk ok tillögum, ok væri nú mikit undir at oss tækist stórmannliga, ok nökkut mætti [oss öllum samt⁴ til frama vinnast í þessi ferð, eða sálubótar. Eysteinn konúgr svarar: vel mun þer tiltakast, bróðir, ok líkligr er þú til mikillar framkvæmdar⁵ ok skórúngskapar; en við skal ek leita at gæta ríkis vdrs meðan, með slíkri stjórn sem ek kann. Síðan skildust⁶ þeir bræðr⁷. Sigurðr konúgr hafði 60 skipa⁸, ok öll vel skipuð. Svá segir [Þórarinn stuttfeldr⁹:

Svá kom fylkis
framt lið saman
margspaks mikit
mildíngi vilt¹⁰,
at skip við skip¹¹
skar-fögr um¹² lög
hreins guðs¹³ heðan
hnigu sextigir.

¹) H sýnist hafa fyrri. ²) M hefir hér eingan orðamun; en í Hk v. vía. ³) vændiliga, M. ⁴) þess, M. ⁵) frægðar, H. ⁶) skildu, H; sciljast, M. ⁷) Frá vía v. í Hk. ⁸) or Noregi, b. v. H. ⁹) Þorvaldr blönduskáld, M. ¹⁰) viljat, H. ¹¹) þannig A, H, M; aðrir sköp. ¹²) of, H, M, Hk. ¹³) goðs, M; grams, Hk; en heiðs Grams, est. 6. bindi, bla. 184 af getgútu Þróf. Finns Magnússonar.

3. Sigurðr konúgr sigldi um haustið¹
vestr til Einglands, sem Þórarinn² segir:

Óðu at Eingla
ættjörðu borð³
skaplig skipa
skafin vestr um haf:
Þótti Þrænda
þarlands sem⁴ hvar
yfirmaðr jöfurr
allsherjar snjallr⁵.

Þá var konúgr yfir Einglandi Heinrekr, son
Vilhjálmς bastardς; tók hann vel við Sigurði
konúgi, ok var hann þar um vetrinn. Svá
segir Einar Skúlason:

Vás-auðigr⁶ reð vísi⁷
vestr helmíngi mestum
óð at ensku láði
ægis marr und⁸ harra;
stál⁹ lét hilmir hvílast
heiptglaðr, ok var þaðra
(ne gramr af¹⁰ val Vimrar)
vetrleingis (stígr betri¹¹).

4. Sigurðr konúgr hêlt eptir um várít lið-
inu vestr til Vallands, [ok kom framm um haust-

1) af Hörðalandi, b. v. M. 2) M. teingir þessa vís. við þá
undanförnu, og eignar hana þannig sama skúldi; en Hítrekur
nafnit Þórarinn. 3) bórð, M. 4) H, M; v. i A. 5) Vís.
v. i Hk. 6) Väs-öflugr Hk. 7) vísir, H. 8) við,
E. 9) stol; H. 10) 4, Hk. 11) Vís, v. i M.

ið út á Galizulandi¹, ok dvaldist þar [um vetrinn². Svà segir Einar:

Ok sá er³ æztr⁴ gat ríki
ól þjóðkonúgr sólar
önd á Jakobs landi
annan vetr und⁵ ranni:
þar frá ek hilmí herjar
hjaldr⁶ lausmæli gjalda
(gramr [bræddi svan síma⁷
sn rlyndr) frömum jarli⁸.

En þat varð með þeim atburð, at jarl, sá er ræð fyrir landinu, gerði sætt við Sigurð konúng, ok skyldi jarl setja⁹ honum torg til matkaupa allan vetrinn; en þat endist eigi leingr en til jóla, ok gerðist þá flt til matar; þvíat landit er skarpt ok lítit matland. Þá fór Sigurðr (konúgr) til kastala, þess er jarl átti; jarlinn flýði þegar undan, þvíat hann hafði lið lítið. Sigurðr konúgr tók þar vist mikla ok mikit herfáng annat, ok lét flytja til skipa sinna; bjóst hann þaðan í brott, ok fór vestr fyrir¹⁰ Spán. Þar bar svà til, at víkingar nökkurir¹¹, þeir sem fóru at fefaungum, komu í móti þeim með gal-eiðaher¹². Sigurðr konúgr lagði til orrostu

¹) byrjar þeim seint um sumarit oc komo at hausti vestr í Jacobshland, *M*; Galizsiolandi, *skrifar H*. ²) 2. vetr, *þ. e.* annan vetr, *M*, *Hk*. ³) *H*, *Hk*; ok er sá, *A*. ⁴) æzt, *Hk*. ⁵) *H*, *Hk*; undtr, *A*. ⁶) hjaldra, *Hk*. ⁷) birti svà gartan, *E*; svan bræddi snemma, *Hk*. ⁸) *Vís. v. í M*. ⁹) settia, *H*. ¹⁰) í, *H*. ¹¹) nocqverir, *M*. ¹²) Víkingar höfðu 7 galeifr, en þau scip ero stór oc torsóllig, *b. v. M*.

við þá, ok hóf svá hinn fyrsta hernað á heiðna menn. Vann hann af þeim [8 galeiðr¹ með miklu herfángi, svá sem Halldórr svaltari segir:

Ok fádýrir fóru
Fjöltnis hrots at móti²
(vígásuð hlóð vísi)
víkíngar gram ríkum³:
náði herra at hrjóða
(hlaut dreingja vinr feingi
fyrðum hollr), þar er⁴ fell-at
fátt lið, galeiðr átta.

Síðan hélt Sigurðr konúgr til kastala ess á Spáni, er Sintre heitir, ok barðist⁵ þar aðra orrostu. Þar sat í heiðit fólk, ok herjaði þaðan á kristna menn. Hann vann þenna kastala, ok drap hvert mannsbarn er þar var; þvíat þat fólk vildi ekki til kristni snúast. Tóku þeir þar stórmikit fe at herfángi, en allt kristið fólk þakk- aði þeim þetta verk. Svá segir Halldórr:

Stór skal⁶ ek⁷ verk, þau er váru
(Vánardags) á Spáni,
(prútt vann slaungvir sóttan⁸
Sintre) konúgs inna⁹;
gerðist heldr við Hörða¹⁰
[hermönum gram¹¹ berjast

1) 8 galeiðar, M. 2) H sfnist kafa hrjóts á móti. 3) Fyrri Víðuhelm. v. í M. 4) v. í H, en finnst í M; Hk hefir: fyrðom hollr, en. 5) átti, H. 6) á, M. 7) v. í H. 8) sáttam, H. 9) vinna, H. 10) halda, H; haldra, Hk. 11) hermenn gramr, Hk.

grátt, þeim er gerfa níttu
goðs¹ rétti ser boðnum.

5. Eptir þat hēlt Sigurðr konúgr liði sínu til þeirrar borgar, er heitir Lissibón; hon stendr á Spáni, ok er hálf kristin en hálf heiðin; þar skilr Spán hinn kristna ok Spán hinn heiðna. Eru heruð þau öll heiðin, er vestr liggja þaðan. Þar átti Sigurðr konúgr hina þriðju orrostu við heiðna menn, ok fékk sigr; aflaði hann þar fe mikit. Svá segir Halldórr skvaldri:

Suðr vann² sigr hinn þriðja
snjallr, við borg, þá er kalla,
lofðúngs kundr³, er lendut,
Lissibón, á fróni⁴.

Þaðan hēlt Sigurðr konúgr vestr fyrir Spán hinn heiðna, ok lagði til borgar þeirrar, er kölluð er Alkassa⁵, ok átti⁶ þar (hina) fjórðu orrostu við heiðna menn, ok vann borgina; drap hann þar fólk allt, þat er eigi flýði, en tók at herfángi fe allt, ok eyddi borgina, sem Halldórr segir:

Út frá ek yðr, þar er heitir
[Alkassi⁷, styr hvassan,
fólk-þeysandi, fýsast
fjórða sinn at vinna:
[unnit frá ek⁸ í einni

¹) M; guðs, A. ²) vant, M, Hk. ³) þannig Hk; k., M; kind, A, H... ⁴) Líka H án orðamunar. ⁵) Alkassa, E. ⁶) H; áttu, A. ⁷) Alkass í, A, H og M, þó óskirt; Alkassa, E. ⁸) H, Hk; unnit frá, M; frá ek unnit, A.

eyddri borg til sorga.

(hitti herr á flóttu)

heiðins vífs, (at drífa).

Þá hélt¹ konúgr framm ferðinni, ok lagði út til Njörfasunda. Þar í sundunum varð fyrir þeim víkingaherr mikill; lagði Sigurðr konúgr þegar til orrostu við þá; átti hann þessa hina fimtu orrostu við heiðingja, ok hafði sigr. Svá segir Halldórr:

Treystuð egg fyrir austan

(yðr tjóði guð) rjóða

(náskári fló nýra)

Njörvasund², (til unda³).

6. Síðan hélt Sigurðr konúgr her sínum austr hit syðra með Serklandi, ok kom til eyjar þeirrar er Forminterra⁴ heitir. Þar hafði sezt herr mikill heiðinna manna⁵ í helli nökkurn, ok gert steinvegg⁶ fyrir framan hellismunnann⁷. Þeir herjuðu víða um landit, ok fluttu til hellis síns allt herfáng. Sigurðr konúgr gekk upp í eyju þeirri, ok fór til hellissins; hann var framan í bergi nökkuro, ok var mjök bratt⁸ at ganga upp hallinn til steinveggsins, en bjargit skútti yfir framm. Heiðingjar voru í hellinum, ok vörðu þaðan steinvegginn, ok hræddust þeir ekki vörn Norðmanna; en leið-

¹) hell, *M.* ²) Nörvasund, *M, Hk.* ³) *H* hefir eingan orðamun. ⁴) þannig *M*; Formitena, *A.* ⁵) blámanna, *Hk.* ⁶) *H, M*; steinveggi, *A.* ⁷) oc höfðu þat allt saman ser fire botg, *b. v. M.* ⁸) viðbreót, *M.*

íngjar máttu bera grjót ok skot niðr undir fætr ser á þá; Norðmenn réðu ok ekki at sinni upp undir steinvegginn. Þá tóku heiðnir menn pell ok dýrgripi, báru út á vegginn, ok skóku at Norðmönnum, æptu á þá ok frýðu þeim hugar. Þá leitaði Sigurðr konúgr ser ráðs. Hann lét taka 2 skipbáta, er barkar eru kallaðir, ok draga upp á bergit fyrir¹ hellisdyrnar, ok lét dreingja með köðlum digrum ok stérkum [allt undir innviðuna² ok um stafnana³. Síðan gengu þarí svá margir menn sem rúm höfðu⁴; létu þeir þá síga skipin ofan fyrir hellinn með reipum. Þá skutu þeir ok grýttu, er á skipinu voru, svá títt á heiðingja, at þeir hrukku fyrir af steinveggjunum⁵ inn í hellinn; þvíat hlífar þeirra voru ekki traustar. Þá gekk Sigurðr konúgr með mestan hluta [liðs síns⁶ upp í [bergit, ok brutu steinvegginn, ok komu svá upp í hellinn⁷. Heiðingjar flýðu undan inn í hellinn, um þann steinvegg, er hlaðinn var um þveran hellinn, ok vörðust þaðan. Svá segir Halldórr:

Böðstýrkir lét⁸ barka

(bragnings verk á Serkjum

fræg hafa gerzt⁹) fyrir gýgjar

gagnstig ofan síga:

enn í hall at helli

1) yfir, Hk. 2) v. í M. 3) er scytar voro oc höfðu boga, b. v. M. 4) Hk; veggjunum, A. 5) liðsins, H. 6) hallinn undir steinvegginn, oc bruto upp hliðin, þvíat heiðingjarnir vörðu þá ekki hliðin, M. 7) leztu, E; en Böðstýrkir lézt, M. 8) görzc, M.

hernenninn fjölmönnum
Göndlarþíngs með gengi
gnýþrótt¹ neðan sótti².

[Svasegir Þórarinn stuttfeldr frá þessum atburð³:

Bauð⁴ gramr [guma
gunnhagr⁵ draga
byrvarga⁶ á bjarg
blásvarta tvá;
þá er í reipum
ramdýr þrama
sigu fyrir hellis-
hlið-dyr með lið.

Þá lét konúgr flytja til hellissins við stóra, ok
gera bál mikit í hellisdyrunum, ok slá eldi í;
en heiðingjar, er eldr ok reykr sótti þá, létu
sumir af því líf sitt, en sumir gengu] undir
væpn Norðmanna, sem her segir:

Varð fyrir stafni
styrjar⁷ auki⁸,
[friðr raskaðist⁹
Formintera;
þar varð eggjar
ok eld þola

¹) gnýþrótt, H. ²) sóttir, Hk. ³) v. í M. ⁴) Bauð, Hk. ⁵) sèst ekki í H, vegna gats á bókfellinu, er endar við merkit], þó sýnist þar einginn töluverður orðamunr verið hafa. ⁶) M, Hk; byvarga, A. ⁷) H, Hk; styrkar; A. ⁸) gjörnum, Hk. ⁹) friðraskaði, E; friðraskaðar, Hk.

Blámannna lið,
áðr bana fengi¹.

Var þar gjörsamliga drepit ok brent fólk allt,
sem Halldórr segir:

Náði fólk þat er flýði
ferð skundliga² undan
(illr varð heimr³ í helli)
heiðit konúngr⁴ meiða
lífs bauð enn þá er unntu
aftíg gamall⁵ vígi
(kvöl beið öld í eldi
úsæl) djöfuls þrælum⁶.

Þar tóku þeir mest herfáng [einshversstaðar í
þessi ferð⁷.

7. Þaðan fór Sigurðr konúngr til þeirrar
eyjar er Ívitza⁸ heitir, ok átti þar hina sjöndu
orrostu við heiðna menn. Svá segir Halldórr:

Margdýrkaðr kom merkir⁹
morðhjóls skipa stóli
(fúss var fremdar ræsir¹⁰
frið-slits¹¹) til¹² Ívitzu.

Eptir þat kom Sigurðr konúngr með liði sínu
til eyjar þeirrar er menn¹³ kalla Manörk¹⁴.
Þar átti hann við heiðinn lýð hina áttu¹⁵ or-
rostu, svá sem Halldórr segir:

1) *Vís. v. í M.* 2) *scundila, M.* 3) *hreinr, H, M.* 4)
k., *bundit, M.* 5) *gamalt, H, M.* 6) *Vís. v. í Hk.* 7)
í einom stað, þess er þeir tóco í ferðinni, *M.* 8) *Íviza,*
H. 9) *sæt eigi í M.* 10) *þannig H, M, Hk; rásir, A.* 11)
M; en A sýnist hafa fyrir slits. 12) *H, M, Hk; i, A.* 13)
Norðmenn, H. 14) *þannig einnig M; Manörk, Hk.* 15)
A, H, Hk.

Knátti enn hin¹ átta
 oddhríð (háit² síðan
 Finns [lét gjáld³) í grænni
 (grams ferð) Manörk verða.

8⁴. Sigurðr konúgr kom um vârit til Sikileyjar, ok dvaldist þar leingi. Þar ræð þá fyrir ríki Roðgeir hertogi, [hann fagnaði vel Sigurði konúgi, ok bauð honum til veizlu. Sigurðr konúgr kom þar með miklu liði, var þar dýrligr fagnaðr: ok stóð Roðgeir hertogi hvern dag frammi, ok þjónaði fyrir borði Sigurðar konúgs⁵: ok hinn átta⁶ dag veizlunnar, þá er menn voru komnir til borðs, ok höfðu tekit handlaugar, þá tók Sigurðr konúgr í hönd jarlinum, ok leiddi hann upp í hásetit hjá ser, ok gaf honum konúgsnafn, ok þann rætt at hann skyldi vera konúgr yfir [Sikileyjarveldi, ok svâ jafnan síðan skyldi þar konúgr yfir vera⁷, en áðr höfðu jarlar verit í því ríki⁸. Roðgeirr Sikileyjarkonúgr varð hinn ríkasti höfðingi; hann vann Púl allan undir sik ok margar stóreyjar í Grikklandshafi⁹. Hann var kallaðr Roðgeir ríki. Hans son var Vilhjálmr konúgr í Sikiley, er leingi hafði úfríð við Miklagarðskeisera. Vilhjálmr konúgr átti 3 dætr, en eingan son, hann gipti eina dóttur

¹) E; in, H; hinn, A; hina átta, Hk. ²) vakit Hk. ³) E; rauð gjöld, A, H. ⁴) Hér þykir vanta blað í M. ⁵) Þannig H; ok þjónaði at borði Sigurðar konúgs sjálfir at þeirri veizlu, er hann bauð honum til, var þar ærinu fagnaðr, A, þykir þar vanta í nokkut. ⁶) 7da, Hk. ⁷) því ríki meðan hann lifði, H. ⁸) Hk smeygir hér inn ákta kafla úr útgáfu Peringskjöldis á nýrri íslenskku. ⁹) Serklandshafi, E.

sína Heinreki keisera, syni Friðreks¹ keisera. Þeirra son var Friðrekr, er síðan varð Rómaborgarkeisari. Aðra dóttur Vilhjálm konungs átti hertogi af Kipr. Hina þriðju dóttur Vilhjálm konungs átti Margrit² yfirkúsari³. En Heinrekr keisari drap þá báða. Dóttur Roðgeirs ríka Sikileyjarkonungs átti Manúli⁴ keisari í Miklagarði, var þeirra son Kirjalax keisari.

9. Um sumarit sigldi Sigurðr konúgr út um Grikklandshaf til Jórsalalands. Hann kom af hafi við Akrsborg, ok lét þar eptir skip sín. Svá segir Einar Skúlason:

Húf lét hálmitr svífa
hafkaldan (lof Skaldi
esat⁵ um alvalds risnu
einfalt) í Grikk-salti;
ðör við einkar breiða
auðlestir skip festi
(öll beið öld með stilli)

Akrsborg (fegins morgin).

Þaðan fór konúgr upp til Jórsalaborgar, [þá var Baldvini konúgr at Jórsölum, en er hann frétti til ferða Sigurðar konungs, ok þat at hann ætlaði til borgarinnar⁶, þá lét hann taka ágæt klæði, ok breiða út á veginn fyrir, þar sem Sigurðr konúgr skyldi ríða til borgarinnar. Baldvini konúgr mælti þá til sinna manna: þat er yðr kunnigt, at nú mun koma vár at vitja

¹) Þannig Hk; Heinreks A, H. ²) Margavit, H. ³) yfirkussari, Hk. ⁴) Manuel, Hk. ⁵) Hk; esat, A. ⁶) Þannig H; v. í A.

agætr konúgr norðan ör heimi; eru oss flutt mörg ok ágæt hans snildarverk, er hann hefir vunnit á heiðnu fólki, ok styrkta¹ svá guðs kristni; því skulum ver veita honum mikla sænd ok virðing. En í þessum viðbúnaði megum ver reyna hans stórmensku ok ríkdóm: ef hann ríðr réttan veg at borginni, ok lætr ser lítið umfinnast fyrirbúnað vörn, þá virði ek svá at hann mun slikri virðing vanr í sínu ríki; en ef hann snýr af veginum, ok vill eigi ríða á klæðin, þá þykki mér vãn, at lítill mun vera ríkdómr [í hans² landi. Sigurðr konúgr reið (nú) völduliga at borginni, reið hann þegar fram á klæðin, ok allir hans menn, ok gáfu ser ekki um viðbúnaðinu, þvíat konúgr hafði svá boðit áðr sínum mönnum, at þeir skyldi láta ser lítið umfinnast, þótt þeir sæi nokkurar nýlundur. Jórsalakonúgr tók við honum með mikilli virðingu, ok reið með honum út til Jórdánar, ok svá aptr til Jórsalaborgar. Laugaðist Sigurðr konúgr í ánni Jórdán. Svá segir Einar:

Get ek þess er³ gramr fór vitja

(glygs) Jórsala-byggðar

(meðr vituð⁴ auðling æðra)

ógnbliðr (und sal viðum);

ok leyghati laugast

(leyft ráð var þat) náði

1) styrkja, H. 2) hans í sínu, H. 3) v. i H. 4) Hk; viltu, A; en H hefir meðr vita.

hauka-fróns í hreinu

[hvatt Jórdánar vatni¹.

Sigurðr konúgr dvaldist mjök leingi í Jórsalalandi um haustit ok öndverðan vetr.

10. Baldvini konúgr veitti Sigurði konúgi agæta veizlu ok öllu liði hans; ok er þeir sátu einn dag báðir samt konúngarnir með mikilli gleði ok skemtan margháttaðri, þá mælti Baldvini konúgr: Ver höfum spurt til margra stórvirkja ok ágætra hluta, er gerzt hafa í yðrum ferðum, herra Sigurðr konúgr! er oss mikil gleði á yðvarri kvámu hingat í land vart; hafit þer [sem ek vænti² aflat yðr guðs miskunnar ok sáluhjálpar, en veitt oss veraldliga sæmd með vitjan yðvarrar tignar. Nú skulum ver þarímót veita yðr vírðing framar en nökkurum öðrum höfðingja, þeim sem hingat hefir sótt á várum dögum. Þiggit af oss einnhvern þann hlut, sem yðr sýnist bæði sjálfum yðr mest sæmd ok landi yðru virðulig tign. Sigurðr konúgr svarar: Guð þakki yðr, herra! ok svá viljum ver, góð orð ok virðuligar viðtökur ok þetta sæmdarboð, er þer hafit nú veitt oss, en ver viljum hugsa fyrir oss um kjörit, ok kveða síðar upp. Veizla sú stóð marga daga með mikilli prýði. Sigurðr konúgr hugsaði optliga, hvat hann skal þess kjósa, er honum se mest til frama, ok hugsaðist honum svá til, at þat mætti honum verða mest höfuðgæfa bæði í bráð ok leingdar, ef hann

1) hvatr Jórdánar vatni, Hk. 2) þannig líka H.

fengi at þiggja af krossinum helga, er várr drottinn var þíndr á; þvíat eingi maðr hafði fyrr náð, norðr higat í lönd, at þiggja af þeim helgum dómi krossins, er at Jórsölum er varðveitt; en af þeim var miðlat, sem í Miklagarði var, en sá hafði firr verit várs drottins líkama. Þvíat krossinn var sagaðr í sundr eptir miðju at ráði Helenu drotníngar, ok lét hon þá búa um hvárntveggja krossinn, ok sendi þann til Miklagarðs Konstantínó syni sínum, er á bak hafði verit, þá er Krístr var þíndr, en hinn var eptir at Jórsölum, er mest var dreyrarunninn af drottins sárum. Litlu síðar, sem konúngar hittust, læzt Sigurðr konúngr hugsat hafa kjörit, ok reðu þeir með sér, at Baldvini konúngr skal láta þíngs kveðja. En er þíng var sett, talaði Sigurðr konúngr, ok sagði hversu mikla ok margfalda virðing Jórsalakonúngr veitti honum: ok er oss þó einna mest, segir hann, þökk á því mikla sæmdarboði, er hann bað mik kjósa einn hinn ágætasta hlut af sínu ríki, ok nú höfum ver kjörit, sem guð kendi oss; en þat er af hinum dýrðarfulla krossi, er várr drottinn var þíndr á. Þá svarar Baldvini konúngr: þetta vandamál, Sigurðr konúngr, er þer beiðizt af hinum helga krossi, verðum ver at ræða¹ ok ráða við höfðingja landsins, ok forstjóra kristinnar, at eigi megi svá virðast, at ver takim þetta með einræði váru, er svá mikit liggr við, því² eingi

¹) áforma, H. ²) þannig H; ok, A.

hefir fyrr svá ríkr hígat komit, at þessu hafi náð. En eigi vildim ver, Sigurðr konúgr, þessu yðr neitta¹, ef þat þætti lærðum mönnum ok vitrum vera mega. Ræddu þeir þá málit sín í milli, Baldvini konúgr ok patriarka ok aðrir biskupar ok spekingar; leitaði konúgr ráða við þá, hversu best mætti fyrir þessu sjá, ok öllum þeim væri minnst ábyrgð á því ráði, sem tekit væri, en þeir skutu allir á konúgs vald, at hann sæi fyrir, en fýstu þó heldr at hann fengi eigi svá helgan dóm í hendr Sigurði konúgi. Baldvini konúgr mælti: Guðs forsjá mun heryfir standa, ok þess skulum ver biðja, at guð láti oss því framfara herum, sem honum er² mest dýrð í, en oss se eigi sáluháski. Ek hefi spurt, at í því landi, sem Sigurðr er konúgr yfir, se fólk kristið ok mart vel siðat; þar er ok í því ríki einn ágætr staðr, ok í þeim stað hvílir dýrölgir ok heilagr konúgr, er Ólafr heitir; [vinnr allsvaldandi guð fyrir hans verðleika mörg tákn ok stór³. Nú vil ek þessum helga, konúgi gefa af krossinum, ok til þess hins helga staðar, sem hann hvílir, ok prýða svá ríki Sigurðar konúgs með helgum dómi kreesins, ef hann vill þat sverja, at hann skal í þann stað flytja krossinn, ok þar vera kóta, en hvergi annarsstaðar. Þetta samþykktu þeir allir, sem konúgr mælti. Siðan sagði Baldvini konúgr Sigurði konúgi þessa

¹) neitta, H. ²) sé, H. ³) vinnr allsvaldanda guðs fyrir sína verðleika, H.

ráðagjörð. Nú viljum ver fá þer í hendr, segir hann, af hinum helga krossi með þeim skildaga, at þú skalt áðr sverja oss, ok 11^a áðrir hinar göfgustu menn af þínuliði, at færa þenna helgan dóm til hins heilaga Ólafs konungs, ok láta þar vera, með þeim öðrum hlutum, sem ver viljum undir eiðstafinn skilja. Þá svarar Sigurðr konúgr: þat mun vera mælt, herra! þá er ek kem heim í mitt ríki, at þat se nokkur fölnan minnar sæmdar, ef ek hefi [til þess^a farit til Jórsala, at vinna þar tylftareid; en þá mun ek til þess hætta, ef þer, herra! ok patrarkinn við tólfta mann sverit þat, at þer fáið mer af þeim sama krossi, er sjálfr guðs son þoldi á þínsl ok dauða, en eigi af nokkuru öðru tre. Þeir játtuðu því. Var þá tekinn spánn af krossinum helga; fóru síðan eiðar framm eptir þeim skildögum af hvárra hendi, sem áðr var tint. Þat var ok skilt^b undir eiðstaf Sigurðar konungs, at hann skyldi fremja ok styrkja kristinn dóm í sínu ríki með öllum mætti sínum, ok koma erkibiskups stól í Noreg, ef hann mætti, ok láta vera at hins heilaga Ólafs bæði ok helgan dóm krossins. Hann skyldi ok bjóða tíundargjald í sínu landi, ok gera sjálfr. Síðan var sá heilagr dómr fenginn Sigurði konungi, með þeim hætti sem nú var sagt. Marga aðra helga dóma gaf Jórsalakonúgr homum, ok þar með marga dýrgripi ok gersimar. Aflaði Sigurðr

^a) þannig H; v. í A.^b) H; v. í A.^c) skilt, H.

konúgr ser á Jórsalalandi sem annarsstaðar mik-
illar fremdar ok frama. Hann laugaðist í Jórdán,
sem áðr er sagt. Þess getr Þórarinn stuttfeldr:

Ey¹ mun uppi
Endils meðan stendr
Sólborgarsalr
[svörgæðis fjör²;
þú hefir í vatri
vegsamr þvegizt
geirs gnýstýrir³
grans⁴ Jórdani⁵.

Sigurðr konúgr offraði miklu fe til grafar drott-
ins, ok annarra helgra staða, þar er hann fór.
Svá segir Þórarinn:

Varðir Hörða
hvatr fylkir at
gröf [guðs lofs
skulut⁶ kviksáttar⁷
á skín æfa
Ygs⁸ fjöldyggra
sól svan-gæli,
siklíng! en þik⁹.

11. Þessu næst fór Sigurðr konúgr ofan
til Akrsborgar til skipa sinna. Þá bjó ok Bald-
vini konúgr her sinn, [at fara á Sýrland¹⁰ til
borgar þeirrar er Sætt heitir; sú borg var heið-
in. [Til þeirrar farar með honum ræðst Sigurðr

¹) æ, H. ²) svargæðis fave, H. ³) gnýstærir, H. ⁴)
grams, H. ⁵) Vís. v. í Hk. ⁶) góðu gulli glaðr, H. ⁷)
kviksættar, H. ⁸) Yggs, H. ⁹) Vís. v. í Hk; er þar allr
þessi kap. mjög samandreginn, og ræðunum sleppt. ¹⁰) ok
sigldu fram til Sýrlands, H; en ræðst er lagfært fyrir ræðu, A.

konúngr¹. [Þeir settust² um borgina, ok höfð-
u³ litla hríð umsetið, áðr heiðnir menn gáfust
upp, ok [eignaðust konúngar⁴ borgina ok mikit
annat herfáng. Sigurðr (konúngr) gaf Jórsala-
konúngi borgina; þess getr Halldórr skvaldri:

Borg heiðna⁵ þátt⁶, bræðir

benja-tíkr! af ríki,

(háðist hverr við þryði

hildr), en gaft af mildi.

En eigi gáfu heiðingjar fyrr upp borgina, en
þeir sá at vunnin myndi verða, þvíat [konúngar
börðust⁷ á hana bæði með vápnum ok vígvælum,
sem Einar Skúlason segir:

Sætt frá ek [deili dróttar⁸

(dreingr minnist þess⁹) vinna;

tóku hvast í Hristar-

hríð valsslaungur ríða:

styrkr¹⁰ braut válikt virki

vals-munnlituðr gunnar,

fögr ruðust sverð, en¹¹ sigri

snarr bragníngur [hlaut fagna¹².

Eptir þat fór Sigurðr konúngr til skipa sinna,
ok bjóst brott af Jórsalalandi. Þeir silgdu norðr
til eyjar þeirrar, er heitir Kípr, ok dvaldist Sig-
urðr konúngr þar um hríð, fór hann þaðan¹³
til Grikklands, ok lagðist¹⁴ öllu liðiun út við

1) V. í H. 2) Sigurðr konúngr settist, H. 3) hafði,
H. 4) eignaðist hann, H. 5) eina, H. 6) tókt, Hk. 7)
þannig líka H. 8) dæla drottinn, Hk. 9) þat, H. 10)
stærkr, H; stærkr, Hk. 11) i, H. 12) fagnar, Hk. 13)
þatan, H. 14) lagði, H.

Eingilsnes¹, ok lá þar hálfan mánuð, ok var hvern dag raðbyri, at sigla norðr eptir hafinu til Miklagarðs; en hann vildi biða þess byrjar, er þverskeytíngur væri, ok seglum mætti aka at endilaungum skipum, fyrir því at öll hans segl voru sett pellum, bæði þat er aptr vissi ok framm, þvíat hvárigir, aptrbyggjar ne hinir er framm voru, vildu sjá hit úfegra seglanna.

12. Þá er Sigurðr konúgr hēlt inn til Miklagarðs, þá sigldu þeir nær landi; þar eru allt á landit upp borgir ok kastalar ok þorp, svá at hvergi slítr; þá sá af landi í bug allra seglanna, svá at hvergi bar milli, sem einn veggur væri. Allt fólk var úti, [þat er sjá mátti² siglíngr þeirra. Spurt hafði ok Kirjalax keisari til ferða Sigurðar konúgs, ok lét hann upplúka [borgarhlið þat³ á Miklagarði, er gullvarta heitir; þat hlið skyldi innriða keisarinn, þá er hann hefði leingi á brott verit af Miklagarði, ok hafi vel sigrazt. Þá lét keisarinn breiða niðr pell um öll stræti borgarinnar til Laktjarna; þar eru keiserahallir hin- ar egaestu. Þat er sagt at Sigurðr konúgr lēti með gulli skúa hesta sína, [ok sinna manna⁴, áðr hann reið í borgina. Þá mælti hann til sinna manna, at þeir skyldu ríða ríkmannliga, ok völduliga í borgina, ok láta ser lítið finnast um alla nýbreytni, líta ok eigi til, þótt⁵ skú-

¹) Aungulnes, H. ²) at sjá, H. ³) borgarhliði því, H. ⁴) v. í H. ⁵) Hér kemr aptr til M, þó ero þau næst- fylgjandi blöð þar mjög rángt innbundin.

arnir hryti undan hestum þeirra, ok svá gerðu þeir¹. Reið Sigurðr konúgr ok allir hans menn með þvílkan þris í Miklagarð, ok svá til keiserans hállar hinnar ágætastu, ok var þar allvel fyrir þeim búit. En er Sigurðr konúgr var í sæti kominn ok menn hans, þá komu þarinn tveir sendimenn Kirjalax keisera, ok báru milli sín [fulla tösku af gulli ok silfri², ok sögðu at keiserinn sendi þetta fe Sigurði konúgi. Hann leit eigi til, en bað menn sína taka ok skipta með ser. Sendimenn fóru aptr, ok sögðu keiseranum. Hann mælti: sjá konúgr mun vera stórum ríkr ok auðigr, er honum þykir ekki þurfa til slíkra hluta at hneigjast, eðr gjalda þakksamlig³ orð móti. Bað hann þá nú fara með stóra *cisternam* fulla af gulli. Þeir gerðu svá, ok komu⁴ fyrir Sigurð konúg, ok sögðu at stólkonúgrinn sendi honum þetta fe. Hann svarar þá: þetta er mikit fe; takit mínir menn, ok skipti með yðr. Þeir fóru aptr, er sendir voru, ok sögðu keisera hans ummæli. Hann mælti: tveim mun skipta um konúg þenna, at hann mun vera [yfirkonúgr flestra annarra⁵ at ríki ok auðæfum; eðr mun hann eigi vera svá vitr, sem ríkum konúgi hæfir. Farit nú [ok færir honum þessa *cisternam* vel fylða af

¹) en keisarinn lét fara í móti þeim með leica oc söngfæri, b. v. M. ²) í miklum oc stórum töscum bæði gull oc silfr, M. ³) lofig, M, Hk. ⁴) enn, b. v. M. ⁵) yfir öðrum konúgum, M, Hk.

rauðu gulli¹, ok lagði keiseri þar ofan á 2 digra gullhrínga. En er þeir komu með þetta fe fyrir Sigurð konúng, ok sögðu at Garðskonúnggrinn sendi honum, þá stóð hann upp í móti; tók hann hríngana, ok dró á hönd ser. Síðan talaði hann eyrindi á girzku², ok þakkaði keiseranum með fögrum orðum sína³ stórlýndi; tók nú ok skipti sjálf þessu fe með sínum mönnum, ok fékk af þessu mikla virðing⁴.

13. Dvaldist Sigurðr konúgr þar nú nökkura hríð. Þá sendi Kirjalax keisari menn til hans at spyrja, hvárt hann vildi heldr þiggja af keiseranum 6 skippund af gulli⁵, eðr vill hann at stólkonúgrinn láti efna til leiks þess, er hann var vandr at láta⁶ leika á Paðreimi. Sigurðr konúgr kjöri⁷ heldr leikinn. Sendimenn sögðu at keiserann kostaði eigi minna fe leikinn, en þetta gull. Þá lét keiserinn efna til leiks, ok var leikit at vanda, ok veittu allir leikar betr konúgi [en drotníngu⁸ í þat sinni. Drotníng átti hálfan leikinn, ok keptust í öllum leikum menn þeirra, ok segja Grikkir, at þá er konúgr vinnr fleiri leika á Paðreimi en drotníng, at þá mun konúgr vinna sigr, ef hann fer herferð. Þat segja menn, þeir sem verit hafa í Mikl-

1) þripja sinne, oc fœrit honum et dýrsta purpuragull, oc hrocaþa af því þessa cisterna, *M.* 2) grisco, *M.* 3) þannig hika *H, M.* 4) af keiseranum, oc gerþiz svá til eptir þat, at þeir sátu í eino háseti, keisarinn oc Sigurðr konúgr, *b. v. M.* 5) ok silfri, *b. v. H;* af rauðu gulli, *M, Hk.* 6) *M, Hk;* *v. i A, H.* 7) kaus, *M.* 8) *H, M;* *v. i A.*

agarði, at Þaðreimr se á þá leið gjörr [at veggr hárr er settr¹ um einn völl, [svá til at jafna, sem eitt tún vítt vel ok krínglótt², ok [gráður umhverfis með steinveggjum³, ok sitja menn þar, en leikrinn er á vellinum; eru þar skrifuð margskonar forntíðindi, Æsir, Völsúngar⁴ ok Gjúkúngar, steipt af kopar ok málm, með svá miklum hagleik at þat þykkir allt kvíkt vera, ok sýnist mönnum sem þeir komi í leikinn; er leikrinn settr með svá miklum brögðum ok vèlum; at svá sýnist sem menn ríði í lopti. Þar er viðhafðrskoteldr, [ok sumt af forneskjo; þar við ero höfð allskonar söngföri⁵ organ, sínfon⁶ ok salteríum, hörpur og gígjur⁷ ok allskonar streingleikar.

14. Svá er sagt at Sigurðr konúngr skyldi veita keiseranum snæðing einn dag, ok bað hann sína menn sköruliga tilbúa alla hluti, þá er hafa þurfti til þeirrar veizlu; ok þá er til var aflat allra hluta, sem sómdí at veita tignum mönnum, þá mælti Sigurðr konúngr at menn hans skyldi ganga á þat stræti borgarinnar, sem eldi-viðr var keyptr, sagði at þeir myndi mikinn þurfa. Þeir sögðu at eigi þurfti konúngr ugga, at við-

1) M, Hk; v. í A. 2) nær túns vidd, krínglóttan', E; svá til at jafna sem túnsvið krínglótt, Hk. 3) garðar umhverfis með steinveggjum, H; garðr u. m. st., Hk á móti báðum skinnbókum, hefir E gráðr, en A gráðr. 4) Volsúngar, Hk. 5) Þannig M; v. í A, H. 6) v. í M. 7) oc flplur, b. v. M.

inn myndi skorta, þvíat mörgum hlössum var ekit í borgina hvern dag. En¹ er þeir ætluðu at taka, þá var brottu allr viðrinn; ok sögðu þat konúngi. Konúngr mælti: farit þá ok vitit, ef þer fáit valhnetr², eigi munum ver þeim kunna síðr at elda. Þeir fóru ok fengu [svá miklar³ sem þeir vildu. Þvínæst kom keisarin ok höfðingjar hans ok hirð, ok settust saman með sæmd, ok veitti Sigurðr konúngr með margfaldri prýði ok miklu kappi. Ok er þat fann keisarin ok drotning, at þar skorti eingan hlut, þá sendi hon menn til at vita, hverju þeir eldi. Þeir koma at húsi einu, ok sá at þat var fullt af valhnotum, fóru síðan ok sögðu drotningu. Hon mælti: víst er þessi konúngr stórlýndr, ok mun fátt tilspara síns sóma, eingi viðr logar betr en valhnetr; en þetta hafði hon gert til raunar, hvert ráð Sigurðr konúngr tæki, er hon lèti bera frá þeim eldiviðinn.

15. Eptir þetta bjóst Sigurðr konúngr til heimferðar. Hann gaf keiseranum öll skip sín, ok voru höfuð gullbúin á því skipi, er konúngr hafði stýrt⁴. [Þau höfuð voru sett upp á Petruskirkju⁵. Kirjalax keisari gaf Sigurði konúngi marga hesta, ok fèkk honum leiðtoga um allt

1) oc nú bjóst svá um, *M.* 2) þannig tæka *E*; valhnötr, *M.* 3) þeirra svá mikit, *M.* 4) oc voro þau scip lengi síðan höfð til sýnis í Mícla-garði, oc sett þar upp, *b. v. M.* 5) þat er sagt at Sigurðr konúngr tók af scipi sínu höfud mikit oc mjöc-vandat, oc setti í Petruskirkjo, *M.*

sitt ríki. Þá fór Sigurður konúgr brott af Miklagarði, en eftir dvaldist mikill hluti manna hans, ok gekk á málá¹. Sigurður konúgr fór utan of Bólgaraland ok þá um Úngaraland, of² Pannoníam ok Svafa ok Bæjaraland³. Þar fann hann Lótariúm [Rómaborgarkeisera⁴, ok fagnaði (hann) Sigurði konúgi forkunnar vel, fékk honum leiðtoga um allt sitt ríki, ok lét halda honum torg, svá sem hann þurfti, til allra sinna kaupa. En er Sigurður konúgr kom sunnan í Danmörk í⁵ Slæisvík⁶, þá fann hann þar Eilíf jarl, fagnaði (hann) honum vel ok veitti honum dýrðliga veizlu. Þat var um miðsumarskeið. Í Heiðabæ fann hann Nikolás Sveinsson Dana-konúgr, tók hann við honum með fagnaði, ok fylgdi honum sjálfr norður á Jótland, ok gaf honum skip með öllum búnaði, þat er hann hafði [í Noreg⁷. Fór þá Sigurður konúgr heim í ríki sitt, var honum þar vel fagnat, [sem skáldit segir;

Herr hauksnörum
hardmóðigr varð⁸. . .

Ok er þat mál manna, at eingi hafi meiri virðingarför farin verit ör Noregi en þessi var.

¹) þá mælti spekingr einn í Miklagarpi, at svá mundi fara virþing Sigurðar konúgs sem it úarga dýr er vaxit, geyst í bóg-onom oc aptir minna; lét at svá mundi fara hans konúgdómr, at þá mundi mest um þicja vert en sipar minna, b. v. M. ²) um, H. ³) Bæjaraland, H. ⁴) konúgr Rómaborgar, H; í Svafa b. v. M, E, HK. ⁵) ok, A. ⁶) Slæisvík, H. ⁷) þannig H; í Nor. M, í Noregi A. ⁸) v. í HK.

Þá var Sigurðr konúgr tvítögr at aldri, en Eysteinn konúgr vetri ellri¹. [Ólafr konúgr bróðir þeirra var þá 12 vetra². Sigurðr konúgr hafði verit þrjá vetr í þessi ferð.

16. Eysteinn konúgr hafði [mart syst³ í landinu, þat er nytsemd var í, meðan Sigurðr konúgr var í útferðinni⁴. Hann lét reisa Mikjalskirkju ok múnkaklaustr í Norðnesi í Björgyn, ok lagði þar fe mikit til, þat var hfit vegligsta steinmustari⁵. Hann lét þar gera postulakirkju í konúngsgarði; þar lét hann ok gjöra höll hina miklu, er vegligast tréhús hefir gert verit í Noregi; hann lét ok gera kirkju á Agðanesi, ok þar virki ok höfn, er áðr var öræfi; hann lét ok gera í Niðarósi í konúngsgarði Nikoláskirkju, ok var þat hús allmjök vandat at efnum⁶ ok smíð. Hann lét ok gera kirkju norðr í Vágum á Hálogalandi, ok lagði próventur til. [Hann lét ok gera dreka hinn mikla, er gjörr var í glíking þess, sem verit hafði Ormrinn lángi; hann auðgaði konúngdóminn með mörgum farsælligum hlutum⁷.

17. Eysteinn konúgr gerði orð hinum vitrustu mönnum á Jamtalandi, ok bauð þeim til sín, [ok fagnaði með⁸ blíðu mikilli öllum

¹) yngri, *M.* ²) Ero nú margir stápir í Noregi scrýddir af þeim geraimom er þá flutti Sigurðr konúgr í land; hann gaf til kirkjo ens helga Olafs konúgs eign micla oc dýtliga, *M.* ³) oc eigi ekki stýst, *M.* ⁴) *M*; utanferðinni, *A.* ⁵) þannig líka, *H.* ⁶) skurðom, *Hk.* ⁷) v. í *Hk.* ⁸) þannig *H*; með fagnað tok, *A.*

þeim¹ er komu, ok leiddi brott með vingjöfum²; teygði hann þá svá til vináttu við sik. En er þeir vöndust margir at fara til hans, ok þágu gjafir hans, en sumum sendi hann gjafir, þeim sem eigi komu; þá kom hann sér í fulla vináttu við alla höfðingja í landinu ok ríka bændr. Síðan taldi hann fyrir þeim, ok sagði³ at Jamtr⁴ höfðu þat illa gert, er þeir höfðu snúizt brott frá Noregs konúngum í hlýðni ok skattgjöfum; tók þar til máls er Jamtr höfðu gengit undir ríki Hákonar Aðalsteinsfóstra, ok verit leingi síðan lýðskyldir undir Noregs konúnga; inti hann ok þat, hversu mörg þarfindi þeir mætti hafa af Noregi, eðr hversu [mikil úmakindi⁵ þeim var þat at sækja Svíakonúng, um þat er þeir þurftu: kom hann svá sínum fortölum, at Jamtr sjálfir báðu ok buðu honum sína þjónustu, ok snúast til hlýðni við Noregs konúnga, ok kölluðu þat þurft sína ok nauðsyn; dró svá saman þeirra felagskap, at Jamtr gáfu landit undir Eysteins konúngs ríki, ok svörðu⁶ honum landit, ok hefir þat jafnan haldizt síðan. Vann Eysteinn konúngr Jamtaland með viti en eigi áhlaupum sem sumir hans forellrar.

18. Eysteinn konúngr var fríðr maðr sýnum, bláeygðr ok nökkutopineygðr, bleikhárr ok hrokkinhárr⁶, meðalmaðr á vöxt, spekingr at viti,

¹) oc lét þá coma í blípu micla við sic, oc gæddi þá gjöfom, *M.* ²) *H*; sögðu, *A.* ³) Jamtar, *H allstaðar.* ⁴) mikit ómak, *H.* ⁵) sóru, *H.* ⁶) ekki hárr, *b. v. A, Hk; en v. i H, M, E. og þykir ofaukit.*

at öllu fróðr, lögum ok dæmum¹, mannfæði ok ættvísi, ráðsnjallr, orðspakr, manna glaðastr ok lítillatastr, hugþekkr ok ástsæll allri alþýðu. Hann atti Íngibjörgu, dóttur [Guttorms Steigar-Þórissonar, Þeirra dóttir var² María³, er síðan átti Guðbrandr Skafhogsson⁴.

Sigurðr konúngr var mikill maðr vexti, jarpr á hár, sköruligr, ekki fagr, vel vaxinn, fámæltr optast, ekki þýðr, fastúðigr, líttalaðr á þingum, siðlátr ok veglátr, stjórnsamr ok refsingasamr, [ekki⁵ mjök lögkænn⁶, ok hélt vel lögin, hann var mildr af fe, ríkr konúngr ok ágætr um marga hluti.

Ólafr konúngr var hárr maðr á vöxt ok fríðr sýnum, glaðr ok lítillátr ok vinsæll við alþýðu. Þeir bræðr Eysteinn, Sigurðr ok Ólafr, þá er þeir voru konúngar at Noregi, þá tóku þeir af fólkinu margar álögur, þær sem Danir höfðu lagt á landslýðinn, þá er Sveinn Alfivuson ræð Noregi, ok vurðu þeir af því stórum vinsælir⁷.

19. Eysteinn konúngr hafði í marga staði bætt rétt landsmanna, ok hélt hann vel upp lög-unum. Hann gerði sér kunnig öll lög í Noregi, var hann spekingr mikill at viti. Á þeima⁸ hlut, sem eptir ferr, má marka, hverr ágætismaðr Eysteinn konúngr var at ráðspeki, eðr

1) dæmisögum, H. 2) Steigar-Þóris, þeirra börn voru Gothormr ok, M. 3) Marta, H. 4) Skafhaugsson, H; Hk. Scafhogssour, M. 5) H; v. í A. 6) ekki mikill laga-maðr, M. 7) Sjá bl. 75, athgr. 1. 8) Þannig einnig H.

hversu vinholtr hann var, ok hugkæmr eptir at leita við vini sína, hvat þeim væri at harmi, ef hann sá (þá) úglaða. Sá maðr var með honum, er hét Ívar, ok var Íngimundarson, hann var íslenzkr, vitr maðr ok ættstórr. Konúgr var ástsamliga til hans, sem sýnast mun. [Þorfinnr hét bróðir Ívars, hann fór ok utan á fund Eysteins konúgs, ok naut hann þar frá mörgum mönnum bróður síns; en Þorfinnr öfundaði þat, er mönnum þótti hann eigi jafnmenni bróður síns, ok þurfti hans at njóta, ok undi hann því eigi með konúgi, ok bjóst til Íslands. En áðr þeir bræðr skildu, mælti Ívar til Þorfinns: Nú vil ek, bróðir, bjóða þer eyrindi út til Íslands: þú kennir konu þá, er heitir Oddný, ok er Jóans¹ dóttir, ber þú henni þau mín orð með kveðjusending, at hon giptist eigi öðrum manni en mer, þvíat hon er svá af konum, at² mer leikr helzt hugr á. Síðan fór Þorfinnr út til Íslands, ok rak ekki eyrindi bróður síns, heldr bað hann þeirrar konu, Oddnýar, ser til handa, ok var hon honum gipt. Litlu síðar kom Ívar út³, ok þótti Þorfinnr illa hafa [fyrir ser⁴ gert, ok undi hann lítt við svá búit. Fór hann þá aptr til Noregs, ok var enn með Eysteini konúgi í góðu yfirlæti⁵. Hann tók þá fáleika ok úgledði; en er konúgr fann þat, þá heimti hann Ívar á eintal, ok spurði hví hann var úglaðr: en

1) Jóns, H. 2) H; er, A. 3) oc frá þetta, b. v. M. 4) við sig, H; or haft við sig, M. 5) Frá [þorfinnr v. í Hk.

fyrir, er þú vart með oss, var mikil skemtan at ræðum þínum jafnan; en eigi leita ek því eptir; veit ek at þú ert svá vitr maðr, at þú munt þat sjá kunna, sem ek veit, at ek hefi eingan hlut afgert við þik¹; nú seg mer, hvat er. Ívar svarar: þat sem er, herra! má ek ekki fráségja. Konúngr mælti: þá mun ek geta til, eru þeir nokkurir her, er þer getist eigi at? Eigi er þat, herra! segir Ívar. Konúngr mælti: þykkist þú af mer hafa minna sóma en þú vildir? Hann kvað eigi þat vera. Konúngr mælti: hefir þú sèt nokkura þá hluti, at þer hafi svá mikit umfundizt, at þer þykkir þat illa. Hann lét ekki þat vera. Konúngr mælti: fýsir þik til annarra höfðingja? Hann segir þat fjarri fara. Konúngr mælti: vandast mun oss nú at geta; eru nokkurar konur þær [her eðr á öðrum löndum², er þer se eptirsjá at? Hann sagði at þat væri³. Konúngr mælti: ver eigi þarum hugsjukr; ef sú kona er á Íslandi, þá farþú út, þegar er vār- ar; mun ek fá þer bæði fe ok sæmdir, ok þarmeð bréf mitt ok innsigli, [til þeirra manna⁴, er ráða⁵ eigu fyrir kosti þeirrar konu, ok veit ek eigi þeirra manna vānir, at eigi hneigist fyrir mín- um vinmælum eðr ógnarorðum⁶. Þúngligar

1) ertu oc svá vitr maðr at eigi mantu grun draga af því er eigi er, *b. v. H.* 2) á ypro landi, *M.* 3) var satt, *H.* 4) *M; H, Hk; v. í A.* 5) *M, H; ráð, A.* 6) Ívar svarar: eigi má svá vera. Konúngr mælti: eingi veg má þess vera, segir konúngr; þat mon ec mæla framar, þó at anpar maðr eigi hana, þá mon ec þó ná, ef ec vil, þer til handa, *b. v. M.*

er tilfarit¹, herra! segir hann, bróðir minn á þessa konu. Hverfum þar þá frá, segir konúngr, se ek þar gott ráð við²: þegar eptir jól mun ek fara á veizlur, ok far þú með mer, mun þú þá sjá margar kurteisar konur, ok ef eigi eru konúngbornar, þá mun ek fá þer einhverja. Ívar svarar: herra! því er þúngligar komit mínu máli, herra! at ávalt er ek se³ fagrar konu ok dreingiligar, þá minnir mik þessarrar konu, ok er minn harmr æ því meiri. Konúngr mælti: þá mun ek gefa þer forræði nökkur ok eigur, at þú skemtir þer við þat. Hann svarar: ekki uni ek því. Konúngr mælti: þá fæ ek þer lausafe, ok far þú kaupferð, þagat⁴ sem þú vill. Hann sagðist ekki þat vilja⁵. Konúngr mælti: vandast mun mer nú eptir at leita, [þvíat ek hefi nú⁶ eptirleitað sem ek kann. Nú er einn hlutr eptir, ok er þessi lítilsverðr hjá þessum, sem ek hefi boðit þer, en þó má eigi vita, hvat helzt hlýðir; farþú nú á fund minn hvern dag, þá er borð eru uppi, ef ek sit eigi yfir vandaþálum⁷, ok mun ek tala⁸ við þik um konu þessa, allavega sem þú vill, ok í hug má koma, ok mun ek gefa mer tóm til þessa: þvíat þat kann henda, at mönnum verðr⁹ harms síns lættara, ef um er talað; ok þat skal þessu fylgja, at þú

1) varit, H. 2) til, H. 3) sec, M. 4) til lands, h. v. H, M, Hk. 5) vilda, M. 6) en þó má eigi vita, hvat helzt hlýðir; hefir ek, H. 7) nauðaynjamaðom, M. 8) bjala, M. 9) verði, H.

skalt aldri gjaflost af mínum fundi fara. Hann svarar: þetta vil ek, herra! ok hafit mikla þökk fyrir yðra eptirleitan. Nú gerðu þeir svá, at jafnan er konúgr sat eigi yfir vandamálum, þá talaði hann við Ívar um þessa kunu¹; ok bættist honum skjótt, svá at litlu síðar var hann glaðr ok kátr, sem hann hafði fyrr verit. Var hann síðan með Eysteini konúgi, ok undi² vel.

20. Þat er sagt at Sigurðr konúgr tók úgleði mikla, mátti lítt njóta tals hans, ok sat hann skömmum við drykk. Þat þótti ráðgjöfum hans ok vinum þúngt; báðu þeir Eystein konúgr gefa til nokkur ráð, svá at hann yrði viss, hverju gegndi, er menn fengu eingan örskurð mála sinna³, er Sigurð konúgr sóttu at. Eysteinn konúgr svarar: vant þykki mer at leita eptir slíkum hlutum við Sigurð konúgr; en þó fyrir bæn manna varð þat at hann hæt (þvi). Ok eitthvert sinn, er þeir voru báðir saman, vakti Eysteinn konúgr til, ok spurði hvat vyldi⁴ úgleði hans: er þat, herra! sagði hann, margs manns hrygð, vildim ver vita hvat tilheldr⁵, eða hafit þer nokkur tíðindi fregit, svá at þat se stórra hluta vert. Sigurðr konúgr svarar: eigi er þat. Eysteinn konúgr mælti: er þat þá, bróðir! at þer vilit fara ör landi, ok afla enn meira ríks, sem [fyrr gerðut þer⁶? Hann kvað þat eigi vera. Eysteinn mælti: eru nokkurir þeir menn her í

1) konu, H. 2) sér, ó, v. H. 3) þeir, ó, v. H. 4) olli, H. 5) tilber, H; er veldr, HK. 6) fuðir varr, HK.

landi, er fyrir reiði yðvarri se vorðnir? Hann lét at þat væri eigi. [Seg mer þá, bróðir! segir Eysteinn konúngr. Eigi mun ek þat gera, segir Sigurðr konúngr¹. Eysteinn mælti: hefir þik dreymt nökkut, þat er þer aflar áhyggju? Hann lét þat vera. Seg mer, bróðir, segir Eysteinn konúngr, hvat þik hefir dreymt. Sigurðr konúngr mælti: eigi skal þat, nema þú ráðir eptir því sem vera mun, ok mun ek glöggt² vita, hvárt rétt er ráðit eðr eigi. Eysteinn konúngr svarar: þá er varði mikill á báðar hendr! sitja fyrir reiði þinni, ef eigi verðr rétt³ ráðit, en í annan stað hrygð sú ok áfelli, er allt fólk þolir af yðvarri úgleði; en þartil mun ek ráða þó, at hætta á yðra miskunn, þótt eigi verði ráðit eptir því sem yðr líkar, ok segit mer drauminn! Sigurðr konúngr mælti: þat dreymdi mik, at mer þótti sem ver³ bræðr sætim á einum stóli fyrir Kristskirkju norðr í Kaupáangi, mer sýndist sem hinn helgi Ólafr konúngr, frændi várr, gengi út af kirkjunni; hann var skryddr konúngligu skróði, hann var með hinni dýrðligstu ásjónu, ok mjök blíðligr; hann gekk at Ólafi konúngi, bróður okkrum, ok tók í hönd honum, ok mælti til hans blíðliga: far með mer, frændi, segir hann; mer sýndist hann standa upp, ok gánga með honum inn í kirkjuna. Nökkuru síðar gekk hinn helgi Ólafr út af kirkjunni ok at þer, bróðir, ok mælti at þú skyldir með honum fara; var hann þá þó

¹) v. í Hk. ²) H, M; glækt, A. ³) glíðliga, M.

eigi með jafnmikilli blíðu sem fyrr; gengu þit síðan inn í kirkjuna. En þá vænti ek at hann myndi móti mer koma, en þat varð ekki; þá sló yfir mik hræðslu mikilli ok vanmegni, ok vaknaða ek í því. Eysteinn konúgr svarar: Svá ræð ek draum þenna, at stóllinn merki ríki vart bræðra; en þat er þer sýndist Ólafr konúgr koma móti Ólafi, frænda okkrum, með blíðu yfirbragði, þar mun hann lifa skemst vár bræðra; mun hann eiga gott fyrir höndum; hann er vinsæll ok úngr, ok hefir fátt yfir¹ líðit, mun hinn heilagi Ólafr konúgr hjálpa honum með guði. En þat er þer sýndist hann mer í mót koma, ok eigi með jafnmikilli blíðu, þar mun ek lifa nökkuru leingr, ok þó verða eigi gamall, ok vænti ek at hans ásjá [mun yfir mer standa²; er hann kom í móti mer, en þó eigi með jafnmiklum blóma sem Ólafi, bróður okkrum, fyrir því at mik hefir hent mart til afgerða við guð ok boðorðabrota. En þar sem þer þótti frestast kváma³ hans til þín, þat get ek ekki⁴ merkja heimvæn þína⁵; en vera kann at þú mætir nökkuru þúngu áfelli, er þer sýndist sem nökkur úbirta legðist yfir þik, ok get ek at þú verðir vár elztr, ok ráðir leingst ríki þessu. Þá mælti Sigurðr konúgr: vel er ráðit, bróðir! ok

1) hann, b. v. H. 2) mune yfir standa, H; oo hann muni sína geðlo láta ifir mer vera með guðs misönnu, M. 3) H, M; kvámu, A. 4) H; u. í A; M kemst hér svo að orði: þá etla ec þar at ecki megí í því heimvon þína maroa. 5) heldr þitt lánglíf, b. v. HA.

vitrliga, ok eptir þessu er mest vãn at gáangi. Tók Sigurðr konúngr þaðan af at gleðjast.

21. Ólafr konúngr tók sótt [litlu síðar¹, þá er hann leiddi til bana. Hann er jarðaðr at Krits-kirkju í Niðarósi; hann var hið mesta harmaðr². Síðan ræðu þeir báðir landi, bræðrnir Eysteinn ok Sigurðr, en áðr höfðu þeir verit 3 bræðr konúngar 12 vetr, 5 síðan Sigurðr konúngr kom í land, en 7 áðr. Ólafr konúngr var 15-vetra, þá er hann andaðist; þat var ellefta kalendari-um³ janúarí⁴.

22. Þá er Eysteinn konúngr hafði verit einn vetr austr í landi, en Sigurðr konúngr var þá norðr, þá sat Eysteinn konúngr leingi um vetrinn í Sarpsborg. Bóndi einn ríkr er nefndr Ólafr í Dali; hann bjó í Dali í Aumurð; hann átti 2 börn: son hans hét Hákon faukr, en Borghildr dóttir; hon var kvinna⁵ fríðust, vitr ok fróð mjök; þau

1) *H*; v. í *A*; í þrettánda ári ríkis þeirra bræðra, *M*, *Hk*. 2) *M b*. hér v. Móðir Óláfs konúnga var Sigrípr, dóttir Saxa ör Víc, systir Kára austráz, er callaþr var Kári konúngsbróþir, rícr maþr oc vinsæll. Önnor dóttir Saxa í Víc var þóra, hon gat son þann er Sigurþr hét, oc síþan callaþiz son Magnúss (con-únga), oc callaþr var Sigurþr slembidjác. Kári konúngsbróþir átti Borghildi, dóttur Daga (Eilífssonar); var þeirra son Sigurþr austr-átt, lendr maðr, faþir Jóans, er átti Sigrípi systur Inga konúnga Bárðarsonar. Hér með er nálíga samstemma, *Hk*. 3) kalendas, *H*, *Hk*. 4) *M* hafir niðrlag þessa kap. nokkut öðruvísi: Eptir andlát (Óláfs konúnga skiptu) þeir bróþr landi með ser í helmínga, Sigurþr konúngr oc Eysteinn konúngr; hafði Sigurþr konúngr en eystra lut lanz, en Eysteinn konúngr (en nörþra lut), oc sat han optast í Níþarósi; brátt gerþost noctorar greinir milli konúnga í landino, *M*. 5) kvenna, *H*.

Ólafr ok börn hans voru leingi í Borg um vetrinn, ok var Borghildr laungum á tali við konúng, ok mæltu menn allmisjafnt um vináttu þeirra. En eptir um sumarit fór Eysteinn konúngur norðr, en Sigurðr konúngur fór þá austr¹, ok um vetrinn eptir var Sigurðr konúngur austr í landi í Konúngahellu, ok efldi stórmjök þann kaupstað. Þar lét hann gera kastala mikinn af torfi ok grjóti, ok grafa um díki; hann lét húsa í kastalanum, ok gera kirkju. Krossinn helga lét hann þar vera í Konúngahellu, ok efldi stórmjök þann kaupstað, en hélt í því eigi eiða sína, er hann hafði svarit í Jórsalalandi, en hann framdi túnd, ok flest allt annat hélt hann, þat er hann hafði svarit, nema þat er hann setti krossinn austr við landsenda; hugði hann þat vera mundu allmikit til landsgæzlu, en þat varð at hinu mesta úráði, at setja þann helga dóm svá mjök undir vald heiðinna manna, sem síðan reyndist. Borghildr Ólafsdóttir heyrði þenna kvitt, er kveiktist um tal þeirra Eysteins konúgs ok vináttu; þá fór hon til Borgar, ok fastaði þar til járn, ok bar járn fyrir mál þetta, ok varð vel skír. En er þat spurði Sigurðr konúngur, þá reið hann þat á einum degi, er ríklar voru tvær dagleiðir², ok kom fram í Dali [at Ólafi³ um nótt, ok tók Borghildi frillutaki, ok hafði hana brott með sér. Þeirra son var Magn-

¹) apt, b. v. H. ²) Kap. 22 heitil v. í M; en finst í Hk. ³) til Ólafs, H.

ús; hann var brottsendr til fóstrs norðr á Hálogaland í Bjarkey til Viðkunns Jónssonar, ok fæddist hann þar upp. Magnús var manna frðastr sýnum, bráðgjör á vöxt ok afl.

23. Sigurðr konúgr fèkk Málmfríðar¹, dóttur Haralds konúgs Valdimarssonar austan ör Hólmgarði. Valdimar konúgr var son Jarisleifs gamla ok Íngigerðar, dóttur Ólafs sænska, en móðir Haralds konúgs Valdimarssonar var Gyða gamla drotníng, dóttir Haralds konúgs Guðinasonar af Einglandi. Móðir Málmfríðar drotníngar var Kristín, dóttir Ínga Steinkelssonar Sviakonúgs. Önnur dóttir Haralds konúgs Valdimarssonar var Íngibjörg, er átti [Knútr konúgr² lávarðr³, son Eiríks eygóða Danakonúgs; hann var son Sveins konúgs Úlfssonar. Börn þeirra Knúts lávarðar ok Íngibjargar voru þau Valdimar, er konúngdom tók í Danmörk eptir Svein Eiríksson, ok Margrèt, Kristín, Katrín. Margrétu átti Stúgr hvítaleðr; þeirra dóttir var Kristín, er átti Karl Sörkvisson Sviakonúgr⁴. Þeirra son var Sörkvir konúgr⁴, faðir Jóns konúgs⁵.

24. Á dögum þeirra bræðra, Eysteins konúgs ok Sigurðar, kom utan af Íslandi sá maðr er Þórðr er nefndr, austfirzkr at ætt, mikill vexti ok gerviligr, felstíll ok fróðr ok orti vel.

¹) Málmfríðar, H. ²) Hnútr jútvarðr, H. ³) Sviakonúgs, H. ⁴) v. í H. ⁵) Sigurðr konúgr jórsalafari oc Málmfríðr drotníng áttu dóttur, er Cristín hét, b. v. M; en hér við b. Hk enn framar: sem átti Erlíng jarl skakka.

Hann kom í kaupbæinn í Niðarósi, ok átti þar fátt til forgiptar. Hann kom¹ í garð konu þeirrar er Ása hét; hon var þá ekkja, ok ekki úng kona, auðig ok ættstór, skyld mjök Viðkunni Jónssyni ok fleirum Bjarkeyingum. Ása tók við Þórði fyrst [á ráðabið², en hét honum ekki lángvistum. Hann skemti vel, ok annaðist með henni um þá hluti, sem hon kunni honum tilsegja; [reittist þá á³ um vist hans, svá at hann var þar um vetrinn, ok í því herra haldi af húsfreyju sem hann var leingr, ok mæltu menn at tal þeirra bæri opt saman. En er vár kom, mælti Ása til Þórðar: mer hefir [vordit vel við þik⁴ í vetr; nú mun ek fá þer fe til Einglandsfarar, ok eigum bæði saman. Hann fór til Einglands, ok tókst vel til; [kom hann heim at hausti, ok var með Ásu um vetrinn. Svá fór fram nökkur sumur, ok gekk mjök í vöxt um hans mál⁵; var hann í kaupferðum á sumrum, en með Ásu á vetrum, ok annaðist um eignir hennar, var hann þá kallaðr Ásu-Þórðr. Frændum hennar þótti at þessu úvirding, ok lögðu á hann úpokka; hann var vænn maðr ok liðmannligr; græddist honum fe mikit, ok gerðist hann vinsæll við alþýðu. Þat var einn tíma, at nökkur vinr hans kom at máli við hann, ok sagði honum at þagat til bæjarins var vãn Viðkunnr Jónssonar: en ek veit, segir hann, at Viðkunnr hefir

¹) um qveld eitt, b. v. M. ²) um seannu vist, M. ³) reittist þá, H. ⁴) vel líkat til þín, H. ⁵) v. í H.

á þer þúngan hug um Ásu frændkonu sína, því, at nú er þat alræmt at þú glepir hana; nú legg ek þat til ráðs með þer, at þú yrkir kvæði um Viðkunn, ef þú ert tilfærr, ok mættir þú svá koma þer í trygð ok vináttu við hann, því at slíkir eru nú mest virðir af frændum Ásu. Þórðr svarar: haf þökk fyrir þín tillög, ok við skal ek leita at yrkja kvæðit. Litlu síðar kom Viðkunnr með mikla sveit manna, ok tók ser skytníng í bænum. Einnhvern dag kom þar Þórðr, ok kvaddi Viðkunn; hann svarar fálíga. Þórðr hóf þá upp kvæðit ok kvað, ok var hljótt meðan, ok er lokit var, mæltist kvæðit vel fyrir. Þá mælti Viðkunnr: vel er kvæðit ort, ok skipt hefir ek nú skaplyndi til þín, Þórðr! ok mun ek gera at því nökkura raun. Hann tók digran gullhríng, ok gaf Þórði. Þórðr lét sik ekki fe þurfa: vil ek heldr, segir hann, vináttu þína at kvæðislaunum, ef þer þykkir nökkurs vert. Viðkunnr hæt honum því, ok skildust vinir.

25. Liðu þá stundir fram, ok eitt haust er Þórðr kom vestan af Einglandi, lagði hann skip sitt¹ upp í ána Nið, ok veik frá ok ör læginu því skipi, er áðr lá fyrir garði Þórðar. Þá var Eysteinn konúgr í bænum ok mart stórmenni: þar var Sigurðr Hranason, Viðkunnr Jónsson, Íngimar af Aski, hann var einn ríkastr lendra manna, ok ofsamaðr mikill; hann hafði

¹) skipi sínu, H.

lagit skip sitt í lægit Þórðar, ok töluðu menn um, at Þórði myndi eigi duga¹, er hann hafði bægt skipinu Íngimars ör læginu. Þórðr lét sem hann heyrði eigi, hvat hvergi talaði um. En þá er þeir Þórðr ruddu skip sitt, þá fann hann eigi stafntjald sitt; gekk hann þá á skip Íngimars, ok fann þar svein einn, er svipt hafði undir sik tjaldinu. Þórðr tók sveininn, ok rak bundinn [undan sér² heim í garð sinn, ok lét þar varðveita; flutti hann allt fe sitt heim í garðinn. Þetta kom allt fyrir Íngimar; hann varð við reiðr, ok kallaði slíkt firn mikil; gekk hann þegar með nokkura menn at garði Þórðar, ok bað hannselja skjótt fram manninn. Þórðr svarar: þat mun mer ekki varligt, at láta ganga údæmdan þjóf um bæinn. Íngimar kveðst þat ætla, at Mörlandi³ myndi eigi dæma menn hans til dauða; lét sik svá koma myndu öðru sinni, at hann skyldi ná manninum, ok Þórðr skyldi aldri verra [ser aflat⁴ hafa: má ek ekki, segir hann, heita lendr maðr, ef ek skal eigi hafa ríki við einum íslenzkum stafkarli. Þá kvað Þórðr:

Nú tekr ýgr at ægja⁵
 ofkúginn mer drjúgum,
 þinn hefir höldr um hlannat⁶,
 hjaldr-gegninn, mik tjaldi;
 trautt mun ek lausan láta,
 linnbóls⁷-gjafi! at sinni

1) hlýpa, M. 2) Seinna viðbætt í A; fire ier, M; v. 1 H. 3) her-landi, M. 4) för farit, M. 5) øgja, M. 6) A, M; hlammatt, H. 7) H; lindbóls, A, M.

vísan þjóf, þótt vafi¹.

ván mín und² hlut þínum.

Íngimar gekk í brott mjök reiðr; þá mælti Ása, at Þórðr myndi senda eptir Viðkunni, ok sagði eigi svá búit duga mundu. Hann gerði svá; en er Viðkunni komu orð Þórðar, brást hann við skjótt, gekk hann í garð Þórðar, ok upp í loptin til hans með mikla sveit manna. Því næst kom þar Íngimar með marga menn, ok bað þá Þórð láta lausan manninn, eðr ellar³ mun hann gánga at, ok brjóta upp loptin. Viðkunnr hafði þá svör fyrir þeim; hann mælti: þat er sannligast at þetta mál komi í dóm fyrir lögmönnum; þvíat Þórðr hefir þat eitt atgert, sem hann átti, þvíat honum mætti sök ágefa, ef hann lèti fara sannreyndan þjóf; ok munum ver nú þess at bíða, er at lögum er dæmt. Íngimar svarar: her mun nú at því koma, sem mælt er: stikk mer í, kvað reka, mun þat ok vel fallit, at ver reynim með oss, lendir menn, ok er þat miklu jafnligra, en við Þórðr eigimst við, sneri hann á brott. Þá mælti Viðkunnr til sinna manna: farit nú til fundar við Sigurð Hranason, ok biðit hann her koma, en ef hann hefir orð fyrir eða undanfærslu, þá spyrit eptir, hverr honum veitti mest lið, þá er Finnar vildu taka bú hans. Þeir fundu Sigurð, ok sögðu honum orðsending Viðkunns. Sigurðr svarar: ek ætla þar⁴ vel ákomit, at þeir

¹) wofi, H. ²) um, M. ³) elligar, H. ⁴) þetta, M.

Íngimar reyni með ser; þvíat þar þykkist hvárr öðrum meiri. Sendimenn báru þá fram ályktarorð Viðkunns. Þá mælti Sigurðr: þat er satt at eingi maðr dugði mer, (jafnvel) sem Viðkunnr; standit upp, allir mínir menn, ok förum at veita Viðkunni lið, ef hann kann þurfa. Þeir vápnuðust ok gengu í garð Þórðar. Litlu síðar kom þar Íngimar með mikinn flokk manna¹. Hann mælti: Nú munum ver eptirleita manninn, Viðkunnr! með lítilli vægð, ef eigi er með auðveldi framseldr. Þá mælti Sigurðr: farit at vægiliga, Íngimarr! ok eptir sannindum, þvíat þat munu menn ætla, at halda rættindum sínum fyrir þer, þótt þú ser kappi mikill. Íngimar svarar: Era hera at borgnara, [þótt hæna² beri skjöld; ok [mikils þykkir nú viðþurfa, er þit erut tveir³ í móti mer, ok hvártveggi lendr maðr, en þó skal enn eigi láta fyrirvinnast; vildi ek nú svá koma í þriðja sinn, at þit drægit⁴ eigi manninn með afli af mer. Gekk hann þá brott, dró at ser lið sem flest; fékk hann mikit fjölmenni. En í annan stað sendi Sigurðr Hranason menn til Eysteins konungs: ok biðit hann tilkoma, segir hann, segit honum at her munu⁵ ellar⁶ grast ofmikil⁷ vandræði; en ef konúgr hefir nökkut tregður í at fara, þá spyrit eptir, hverir síðast skildust við

¹ þen lípit Viðkunns hatpi dreitit her oc hvar um þóinn, *b. v. M.* ² at hœna, *M.* ³ mikit caupist nú í, ef ip erop 2, *M.* ⁴ drægit, *M.* ⁵ mune, *H.* ⁶ af, *b. v. H.* ⁷ af mikil, *M.*

föður hans, þá er hann féll vestr á Írlandi. Sendimenn fóru ok komu á konúngs fund, ok sögðu honum orð Sigurðar. Eysteinn konúngr svarar: Þat þykkir mer þeim ekki¹ ofrefli, tveim lendum mönnum, at eiga við Íngimar, ok kann ek eigi at sjá, at ek þurfi þar til at koma; allir þykkjast þeir miklir fyrir ser. Þá mæltu sendimenn: herra! hvat viti þer til, hverir bezt ok leingst fylgdu feðr þínum, [þá hann barðist síðasta sinn² vestr á Írlandi? Konúngr svarar: Viðkunnr ok Sigurðr voru þat; varða³ þykkir þeim at ek komi, ok skal svà vera. Gekk konúngr fjölmennr í garðinn til þeirra Sigurðar. Því næst kom þar Íngimar [með fjölda liðs⁴, ok mælti til Sigurðar: þess þykki mer meiri vãn, at oss mun nú saman lenda, ef þer látit eigi lausan manninn. Eysteinn konúngr svarar: eigi samir þat, Íngimar! at gera her í bænum svà mikit hervirki um svà⁵ vandan mann, ok munum ver eigi uppgefast fyrir þer, allra helst er ver höfum rætt at mæla. Þá mælti Íngimar: nú gerist mikit málit, er konúngr sjálfr er tilkominn, ok munum ver nú verða frá (at) snúa at sinni. Konúngr bað þá taka þjófinn, ok leiða á mót, var tjaldit bundit á bak honum, [sem síðr er til, síðan var hann dæmdr⁶, ok svà færðr út. á eyrar ok þar uppfestr. Þá mælti Eysteinn

¹) vera hófis-, *M.* ²) *H*; *v. i A*; öfsta sinni, *M.* ³)
oc undir, *M.* ⁴) oc hefir orhóf manna, *M.* ⁵) lítinn lut oc,
b. v. M. ⁶) þannig *M*; *v. i A*, *H.*

konúgr: hvat ætlar þú, Íngimar! at þjófrinn hafi í öðrum heimi? Gott, segir Íngimar. Nei, segir konúgr, rétt¹ helvíti, ef hann deyr iðranarlaus. Íngimar svarar: þat mun eigi vera, en mislagðar eru þær hendr, dreggr framm hluta Mörlandans, en þorir eigi at hefna föður þíns, er drepinn var vestr á Írlandi, sem hundr á beinum; ok þat hygg ek at heldr hafi hann helvíti, en þessi maðr, sem þú læzt drepa, lítt sakaðan eðr ekki. Spratt hann þá upp, ok sneri þegar til skips síns, ok fór austr í Vík; drap hann þar ármann² konúgs. Stökk hann síðan örlandi, ok suðr til Danmerkr. Eysteinn konúgr tálmaði ekki ferð hans, ok gaf eingan gaum at fólkskuorðum þeim er hann mælti, ok sýndi í því sem mörgu öðru vit sitt ok góðleika. En Þórðr fékk Ásu, ok þótti hann vera mikilmenni í marga staði, var hann maðr vinsæll, ok skorti þau Ásu eigi auð³.

26. Eysteinn konúgr ok Sigurðr konúgr voru einn vetr báðir á Upplöndum, ok tóku veizlur at búum sínum, átti sín bú hvárr þeirra, en skamt var milli þeirra bæja, er konúgar skyldu veizlur⁴ taka. Þá gerðu menn þat ráð, at þeir skyldu báðir samt á veizlum vera, ok sínu sinni at hvárs búum. Váru þeir fyrst báðir samt at því búi, er Eysteinn konúgr átti. En um kveldit, er menn tóku at drekka, þá

¹) beint, *M.* ²) mann, *M.* ³) *M b. v.* oc lýcr her þessi frásagn; en: *Hk v. allan þenna þátt um Þórð austfirzka.* ⁴) at, *b. v. H.*

var munngát ekki gott, ok voru menn hljóðir¹. Þá mælti Eysteinn konúgr: þó eru menn her hljóðir! hitt er ölsiðr meiri, at menn geri ser gaman, ok fáa oss ölteiti nokkura, mun þá enn skjótt áræstast² um gleði manna. Nú mun þat öllum sæmd pykkja, at við Sigurðr, bróðir minn, hefum nokkurar skemtanarræður. Sigurðr konúgr svarar heldr stygt: ver þú svá málugr sem þú vill, segir hann, en lát mik ná at þegja fyrir þer. Eysteinn konúgr mælti: sá ölsiðr hefir opt verit, at menn hafa tekit ser jafnaðarmenn; [vil ek her svá vera láta. Þá þagði Sigurðr konúgr. Se ek, sagði Eysteinn konúgr, at ek verð at hefja þessa teiti³; nú tek ek þik, Sigurðr konúgr! mer til jafnaðarmanns, færi ek þat til at við höfum jafnt tignarnafn ok jafna eign ok ríki; geri ek eingan mun ættar okkarrar eðr uppfæðslu. Þá svarar Sigurðr konúgr: mantu þat, er ek braut þik á bak, ef ek vildi, ok var þú þó vetri ellri? Eysteinn konúgr svaraði: eigi man ek hitt síðr, at þú fækt ekki leikit, þat er mjúkleikr var í. Sigurðr mælti: mantu, hversu fór um sundit með okkr, at ek mátti kefja þik, ef ek vildi? Eysteinn svarar: ekki svamm⁴ ek skemra en þú, ok eigi var ek

¹) M hefir þetta öðruvísi, segir þar at þeir bræðr væri á einni veizlu báðir; Sigurðr konúgr var fíllítr, en sá er veitti var vinr Eysteins konúgs, oc segir at hann vildi gjærna at Eysteinn konúgr leitaði eptir við Sigurð konúg o. s. fr.; er þar líka mjög öðruvísi orðat þat sem eptir kemr af þessum kap. ²) áræstast, Hk. ³) þannig Hk; v. í A, H. ⁴) þannig A, svam, H, M, Hk; en hitt er forn mál, og er af því dregit sv. simma, sammi, summit, þ. e. svanda.

verr kafsýndr; en kunna ek á ísleggjum, svá at eingan vissi ek, þann er þat lèki til móts við mik, en þú kunnir þat eigi heldr en naut. Sigurðr konúngr mælti: höfðingligri ok nytsamligri sýnist mer sú íþrótt at kunna vel við boga, en ek ætla at þú nýtir eigi boga minn, þótt þú spyrnir fótum í. Eysteinn mælti: ekki er (ek) svá bogstyrkr sem þú, en eigi¹ mun minna skilja beinskeyti okkra; ok miklu kann ek betr á skíðum² en þú, ok þótti þat enn fyrr góð íþrótt. Þat þykki mer mikill munir at sá, er höfðingi skal vera annarra manna, se mikill í flokki, styrkr ok våpnfærr, betr en aðrir, ok af slíkum hlutum auðkendr, þar er margir koma saman. Eysteinn konúngr svarar: eigi er þat síðr einkanna hlutr, at maðr se fríðr sýnum, ok er sá auðkendr í mannfjölda; þykki mer þat höfðingligt, þvíat fríðleikinum samir hinn beztí búnaðr; kann ek ok miklu betr til laga en þú, ok svá, hvat sem við skulum tala, er ek miklu slèttorðari. Sigurðr svarar: vera kann at þú hafir numit fleiri lögpretta³, þvíat ek átti þá annat at starfa, en eingi maðr frýr þer slèttmælis, en hitt mæla margir at þú ser ekki allfastorðr, ok lítit mark se at, hverju þú heitr⁴, ok mælir eptir þeim er þá eru hjá, ok er þat þó ekki konúngligt. Eysteinn svarar: satt er þat, bróðir, at margir sækja þeir á minn fund, er ek má eigi svá gott

¹) v. í H. ²) Hk; skipum, A, H. ³) lögpretto, Hk; lögkróka, A. ⁴) þannig A, H.

gera, sem vilinn væri til; dæmir ek opt sakir manna eptir sönnum vitnum, en ef nokkut kemr síðar sannara upp, þá læt ek hvern mann ná réttindum, hvat sem áðr hefir dæmt verit; heit ek ok optliga því sem ek er beðinn, þvíat ek vildi at allir færi fegnir af mínum fundi, en se ek þann kost, ef ek vil hafa sem þú gerir, at heita öllum illo, en eingan heyri ek þar efndanna frýja. Sigurðr konúgr mælti: þat hefir verit mál manna, at ferð sú er ek fór ör landi væri heldr höfðinglig, en þú sazt heima meðan sem dóttir föður þíns. Eysteinn konúgr svarar: nú greiptu á kýlinu, því er ek hugða at fyrir laungu myndi sprínga: eigi myndi ek þetta mál vakit hafa, ef ek kynni her eingu til at svára. Nærr þótti mer hinu, at ek gerði þik heiman í þá ferð sem dóttur¹ mína, áðr þú vyrðir búinn. Sigurðr svarar: heyr mun þú þat hafa, at ek átti orrostor mjök margar í Serklandi, ok fékk ek í öllum sigr, ok margskonar gersimar, er eigi hafa slíkar komit hlgat í land; var ek þar mest virðr, er ek fann göfgasta menn, en ek hygg þik enn hvergi hafa hleypt heimdraganum. Eysteinn svarar: spurt hefi ek þat, at þú áttir orrostor nokkurar utanlands, nu mun her smátt vera móti at telja: norðr í Vágum setti ek fiskimanna vist, at fátækir menn mætti þar nærast til lífs hjálpar; þar lét ek ok kirkju reisa, ok lagði ek fe til prestvistar, at síða þar

¹) systur, Hk.

fólk, er nálíga var áðr heiðit, munu þeir menn muna, er þar hjálpast, at Eysteinn konúgr hefir verit í Noregi. [Á Þrándarnesi lét ek ok kirkju gera, ok lagði ek fe til, ok munu þeir menn muna, er þar byggja, at Eysteinn konúgr hefir verit í Noregi¹. Um Dofrafjall var mikil för ör Þrándheimi; urðu þar menn opt úti, ok fóru illum förum; lét ek þar sæluhús gera, ok lagði ek fe til. Ek gerði höfn fyrir Agðanesi, [er áðr var örhæfi², en nú er þar hjt bezta skipalægi hverjum manni, er ferr norðr [eða suðr með landi³. Ek gerði ok stöpulinn í Sundhólmssundi, ok munu þeir menn, er þessa hluta þurfa, vita at Eysteinn konúgr hefir verit í Noregi; nú munu þessa njóta fiskimenn ok kaupmenn, er mest gæði flytja landi [þessu⁴. Höllina miklu⁵ lét ek gera í Björgyn ok Postulakirkju ok riðit í milli, ok munu konúgar, þeir sem eptir oss koma, njóta þessarrar athafnar. Mikaeliskirkju lét ek gera [í Norðnesi⁶, ok setja þar múnklífi. [Skipaða ek lögonom, bróðir! at hverr mætti hafa réttendi við annan, ok ef þau ero haldin mon betr fara landsstjórnin⁷. Ek hefi komit Jamtalandi undir Noreg at hlýðni ok skattgjöfum, [meir með blýðrðum ok viti, heldr en með ágangi⁸. Nú er þetta smátt at telja, en eigi

1) v. í Hk. 2) voro örhæfi oc hafnleysi, M, Hk. 3)

eðr norðan, H; oc kirkja gjör, b, v. M, Hk. 4) vorp, H; oc missir þá eigi allz cónungdómrinn, b. v. M. 5) H, v. í

A, M, Hk. 6) v. í M, Hk. 7) M, Hk; v. í A, H. 8)

M, og hærumbil Hk; v. í A, H.

ætla ek þetta allt saman úþarfara ríki væru ok allri landsbygð, ok eigi oss minna til sáluhjálp-
ar, en þer, þótt þú brytjaðir blámennt á Serk-
landi fyrir fjandann, ok hrapaðir þeim svá til
helvítis. Sigurðr konúgr mælti: [fór ek til
Jórsala, ok kom ek við Púl, ok sá ek þik eigi
þar; vann ek átta orrostur, ok vartu í öngarri;
fór ek til grafar dróttins, ok sá ek þik eigi þar¹;
í þeirri ferð kom ek til Jórdánnar, ok svamm²
ek út yfir ána, en þar á árbakkanum var hrís-
kjörr nokkut³, ok þar á kjörrinu⁴ reið ek þer
knút, Eysteinn konúgr! ok mælti ek svá fyrir,
at þú skyldir leysa, eða hafa allar þvílskan
formála, sem áðr er álagðr⁵. Eysteinn mælti:
ekki mun ek leysa þann knút, er þú reitt mer
þar, en ríða mátti ek þer þann knút, er miklu
síðr fengir þú leyst, þá er þú sigldir einskipa
í her minn, er þú komt í land. [Líti nú vitrir
menn á, hvat þú hefir umfram, ok vita skolo
þer þat, gullhálsarnir, at menn muno en jafn-
ast við yðr í Noregi⁶. [Eptir þetta þögnuðu
þeir, ok var hvártveggi reiðr⁷.

27: Svá er sagt at Sigurðr konúgr jórsa-
lafari tók veizlu inn í Þrándheimi [á Mærinni⁸;
þar var þá með honum Sigurðr Hranason, mággr

¹) M, Hk; v. í A, H. ²) þannig A; svam, hin. ³) nokkur, H. ⁴) þannig lagfært fyrir kjörrinn A; kjörrinu, H. ⁵) þá vann ec borgina Sídon með Jórsalakonúgi oc, höfðom ver eigi þinn styrc eðr ráð til, b. v. M. ⁶) þannig M; Hk; v. í A. ⁷) v. í M. ⁸) norðr at konungabúi, M.

hans, er átti Skjaldvöru, systur Magnúss konungs berfætts sammæðra. [Þar var þá ok Ívar af Fljóðum, lendr maðr; hann átti Sigríði Hrana-dóttur, systur Sigurðar, ok var vinskapr þeirra máganna góðr. Sigurðr konúgr sat við drykk um kveldit, ok var mjök glaðr; hann setti höndina framm á borðit fyrir sik, ok hafði gullhring í hendinni, ok mælti: þessi hringr er nú gjaffalr, en sá maðr, er þiggja vill hringinn, fari sendiför mína, en ekki mæli ek þetta til smámennis, heldr til lendra manna, ok skil ek frá Sigurð, mág minn, hans má ek eigi án vera í landinu. Þá svarar Ívar af Fljóðum: ekki mun mer þá hvatvísi at svara þessu máli, þvíat ek veit her eigi fleiri lenda menn en mik, ef Sigurðr Hranason er fráskildr. Nú er þat líkligt, at þú munt vel fyrirjá, ok eigi skaltu illa atkomast, ok vil ek fara hvert er þú beiðir. Konúgr mælti: þat er mönnum kunnikt, at faðir minn [fór vestr til Írlands, ok er þat vitað, hver stórtíðindi gerðust um hans mál¹. Nú vil ek þik þagat senda, at krefja [skatta ok skaðabóta fyrir þann missi ok mannskaða, er ver höfum þar fengit, ok láttu þess vãn, ef eigi er viðskipazt þessa orðsending, at ek mun koma með her á hendr Írum, hefi ek átt við slíkt ofrefli, sem þar mun fyrir vera². Skaltu nú þegar fara út til Kaupánga, ok taka

¹) hafði eignast ríki mikit á Írlandi, þat er heitir Ulaztír, oc síðan er hann fáll frá, höfum ver eingin gopi haft af því ríki í lénom né scöttom, *M.* ²) þess scattgildis, *M.*

þar af konungsgarði fe, slíkt sem þú [vill hafa¹, ok önnur föng. Ívar mælti: eigi var mér ván at skjótara myndi ádynja² en svá. Ívar tók þegar eitt lángskip, fór hann út til bæjar, ok bjóst þaðan til farar; sigldi hann vestr um haf, til Orkneyja fyrst, ok var þar um vetrinn. Um værit fór hann til Írlands, ok átti þing við landshöfðingja; bar hann upp eyrindi Sigurðar konungs, ok tjáði fyrir þeim, hvers hann hafði þar mist, ok hvat Írar áttu honum at bæta³, eðr til hvers váða horfðist, ef þeir vildi eigi skipast við orðsending konungs; taldi hann þat göfgum mönnum þar í landi vera bæði vitrligra ok virðuligra, at vingast við slíkan höfðingja, sem Sigurðr konúgr var, ok senda honum sæmiliga gripi ok gersimar, heldr en sitja fyrir þeirri hættu, ef hann færi með her sinn á hendr þeim. Tíndi hann ok tjáði fyrir þeim, at konúgr þóttist þar eiga at sjá eptir föðurhefndum, ok svá hversu hann hafði hvetvitna undir sik brotið, bæði með ríki ok ráðum, þat er hann vildi, þótt hann ætti eigi jafnmikils at hefna sem her: en með því, segir Ívar, at þer vilit vel undirstanda orðsending konungs, ok vára umsýslu, ok senda honum fjárluti at sinni, svá at honum se sæmiligt við at taka, ok yðr framm at greiða, þá skal ek allan hlut í eiga, at þessa fegjalds se eigi optar af yðr kraft; munum ver þá svá nafngipta, at þetta heiti vingjafir en eigi skattr. Svá gat Ívar

¹) þarft, H.²) áþjóta, M.³) gjalda, H.

126 SAGA SIGURÐAR JÓRÐALAFARA. 27-28. K.

flutt þetta mál, at Írar gengu undir fegjaldit, ok varð þat allmikit fe, er Ívar tók við, ok flutti austr til Noregs¹.

28. En nú er þar til at taka, sem fyrr var fráhorfit, at þat sama kveld, er Ívar af Fljóðum hafði farit af fundi Sigurðar konúnga, þá var konúgr ákafa kátr, ok sat leingi við drykk um aftaninn. Sigurðr Hranason var maðr kveldsvæfr, þótti honum illar náttsetur², beiddi hann konúg orlofs (at) gánga at sofa. Konúgr bað Sigurð gera sem hann vildi: en þú, Skjaldvör, segir konúgr, skalt sitja eptir, ok drekka með mer. Nu varð setan laung, svá at menn drifu ör drykkjustofunni til svefns, hvern at öðrum; ok þá er þær Skjaldvör ok Sigríðr Hranadóttir gengu³, þá fékk konúgr þeim föruneysi, ok var Skjaldvöru fylgt til þeirrar skemmu oksængr, sem Sigurðr bóndi hennar svaf í, en Sigríðr var leidd ein saman annan veg þagat til herbergis, er konúgr sjálfir skyldi sofa. Leið af nóttin. Um myrgininn eptir varð Sigurðr Hranason varr við þetta allt, hversu með var farit, ok varð ákafa reiðr, ok þá er konúgr var genginn til borða⁴, ok var kominn í háseti, þá kom Sigurðr eigi fyrr inn, en maðr var sendr eptir honum, gekk hann þegar til sætis síns, er hann kom inn, ok kvaddi ekki konúg. Þá mælti konúgr

¹) Kap. 27. v. í Hk. frá orðunum: þar var þá ok Ívar af Fljóðum. ²) qveldsetur, H; náttfarar og vöcor, M. ³) skildust, H. ⁴) borðs, H.

þar af konungsgarði fe, slíkt sem þú [vill hafa¹, ok önnur föng. Ívar mælti: eigi var mér vãn at skjótara myndi ádynja² en svá. Ívar tók þegar eitt lángskip, fór hann út til bæjar, ok bjóst þaðan til farar; sigldi hann vestr um haf, til Orkneyja fyrst, ok var þar um vetrinn. Um værit fór hann til Írlands, ok átti þing við landshöfðingja; bar hann upp eyrindi Sigurðar konungs, ok tjáði fyrir þeim, hvers hann hafði þarmist, ok hvat Írar áttu honum at bæta³, eðr til hvers væða horfðist, ef þeir vildi eigi skipast við orðsending konungs; taldi hann þat göfgum mönnum þar í landi vera bæði vitrligra ok virðuligra, at vingast við slíkan höfðingja, sem Sigurðr konúgr var, ok senda honum sæmiliga gripi ok gersimar, heldr en sitja fyrir þeirri hættu, ef hann færi með her sinn á hendr þeim. Tíndi hann ok tjáði fyrir þeim, at konúgr þóttist þar eiga at sjá eptir föðurhefndum, ok svá hversu hann hafði hvetvitna undir sik brotið, bæði með ríki ok ráðum, þat er hann vildi, þótt hann ætti eigi jafnmikils at hefna sem her: en með því, segir Ívar, at þer vilit vel undirstanda orðsending konungs, ok vára umsýslu, ok senda honum fjárhluti at sinni, svá at honum se sæmiligt við at taka, ok yðr framm at greiða, þá skal ek allan hlut í eiga, at þessa fegjalds se eigi optar af yðr kraft; munum ver þá svá nafngipta, at þetta heiti vingjafir en eigi skattr. Svá gat Ívar

¹) þarft, H. ²) áþjóta, M. ³) gjalda, H.

128 SAGA SIGURÐAR JÓRSALAFARA. 28-29. K.

sagði honum¹, hversu farit hafði með þeim Sigurði konungi. Eysteinn konúgr ásakaði hann mjök, er hann hafði mælt svá djarfliga við Sigurð konúng, ok lét þat úvarliga ok úforsjoliga gert við slíkan höfðingja. En þó hafði Eysteinn konúgr Sigurð á[launtali við sik², ok rannsakaði allan málavöxt hans, ok setti alla ráðagerð, sem síðan kom framm³.

29. Eptir þat voru menn sendir norðr til fundar við Skjaldvöru, þvíat hon hafði eptir verit í Kaupáangi, þá er Sigurðr fór suðr; fluttu þeir⁴ henni þau eyrindi, at Eysteinn konúgr myndi koma norðr um vârit eptir, ok leita at sætta þá[Sigurð konúng ok Sigurð Hranason⁵. Sat Sigurðr konúgr þann vetr norðr í Þrándheimi, en Eysteinn konúgr austr í landi. En er vâraði, bjó Eysteinn konúgr austanferð sína, kom hann um vârit norðr til Þrándheims, ok ætlaði at sætta þá [Sigurð konúng ok Sigurð Hranason⁵; hêlt Eysteinn konúgr njósn-um til, ef nokkut sefaðist hugr Sigurðar konúngs til nafna síns, ok fanst þat ekki. Konúngarnir fundust í Niðarósi, ok voru skamma stund í bænum, áðr Sigurðr konúgr lét blása til móts, ok á mótinu gaf hann þá sök Sigurði Hranasyni, at hann hefði heimt fjárlut konúnganna, ok dregit undir sik finnskattinn með

¹) einum saman, b. v. H. ²) eintali við sic 3 daga, M. ³) Hk hefir þenna kap. miklu styttra, getr þar ekki um aðdraganda þessa máls, annat en at Sigurðr Hranason var í rög borinn hjá konungi. ⁴) þer, H. ⁵) nafna, H.

ágrind, ok at úvilja þeirra er áttu, lét þar mikla refsing eiga fyrir at koma, er konunga eiga var raskat; sagði at rætt dómur sæti þar á at koma. En Sigurður Hranason svarar á þá leið konungs máli: Þat er mönnum kunnigt, segir hann, at Magnús konungur berfættur fór með her sinn austr á Gautland, herjaði hann þar víða, ok tók mikla fjárhluti. Síðan setti konungur þar menn sína, Sigurð ullstreing ok marga aðra höfðingja, í ey þá er Paldinsey¹ heitir, en hann sjálf sat annarsstaðar með sumt liðit; var ek þá þar í ferð með honum, ok kunni ek at bera honum sanna njósn, at Íngi konungur Steinkelsson fór at honum með úvígjan her, ok ekki ráð var þar at sitja. Lét hann þá at ek gerði vinsamliga til hans, er sú njósn kom; fór þá konungur með allt² þat lið, er með honum var, til Víkriunnar, en Sigurður ullstreingur ok allt hans lið var hertekit. Virði Magnús konungur svá, at ek kæmi honum undan háska því sinni; ok eptir þat gipti hann mér Skjaldvöru, systur sína, hélt hann mik fyrir trúan mann, ok veitti mér þat lén, at ek skyldi hafa fimmför ok kaup við Finna, meðan Magnús væri konungur at Noregi eður synir hans; skylda ek gjalda konungi 60 marka vegna hver missari³, en njóta sjálf, þótt ek

¹) Valdínsey, H, Valdissey, M. ²) v. í. H. ³) missari, H, M.

fengi¹ meira. Nú þykkjumst ek vel at því fe-
 kominn, er hann veitti mer, ok ek hefi vitni
 til. En þat sem ek hefi mælt til yðvar, herra
 konúngr! í bræði, eigi svà virðuliga sem skyldi,
 þá vil ek þat allt bjóða á yðvart vald. Sigurðr
 konúngr læzt ekki mundu þekkjast boð hans,
 ok hèlt framm femálinu. Þá svarar Eysteinn
 konúngr: þetta mál, bróðir, er þer hafit á
 hendr Sigurði, er svà tilkomit, at þat átti ekki²
 at sækja á móti í Kaupáangi, heldr³ á þingi;
 þvíat sökin veit til landslaga, en ekki til Bjark-
 eyjar-rèttar, ok er mönnum þat kunnigt, bróð-
 ir, at ekki á Bjarkeyjar-rèttir á því máli at
 standa. Þá mælti Sigurðr konúngr: vili þer,
 Eysteinn konúngr, þetta mál verja, er eigi kemr
 síðr til yðvar en vár at sækja, þá skal ok við
 því búast. Stefndi Sigurðr konúngr þá þing
 á hálfmánaðar fresti norðr í Kepsisey⁴, ok bað
 Sigurð Hranason svara þar málum fyrir sik.
 Gekk Sigurðr konúngr síðan af mótinu með
 sina sveit. Eysteinn konúngr bað Sigurð Hrana-
 son nefna vátta til, at eydt⁵ var málit fyrir Sig-
 urði konúngi á mótinu at lögum.

30. Síðan bað Eysteinn konúngr Sigurð fara
 norðr á Steig til búss síns, ok draga at ser fjöl-
 menni, sem mest mætti hann fá, ok fara með
 því öllu liði til þingsins. Sigurðr gerði svà.
 Hann kom norðr til Bjarkeyjar, ok bað ser liðs

¹) fjeaga, H; fenga, M. ²) u. í H, en finnst í M. ³)
 en, b. v. H. ⁴) Kefsey, M, óskirt. ⁵) ónýtt, M.

Viðkunni Jónsson. Hann svarar svá, at hann vildi gjarna vera vin Sigurðar: en mér virðist svá, segir hann, sem konúngar sjálfir eigist málit við. Er ek lendr maðr Sigurðar konúnga, ok því mun ek honum fylgja at. Litlu síðar gerði Sigurðr konúngr menn til Viðkunns, at hann færi á fund hans með fjölmenni, slíkt er hann mætti fá, ok svá gerði hann; kom Sigurðr konúngr ok lið hans fyrri til þingsins, ok hafði (hann) allmikit fjölmenni. En þá er Eysteinn konúngr sótti norðr, kom Sigurðr Hranason með miklu liði til móts við hann. En er þeir nálgudust eyra, þá mælti Eysteinn konúngr: nú skulum ver skipa liði vâru sem vaskligast¹, ok þegar er skipin koma í bryggjulægi, þá skulu allir menn uppganga með [skjöldum ok vâpnum² ok fylktu liði, en fátt manna skal gæta skipa vârra; kemr mér þat í hug, at búkôrlum³, þeim sem fyrir eru með Sigurði konúngi, mun nýlunda í þessu þykkja, munu margir drífa af þinginu ok undrast oss; gaungum þá sem skjótast á þingit, ok vefjum svá lið þeirra í flokki vârum, ok mun þá fjölmenni vârt sýnast mikit. Þeir fóru nú svá með, ok dreif fjöldi manna⁴ at undrast þá, en fátt var eptir á þinginu með Sigurði konúngi, nema lið hans ok Viðkunns lið. Þá mælti Sigurðr konúngr, er hann sá at liðit dreif frá hon-

¹) vaxcligast, *M.* ²) alvæpnir, *H.* ³) búandcôrlum, *M.* ⁴) í mót, *b. v. M.*

um: þat er þó sannast at allir bændr vilja þar vera, sem Sigurðr Hranason er. Viðkunnr svarar: eigi er svà, herra! þetta er prettr Eysteins konúngs, þvíat hann veit at Háleygir eru undrlátir. Sigurðr konúngr hóf þá sitt mál, ok gaf Sigurði Hranasyni sömu sök um femálit, ok bað þá dæma¹ eptir landslögum. Sigurðr Hranason hafði hin sömu svör, ok öll boð fyrir ser, sem fyrr. Konúngr neitaði boðum hans, ok vildi þreyta lög um. Sigurðr Hranason mælti: fyrir sakir vðrra teingda ok lángrar vináttu² ok margs góðs, er [hvðrir hafa öðrum gert³, gefit upp þetta mál, Sigurðr konúngr! en hlýðit ekki á ræður illra manna ok öfundarfullra, er oss rægja; mun yðr verða at því vegr ok virðing, þvíat eigi hefi ek meira gott af finnskattinum, en hófi gegnir. Sigurðr konúngr svarar: eigi varði mik þess um hríð, at þú mundir því launa mer mikitt lèn, at eigna þer mitt, ok hafa meira af vðru góðsi, en þer var leyft⁴. Sigurðr mælti: eigi er þat satt, sem yðr er sagt, at ek hafi meira [hlut af⁵, en yðvart var leyfi til. Konúngr svarar: ekki munþú því einu viðkoma, at mæla slíkt af munni framn. Þá stóð upp Eysteinn konúngr; ok mælti: Ekki er vandalaust at ræða um þetta mál, ok veita nökkut svà mótmæli Sigurði konúngi; er þess [mikill mun⁶, hvært veitt er at málinu til rættinda, eða verðr í móti

¹) mæla, *M.* ²) vingonar, *M.* ³) ec hefi yðr veitt, *M.* ⁴) lèð, *H.* ⁵) af yðru fe, *H.* ⁶) langt í milli, *H., M.*

gengit Sigurði konungi. Nú eigum við [jafnt at leggja báðir til þessa¹, en fyrir sakir nauðsynja Sigurðar Hranasonar ok mágsemdar várrar, viljum ver enn nokkur orð leggja til hjálpar honum; telr hann, bróðir, sik úsannan at sök þessi, en biðr yðr minnast á lángan felagskap með teingdum. Sigurðr konúngr svarar: Þat er meiri stjórñ, at slíkir hlutir se refsaðir at lögum. Eysteinn konúngr mælti; ef þú vill lögum atfylgja ok rætti landsstjórñ, þá er bezt at hann nái at njóta vitna² sinna; ok ef þer, bróðir, eru³ ráðnir, at vilja lögin á málinu, þá er ráð at þer geymit geðs um, at sækja lögliga ok réttlíga málit, svá at lögkæñir menn megi eigi þat finna, at þer mælit rángt ok í móti sannindum. Sigurðr konúngr svarar: þú sagðir mer í Kaupángi, at þetta mál átti⁴ á þíngi at sækja. Þá svarar Eysteinn konúngr: Þíng þetta hafa sett⁵ bændr með ser, til þess at hverr þeirra hafi sönn⁶ lög af öðrum, en með því at sök er höfðuð á hendr lendum manni, þá á hana at sækja á lögbíngi, því sem her er í þessu fylki, en þat er Þrándarnes-þíng. Var þá rannsakat málit at lögum, ok sýndist lögmönnum at Eysteinn konúngr hefði lög at mæla í þessu. Þá stefndi Sigurðr konúngr þíng á Þrándarnesi á hálfis mánaðar fresti, ok bað Sigurð Hranason svara þar málum fyrir sik; gekk hann síðan til skipa sinna með lið sitt

1) báðir jafnt sök þessa, H, M. 2) vina, M. 3) til þess, b. v. H. 4) ætti, H. 5) lögmenn oc, b. v. M. 6) v. í H.

allt. En þeir Eysteinn konúgr ok Sigurðr Hranason nefndu enn vátta við, at málit var eydt á Kefsiseyjar-þingi¹ at lögum; þeir mæltu þetta heldr leyniliga.

31. Nú stefndi Sigurðr konúgr at ser lendum mönnum ok lendra manna húskörlum; hann nefndi ör hverju fylki mikit bóndalið allt sunnan ör landi, ok dróst honum mikit lið; stefndi hann liði því öllu norðr með landi, ok hēlt fjölmenni því norðr á Hálogaland, ætlar nú svá greypiliga (at) at gánga, at gera Sigurð Hranason útlægjan þar norðr í sjálfs síns ættþaga. Stefndi hann nú til Þrándarnes-þings² öllum Háleyggjum ok Naumdælum. Eysteinn konúgr bjóst með miklu liði, ok sótti til þingsins. Þá mælti Eysteinn konúgr til sinna manna, at þeir skyldi fara ríkmannliga, skipa skjöldum þykt við stafna, taka vápn sín, ok láta búin; snúa þegar með skunda upp á land, er þeir koma at, ok sýna sik albúna til móts við Sigurð konúng. Þeir gerðu svá, gengu upp til þings at nefndum degi, ok höfðu hváirtveggju mikit fjölmenni, ok kom Sigurðr konúgr enn fyrr með sitt fólk. En er Eysteinn konúgr nálgadist Þrándarnes-þing, mælti hann til Sigurðar Hranasonar: hver boð munþú bjóða, eðr hverjum svörum upphalda fyrir þik í dag á þinginu? Hann svarar: þar se ek til ráða ok forsjá, sem þer erut. Konúgr

¹) Kefsseyjar-þingi, *M.*

²) Arnarheims-þings, *M.*

31. K. SAGA SIGURÐAR JÓRSALAFARA. 135

mælti: gakk nú higat¹, ef þú vill mín ráð hafa, ok fá mér í hendr með handsölum ok vitnum allt þitt mál til varnar fyrir Sigurði konungi; köllum þá at við mik se málit, er þat miklu jafnara at við bræðr sjáimst á, ok reynimr með okkr hvárr okkar konúnganna se lögkænni. Þeir gerðu svá; gekk þá Eysteinn á þingit með sittlið. Sigurðr konúngr flutti framm málit á hendr Sigurði Hranasyni með slíkri freku sem fyrr æðr meiri. Þá svarar þegar Eysteinn konúngr, ok mælti: kunnigt er mönnum, hver boð Sigurðr Hranason hefir boðit fyrir sik Sigurði konungi, þykkist hann lítt sakbitinn, þvíat hann bauð þat, at Sigurðr konúngr ræði einn. En þar sem hann hefir vitni til, at Magnús konúngr gaf honum upp finnferðina með slíkum máldaga, sem haldizt hefir hertil², ok skildi svá fyrir at sá máldagi skyldi standa, meðan synir hans væri konúngar yfir Noregi, þá er nú sem fyrr, at ver viljum at hann komi vitnum fyrir sik, ok njóti sanninda í alla staði, en bæti þat allt sem eigi eru vitni til. En með því at Sigurðr konúngr vill ekki annat, en þreyta lög (um) til áfalls Sigurði, þá er enn hóf á, ef hann lætr sér líka, at lögum se fyrirsvarat³. Þá svarar Sigurðr konúngr: mikit kapp leggr þú á þetta mál, ok þótt meira starf verði⁴ fyrir, áðr viðgángist málit, en ver hugðum, þá skal þó frammhalda, ok vilda

¹) hegat, H. ²) H; til, A. ³) Af þessum kapp hertil hefir M mjög stutt ágríp. ⁴) þurfe, H.

ek hann sekan gera her í sínum frændhaga. Eysteinn konúgr svarar: fátt mun þat, bróðir, at eigi mun frammganga, ef þer vilit fylgja, svá marga stórhloti sem þer hafit vunnit, en her er vãn at fáir menn ok smáir standi í mót. Sigurðr konúgr sagði at hann vildi at vísu, at málit færi til raunar, at¹ Magnús konúgr [mátti eigi² gefa leingr, en hann var konúgr at Noregi: ok skorti nú nökkut á, at eptir lögum se leitað, þá kenni ek Eysteini konúgi þar völd um, fyrir því at nú er til þess þings stefnt, sem Eysteinn konúgr sagði at lög skyldi um þreyta. Eysteinn konúgr svarar: at vísu hefir ek sagt, bróðir, at þer áttuð á Þrándarnesþingi at sækja þetta mál á hendr Sigurði Hranasyni; en með því at málit skiptir svá litum, at sjálfir konúgar eigist³ við, þá má þat ekki á fylkisþingi til leiðar anúast, þat skal til vegar ganga á lögþingi einhverju, Fröstþingi⁴, Gulaþingi eðr Heiðsæfisþingi; nú hefir þetta mál gerzt í Fröstþingi, fyrir því á þat þar at lukast, ef lögin skal þreyta; þvíat ek hefir (nú) tekit mer á hönd allt þetta mál, er Sigurðr Hranason skyldi átt hafa, ok fyrir því eigum við nú saman málit konúgar-nir; nú máttu þessu eigi í móti mæla. Þá tók Sigurðr konúgr svá til máls: nú þótt svá se, at þú hafir þetta mál þer í fáng tekit, ok sýnir þik svá í mótgangi við mik, þá skal þat eigi

¹) hvort, H. ²) mátti, H. ³) málit, b. v. H. ⁴) Fröstþingi, H.

fyrir því at heldr niðrfalla; stefndi hann þá Eysteini (konungi) til Frostþingæ, ok gekk við þat á brott; en Eysteinn konúgr nefndi ser enn vátta af hljóði, at enn var eydt málit fyrir Sigurði konungi; en nú var svá komit sumrinu, at liðit var Frostþing, ok varð at biða þau missari¹. Þat voru ok lög, þótt Frostþing væri nefnt, at þat mátti vel eiga í bænum í Niðarósi, í þann tíma sumars sem þingit átti at vera.

32. Frá því er sagt á því sama sumri eitt sinn, er Sigurðr konúgr var í bænum, ok sat á tali við Sigrði Hranadóttur, at menn sá skip fara at bænum, ok grunaðu² at vera myndi Ívar af Fljóðum. Þá sendi Sigurðr konúgr Einar prest Skúlason, at vita hvárt Ívar væri kominn eðr eigi. En er Einar kom aptr fyrir konúg kvað hann þetta:

Þer hefig, þeingill Mæra³,
 (þinn er vegr mikill) segja
 (ertu⁴, svá at eigi skortir,
 alfróðr⁵) sögu góða:
 eigi er Ívar bauga
 enn sittu kyrr hjá henni
 [fægi rjóðr⁶ af Fljóðum⁷
 fíngmjórr kominn hingat.

Svá hafði Ívar fyrr verit kallaðr. Þat sumar síðar kom Ívar í land, ok fèll þat mál þar niðr.

¹) missari, H. ²) grunaði, M; grunaði konúg, H. ³) Mæra, M. ⁴) H; er þú, A. ⁵) allfróðr, H, M. ⁶) fegirjóðr, M. ⁷) M; Fljóði, A.

33. Eysteinn konúgr var í Þrándheimi um vetrinn. Um sumarit eptir gerði hvártveggj konúgr orð lendum mönnum sínum ok öðrum handgengnum mönnum, at þeir skyldi fjölmenna til þingsins. Ólafr konúgr, bróðir þeirra, var þá á lífi, er þetta var tíðinda. Honum var ok stefnt til þings með sína handgengna menn. Eysteinn konúgr var fyrir í bænum, ok hafði vistir sínar í konúngsgarði. Ólafr konúgr kom fyrr en Sigurðr konúgr, ok settist í bænum skamt frá Ólafskirkju. Sigurðr konúgr kom nökkuru síðar með miklu skipaliði; hann lagði upp í ána Nið, ok bygði hann með sína menn [á skipum¹ undir tjöldum. Þann dag er þeir skyldu þing heyja, ok málum viðskiptast, var blásit í bænum, ok sagt at bændr ok þingunautar skyldu fyrst ganga á þingit, ok skipa dómum eptir lögum, ok var þar [mestr forgánga maðr laganna Jón mörnefr², lendr maðr [ok göfugr, faðir Eindriða, er féll undir Serk. Þar var með Ólafi konúngi Sigurðr Sigurðarson af Hvítasteini, sá lendr maðr³, er einna var kallaðr vitrastr í Noregi. Eysteinn konúgr gekk fyrstr konúnganna til þings með sína sveit; hann var allfjöldmennr, ok krafði þegar lenda menn at þeir skyldi verða honum samþykkir, ok styðja (ok styrkja) mál Sigurðar Hranasonar eptir efnum. Jón mörnefr⁴ svarar, kvað mundi verð-

¹) v. í H, en finnst einnig í M. ²) mest firemaðr Jóan Mörnefsson, M. ³) þannig H, M; þó er orðið Serk ókirt í H, svá at einnig má lesa Seck, en í M stendr Serc mjök skirt; frá [v. í A. ⁴) Mörnefsson, M.

33. K: SAGA SIGURÐAR JÓRSALAFARA. 139

a mikinn vanda á, at skipta újafnt með þeim bræðrum; en lét sik fúsastan at fylgja Eysteini konúngi, ef þat yrði rétt at lögum. Þá mælti Eysteinn konúngur: eingis vil ek yðr beiða annars, en [þer segit þat lög, sem¹ lög eru; en með því at ek fái² svá umbúit með lögum, at þer verðit ekki skyldir at dæma um þau mál, sem her eru³ framflutt í dag, þá vil ek þar hafa heit af yðr, at þer gerit þat eigi sikir ofríkis bróður míns at dæma í móti réttu. At þessu varð rómr mikill. Því næst kom Ólafr konúngur á þíngit með sína sveit; hann hafði þeirra miklu minnst fjölmenni. Síðast kom Sigurðr konúngur, ok var lið hans nálíga alvápnat, nema þeir höfðu eigi skjöldu. Tók þá Sigurðr konúngur, ok flutti framm sókn síns máls á hendr Sigurði Hranasyni, sem honum þótti mest at lögum vera, með áliti ráðsmanna sinna, er umhugðu með honum. Eysteinn konúngur settist þá fyrir svör þess máls, ok varð þat fyrst at ræða á þínginu, hvárt Magnús konúngur mætti gefa nökkur lén leingr en um sína daga, eðr hvárt sú vörn mætti vera málsins, ok kölluðu lögmenn at konúngur mætti gera aldarmál [um gjafir sínar⁴, ok skyldi lýsa þeim máldaga í öllum lögþíngum í Noregi, í Frostuþíngi, Gulapíngi (ok) Heiðsæfisþíngi. Síðan var eptir því leitað, hvárt Sigurðr Hranason hefði nökkut þeim máldaga lýst, leingr en um daga Magnúss kon-

¹) þess er, *M.* ²) fæ, *M.* ³) ro, *M.* ⁴) í sínum veizlom í sett fram, *M.*

úngs, ok [urðu eigi¹ vitni til þess, at þat væri gert. Þá intí Sigurðr konúgr til þess, at hann vildi ekki þau lög láta vera í Noregi, at ne einn konúgr mætti [lèn veita² leingr en um sína daga; taldi hann þá eydda þessa vörn fyrir Eysteini konúgi, at Sigurðr Hranason mætti hafa finnförina. Eysteinn konúgr svarar, læzt vilja at konúgr mætti gera aldarmál um gjafir sínar þaðan í frá sem þar til. Þat mál samdist á þá leið, með umráði ríkra manna, at konúgar skyldu hluta um, hværr ráða skyldi þaðan í frá, en hluti skyldi skera ok í skaut þera. Þá spurði Eysteinn konúgr Ólaf konúg, bróður sinn, hværum hann vildi samþykkr vera um þetta mál. Hann svarar: við höfum leingi samanhaldit okkarri elsku, ok verit vel samlyndir, vil ek þat kalla mitt ráð um lög ok landsstjórn, sem þú vill vera láta, Eysteinn konúgr. Þá mælti Eysteinn konúgr: þat ræð ek þá, Sigurðr konúgr, at skera hinn þriðja hlutinn í skaut, þvíat jafnt er Ólafr konúgr son Magnúss konúgs sem við, Sigurðr konúgr svarar: sjá megu menn þat, at nú er leitað allra útvega, ok villtu þar hafa tvá hluti í skauti, er ek hefi einn, en eingrar sæmdar ne virðingar skal ek varna Ólafi konúgi. Síðan voru hlutir bornir í skaut, ok kom upp hlutr Sigurðar konúgs, at hann skal ráða, en hann kvað upp hit sama, sem fyrr var vili hans til.

1) u. í M. 2) gera lög, M.

34. At svá komnu máli var eptirleitað, hvárt Sigurðr Hranason hefði haft feð án leyfi¹ þeirra er áttu. Nú áttu margir menn hlut í a, ræða um, hversu þat hefði farit, ok varð eingi til at veita þar örskurð um, nema Bergþórr bokkr², son Sveins bryggjufótar; hann tjáði at Sigurðr var sannr at sök. Sigurðr konúngr beiddi þá lögmenn ok dómendr at dæma málit á hendr Sigurði Hranasyni, kallaði hann þá ljóst um málefni, ok læzt þat fyrir ser ætla, at illa myndi hlýða þeim, er þann dóm kvæði upp, er honum líkaði eigi, at svá vöxnu málinu. Eysteinn konúngr sagði at honum þótti allósannlikt, at dæma Sigurð sekan þess máls, er Magnús konúngr hafði veitt honum fyrir sína hönd ok sona sinna: ok eingi hefir rofit hertil, sagði hann. Nú veit ek eigi, nema yðr þykki minna vega mín reiði, en Sigurðar konúngs, en þat hygg ek at mer skal eigi liggja í minna rúmi, ef annat er dæmt en mer þykkir lög vera, þvíat ek ætla at [ek viti hóti heldr í lögunum³ en hann. Þá svarar [Jón mörnefr⁴: eigi þykkir mönnum vandalaust, at veita örskurð um þetta mál, en þó munum ver þat gera verða, ef ver erum skyldir til, hversu sem þá líkar hverjum. Eysteinn konúngr mælti: þer skulut nú bíða [um litla stund⁵, at fella dóminn á. Þá lét hann ganga frammi vitni sín ok vátta, þá er nefndir voru fyrsta sinni á móti, at þetta mál var eydt

¹) þannig A, M; leyfi, H. ²) bokkr, H. ³) mér mune hóti nær fara, at ek kunna lögin, H. ⁴) Jón mörnef, M. ⁵) lítill, M.

fyrir Sigurði konungi; þarnaest flutti hann framm vitni sín ok vattorð, þau er framfóru á Kefsiseyjarþingi¹, at eydt var málit; síðan voru framborin þau vitni, er nefnd voru á Þrándarnesþingi, at þar var ok eydt þetta mál. Eptir þat mælti Eysteinn konúgr: því skýt ek nú til lögmanna, at þer segit lög um, hvárt maðr má aldri svá misfara með saksóknum sínum, at eigi skyli ávalt, [er vill, sækja hina sömu² sök; þvíat ek hygg þat lög vera, ef svá mikill vyrði mismunr lögkænsku³ manna, at mál vyrði eydt á þrimr⁴ lögþingum, ok vattar atnefndir, at þaðan af skyldi aldri verða uppreist þess máls, ok eigi dómendr skyldir at dæma þat síðan. Nefndi hann þá vitni, at hann bannaði dómendum at dæma þetta mál. Þá svarar [Jón mörnefr⁵; dæma myndi ek málit, sem mer sýndist lögligast, ef ek yrði skyldr til, en ek verð feginn at þetta standi fyrir dómínum; þvíat ek kalla at Eysteinn konúgr mæli lög. Þá svarar Sigurðr konúgr með reiði mikilli, ok mælti: vera má at Eysteinn konúgr hafi þetta mál eydt með lögkrókum sínum, en eptir er enn einn dómrínn, ok kann vera, at þeim [se ek⁶ eigi úvanari en hann, þann at heyja, ok sá skal nú örslíta með oss, ef ver nám eigi réttu. Gekk hann þá af þinginu til skipa sinna með allt sitt lið; en Ey-

¹) Kefsiseyjarþingi, II; Arnarnesþingi, M. ²) þaga á enni sömu, M. ³) kunnustu, M. ⁴) öðr fjórum, b. v. M. ⁵) Jón mörnef, M. ⁶) siac, M.

steinn konúgr ok Ólafr konúgr fóru til herbergja sinna. Eysteinn konúgr kom í stofuna, ok settist til drykkju; þá var hann kátr mjök. Sumir menn hans tjáðu, hversu mikill (munr) var vorðinn vizku þeirra bræðra, en sumir svarkuðu um, hvern enda þetta mál myndi hafa. Eysteinn konúgr spurði Sigurð Hranason, hversu honum líkaði málalykt eða liðveizlan. Hann svarar: líkar mer hit bezta yður meðferð um mitt mál; þvíat þer hafit mer veitt fullt lið í alla staði, ef eigi er oflið. Þá reiddist konúgr ok mælti: vant er at sjá, hverr sá maðr er, at þrek ok hugbærð hafi, til at þiggja fulla liðveizlu af ser meira manni, ok því er ek óhlutsamari, en ek myndi ella.

35. Litlu síðar leitaði Sigurðr Hranason ser færiss¹, at gánga (út) ör drukkjustofunni: þat var síð um kveldit. En er hann sá at eingi maðr hêlt vörð á honum, þá gekk hann á brott skyndiliga einn saman. Hann var skikkjulauss í skallats kyrtli ok blám brókum, ok gyrðr í brækr; hann hafði höggspjót mikit í hendi á lágu skapti, svá at taka mátti hendi til fals. Hann gekk ofan [um stræti², ok nam eigi fyrr staðar en hjá skutbryggju á skipi Sigurðar konúngs; þar sat maðr fyrir ok hêlt vörð. Sigurðr bað ser leyfis at gánga út á skipit, en varðmaðr lét ekki fljótt við því. Þá mælti Sigurðr: vel um 2 kosti, gakk af

¹) farborða, M.

²) til sjófar, H.

bryggjunni, eðr spjótið stendr á þer. [Varðmaðr gekk af bryggjunni¹, en Sigurðr út á skipit í fyrirrúmit. Borð stóðu, ok varð ekki vart við Sigurð Hranason, fyrr en hann féll á kne fyrir konúng, ok mælti: ekki vil ek, herra Sigurðr konúng! at þit bræðr deillit illdeildum um mitt mál, sem nú horfist á, heldr gef ek [mik nú ok mitt höfuð² á yðvart vald ok miskunn, gerit af því slíkt er þer vilit; þvíat heldr vil ek skjótt deyja, en af mer hljótist missætti með ykkir Eysteini konúngi. Lögðu þá margir menn góð orð til, at konúngur tæki vel máli Sigurðar, er hann gekk á hans vald. Konúngur tok seint til orða, ok mælti svá: víst er þú skörúngr, Sigurðr! þvíat þat ráð hefir þú upptekit, er öllum oss gegndi best. Nú stóð áðr til svá mikils vāða, at þat kann eingi virða, nema guð einn; [þvíat ek hafði staðráðit, at ganga upp á Íluvöllu í morgin með allt lið mitt, ok berjast við Eysteini konúng³. Nú skal taka sættir af þer, ef þú vill festa allt málit á mitt vald ok dóm. Sigurðr gerði svá. Þá mælti Sigurðr konúngur: ekki skal nú dvelja sættargerðina; leingi hefir áðr hindrazt vart mál⁴. Ek geri á hendr þer 15 merkr (gulls), þat skaltu gjalda allt á morgin, áðr en lokit se hámessu at Kristskirkju. Bræðr mínir vildu svívirða mik, en ek vil gæta þeirra sæmdar sem

¹) Hann tæus einn vildara, *M.* ²) nú fe mitt ok mik sjálfan, *H.* ³) v. i. *M.* ⁴) Öll þessi frásögn (30—35 Kap.) er mjög samandregin í *Hk*, en þar v. þat allt er eptir kemt af þessum kap.

minnar: þú skalt gjalda 5 merkr Eysteini konungi, aðrar 5 Ólafi konungi, mer hinar þriðju 5, ok hafa goldit þeim báðum, aðr en þú geldr¹ mer. Þetta fe allt skal í eingu gjalda öðru en skíru gulli; þvíat mer er sagt, at þú munt gullauðigr vorðinn af skattfenu vāru konúnganna. En ef þú geldr þetta fe eigi svā í alla staði-sem nú er tínt, þā er lokit sæt várri. Sigurðr Hranason svarar: þakka vil ek yðr, herra! er þer létuð mik ná sættum (af yðr), hver raun sem á verðr um gullauðinn minn. Gekk Sigurðr Hranason þā af skipinu ok upp í bæinn. En er hann kom inn í stofuna fyrir Eystein konúng, sagði Sigurðr honum allt, sem farit hafði með þeim Sigurði konungi. Eystein konúng setti dreyrauðan, svā at honum mátti nær einum fíngri dreyra vekja, ok mælti síðan: til allmikils vāða hefir þú oss stýrt, ok þegit illa mína liðveizlu, ok eingan hlut kann ek í at eiga þessi sætt. Gekk Eysteinn konúngr þā til svefns, en Sigurðr gekk til vīna sinna, ok tók af þeim gull at láni, ok urðu þat allt saman, ok þat er hann átti aðr, vel 5 merkr í brendu gulli. Um morgininn, er lokit var formessum, gekk Sigurðr á fund Eysteins konúngs, ok bað hann láta taka skálr ok vega gullit; ok er þat var gert, mælti Sigurðr: nú vil ek, herra konúngr! at þer takit við fe þessu, kallit þat hvārt er þer vilit gjald

¹) gjaldir, M.

eðr liðslaun, ok eru þó minni en skyldi. Þá mælti Eysteinn konúgr: hvat fe skaltu gjalda bræðrum mínum, Ólafi konúgi ok Sigurði konúgi? Hann svarar: þar hef ek upp, sem mer þykkir skyldast, hversu sem önnur fara gjöldin. Eysteinn konúgr mælti: veit¹ ek at þú munt fe þetta hafa tekit at láni af mönnum, ok vil ek at þú þiggir nú þetta fe af mer at gjöf. Sigurðr þakkaði konúgi gjöfina, ok gekk þegar á fund Ólafs konúgs, ok kvaðst vilja gjalda honum gullit. Ólafr konúgr spurði, hvárt hann hefði goldit Eysteini konúgi. Sigurðr segir honum, hversu farit hafði með þeim. Þá mælti Ólafr konúgr: enn er samt sem fyrra dag, at ek kann mer ekki betri ráð en Eysteinn konúgr, ok vil ek gefa þer þetta fe². Sigurðr Hranason gekk þá á fund Sigurðar konúgs, ok var þá hringt til hámessu at Kristskirkju. Hann bað Sigurð konúng láta vega feit, ok var svá gert, ok [voru vel vegnar³ 5 merkr. Þá spurði Sigurðr konúgr, ef konúngunum væri goldit. Sigurdr segir, at goldit var hvárumtveggja. Konúgr mælti: þá reyndist, sem mik varði, at þú vart mjök gullauðigr. Sigurðr Hranason sagði þá allt sem farit hafði, at báðir konúngarnir höfðu honum uppgesit, ok þetta var þat sama gull, sem hann hafði þeim goldit.

¹) þat vetti (*þ. e. vænti*), *M.* ²) oc metti svá ófriðr þeirra legjast, *b. v. M.* ³) reiddist þat vel, *M.*

Konúngr mælti¹: ek vil ok gefa þer þetta fe með þeim skildaga, at ef missætti nökkut gerist milli vár bræðra, þá vil ek at þú ser minn vin fyrir þessa sök. Sigurðr svarar: gjarna vildi ek þess biðja, at yðr skildi aldregi á, ok öllum yðr bræðrum vil ek gott; en hversu mikit fe sem viðliggr, ok þótt líf mitt liggi við, þá mun ek eingan mann um aldr virða fram- ar en Eysteín konúng, meðan ek lifi. Þá svarar Sigurðr konúngr: allra mestr munr mun þá vera, ef ek tek þetta fe; nú vil ek gefa þer fe þetta allt, þótt þú heitir mer eingri vináttu. Sigurðr Hranason þakkaði Sigurði konúngi með miklum blíðskap þessa gjöf ok allt annat, þat er hann gerði honum til sæmdar, [ok það kon- úng ganga í garð sinn at snæða þann dag, með svá marga menn sem hann vildi sjálfr. Kon- úngr játti því².

36. Eptir messuna gekk Sigurðr konúngr með 60 manna í garð Sigurðar Hranasonar, ok er þeir komu í drukkjustofuna, sá þeir þar ágætan umbúnað í tjöldum ok hervápnum, var skjöldum skipat allt húsit um veggina, ok svá fagrlega umbúizt, at sjálfr konúngr gerði at ágæt- um, ok allir þeir: þar var hin virðuligsta veizla, gekk því allan þann dag. Sigurðr Hranason ok hans menn gengu um beina, báru inn drykk ok aðra hluti, þá er hafa þurfti, ok um dag-

¹) þagnaði, oc segir síðan, *M.* ²) v. í *M.*, *Hk.*

inn, er þeir voru útgengnir, svá at konúgr var einn eptir með sína sveit, þá mælti Sigurðr konúgr til sinna manna: hvar sá þer slíkan húsbúnað í lends manns hýbýlum¹, er eigi getr slíkan í konúngs herbergjum, miklu er sjá fram-
ar at hvívetna. Þá svarar Bergþórr bukr: ylst eru her góð vâpn ok fagrliga umbúizt, en allra mestr sómi væri þeim í, er veitir, at hann ætti nökkut sjálfir í slíkum gersimum, ok væri eigi allt at láni til tekit. Konúgr reiddist ok mælti: þá er öllum auðsæligust mannsins vinsæld, er hann hefir af öðrum allt þat er hann vill, en ekki er slíkt mælt góðgjarnliga. Sigurðr Hranason gekk þá í stofuna, ok hafði heyrt, hvat þeir höfðu viðmælt. Sem hringdi til aptansaungs, vildi konúgr gánga. Veitti Sigurðr þá konúngi stórmannligar gjafir, ok bað hann þag-
at gánga eptir aptansaung, at drekka Kristsminni. Konúgr gerði svá. En er þeir komu í stofuna, voru brottu skildir allir, nema einn ridderaskjöldr forn hëkk við trapizu, ok þar hjá slæður fornar. Þá mælti Sigurðr konúgr: skjótt hefir her nú skipazt, Sigurðr! meðan ver höfum brott verit. Sigurðr Hranason svarar: þat er sem vân er, herra: at hver vili hafa sitt, þvíat ek átti her eingan skjöld, utan þat er á yðrum dómi, hvárt ek skal þenna eiga, er nú hángir her eðr eigi. En svá er tilfarit um skjöld þenna, at ver förum í herferð með Magn-

¹) hýbulum, A.

úsi konúngi, feðr yðrum, til Írlands, ok geng-
um á land insta sinni, er eigi skyldi; kom þá
í mót oss úvígr herr Íra, ok tókst bardagi, sem
þer hafit spurt, ok gerðust þau stórtíðindi, at
þar féll Magnús konúngr, faðir yðvar, Eyvindr
olbogi stallari, ok margir aðrir góðir dreingir;
en flótti kom í lið vart, ok runnu menn til
skipa, hverr sem fara mátti, ok þóttumst ek
eigi fyrstr vera í flóttanum. En þá er þeir
sóttu ofan at skipunum, var fen nokkut djúpt
á sjófarbakkanum, ok hlupu menn þar (yfir)
sem atkomu; gátu sumir yfir hlaupit, en sumir
eigi, voru þeir stangaðir með spjótaoddum, er
eigi komust yfir. En þá er ver sóttum at fen-
inu, sá ek mann renna fyrir mer, sá hafði skjöld
þenna á baki, ok slæður um sik, ok þá er hann
sá at mönnum fórst eigi vel um fenit, kast-
aði hann fyrst skildinum, en síðan sleit hann
af ser slæðurnar; hann hafði á höfði silkihúfu
hlaðbúna, ok þótti mer þat helzt frami hans,
er hann hæld¹⁾ húfunni; en mer sýndist sem
þar væri Bergþórr bukr, en Viðkunnr Jóns-
son mun þat vita; þvíat hann var (þar), þá er
ek tók upp slæðurnar ok skjöldinn, þvíat ek
hafði eingan áðr í orrostunni, en nú hefi ek
þenna skjöld varðveitt síðan, en nú dæmi þer,
herra! hvárr okkar Bergþórs hafa á. Konúngr
svarar stutt ok skjótt: hafþú skjöld! Gekk kon-
úngr í brott, en Bergþórr varð reiðr mjök. Litlu

¹⁾ fleygði eigi, H.

síðar andaðist Ólafr konúgr af sótt, sem fyrr er ritað; en Sigurðr ok Eysteinn voru baðir konúngar; ok urðu aldri síðan vel samþykkir, en þó hèlzt friðr innanlands, meðan þeir lifðu. Sigurðr Hranason hafði lèn sem áðr, ok þótti hinn mesti sæmdarmaðr ok fullhugi¹.

37. Þat er mál manna, at eigi hafi meiri skörúgr verit ne stjórnsamari í Noregi en Sigurðr konúgr; en þó var þat, er áleið æfi hans, at varla fèkk hann gætt skaplyndis síns ok hugar, svà at eigi yrði þat stundum með miklu áfelli, en jafnan þótti hann merkiligr konúgr ok ágætr af [ferð sinni². Svà bar til at Sigurðr konúgr var á Upplöndum at veizlu nokkurri; þar voru laugar gervar, en er konúgr var í lauginni, ok var tjaldat yfir kerit, þá þótti honum renna fiskr í kerinu hjá ser; þá sló á hann hlátri, svà at því fylgdi staðleysi ok vitleysi³, ok kom þat mjök optliga at honum (síðan). Ragnhildi, dóttur Magnúss konúgs berfætts, giptu þeir bræðr hennar Haraldi kesju, hann var Eiríksson góða Danakonúgs, voru synir þeirra Magnús, Ólafr, Knútr ok Haraldr.

38. Nikolás Danakonúgr Sveinsson fèkk Margrètar drotníngar, er fyrr hafði átt Magnús konúgr berfættr, ok hèt son þeirra⁴ Magnús hinn sterki. Nikolás konúgr sendi orð Sigurði

¹) þenna kap; v. í M, Hk. " ²) þannig M; Hk; ferðum stnum, H; atferð sinni, A. þat sem eptir kemr af þessum kap. v. í M. ³) máttleysi, H. ⁴) þannig H; Nikolás ok, b. v. A; Nikoláss, Hk.

konungi jórsalafara, ok bað hann veita ser lið ok styrk, allan þann sem hann mætti, af sínu ríki, ok fara með Nikolási konungi austr fyrir Svíaríki til Smálanda, at kristna þat fólk; þvíat þeir er þar byggð, hieldu ekki kristni, þótt sumir menn hefði við skírn tekit. Var þann tíma í Svíaveldi mart fólk heiðit, ok mart illa kristið, þvíat þá voru þar nokkurir konungar, þeir er kristni köstuðu, ok hieldu upp blótum, svá sem gerði Blót-Sveinn eðr síðan Eiríkr konúgr hinn ársæli. Sigurðr konúgr hæt ferð sinni, ok gerðu konungar stefnulang sitt í Eyrarsundi. Eptir þat bauð Sigurðr konúgr út almenníngi af öllum Noregi, bæði at liði ok skipum; en er saman kom herr sá, þá hafði hann vel 300 skipa. Nikolás konúgr kom fyrr miklu til stefnunnar, ok beið þar leingi; þá kurraðu Danir illa, ok sögðu at Norðmenn mundu ekki koma. Þeir rufu þá leiðánggrinn, fór konúgr brottu ok allr herrinn. Því næst kom Sigurðr konúgr, ok líkaði honum illa; hieldu þó austr í Sumrar-ós¹, ok áttu þar húsþíng, talaði Sigurðr konúgr um lausyrði Nikoláss konúgs; kom þat ásamt, at þeir skyldi gera nökkut hervirki í landi hans fyrir þessar sakir. Þeir tóku upp þorp þat er heitir Tumaþorp², þat liggir skamt frá Lundi; hieldu síðan austr til kaupbæjar, þess er heitir Kalmarnir³, ok herjaði þar ok svá á Smálöndum,

¹) Einnig H, þó óskirt; Sumar-ós, Hk.
Hk; Komaþorp, A, H.

²) Þannig

³) Kalmarnar, Hk.

ok lagði vistagjald á Smálendinga, 15 hundruð nauta, ok tóku Smálendingar við kristni. Síðan vendi¹ Sigurðr konúngr aptr herinum, ok kom í sitt ríki með mörgum stórum gersimum ok fjárhlutum, er hann hafði aflat í þeirri ferð; var sjá leiðánger kallaðr Kalmarna-leiðánger. Þat var sumri fyrr en myrkrit mikla. Þenna einn leiðánger reri Sigurðr, meðan hann var konúngr at Noregi².

39. Svá [bar til³ eitt sinn at Sigurðr konúngr gekk frá skytníngi til aptansaungs; voru menn drukknir mjök ok kátir. Sat konúngr ok hirðin úti fyrir kirkju, ok lásu aptansaunginn, ok varð saungrinn eigi greiðligr. Þá mælti Sigurðr konúngr: hvat karla er þat, er ek se þar hjá kirkjunni í feldi nökkurum stuttum⁴. Menn hans kváðust eigi vita. Konúngr mælti:

Villir hann vísdóm allan,
veldr því karl í feldinum⁵.

Karl gekk fram ok mælti:

Hykk at her megi þekkja
heldr í stuttum feldi
oss, en ek læt⁶ þessa
óprýði mer hlýða:
værir⁷ mildr, ef mœra⁸
mik vildir þú skikkju

¹) vendi, A. ²) Þenna kap. v. í M. ³) barst at, M, Hk. ⁴) M; v. í A, H, Hk. ⁵) feldi, Hk. ⁶) M, Hk; lít, A. H. ⁷) væri, M. ⁸) þannig M; mœra, A, M, Hk.

(hvat hafim¹ heldr en tötra),

hildíng! muni vildri.

Konúgr mælti: kom til mín á morgin, þar sem ek drekk. Um daginn eptir kom þessi Íslendingr, er síðan var kallaðr Þórarinn stuttfeldr, til drykkjustofunnar, þar sem Sigurðr konúgr sat. Maðr stóð úti fyrir stofunni, ok hafði horn í hendi, sá sagði svá: þat mælti konúgr, Íslendingr! at þú skyldir yrkja vísu, áðr þú gengir inn, ef þú vildir þiggja nökkura vingjöf at honum; en þú skalt kveða um þann mann, er Hákon heitir, ok er Serksson, ok geta þess í vísunni, at hann er kallaðr mörstrútr. Þessi maðr er talaði við Íslending var kallaðr Árni fjöruskeifr. En er þeir komu inn í stofuna, gekk Þórarinn fyrir konúng, ok kvað:

Þú vændir² mer, þrænda

þengill, ef ek stef fenga

frænda Serks, at fundi,

fólkrakkr³; gefa nakkvat⁴:

létzþú at Hákon heiti⁵,

hildíngr hinn femildi!

enn⁶ samir mer⁷ at minnast,

mörstrútr, á þat gjörva.

Konúgr mælti: þat sagða ek aldri, ok munþú vera spottaðr, ok er þat ráð, at Hákon skapi þer víti fyrir; farþú í sveit hans. Hákon mælti:

¹) hafí, Hk. ²) vendir, H, M. ³) albrakkr, H. ⁴) M, H; nökkut, A. ⁵) Hk; hétu, A, H, M. ⁶) Hk; nú, A, H. ⁷) v. í M.

velkominn skal Íslendingr her með oss, ok se ek hvaðan þetta er atkomit. Settist Þórarinn niðr hjá Hákon, ok voru menn kátir. En er á-leið daginn, ok drykkir fékk á menn, þá mælti Hákon: þykkist þú nokkut eiga bót þarfa við mik, Íslendingr! eðr þótti þer eigi heldr sett vélræði fyrir þik? Þórarinn svarar: víst þykkjumst ek þer bæta eiga. Þá munum við sáttir, ef þú yrkir aðra vísu um Árna fjöruskeif. Þórarinn læt þess albuinn; gengu síðan um þvert gólf¹ þar fyrir sem Árni sat. Þórarinn kvað:

fullviða hefir fræðum
Fjöruskeifr um² her veifat
lystr³ ok leiri kastað
lastsamr ara hins gamla:
[ok vantu eina kráku³
orðvandr á Serklandi
skeifr bartu högna húfu
hræddr varliga brædda⁴.

Árni hljóp upp, ok brá sverði, ok vildi höggva til Þórarins. Hákon bað hann hætta, ok vera kyrran; kvað hann á þat mega minnast, at hann myndi bera lægra hlut, ef þeir ættist við. Þórarinn gekk þá fyrir konúng, ok sagði at hann hafði ort drápu um hann, ok bað hann hlýða, ok þat veitti konúng; þat kvæði er kallat Stuttfeldar-drápa. En er lokit var kvæðinu, spurði konúng hvat hann vildi ráða sinna. Hann

¹) gólf, H. ²) v. í H; of, M, Hk. ³) H sýnist hafa lyst. ⁴) eðst ekki í M.

kveðst hafa ætlað ferð sína til Róms. Þá fékk konúgr honum fe mikit, ok bað hann vitja sín, er hann kæmi aptr, ok kvaðst þá myndu gera sóma hans, en her er eigi greint, hvárt þeir fundust síðan.

40. Þat er sagt eitt sinn, þá er þeir bræðr voru báðir samt, at Sigurðr konúgr var kominn í sæti sitt, en Eysteinn eigi; þá mælti Íngibjörg Guttormsdóttir, kona Eysteins konúgs til Sigurðar konúgs: mörg ok mikil stórvirki munuleingi uppi, þau er þer, herra! hafit unnit út í löndum. Konúgr svarar með vísu:

Skjótt bar ek skjöldinn¹ hvíta
(skald² biðr at guð valdi)
ár til eggja skúrar
ótrauðr, en frá rauðan:
þat hefik högg of höggvit
handlaust³ á Blálandi
(guð ræðr sókn ok sigri,
svanni! þínum manni.

41⁴. Sex vetrum eptir andlát Ólafs konúgs bar svá til, at Eysteinn konúgr var staddr á veizlu [suðr á Askstöðom⁵; þar fékk hann bráðasótt, þá er hann leiddi skjót til bana⁶. Lík hans var flutt norðr til Kaupánga, ok jarðat at

¹) sejölld enn, M; skjöld inn, Hk. ²) H sýnist hafa skalldr eðr skalda. ³) handvist, M, H, Hk. ⁴) Hk emeygir hérinn kafla um skipemiði og náustaggjörð Eysteins konúgs í Nið-brósi. ⁵) þannig lagfært; einni, H; suðr á . . . , A; suðr askstöðom, M; á Stinn oc Hustöðom, Hk. ⁶) Hann andaðist 4. kalendas septembris, b. v. Hk.

Kristskirkju, ok er þat mál manna, at yfir eingis manns líki¹ hafi jafnmargr maðr svà hryggð staðit í Noregi, síðan Magnús konúgr, son Ólafs hins helga, andaðist². Eptir þat var Sigurðr einn konúgr í Noregi, meðan hann lifði.

42. Þat er sagt at einn Hvítroddinn sat Sigurðr konúgr með vinum sínum ok miklu fjölmenni. Sem konúgr var kominn í háseti sitt, sá menn at hann sat með miklu vanmegni ok þúngu yfirbragði; voru þá margir hræddir um, hversu af mundi reiða. Konúgr leit yfir lýðinn, örðgaði³ augun, ok sá umhverfis sik á pallana; hann tók upp bókina dýru, er hann hafði haft í land, hon var öll ritin gullstöfum, svà at eigi hafði meiri gersimi komit í einni bók í Noreg. Drotníngin sat hjá honum; þá mælti konúgr: mart kann skipast á mannsæfinni; ek átti 2 hluti, er ek kom í land, þá er mer þóttu beztir, þat var drotníngin ok bók [þessi, er ek held á⁴, en nú þykki mer hvárr öðrum verri; þetta [tveggja hvárt⁵ á ek nú svà í eiginni, er mer þykkir verst allra hluta; drotníngin finnr eigi, hversu ferlig hon er, þvíat geitarhorn stendr ör höfði⁶ henni, ok því betri sem mer þótti hon, því verri þykki mer hoñ nú; [en bók þessi dugir til einskis⁷. Því næst kastaði konúgr bókinni framm á eldinn, er gjörr var

¹) greptri, *H*; grepti, *Hk*. ²) Eysteinn var konúgr 20 vetr at Noregi, *b. v. Hk*. ³) avrgaði, *H*; en *M* hefir arþgaði ægonom. ⁴) sjá herna, *M*. ⁵) hvortveggja, *H*; *v. i. M*. ⁶) enae, *H*. ⁷) þunnig *Hk*, *v. i. A, H*.

á hallargólfinu, en hann laust drotníngina kinnhest. Hon græt, ok þó meir konungsins mein, en mótgerð ser veitta. Sá maðr stóð fyrir konungi, er hét Óttar birtíngi, einn bóndason, hann var kertissveinn, ok skyldi þá þjóna um daginn; hann var litill vexti ok þó kurteis, svartr á hár ok hörund, ok því þótti honum auknefni gefit, er hann var birtíngi kallaðr. Hann hljóp¹ til, ok greip bókinda af eldinum, ok hēlt á. Hann mælti: úlíkir dagar, herra! þá er þú sigldir með fegurð ok þrýði at Noregi, ok allir vinir þínir runnu móti þer með fagnaði, játtuðu allir þer konungdóm með hinni mestu virðing ok sæmd; en nú eru komnir yfir oss hrygðardagar, þvíat á þessi ágætu hatíð eru her komnir margir vinir þínir, ok megu eigi kátir vera sakir þinnar vanheilsu; gerit nú svá vel, góði herra², þiggit mitt heilræði, gleðit fyrst drotníngina með blíðskap, er þer hafit mikit afgert við, ok þar út í frá alla höfðingja yðra ok hirð, vini ok þjónostumenn. Þá mælti konúngi: hvat mun þú kenna mer ráð? hinn herfiligsti kotkarlsson ok hinnar minnstu ættar. Hljóp hann þá upp, ok brá sverði, ok reiddi at honum grimliga báðum höndum. Óttar stóð rētt, ok brá ser ekki við, ne blöskraði. Konúngi brá flötu sverðinu, er ofan reið at höfði Óttars, ok sló línliga utan á síðu³.

¹) hlypr, *M.* ²) *M. b. hēr inn*: hritt harminom, oc gleð vini þína, (er) allir vildo, fegnir til þín coma, oc þigg þetta heilr., o. s. fr. ³) herðar, *Hk.*

honum. Því næst þagnaði konúgr, ok settist niðr í sætið; þögðu þá ok allir menn, þeir sem í höllini voru. Þá litaðist konúgr um, ok heldr hógligar en fyrr, ok mælti síðan: Seint má reyna mennina, hvílikir eru; her sitja inni hinir mestu vinir mínir, lendir menn [ok stallarar, skutilsveinar ok¹ allir hinir ágætustu menn í landinu, ok varð eingum jafnvel til mín sem þessum smásveini, sem yðr mun þykkja lítilsverðr hjá yðr. Sjá sveinn er Óttar birtígr, hann unni mer nú mest; ek kom herinn ærr maðr, ok vildag spilla gersimi minni, bætti hann þat með mer, svá at ekki skaðaði, ok annarri hendi² hræddist hann ekki bana sinn; talaði síðan fagrt eyrindi, stilti svá orðum um, at mer vyrði mest virðing at, en eigi taldi hann þá hluti, er minn harmr aukaðist³ við; þat felldi hann allt niðr, er þó mátti hann með sönnu rædt hafa; en þó varð svá skörulig hans ræða, at eingi vað svá vitr hjá, at snjallara mál myndi frammbæra en hann; þá hljóp ek upp örviti, ok lét ek sem ek myndi höggva hann, en hann var svá⁴ fullhugi, sem eingi ótti væri um at vera. En þá er ek sá þat, lét ek þetta verk fyrirfarast, þvíat hann var úverðugr dauða fyrir sína dygd. Nú skulu vinir mínir vita, hverju ek vil ambana⁵

1) þannig *M*, *Hk*; ok stallarar, *H*; stallarar ok skutilsveinar, *A*. 2) grein, *H*; en *M* kemst hér svá at orði: hann bætti með mer þat annarri hendi, en hræddist eigi banann, talpi sípan, o. s. fr. 3) *A*, *M*, *Hk*; ykist, *H*. 4) sá, *H*. 5) avmbavna (*þ. c. ömböna*), *H*; launa, *M*, *Hk*.

honum: hann er áðr kertisveinn, nú skal hann vera lendr maðr minn, ok mun þat þó fylgja, sem eigi er minna, at hann mun [mestháttar maðr þykkja af stundu allra¹ lendra manna. Gakk nú, Óttar, segir konúgr, til sætis hjá lendum mönnum, ok þjóna eigi leingr. Óttar birtíngr gerðist síðan ágætr maðr í Noregi af mörgum góðum hlutum [ok dýrligum².

43. Sigurðr konúgr jórsalafari setti stól sinn ok höfuðstað í Konúngahellu, ok eflidist sá kaupstaðr svá mjök, at eingi var ríkari í Noregi. Konúgr lét gera þar kastala af grjóti ok torfi, ok grafa um diki mikit. Í þeim kastala var gjör konúngsgarðr, ok þar var krossins kirkja, ok þar lét Sigurðr konúgr vera krossinn helga, ok þar fyrir altari var [tabolan, gjör³ af gulli ok silfri, er hann hafði haft í land.

44. Svá bar til einn tíma, at Sigurðr konúgr sat með mörgum mönnum mikilsháttar í stírðum hug; þat var föstukveld⁴ eitt. Dróttsetinn spurði hvat til matar skyldi búa. Konúgr svarar: hvat nema slátr? Svá stóð mikil ógn af konúngi, at eingi þorði móti at mæla, en allir urðu ókátir. Eptir þat bjuggust menn til borða. Því næst komu inn sendingar, í fyrstu heitt kjöt. Allir menn voru hljóðir inni, ok harmaðu mein konúngs; ok áðr matrinn var signdr, tók til orða

¹) fylgja enum mestum höfðingjum ok þikja mestháttar, *H.* ²) *M, Hk; v. í A, H.* ³) tabulum gert, *H, M.* ⁴) frjá-qveld, *M, Hk.*

sá maðr er hēt Áslákr hani, hvatr maðr ok lítill vexti, ekki var hann ættstórr; hann hafði verit í útferðinni með Sigurði konúngi; hann mælti til konúnga: herra! hvat rýkr á diskinum fyrir yðr? Konúngi svarar: hvat vildir þú Áslákr hani, eðr hvat sýnist þer? Þat sýnist mer, sem ek vildi eigi at væri, segir hann, en þat er kjöt. En þótt svá se, Áslákr hani! segir konúngr. Hann svarar: hörmuligt er slíkt at vita, er svá skal missýnast þeim konúngi, er svá mikla frægð ok sóma hefir fengit af ferð sinni ok mörgum öðrum góðum hlutum; ok öðru hēzt þú, þá er þú steigt¹ upp ör ánni Jórdán, er þú hafðir laugazt í því vatni, er sjálfr guðs son var skírðr í, en þú myndir slátr eta [á föstudögum²; bartu þaðan pálm í hendi, en kross á bríngu. Nú ef smærri menn gerði slíkt, þá væri stórra refsinga fyrir vert. Nú er eigi svá vel skipuð sveitin, sem líklikt væri, ok vera skyldi, er eingi verðr til um slíkt at tala nema ek einn lítillhátta maðr ok fátækr. Konúngr sat þegjandi, ok tók eigi til kjötsins, ok litlu síðar bað hann brott bera slátrdiskana, kom þá framm sú fæða, er vel hæfði at eta. Tók konúngr nökkut at glæðjast, sem áleið matmálit, ok drakk hann. Þá mæltu menn, at Áslákr myndi forða ser. Þat mun ek eigi gera, segir hann, veit ek eigi hvat þat vinnr³, þvíat konúngr á heimult at

¹) stétt, H, M. ²) frjádaginn, M; frjádag, Hk. ³) mon tjóa, M, Hk.

drepa mik; er þat sannast at nú er gott at deyja, er ek hef því framkomið, sem ek vilda, at firra konúnginn glæp. Nökkuro síðar um kveldit kallaði konúgr Áslák, ok mælti: hverr eggjaði þik, Áslákr hani, at mæla slíkum beryrðum við mik í mannfjölda? Herra! segir hann, eingi nema ek sjálfr. Konúgr mælti: vita mun þú nú vilja, hvers mer þykkir þú verðr fyrir ofdirfð þína. Hann mælti: vill þú vel launa, herra! þá þigg ek þat glæðr; en ef öðruvís¹ verðr, þá er þat þitt. Þá mælti konúgr: þú munt minni amban fyrir hafa, en makligt er; ek vil gefa þer 3 bú, þvíat þannig skipti til, sem úlíkligra mundi þykkja, at þú firðir mik úhappi heldr en lendir menn mínir, þeir sem mer ætti mikil gæði at launa. Nú lauk svá þessu máli.

45. Þat var enn jólakveldit fyrsta, er Sigurðr konúgr sat í höll sinni með mörgum höfðingjum ok hirð sinni, ok er borð voru framsett, þá mælti konúgr: fáir mer slátr! Menn hans svöruðu: eigi er þat, herra! siðr í Noregi, at eta slátr jólakveld. Hann svarar: [er þat eigi siðr²! þann sið vil ek hafa. Þá var innborit hnísuhold heitt. Konúgr stangaði í knífinum, ok tók eigi til. Þá mælti konúgr: fáir mer konu! Menn hans komu inn með konu, sú hafði sitt faldit³. Konúgr tók hendi sinni til höfuðs

¹) öðruvís, H. ²) v. í H, M. ³) þannig A, M fullum atúsum; en bundit í H; faldat, Hk.

henni, ok leit á. Hann mælti: úsællig kona ertu, ok ekki svá at eigi megi sæma við slíkt. [Síðan leit hann á höndina, ok mælti: úfögr hönd ok eigi vel vaxin, en þó verður sæma við slíkt. Hann bað hana rétta framm fótinn; [ok hon gerði svá¹; hann leit á ok mælti: ferligr fótr ok mjök mikill, en ekki má gaum at því gefa, sæma verður við slíkt. Þá bauð hann at þeir skyldi leggja upp kyrtilinn, ok er hann sá fótlegginn, mælti hann: svei verði þínum legg, er bæði er blár ok digr, ok mun þú vera púta ein; færir hana ut, segir hann, ekki vil ek hana hafa.

46. Ofarliga á æfi Sigurðar konúngs var hann at veizlu at búi sínu suðr á Jaðri. Unmorgininn, sem hann var klæddr, var hann fá-mæltr ok úkátr, ok hræddust menn hans, at þá mundi koma at honum vanstillit. Áрмаðrinn, sá er veizluna hafði búið, var vitr ok höfðingjadjarfr; hann krafði konúng máls, ok spurði ef hann hefði nokkur tíðendi fregit, þau er svá væri mikil, at honum stæði fyrir gleði; eðr bæri þat til, at honum líkaði eigi veizlan, eðr nokkurir aðrir hlutir, þeir sem menn mætti bætr á ráða. Konúngr sagði at eingir heldu þeir hlutir honum til úgleði, sem ármaðrinn taldi upp: heldr berr þat til, segir konúngr, at ek hugsa draum þann, er fyrir mik bar í nótt. Þat skyldi vera góðr draumr, herra! segir ármaðrinn, en gjarna vildim ver heyra. Konúngr mælti: ek

¹) Hk; v. i A, H.

Þóttumst her vera á Jaðri, ok sjá út í haf sorta mikinn, ok var för í sortanum, ok nálgadist hingat. Þá sýndist mer sem þat væri trè mikit, ok óðu limarnar úppi, en rætrnar í sjónum; en er trèð kom her at landi, þá braut þat við landit, ok rak víða um strandir; þá gaf mer sýn þá, at ek þóttumst sjá um allan Noreg hit ytra með sjánum, ok sá ek at í hverja vík voro rek-in brot af þessu tre, sum smá en sum stærri. Armaðrinn mælti: herra! þat er líkast um draum þenna, at þer munut sjálfir bezt [skilja, hvat hann merkir¹, ok viljum ver gjarna heyra, at þer ráðit drauminn. Konúgr svarar: þat þykki mer líkast um draum þenna, at hann mun vera fyrir kyámu nokkurs manns hegat í land, ok mun hann her staðfestast, ok hans afkvæmi mun víða dreifast um land þetta, ok vera mjök misstórt.

47. [Litlu síðar fór ör landi einn ríkr maðr, er hét Hallkell húkr²; hann fór vestr um haf, fyrst til Orkneyja ok þaðan til Suðreyja. Þar kom til fundar við hann sá maðr er nefndist Gillikristr; móðir hans fór með honum, ok sagði at hann hét réttu nafni Haraldr, ok var son Magnúss konúgs berfætts; reðst Haraldr þá til ferðar með Hallkeli, fóru þeir austr til Noregs. Haraldr fór þegar á fund Sigurðar konúgs, er hann kom í land, ok flutti framm sitt eyrindi

¹) scripta, *M.* ²) Hallkell húkr, son Jóns smjörbatta, var lendr maðr á Mæri, *Hk.*

fyrir honum, ok beiddi at hann næði at sanna faðirni¹ sitt. Sigurðr konúgr bar þetta mál fyrir höfðingja sína ok valdsmenn, lagði þar hverr til eptir sínu skaplyndi; voru þeir fleiri², er í móti blésu Haraldi, en þar kom at allir báðu konúng sjálfan fyrir sjá. Lèt Sigurðr konúgr þá kalla Harald til sín, ok segir svá til hans: eigi vil ek synja at þú fremir skírslu til faðernis þer, ef þú vill þat binda fastmælum, at þú skalt eigi beiðast konúgdóms í Noregi, meðan ek lifi eða Magnús son minn, þótt þer berist þat faðerni, sem þú segir. Þessu var játtað; fóru þessir swardagar framm, bjó Haraldr sik til skírslu, ok er þat mál manna at sú skírsla hafu gjör verit mest í Noregi; þar voru gjör glóandi³ plógjárn, ok lögð niðr, ok gekk Haraldr þar eptir berum fótum, ok leiddu hann tveir biskupar. Hann kallaði meðan á hinn helga Kólumbam; þarhá var gjör rekkja hans. Þá mælti Magnús, son Sigurðar konúgs: eigi treðr hann⁴ hugmannliga járnin. Konúgr svaraði: illa mælir þú ok grimliga, þvíat hann hefir framit þetta mál sköruliga. Síðan lét Haraldr fallast í rekkjuna, ok eptir 3 daga, sem skírslan var reynd, þá voru fætr hans úbrunnir; ok þótti þessi skírsla allfrek, þar sem hann gerði til faðernis ser at eins, en eigi til ríkis. Tók Sigurðr konúgr þá vel við frændsemi hans, en Magn-

¹) þannig A; fað'ni, H bundit. ²) fleiri, H. ³) 9, Hk. ⁴) þannig A; Kólumba, H, M, Hk. ⁵) þú H, M.

ús son hans ýfðist mjök við Harald, ok margir höfðingjar viku (mjök) eptir honum til áleitni við Harald¹. Haraldi var mjök stirt (um) norrænt mál, kylfdi² hann mjök til orðanna, ok höfðu margir menn þat³ mjök at spotti, en Sigurðr konúgr lét þat ekki [við veðri komast⁴, ef hann var við.

48. Svá bar til eitt sinn, þá Sigurðr konúgr fór fyrir land framm með lið sitt, at þeir lágu í höfn nökkurri, ok einn dag var veðr heitt, ok fóru menn á sund af skipunum⁵. Jón hét sá maðr er bezt var syndr, ok hældu margir hans fræknleik. Sigurðr konúgr lá í lypting á skipi sínu með þúngum hug. Þeir menn voru hjá honum, er annar hét Erlendr gapamunnr, annar var Einar prestr Skúlason; en er þá varði sízt, hljóp konúgr af skipinu á sund; hann lagðist at Jóni, ok færði hann í kaf, ok þegar hann kom upp, færði konúgr hann niðr öðru sinni; voru þá miklu leingr niðri; ok hit þriðja sinn, er konúgr færði Jón niðr, þá mælti Einar Skúlason: nú ferr í úvænt efni, ok væri þat drengi-
likt at hjálpa manninum, ok firra konúng úhappi.

1) Sigurðr konongr treystist svá mjök vinsæld sinni vit allt landsfólk, at hann heiddist þess, at allir menn skyldo þat sverja, at Magnús, son Sigurðar konongs, skyldi einn vera konongr eptir hann, ok fekk hann þá svardaga af öllu landsfólki. Haraldr gilli var maðr hárr ok grannvaxinn, hálslangr, heldr lángeitr, svarteygr, dökkhárr, skjótligr ok fráligr, ok hafði mjök írskan búnað stuttklæddr ok léttklæddr, *ð. v. Hk.* 2) Þannig líka *H, M;* kyldi, *Hk.* 3) hann, *H.* 4) duga, *Hk.* 5) konongsskipinu, *M.*

Erlendr gapamunnur var allra manna mestr ok styrkastr; hann mælti: þat er vandi mikill, at eiga við konúng, en víst er þat at líf mannsins liggir við. Síðan kastaði hann ser af skipinu, ok lagðist at konúngi; greip hann ok færði niðr, svá í annat sinn ok þriðja, ok lét hann upp eptir lánga niðrivist; lögðust síðan til lands, en aðrir menn fluttu Jón til lands, kominn at bana, sátu þeir yfir honum, þar til er hann raknaði við. Haraldr gilli var á skipi Sigurðar konúnga, ok þó þá enn ekki mikils virðr. Haraldr bað Erlend forða ser, sagði at konúnger myndi hafa á honum reiði. Erlendr kveðst hvergi myndi undan flýja, en vera á landi um nóttum¹.

49. Sá maðr bjó á skipi næst Haraldri, er hét Loðinn, hann var maðr ættsmárr, ok barst þó á mikit; hann lagði opt svívirðingarorð til Haralds; kvaðst úgerla vita, hvat manna hann var, ok [abbadist mjök² við svein hans. Nú bar svá til á þessu sama kveldi, at Haraldr sagði sveininum, at hann skyldi rekkja³ í húðfati hans um nóttina, en Haraldr gekk upp á land með Erlendi. En er Loðinn varð þess varr, lèzt hann ekki mundu þola, at knapar gengi uppá hann, ok spurði hverr honum hefði vísat at rekkja hjá dugandi mönnum. Sveinninn kvaðst þat gera, sem Haraldr bauð honum. Loðinn rak hann brott ör húðfatinu;

¹) náttina, H; Hk hefir þenna kap. mjög öðruvísi; er það Íslendingr, er þar segist svo vel sundfær verit hafa, en Sigurðr Sigurðarson, lendr maðr, er lífi hans bjargaði. ²) A, M; amadist opt, H. ³) hvíla, H.

fór sveinninn ok sagði til Haralds. Hann reiddist ok hljóp út á skipit, hirði¹ eigi þótt hann gengi nær klæðum Loðins. Hann hljóp upp reiðr, kvað hann opt² vilja sér svívirðing veita. Haraldr segir at hann hafði minni skömm, en tilgerðir hans voru, ok hjó til hans, kom á öxlina, ok sveif³ ofan á brínguna, varð þat svöðusár, hlupu menn þá ámilli. Fór Haraldr af skipinu, ok var á landi þá nótt.

50. Um myrgininn varp konúgr af sér klæðum, ok spurði þegar, hvar væri Erlendr gapamunnr. Einar Skúlason svarar: eigi vitum ver þat glögt, eða hversu vel mun honum frítt at koma á yðvarn fund? 'Eingu heit ek um þat, segir konúgr. Einar kvað þá vísu:

Erlendr hefir undan
alvalds gleði haldit
gramr skalattu gumna
Gapamunn⁵ um þat kunna;
hafa [munu heiðar jöfra⁶
hliðrækjanda friðum⁷
geta verðr þess fyrir gotnum
galdrs nauðsynjar valdit.

Konúgr bað fara eptir honum, ok svá var gert. En er hann kom á skipit, mælti konúgr til hans: hversu vel þóttist þú leika við konúg

¹) hirte, H. ²) v. í H. ³) svéf, H. ⁴) mikit sár, H.

⁵) H; Gapamunnr, A; en þetta orð ok þau 2 næsthindan-
faraði vísuorð sjást ekki í M. ⁶) mun heiðr á jöftrar, H;
mono heipir jöftrar, M. ⁷) friðum eðr firðum, H.

þinn í gær? Herra! segir hann, mjök¹ eptir því sem þer gerðut fyrir. Svá var ok, segir konúgr; vel skal fyrir þer virða, þvíat þú sýndir við mik ástemd ok karlmensku, þigg nú af mér sverð ok-skikkju; skal þú vera vin minn, ok heita vaskr dreingr heðan af. En hvat hark var þat, er ek heyrða í gær kveld á skipinu? Honum var sagt. Konúgr mælti: kalli higat Harald ok Loðinn! En er þeir komu fyrir konúng, spurði hann ef þeir vildi leggja sitt mál á hans vald. Þeir játtu því. Þá mælti konúgr: ekki vænti ek at þit set² jafnir menn, en þó geri ek [fyrir áverka Loðins nokkut³, fyrir þá skyld er hann var í minni sveit ok á mínu skipi; en þat væri makligr, at þú, Loðinn, værir réttláus. Nú ver eigi síðan svá djarfr, at þú talir úsæmilig orð við Harald eðr aðra dugandi menn, þvíat þess er vãn, at ver virðim hann meira en einn lít- ilsháttar mann. Loðinn sá þann sinn kost beztan, at láta vera kyrt, en konúgr skipaði Harald í sína sveit með sínum skutilsveinum, ok virði hann vel; [en Magnús konúngsson⁴ ok þeir sem honum fylgdu öfunduðu hann at meir⁵.

51. Þat var vani Sigurðar konúgs, þá er hann sat í kaupstöðum eðr at búum sínum, at

¹) eptir málgleikum ok, *b. v. H.* ²) seð, *H*; verþit, *M.* ³) þannig *H*; (vil ek gera) sóma til handa Loðni, *M*; nokkura sæmd Haraldí fyrir áverka sinn, *A.* ⁴) en menn Magnúss konúgs, *M.* ⁵) *Frá merkinu* [*v. í M*; en *Hk hefir alla þessa frásögn mjög öðruvísi*; heitir þar sú, sem amaðist við svein Haralds ok sáðr var, Sveinu Rímhildarson.

hann gekk snimma á kveldum at sofa, en Magnús son hans ok hans sveitúngar sátu laungum ok drukku. Haraldr fylgdi jafnan Sigurði konungi, þá er hann gekk til svefns; en eitt kveld gátu þeir Magnús hann eptir dvalit, ok sátu þeir allir samt ok drukku langt á nótt fram. Magnúsi hafði sendr verit hestr gauzkr, mikill vexti ok ágæta skjótr; ok um kveldit, er menn Magnúss¹ voru drukknir, gerðu þeir margrætt um, at eingi mundi hestr vera jafnskjótr. Um síðir viku þeir til Haralds málinu, ok spurðu ef hann vissi nökkurn hest jafnskjótan. Hann sagði ekki eitt svá agætt, at eigi mætti verða annat slíkt. Þeir kváðu hann aldri mundu hafa sèt jafnskjótan hest; hann læzt marga skjóta sèt hafa. Þeir mæltu: hefir þú skjótara hest sèð? Eigi hefi ek svá atkveðit, segir hann. Þeir mæltu: svá mæltir þú, ok svá skaltú sagt hafa. Hann svarar: með miklum ákafa takit þer þetta; má ok vera at ek hafi sèt skjótari hesta, er þer þreytið þetta mál. Þó svá mjök, ok því heldr at ek mun sèt hafa menn eigi seinni. Er eigi þat, sögðu þeir, at þú munir eigi vera seinni á fæti en hestrinn? Ekki segi ek þat, segir hann. Þá mælti Magnús: þat sagðir þú, ok þat skulum við reyna ok veðja um, skal ek leggja við gullhríng, en þú annat fe jafnmikit. Haraldr mælti: eigi er ek enn vorðinn svá mikils fjár ráðandi í Noregi, at vert muni vera eins hríngs. Legg þá til²

¹) v. í H. ²) vit, H.

höfuð þitt, segir Magnús. Þat mun ek eigi gera, segir Haraldr. Þat skal þú gera, segir Magnús, ok skildu við svá búit. [Þegar um morgininn var þetta sagt Sigurði konúngi. Hann svarar: þess var vãn, at þannig myndi fara, fá mer nú hringinn í hönd. Illa eru þer atstaddir, Noregs menn, er þer hafit æran konúng yfir yðr, en svá segir mer hugr um, at þer mundut rauðu gulli kaupa, ef mættið, af stundu, at ek væri heldr konúngr yfir yðr en þeir Haraldr ok Magnús; annar er grimmr en annar úvitr¹. Því næst komu þeir á völl einn slëttan, þar sem þeir skyldu skeiðit reyna. Haraldr var í línbrókum nafarskeptum², ok lèt hann leika laust kneit í brókinni; hann hafði stutta skyrtu ok möttul á herðum ok eitt kefli í hendi. Magnús var þá (ok) búinn ok á hest kominn. Þar var við Sigurðr konúngr ok mikit fjölmenni. Þá er þeir voru búnir, keyrði Magnús hestinn sporum á skeiðit. Haraldr var [hóti mun³ skjótari, ok slíkr munr var, er þeir komu at skeiðsendanum. Þá mælti Sigurðr konúngr: fullreynt er þetta, ok er Haraldr eigi seinni. Konúngsson mælti: reyna skulum við meir. Þeir tóku annat skeið, ok var Haraldr jafnframm gagntaki konúngssonar; en er þeir komu til skeiðsenda, mælti Magnús: hvárt heldr þú í gagntak vart? gef þik upp, ef þú hefir eigi við. Eigi skal enn uppgefast, segir

¹) v. í Hk, auk annars töluverðs orðamunar ok frásagnar.

²) þannig A, H, M. ³) þannig líka H; hóta mun, M.

Haraldr; þjuggust þeir þá til hins þriðja skeiðs-ins; þá sá allir, þeir er við voru, at Magnús hafði fyrr viðbrugðit, svá at hlið var í milli þeirra. Haraldr stökk þá í lopt upp, ok gall við, hljóp hann þá svá framm á skeiðit, at varla þóttust menn sjá at fætr hans kæmi við jörðina, ok at skeiðsendanum lagðist hann niðr, ok spratt upp, [snerist aptr á skeiðit móti Magnúsi¹, ok mælti: heill Magnús frændi! Skildu þeir at því², at Sigurðr konúgr fèkk Haraldi veðfeit at úvilja Magnúss sonar síns.

52. Þá er áleið æfi Sigurðar konúgs, gerðist sú nýbreytni um ráð hans, at hann ætlaði at láta eina drotníngina, ok fá þeirrar konu, er Cécilia hét, hon var ríks manns dóttir. Ætlaði konúgr at gera bruðlaup sitt til hennar í Björgyn, lét hann þar búa til mikillar veizlu. En þær þat frætti Magni biskup, gerðist hann úkátr, ok einn dag gekk hann til hallar Sigurðar konúgs, ok með honum prestr hans einn, er Sigurðr hét. En er þeir komu til hallarinnar, bað biskup konúng út gánga. Konúgr gekk út, ok hafði brugðit sverð í hendi; hann fagnaði biskupi, ok bauð honum inn at drekka með ser. Biskup svarar: annat er mît eyrindi; er þat satt, (herra!) at þer ætlið

¹) v. í H. ²) En Sigurðr konongr hafði verit meðan at hámessu, ok vissi hann þetta eigi fyrr en eptir mat um daginn. Þá mælti hann reiðuliga til Magnúsar: þer kallit Harald heimskan, en mér þíkkir þú vera meira fól; eigi kantu utanlands síðo manna; vissir þú þat eigi fyrr, at menn í öðrom löndom temja sik meir við aðrar íþróttir, en at kyla öl, eða gjöra sik ærau ok úfæran, ok vita eigi til manna, b. v. HK.

(at) kvángast, ok láta eina drotnúngina? Satt er þat, biskup! segir konúngr; tók hann þá þegar at þrútna mjök ok blána í andliti. Magni biskup mælti: hví sýnist¹ yðr at gera slíkt í várri biskupssýslu, at svívirða svá mjök [guðslög heilagrar kirkju² ok vörn biskupsdóm? Nú vil ek þat gera, sem ek er skyldr, at banna yðr þetta úráð af guðs hálfu ok hins heilaga Petrí postula ok allra heilagra manna. Biskup stóð rætt, meðan hann talaði við konúng, ok þó svá sem hann byggi til hálsinn, ok væri búinn, ef konúngr lèti ofan ríða sverðit. En svá sagði hann³ prestrinn Sigurðr, er þá var með Magna biskupi, [en síðan var biskup í Björgyn⁴, at svá sýndist honum konúngrinn ógurligr, er hann reiddi sverðit, ok hvesti augun á biskup, meðan hann talaði, at hann þóttist nær ekki vita fyrir hræðslu. Síðan gekk konúngr inn í höllina, en biskup heim til sinna herbergja, ok var þá svá kátr, at hvert barn kvaddi hann hlæjandi, ok læk við fíngir sína. Þá mælti Sigurðr prestr: þó eru þer nú glaðir, herra! kemr, yðr þat ekki í hug, at konúngr mun leggja á yðr reiði, ok mun þá vænna ráð at leita undan? Biskup mælti: líkara þykki mer, at hann mun þat eigi gera, en hverr væri dauðinn betri, en láta lífit fyrir heilagri kristni, ok banna þat sem eigi er viðsæmanda? Nú er ek glaðr, þvíat nú hefir ek þat atgert,

¹) sýndist, H, M. ²) guðs heiðr ok heilaga kristne, H. ³) v. í H, M. ⁴) v. í H.

sem ek átti. Því næst gerðist þys mikill í bæn-
um; bjóst konúgr brott ör bænum, ok flutti
með ser mikil korn ok mölt ok hunáng, hèlt
hann suðr í Stafáng, ok efnaði þar til veizlu.
En er biskup, sá er þar ræð fyrir, varð þess varr,
fór hann á fund konúgs, ok spurði ef þat væri
satt, at hann ætlaði at kvángast, at drótnínginni lif-
andi. Satt er þat, biskup! segir konúgr. Biskup
mælti: ef svá er, herra! þá megit þer sjá, hversu
mjök þat er bannat hinum smærrum mönnum; en
eigi er úlíkligt at þer ætlið yðr slíka hluti fram-
ar sóma, er meira vald hafit, en þat er þó mjök
í móti réttu; ok eigi veit ek, hví þer vildut þetta
gera í várri biskupssýslu, at vanvirða svá guðs
boðorð ok helga kirkju¹ ok vörn biskupdóm. Nú
munu þer vilja leggja til staðar vârs stóra fjár-
hluti, ok bæta svá við guð ok oss þetta [mikla
lagabrot². [Þá mælti konúgr: tak þar fe upp;
furðu úlíkir urðut þer Magna biskupi. Gekk
biskup í brott³, en konúgi líkaði eigi betr við
þenna biskup, en hinn er forboðit lagði á. Síð-
an fékk konúgr þessarrar konu, ok unni mikit.

53. Þá er Sigurðr konúgr sat austr í Osló,
tók hann sótt mikla. Þá báðu vinir hans, at
hann lèti þessa konu af hendi, er hann hafði
svá úlögliga fengit, ok hon sjálf í sóttinni bað
hann gefa ser orlof at skilja við hann, sagði at
honum mátti þat bezt gegna. Konúgr svarar:
eigi kom mer þat í hug, at þú mundir vilja

¹) kristne, H. ²) stóra afbrot, H. ³) v. í H.

fyrirlíta mik sem¹ aðrir. Snerist hann þá frá henni, ok var mjök rauðr í andliti. Eptir þat þýngdi sótt hans, svá at af þeirri sótt fékk hann bana; var lík hans flutt til grafrar², ok jarðat í Hallvarðskirkju; [liggr hann í steinvegginum utar frá kórinum fyrir sunnan framm³. Magnús, sonr Sigurðar konúgs, var þar þá í bænum; tók hann þegar allar konúgs fehirðslur, er faðir hans var andaðr. Sigurðr jórsalafari var konúngr yfir Noregi 27 vetr; hann var þá fertögr at aldri, er hann andaðist, ok var öld hans góð landsfólkinu, þvíat þá var bæði ár ok friðr.

¹) allir, b. v. H. ²) graptar, H. ³) v. í H; en í M. v. hér blað.

Saga Haralds konungs gilla ok Magnúss blinda.

MAGNÚS, son Sigurðar konungs, var tekinn til konungs í Osló yfir land allt, svá sem alþýða hafði svarit föður hans¹, gerðust þá þegar margir menn honum handgengnir, ok svá lendir menn. Magnús var hverjum manni fríðari, er þá var í Noregi; hann var maðr skapstórr ok grimmr ok atgerfimaðr mikill, en vinsæld föður hans hélt hann mest til alþýðu vináttu. Hann var drykkjumaðr mikill, fegjarn, úþýðr ok údæll.

2. Haraldr Gilli var [hár á vöxt ok heldr grannvaxinn, hálslánger ok heldr langleitr, svarteygr, dökkur á hár, skjótligr í öllu viðbragði², létillátr, kátr ok leikinn, lítillátr ok örr, svá at hann spærði ekki við vini sína; ráðþægr svá at hann lét vini sína ráða með sér öllu því er þeir vildu. Slíkt dró hann til vinsældar ok orðlofs, þýddust hann margir menn ríkir eingum mun síðr en Magnús. Haraldr var þá í Túsbergi, er hann spurði andlát Sigurðar konungs, bróður

¹) *Sjá bls. 165, athgr. 1.* ²) *H; bragði, A; en í Hk v. á þessum stað allt frá merkinu. Sjá bls. 165, athgr. 1.*

síns, átti hann þá þegar stefnur við vini sína, ok reðu þeir þat af, at eiga Haugaþíng þar í bænum. Á því þíngi var Haraldr til konúngs tekinn yfir hálft land, voru þat þá kallaðir nauð-úngareidrar, er hann hafði svarit föðurleifð sína af hendi ser; tók Haraldr ser þá hirð, ok tók lenda menn, dróst honum þegar lið eingum mun minna en Magnúsi konúngi. Fóru menn þá milli þeirra, ok stóð svà 7 nætr. En fyrir því at Magnús fékk lið miklu minna, þá sá hann eingan annan sinn kost, en skipta ríki við Harald; var þá svà skipt, at hálft ríki skyldi hafa hvárr þeirra við annan, þat er Sigurðr konúngr hafði átt, en skip ok borðbúnað, gersimar ok allt lausafe, þat er Sigurðr konúngr hafði átt, hafði Magnús, ok undi hann þó verr sínum hluta¹. Reðu þeir þá nökkura hríð landi í friði, ok hugðu þó mjök [ser hvárir². Haraldr gat son, er Sigurðr hèt, við Þóru, dóttur Guttorms grábarða. Haraldr konúngr fékk Íngirðrar, dóttur Rögnvalds; hann var son Ínga konúngs Stein- kelssonar³. Magnús konúngr átti Kristín, dóttur Knúts lávarðs, systur Valdimars Danakonúngs. Magnús varð henni eigi unnandi, ok sendi hana apr suðr til Danmerkr, ok gekk honum allt síðan þýngrá. Fékk hann þarfyrir mikinn úþokka af frændum hennar.

3. Þá er þeir höfðu verit 3 vetr 2 konúngar at Noregi, Magnús ok Haraldr, sátu þeir hinn

¹) hlut, H. ²) sitt hvóir, H. ³) Sviakonúngs, b. v. [Hk.

fjórða vetr báðir norðr í Kaupáangi, ok veitti hvárr öðrum heimboð, en þó var æ við bardaga búit með liði þeirra. En at vári hélt Magnús með skipaliði suðr fyrir land, ok dró lið at ser, allt þat er hann fékk; leitaði hann við vini sína, ef þeir vildi veita honum styrk, til þess at taka Harald af konúngdómi, ok midla honum af ríki slíkt er þeim¹ sýndist; tjáði þat fyrir þeim at Haraldr hefði svarit ríkit af hendi ser. Fékk Magnús konúgr til þess samþykki margra ríkismanna. Haraldr fór hit efra til Upplanda ok austr til Víkrinnar, dró hann ok lið at ser, þá er hann spurði til Magnúss konúgs, ok hvar sem þeir fóru, hjuggu hvárir bú fyrir öðrum, ok svá drápust þeir menn fyrir. Magnús konúgr varð miklu fjölmennari, þvíat hann hafði haft allan þorra² landsins til liðssafnaðar. Haraldr var í Víkinni austanfjarðar, ok fékk ser lið; tóku þá hvárir fyrir öðrum bæði menn ok fe. Þar var þá með Haraldi konúgi Krístrøðr bróðir hans sammæðri, ok lendir menn vāru margir með honum, en þó miklu fleiri með Magnúsi konúgi.

4. Haraldr konúgr var með lið sitt, þar sem heitir Fors í Ránríki, ok fóru þaðan út til sjófar. Lafranzvöku-aftan mötuðust þeir at náttverði, þar sem heitir Fyrirleif³, en varðmenn.

¹) hönum, Hk. ²) þora, A, sátt ekki í H, vegna gata á bóh/ellinu. ³) Fyrirleif, H; Fýrileif, Hk.

hældu hestvörð alla [nóttina alla¹ vega frá bænum; urðu þeir þá varir við at lið Magnúss konungs fór at bænum; hafði Magnús þá [nær 60² hundraða manna, en Haraldr hafði 15 hundruð. Þá kom varðmaðr, er bar njósn Haraldri konungi, ok sagði at lið Magnúss konungs var komit (mjök) at bænum. Hann svarar: hvat mun Magnús frændi vilja? eigi mun þat at hann vili berjast við oss. Þá svarar Þjóstólfr Alason: herra! svá munu þer verða ráð fyrir yðr at gera ok liði yðru, sem Magnús konúgr muni hafa her samandregit í allt sumar, ok hann mun ætla at berjast, þegar hann finnr yðr. Þá stóð konúgr upp, ok mælti við sína menn: takit vápn yðar; ef Magnús konúgr vill berjast, [þá skulu við berjast³. Því næst var blásit, ok gekk lið Haralds konungs allt út frá bænum í akrgerði nökkurt, ok settu þar⁴ upp merki sín. Haraldr konúgr hafði 2 hríngabrynjur, en Krístrøðr, bróðir hans, hafði einga brynju; hann var kallaðr hinn hraustasti maðr. Þá er Magnús konúgr ok hans menn sá lið Haralds konungs, þá fylktu þeir sínu liði, ok gerðu svá lánga fylking, at þeir skyldi kringja allt um lið Haralds konungs. Svá segir Halldórr skvaldri:

Magnús fékk þar miklu
 (margs geingis naut hann) leingri⁵
 (valr⁶ nam völl at hylja
 varmr) fylkingar-arma.

¹) H; v. í A, Hk. ²) 40, H. ³) A; v. í A, H. ⁴) H, Hk; þeir, A. ⁵) leingi, H. ⁶) þannig Hk; valr, A; valið, H.

Magnús konúgr lét bera fyrir ser krossinn helga í orrostu. Þar varð orrosta mikil ok hörð. Krístrøðr konúgsbrøðir hafði gengit með sína sveit í miðja fylking Magnúss konúgs, ok hjó til beggja handa, ok stukku fyrir honum menn á tvá vega; ok einn ríkr bóndi, sá er verit hafði í liði Haralds konúgs, var staddr á bak Krístrøði; hann reiddi upp kesjuna tveim höndum, ok lagði millum herða Krístrøði, svá at framkom í brjóstinu, ok fèll hann þar. Þá spurðu margir menn, hví hann gerði þetta hið illa verk. Hann svarar: nú veit hann þat, er þeir hjuggu bú mitt í sumar, ok tóku allt þat er heima var, en höfðu mik nauðgan með ser; slíkt hugsaði ek honum þá, ef ek fengi færi á. Eptir þat kom flótti í lið Haralds konúgs, ok flýði hann sjálf ok allt lið hans. Þá var fallit mart manna af liði Haralds konúgs; þar fèkk banasár Íngimar at Aski Sveinsson, lendr maðr ör liði Haralds konúgs¹, ok nær 60 hirðmanna.

5. Haraldr konúgr flýði austr í Vík til skipa sinna; fór hann síðan suðr til Danmerkr² á fund Eiríks konúgs eyrna, ok sótti hann at trausi; þeir fundust suðr á Sjólandi³. Eiríkr konúgr tók vel við honum, ok mest fyrir því at þeir höfðu svarízt í bræðralag. Hann veitti Harald

¹) Hk. b. v. vísu, er Ingimar kvað áðr hann dó. ²) Hk. b. hðrinn 2 vísu, annarri eptir Halldór skvaldra, en annarri eptir Ein. Skúlas. ³) Smálandi, Hk.

at veizlum ok yfirferð Halland, ok gaf honum 8 lánskip reiðalaus. Eptir þat fór Haraldr konúgr liði sínu norðr um Halland, ok kom þá [lið til hans¹. Magnús konúgr lagði undir sik land allt í Noregi eptir orrostuna. Grið gaf hann öllum sárum mönnum, ok lét græða sem sína menn, ok kallaði ser þá landit allt. Hann hafði allt hit bezta mannval í landinu; en er þeir ræðu ráðum sínum, þá vildi Sigurðr Sigurðarson ok [þeir Íngirðarsynir² ok allir hinir vitrustu menn, at þeir hældi flokkinum í Víkinni, ok biði þar, ef Haraldr leitaði sunnan. Magnús konúgr tók hitt upp með einræði sinni³, at hann fór norðr til Björgynjar, ok settist þar um vetrinn, ok lét liðit fara frá ser ok lenda menn til búa sinna.

6. Haraldr konúgr kom til Konúngahellu með lið þat, er honum hafði fylgt ör Danmörk, þá höfðu þar lendir menn ok bæjarmenn safnað fyrir, ok settu fylking upp frá bænum, en Haraldr konúgr gekk af skipum sínum, ok gerði menn til bóndaliðs, ok beiddi at þeir verði honum eigi vígi land sitt, ok læzt eigi mundu beiðast meira, en hann átti at réttu hafa. Fóru þá menn í milli, ok um síðir gengu bændr til handa, ok gáfu upp safnaðinn; gaf Haraldr þá til liðs ser lèn ok veizlur lendum mönnum, en réttarbætr bóndum, [þeim er í lið snerist með hon-

¹) mart Norðmanna til móts vit hann, *Hk.* ²) þórir Íngirðarson, *H.* *Hk.* ³) síno, *Hk.*

um¹. Safnaðist þá mart fólk til hans. Haraldr konúgr fór austan um Víkina, ok gaf góðan frið öllum mönnum, nema menn Magnúss konúgs lét hann ræna eðr drepa, hvar sem hann stóð þá. Þá er hann kom austan til Sarpsborgar, tók hann þar tvá lenda menn Magnúss konúgs, Ásbjörn ok Næreid², bróður hans, ok bauð þeim kost, at annarr skyldi hánaga, en öðrum steypa í forsinn Sarp, ok bað þá sjálfa kjósa. Ásbjörn kaus at fara í Sarp, þvíat hann var ellri, en sá þótti dauðinn enn grimmligri, ok svá var gert; þess getr Halldórr:

Ásbjörn varð, sá er orðum
illa hœlt um³ stilli,
(gramr fæðir val víða
vígs) í Sarp at stíga;
Næreid⁴ lét gramr á grimman
grandmeið Sigars fjanda
húsþínga galt heingja
hrannbáls⁵ glötuðr mála.

Eptir þat fór Haraldr konúgr norðr til Túnsbergs, ok var þar vel við honum tekit; safnaðist ok þar til hans herr mikill.

7. Magnús konúgr sat í Björgyn, ok spurði þessi tíðindi. Þá lét hann kalla á tal við sik þá höfðingja, sem í vǫru bænium, ok spurði ráðs hversu með skyldi fara. Þá svarar Sigurðr Sigurðarson: her kann ek gott ráð tilleggja; láti

¹) v. í H. ²) Næreid, H, Hk. ³) vit, H, Hk. ⁴) Næreid, H, Hk. ⁵) Hk; hrannbáls, H; hrannbáls, A.

þer skipa skútu með góðum dreingjum, ok fáit til at stýra mik eðr annan lenda man, at fara á fund Haralds konúngs frænda þíns, ok bjóða honum sættir, eptir því sem rættlátir menn gera milli yðvar¹, þeir sem her í landi eru, ok þat at hann skal hafa ríki hálft við yðr, ok þykki mer líkligt við orðafulltíng góðra manna, at Haraldr konúngr þekkist þetta boð, ok verði þá sætt milli yðvar. Magnús konúngr svarar: eigi vil ek þenna kost; eðr hvat stoðar þat þá, er ver vunnum undir oss allt ríkit í haust, ef ver skulum nú miðla hálft? ok gefit til annat ráð. Sigúrðr mætti: svá sýnist mer, herra! semr lendir menn þínir setist nú heima, ok vili eigi koma til þín, þeir sem í haust² báðu þik heimleysis; gerðir þú þá mjök í móti mínum ráðum, er þú dreifðir svá mjök frá þer fjölmenni því er ver höfðum; þvíat ek þóttumst vita, at þeir Haraldr mundu leita aptr í Víkina, þegar þeir spyrði at þar væri höfðingjalaust. Nú er til annat ráð, ok er þat íllt, en vera kann at þó hlýði: gjör til gesti ok annat fólk með þeim, lát fara heim at lendum mönnum ok drepa þá, sem nú-vilja eigi viðskipast nauðsyn þína, en gefit eignir þeirra þeim nökkurum, sem yðr ero öruggir, þótt áðr se ekki mikils virðir, látið þá keyra upp fólk³, ok hafit eigi síðr illa menn en góða; farit síðan austr í móti Haraldi með þat lið sem þer fáit, ok berizt við hann. Konúngr svarar:

¹) yckar, H, Hk. ²) H, Hk; heraði, A. ³) flokkinn, H.

úvinsælt mun þat verða, at láta drepa mart stórmenni, en hefja upp lítilmenni, hafa þeir opt eigi síðr brugðizt, en verr skipat landit; vil ek enn heyra fleiri ráð þín. Sigurðr mælti: vándast mer nú ráðagerðin, er þú vill eigi sættast, ok eigi berjast; förum ver þá norðr til Þrándheims, þar sem landsmegin er mest fyrir oss, tökum þat lið allt, er ver fám, kann þá vera at þeim Elfargrímonum leiðist at rekast eptir oss. Konúngr svarar: ekki vil ek nú flýja fyrir þeim, er ver eltum í sumar, ok ráð þú mer betra ráð. Þá stóð Sigurðr upp, ok bjóst til brottgaungu. Hann mælti: ek skal nú ráða þer þat, er ek se at þú vill hafa, ok framgengt mun verða: sitið her í Björgyn, þartil er Haraldr konúngr kemr her með múga hers, munu þer þá annathvart verða at þola bana eðr skömm; ok var Sigurðr ekki leingr á þessi stefnu.

8. Haraldr konúngr fór austan með landi ok hafði allmikinn her, var þessi (vetr) kallaðr múgavetr. Hann kom til Björgynjar jólaaptaninn; lagði hann liðinu í Flóruvåga; þvíat hann vildi eigi berjast um jólin fyrir sakir helgar. En Magnús konúngr lét búast við í bænum; hann lét reisa valsslaungu út í hólmi, ok hann lét gera járnrekendr, ok sumt af viðum, ok leggja um þveran vågin yfir frá konúngsbryggju til múnkabryggju í Norðnesi. Hann lét slá herspora, ok kasta¹ yfir á Jónsvöllum², ok eigi meir en

¹) niðr. b. v. HK. ²) Jónsvöllu, H.

Þrjá daga var heilagt haldit um jólin, svá at eigi væri¹⁾ smíðat. En affaradag jólanna lét Harald konúgr blása til brottlögu²⁾ liðinu;³⁾ 9 hundruð manna höfðu safnast til Haralds konúgs um jólin. Hann hèt á hinn heilaga Ólaf konúng til sigrs ser, at láta gera Ólafskirkju þar í bænum með sínum at eins kostnaði. Magnús konúgr setti fylking sína út í Kristskirkju-garði, en Haraldr reyri fyrst at í Norðnesi. En er þeir Magnús sá þat, sneru þeir inn í bæinn ok inn í vågsbotn. En er þeir fóru inn um strætið, þá hlupu margir bæjarmenn inn í garða til heimilis síns, en þeir sem yfir gengu á völlum, hlupu margir á hersporana. Þá sá þeir Magnús konúgr at Haraldr konúgr hafði róit öllu liði sínu yfir í Heggravík, ok gengu þeir þar upp, ok svá hit efra upp á bakka fyrir ofan bæinn. Þá sneri Magnús konúgr út eptir stræti, flýði þá liðit frá honum, sumt upp í fjall, sumt upp um Nunnusetr, sumt í kirkjur, eðr falst í öðrum stöðum. Magnús konúgr gekk ut á skip sitt, en þeim⁴⁾ var eingi kostr brott at fara; þvíat rekendrnar gættu fyrir utan, fylgdi konúgi (þá) ok fátt manna, voru þeir fyrir því til eingis⁵⁾ færir. Svá segir Einar Skúlason í Haraldsdrápu:

Luku vág viku

vara kostr fara

¹⁾ var, H. ²⁾ bæjarins öllu, Hk. ³⁾ nær, b. v.
H, Hk. ⁴⁾ þá, H. ⁵⁾ einiskis, H venjúlíga.

bryns Björgynja
braut háskrautum.

Litlu síðar komu menn Haralds konungs út á skipit, var þá handtekinn Magnús konúgr, er hann sat aptr¹ í fyrirrúminu á háætiskistunni, ok með honum Hákon faukr, móðurbróðir hans, hinn vænsti maðr [ok kallaðr eigi vitr², ok Ívar Özurarson, ok margir aðrir vinir hans voru þá handteknir, en sumir drepnir þegar.

9. Haraldr konúgr átti þá stefnur við ráðuneyti sitt, ok beiddi þá ráðagerðar með ser; en at lyktum þeirrar stefnu fengust þeir örskurðir, at taka Magnús svá frá ríki, at hann mætti eigi kallast konúgr þaðan í frá. Var hann þá seldr í hendr konungs þrælum, en þeir veittu honum meiðslur³, stúngu út augu hans, ok hjuggu af honum annan fót, en síðast var hann geldr. Ívar Özurarson var blindaðr, en Hákon faukr var drepinn. Eptir þat lagðist land allt undir ríki Haralds konungs; gerðist þá mjök eptirleitað, hverir verit hefði mestir vinir Magnúss konungs, eðr hverir mest myndi vita fehirðslur hans eðr gersimar. Krossinn helga hafði Magnús konúgr haft með ser, síðan Fyrirleifar⁴ orrosta var, ok vildi hann ekki tilsegja, hvar þá var kominn. Reinaldr⁵ biskup í Stafángri var enskr, ok kallaðr mjök fegjarn; hann var mjök kær Magnúsi konúgi, ok þótti mönn-

¹) v. í H. ²) v. í H. ³) meizl, H. ⁴) Kyrisleifar, Hk. ⁵) Reinhallr, H. Reinhalldr, Hk.

um þat líkligt, at hann myndi fenginn til varðveizlu stórfjár ok dýrgripa Magnúss konungs; voru menn sendir eptir honum, ok kom hann til Björgynjar; voru þá þessi kensl borin á hendr honum; en hann synjaði þverliga, ok bauð skírslur fyrir. Haraldr konúngr vildi ekki þat. Hann lagði á biskup at gjalda ser 12 mérkr gulls. Biskup sagði at hann vildi eigi svá vesæla stað sinn, vildi heldr hætta lífi sínu. Síðan heingdu þeir Reinald¹ biskup út í hólmi við valsslaunguna. En er hann gekk til gálgans, hristi hann bótann af fæti ser, ok mælti: þat sver ek at ek veit eigi meira fe Magnúss konungs; en þat sem þar er í bótanum; þar var í gullhríngr einn. Reinaldr biskup var jarðaðr í Norðnesi at Miklaelskirkju, ok voru þessi verk mjök löstuð. Síðan var Haraldr gilli einn konúngr at Noregi, meðan hann lifði.

10. Fimm vetrum eptir andlát Sigurðar konungs urðu tíðindi mikil í Konúngahellu. Þeir voru þar þá sýslumenn Guttormr², son Haralds flettis ok Sæmundr húsfreyja; hann atti Íngibjörgu, dóttur Andreas prests Brúns(sonar); þeirra synir voru þeir Páll flípr ok Gunnr íll³. Ásmundr hét son Sæmundar laungetinn. Andreas Brúnsson var mikill merkismaðr, hann saung at Krosskirkju; Solveíg hét kona hans; með þeim var þá at fóstri ok uppfæðslu Jón Lopt-

1) Reinhall, H. 2) þunnig H, Gnithormr, A. 3) Es, Hk.,

son; hann var þá 11¹ vetra gamall. [Loptir prestur Sæmundarson var ok þar þá. Dóttir Andreas prests hét önnur Helga, er Einar átti². Þat barst at í Konúngahellu drottinsnóttina næstu eptir Páskaviku at gnýr varð mikill úti á [strætum um allan bæinn³, sem þá er konúngr fór með alla hirð sína; þar með létu hundar svá illa, at eigi mátti varðveita, ok [brutust á hurðir⁴ [en allir er útkomo urðu⁵ galnir, ok bitu allt þat er fyrir varð, menn eðr fenað, en allt þat er bitið var, ok blóði kom út á, þá ærðist; ok allt þat er hafanda var, lét burð sinn ok ærðist. Þessi minning varð nálíga⁶ hverja nótt frá páskum til uppstígningsdags. Menn óttuðust mjök undr þessi, ok ræðust margir á brott, ok seldu garða sína, ok fóru í herað eðr aðra kaupstaði, ok þótti [þeim öllum þetta mest vert, er vitrastir voru, ok hræddust þat⁷, [ok sögðu⁸, sem var, at þetta myndi vera fyrir miklum stórtíðindum, [þeim sem þá voru enn eigi framkomin⁹. En Andreas prestur talaði langt ok snjallt hvít-drottinsdag, ok veik svá lykt ræðu sinnar, at hann ræddi um vanda bæjarmanna, ok bað menn herða hugi sína, ok eyða eigi þann hinn dýrðliga stað, hafa heldr gæzlu yfir sér, ok hugsa ráð sitt, ok gæta sín í öllu, því er við mætti komast, eldi eðr úfriði, ok biðja sér miskunnar til guðs. Ör bænum

1) 9, H. 2) v. í H. 3) strætinnu, H. 4) brutust út, Hk. 5) Hk; v. í A; í H v. allt frá fyrri merkinu, nema urðu. 6) v. í H. 7) v. í H. 8) Hk; v. í A, H. 9) v. í H.

bjuggust 13 byrðingar, ok ætluðu til Björgynjar, ok týndust 11 með mönnum ok fe, ok öllu því er á var, en hinn tólfta braut ok hældust menn, en feit týndist. Þá fór Loptr prestur norðr til Björgynjar með allt sitt, ok hæld hann öllu heilu; Lafranzvöku-dag týndust byrðingar. Eiríkr ey-muni Danakonúgr ok Özur erkibiskup sendu orð báðir til Konúngahellu, ok báðu þá varast um stað sinn, sögðu at Vindr höfðu úti her mikinn, ok herjuðu víða á kristna menn, ok höfðu jafnan sigr. Bæjarmenn lögðu oflíttinn hug á sitt mál, afræktust ok ómintust þess at meir, sem leingra¹ leið frá þeirri ógn, er yfir þá hafði komit.

11. Lafranzvöku-dag, þá er talit² var fyrir hámessu, kom Rettiburr Vindakonúgr til Konúngahellu; hann hafði hálft þriðja hundrað Vindasnekkjur, en á hverri snekkjunni voru menn 40 ok fjórir, ok hestar tveir. Dunimiz hét systurson konúgs, en Uniburr³ hét höfðingi einn, er ræð fyrir miklu liði. Þessir tveir höfðingjar [reyru upp með her sínum⁴ eystri kvísl, upp um Hísing, ok komu svá ofan at bænum, en sumu⁵ liðinu lögðu þeir upp vestri kvísl til bæjarins. Þeir lögðu at landi við stikin, ok létu þar upp hestaliðið, reið þat hit efra um Bratz⁶-ás⁷, ok svá upp um bæinn. Einar Andressmágr

¹) leingr, H. ²) talat, Hk. ³) Unnibur, H, Hk. ⁴) herjuðu ok reru upp ena, H. ⁵) liðu, H. ⁶) sæt óglöggt í M. ⁷) H₃ v. 1 A.

bar þessi tíðindi upp til Kastalakirkju, þvíat þar var bæjarlýðrinn, er sótt hafði til hámessu. Einar kom, þá er Andreas prestur talaði. Einar sagði mönnum at herra fór at bænum með fjölda skipa, en sumt liðit reið utan um Bratzás. Þá mæltu margir at þar myndi vera Eiríkr Danakonúgr, ok væntu menn ser gríða af honum. Hjóp þá fólkit allt ofan í bæinn til fjár síns ok vöpnadist, ok gekk ofan á bryggjur, sá þeir þá þegar at úfriðr var, ok úflýjandi herra. Austrfarar skip 9 flutu í ánni fyrir bryggjum, er kaupmenn áttu. Vindr lögðu þar fyrst at, ok börðust við kaupmennina. Kaupmenn vöpnuðust ok vörðust leingi dreingiliga. Varð þar hörð orrosta, áðr kaupskipin urðu vunnin. Í þeirri hríð létu Vindr hálfat annat hundrað skipa at öllu liði¹. En þá er bardaginn var (sem mestr), stóðu bæjarmenn á bryggjunum, ok skutu á heiðingja. En er orrostan rænaði, þá flýðu bæjarmenn upp í bæinn, ok síðan til kastalans [allt fólk²; höfðu menn með ser dýrgripa sína ok allt fe, þat er menn máttu meðkomast. Solveig ok dætr hennar [ok 2 konur aðrar³ gengu upp á land.

12. Þá er Vindr höfðu vunnit kaupskipin, gengu þeir á land, ok könnuðu lið sitt, ok birtist þá skaði þeirra. Þá hlupu þeir⁴ sumir í bæinn, sumir á kaupskipin, ok tóku fe allt, þat er þeir vildu með ser hafa; því næst lögðu þeir

¹) íðet ekki í A; liðino, Hk. ²) v. í H. ³) v. í H. ⁴) v. í H.

eld í bæinn, ok brendu hann allan, ok svá skipin. Eptir þat hældu þeir liðinu öllu at kastalanum, ok skipuðu til atsóknar. Rettiburr konúngr lét bjóða þeim, er í kastalanum voru, at ganga út, ok hafa lífsgrið með vápnum, klæðnaði, gulli ok silfri, en allir æptu á móti, ok gengu út á borgina, sumir skutu, sumir grýttu, sumir skutu staurum; varð þar mikil orrosta, fëll lið af hvárumtveggjum, ok þó miklu fleira af Vindum. Solveig kom upp á bæ þann er heitir Sólbjargir, ok sagði þar tíðindin; þá var skorin upp herör, ok sent til Skurbaga¹, þar var samburðaröl nökkut ok mart manna. Þar var sá bóndi, er Ölver hét, miklimunnr², hann hljóp upp þegar, ok tók skjöld sinn ok hjálm ok mikla öxi í hönd ser, ok mælti: standit upp, góðir dreingir, ok takit vörn yður, ok förum til liðveizlu við bæjarmenn; þvíat skömm mun þykkja hverjum manni er þat spyrr, at ver sitim her ok kylim öl, en góðir dreingir skulu láta líf sitt í bænum fyrir várar sakir. Margir svöruðu ok mæltu í móti, sögðu at þeir myndi týna ser, en koma bæjarmönnum at eingu liði. Þá hljóp Ölver upp, ok mælti: þótt allir þer dvelizt eptir, þá skal ek þó fara einn saman, ok láta skulu heiðingjar einn eðr tvá fyrir mæ, áðr en ek falla. Hljóp hann þá ofan til bæjarins. Menn fóru eptir honum, ok vildu sjá ferð hans, ok vita ef honum mætti nökkut viðhjálpa. En er

¹) Skyrbaga. *H allstaðar*; Skurbaga, *Hk.* ²) v. i. *H.*

hann kom svá nær kastalanum, at heiðingjar sá hann, þá hlupu í mót honum 8 menn alvápn-
aðir, ok er þeir mættust, hlupu heiðnir menn
umhverfis hann. Ölver reiddi upp öxina, ok
laust fremri hyrnu undir kverkr þeim er á bak
honum stóð, svá at sneið í sundr kjálkana ok
barkann; fèll sá ópinn á bak aptr. Í því samá
höggvi reiddi hann framm öxina fyrir sik, ok
hjó annan í höfuðit, ok klauf þann í herðar niðr.
Síðan sóttust þeir, ok drap hann þá enn tvá, ok
varð sjálf sárr mjök; en þeir 4, er eptir voru,
flýðu. Ölver rann eptir þeim, en diki nökkut
var fyrir þeim, stóðu þeir hinir heiðnu þar fast-
ir í, ok drap Ölver þá báða, stóð hann þá ok
fastr í dikiinu; en 2 einir komust undan af þeim
8 hinum heiðnum mönnum. Þeir er fylgt
höfðu Ölvi, tóku hann, ok fluttu aptr með ser til
Skurbaga, varð hann græddr at heilu, ok er þat mál
manna, at eigi hafi einn maðr farit dreingiligri
ferð. Lendir menn tveir, Sigurðr Gyrðarson,
bróðir Filippuss, ok Sigarðr¹ komu með 6 hund-
ruð manna til Skurbaga, ok hvarf Sigurðr² aptr
með 4 hundruð manna, ok þótti síðan lítils-
verðr, ok lifði skamma stund; en Sigarðr³ fór til
bæjarins með 2 hundruð manna, ok bardist við
heiðingja, fèll hann þar með öllu liði sínu.

13. Vindr sóttu kastalann, en konúngr þeirra
ok stýrimenn stóðu fyrir utan bardagann. Í ein-
hverjum stað, þar er Vindr stóðu, var sá einn

¹) annar Sigurðr, H. ²) Gyrðarson, b. v. H. ³) Hk;
Sigurðr, A, H.

maðr, er skaut af bogá, ok fékk maðr bana af hverri ör, er hann skaut. Tveir menn stóðu fyrir honum með skjöldu, ok hlífðu honum; þá mælti Sæmundr við Ásmund son sinn, at þeir skyldi báðir senn skjóta at skytanum: ek mun skjóta at þeim er skjöldinn berr. Hann gerði svá; sá skaut skildinum fyrir sik; þá skaut Ásmundr milli skjaldanna, kom sú ör í enni skyt-
arum, svá at út gekk um hnakkann, ok féll sá dauðr á bak aptr. En er Vindr sá þat, ýldu þeir allir sem hundar eðr vargar. Þá lét Rettibur kon-
úngr kalla til þeirra, ok bauð þeim grið, en kast-
alamenn neittu; síðan veittu heiðingjar harða at-
sókn. Sá var einn af heiðnum mönnum, er svá djarfliga barðist, at hann gekk allt at kastala-
hurðinni, ok lagði þann mann, er fyrir innan stóð hurðina, en menn báru á hann skot ok spjót; hann var hlífjarlaus, en svá fjölkunnigr
at ekki vâpn festi á honum. Þá tók Andreas prestr vígðan eld, ok skar tundr, ok lagði eld-
inn í, ok blezaði, setti hann tundrið á örvar-
odd, ok fékk Ásmundi, en hann skaut þessi ör með tundrinu at hinum fjölkunniga manni.
Þetta skot beit svá, at honum vann at fullu, ok féll hann dauðr til jarðar. Þá létu heiðing-
jar illiliga sem fyrr, ýldu ok gnístu; gekk þá allt fólk til konúgs, þótti kristnum mönnum sem þá væri til ráðs, at þeir myndi [undan létta¹.
Þá skildi túlkr, sá er kunni vindversku, hvat sá

¹) vilja hætta, II.

höfðingi sagði, sem Uníburrr er nefndr. Hann mælti svá: þetta fólk er fílt viðskiptis, ok þótt ver takim allt þat fe, sem í þessum stað er, þá mættim ver gefa til annat fe jafnmikit, at ver hefðim eigi her komit, svá höfum ver látið mik-it lið ok marga höfðingja. Ok fyrst í dag er ver tókum at berjast við kastalamenn, þá höfðu þeir til varnar skot ok spjót; því næst börðu þeir oss með grjóti; nú berja þeir oss með kefli-völum sem hunda: se ek fyrir því at þverra faung þeirra til varnar, ok skulum ver enn gera þeim harða hrið ok freistum þeirra¹. En svá var sem hann sagði, at þá skutu þeir staurum, en í fyrstu hrið höfðu þeir² úvarliga skotvápn³ ok grjót, [en er þeir sá at minkaðist fjöldi af⁴ staurunum, þá hjuggu þeir í tvav hvern staur-inn⁵; en heiðingjar sóttu at þeim, ok gerðu harða hrið, ok hvíldust í milli; gerðust þá hváirtveggju móðir ok sárir: ok í einnihverri hvíld, þá lét konúngr enn bjóða þeim grið, ok at þeir skyldu enn hafa vápn sín ok klæði, ok þat er þeir bæri sjálfir út ör kastalanum.

14. Þá var fallinn Sæmundr húsfreyja⁶; var þat þá ráð þeirra manna sem eptir vátu í kastalanum, at gefa upp kastalann⁷ í vald heiðinna manna, ok var þat hit úsnjallasta ráð, þvíat heið-

¹) enn, b. v. Hk. ²) borit, b. v. Hk. ³) sín, b. v. Hk. ⁴) þannig Hk; at, A. ⁵) Frá merkinu v. í H. ⁶) húspreyja, H. ⁷) ok sjálfa sik, b. v. Hk.

íngjar efndu ekki orð sín. Tóku þeir alla menn, karla ok konur ok börn, drápu allt þat er sárt var ok úngt, ok þeim þótti illt at flytja með ser, ok tóku allt fe, þat er þar var í kastalanum. Þeir gengu í Krosskirkju, ok ræntu hana öllu sínu skrudði. Andreas prestur gaf Rettibur konungi refði [silfrbúit ok gyllt¹, en Dunimitz² systursyni hans (fíngurgull), ok því þóttust þeir vita, at hann myndi vera ráðamaðr nökkur í staðnum, ok virðu hann framar en aðra menn. Þeir tóku krossinn helga, ok höfðu brott; þeir tóku ok taboluna, er stóð fyrir altari, þá er Sigurðr konúgr hafði látið gera í Grikklandi, ok haft í land. Þeir lögðu hana niðr á gráðuna fyrir altarið; síðan gengu heiðingjar út ór kirkjunni. Þá mælti Rettiburr konúgr: þetta hús hefir verit búit með mikilli ást við þann guð er þat á; [en svá lízt mér at gætt muni hafa verit illa staðarins ok hússins, er ek se at guðinn er reiðr þeim sem varðveita³. Rettibur konúgr fékk Andresi presti⁴ skrinít, krossinn helga, bókina, plenarium ok klerka⁵ fjóra, en heiðnir menn brendu kirkjuna ok öll hús, þau sem í voru kastalanum⁶, en eldr sá er þeir höfðu tendrat í kirkjunni, sloknaði tysvar. Þá hjuggu þeir ofan kirkjuna, tók hon þá at loga innan öll, [brann þar kirkjan ok⁷ önnur hús. Þá fóru heiðingjar

¹) gullbúit, H. ²) v. í H. ³) v. í H, en finnst í Hk. ⁴) kirkjona oc, b. v. Hk. ⁵) bundit í A: (klerka) en klerka, H, Hk; og stendr þat fullum stöfum í báðum skinnbókum; mætti annars hugsa at meintingin væri kaleika. ⁶) staðnum, H. ⁷) ok brann þá sam, Hk.

til skipa sinna með herfángit, ok könnuðu lið sitt; en er þeir sá skaða sinn, þá tóku þeir at herfángi allt folk, ok skiptu milli skipanna. Þá fóru þeir Andreas prestur á konúngsskipit með krossinn helga. Þá kom ótti yfir heiðingja af þeirri bendíng, er yfir konúngsskipit kom hiti svá mikill, at allir [þeir þóttust (nær) brenna. Konúgr bað túlkinn spyrja prestinn, hví svá varð. Hann sagði at almáttigr guð, sá er kristnir menn trúðu á, sendi þeim mark reiði sinnar, er (þeir) dirfðust at hafa með höndum hans píslarmark, er eigi trúðu á skapara sinn: ok svá mikill kraptr fylgir krossinum, at opt hafa vorðit fyrr þvílíkar jarteignir yfir heiðnum mönnum, þá er þeir höfðu hann með höndum, ok enn berari. Þá lét konúgr skjóta kennimönnum á eptirbátinn, ok bar Andreas krossinn í fángi ser. [Þeir leiddu bátinn framm með endilaungu skipi ok framm fyrir barðit, ok aptr með öðru borði til lyptíngar¹, skutu síðan við forkum, ok hrundu bátinum upp at bryggjum. Andreas fór um nóttina með krossinn til Sólbjarga, ok var bæði hregg ok regn. Andreas flutti krossinn til góðrar gæzlu. Rettiburr konúgr fór á brott með þat lið sem eptir var aptr til Vindlands; ok mart þat fólk, er tekit hafði verit í Konúngahellu, var leingi síðan þjáð í Vindlandi; en þeir sem út voru leystir, ok aptr komu í

¹) v. i II.

Noreg til óðala sinna, vurðu allir at minna þrifnaði en áðr. Kaupstaðrinn í Konúngahellu hefir aldri fengit uppreist slíka sem áðr var¹.

15. Magnús, er blindaðr hafði verit, [fór norðr í Niðarós, ok gaf sik í klaustr í Hólmi², ok tók við múnkaklæðum. Þá var skeytt³ þángat Hernes mikla [á Frøstu⁴ í próventu hans, en Haraldr ræð þá einn⁵ landi eptir um vetrinn, ok gaf öllum mönnum sættir, er hafa vildu, tók þá marga til hirðvistar, er verit höfðu með Magnúsi⁶. Svá segir Einar Skúlason, at Haraldr átti tvær orrostur í Danmörk, aðra við Hveðn, en aðra við Hlēssey⁷:

Ótryggum [lèzt þú⁸ eggjar
eljun-þrár und hári
Hveðn á höldum roðnar,
hrafns-munnlituðr! þunnar⁹:
[áttuð sókn við sléttan
serkrjóðr hárs merki¹⁰
harðr¹¹ þar er hregg of virðum
Hlēsseyjar þröm blèsu.

¹) *Alla þessa frásögn v. í M.* ²) var fluttur til Hólma, M. ³) A, M; keypt, H. ⁴) A, M; v. í H. ⁵) þannig H, Hk, M; enn, A.

⁶) Svá segir Halldórr: Svá segir Einar Skúlason:
Nú er, auðsendir! undir Alle varþ ello
allr Noregr þik fallinn, úngr geitunga
þin liggir gipt á grøno lofaðr (lønaðr) lífgjafi
(guþs ráð er þat) lápi: lanz ráþandi; b. v. M.

⁷) Hlēs ey, H; Hlēs ey oc hafði sigr, M. ⁸) lét ek, H; lét, M, Hk. ⁹) þunnan, H. ¹⁰) átti s. v. sléttan s. b. m., Hk; ápr þar er ógnar þrúpom álf-nistanda vísu, M, þó heldr dauft. ¹¹) harðr, Hk.

16. Haraldr konúgr gilli var allra manna mildastr af fe. Þat er sagt at utan kom af Íslandi til biskupsvíglu Magnús Einarsson¹. Haraldr konúgr tók ágætliga við honum, ok veitti honum mikla sæmd. Ok þá er skip þat var albúit til brotthalds, er biskup skyldi fara á út til Íslands, þá gekk biskup í stofu þá, er konúgr sat ok drakk, ok heilsaði honum. Konúgr tók honum vel ok blíðliga. Drotnúgin sat hjá konúgi. Konúgr mælti: herra biskup! erut þer nú brottbúnir. Biskup sagði, at svá var. Konúgr mælti: eigi hittu þer nú í tíma til, er þer komut svá at borðin voru uppi, nú er ekki til at gefa yðr svá virðuligt sem skyldi, eðr hvat er til at gefa biskupi? Fehirðir hans svarar: upp ætlum ver nú gefnar gersimar yðrar. Konúgr mælti: ek se hvat til er, borðkerit herna; þiggit þat, herra, [fe er í því². Biskup þakkaði honum gjöfina, ok allan þann sóma, sem hann hafði veitt honum. Þá mælti drotnúgin: far heill ok sæll, herra biskup! Konúgr mælti: þú sagðir „far heill ok sæll, herra biskup“, hverja göfga konu² heyrðir þú slíkt mæla við biskup sinn, ok gefa honum ekki? Hon mælti: minn herra! hvat er nú til? Konúgr mælti: til er hægindit undir þer. Þat var fengit biskupi, þar var skorit um pell nýtt, var þat agætr gripr þesskyns; ok áðr biskup veik í brott, lét konúgr taka þat hægindit, sem hann hafði undir ser,

¹) Einarsson, H.²) fet er í, M.²) frú, H.

ok mælti: þiggit ok þetta hægindit, herra biskup, þau hafa leingi saman verit. Síðan fór biskup í brott, ok kom út til Íslands til stóls síns. Síðan leitaði biskup ráðs um, hvat af borðkerinu skyldi gera, þess er konúnginum gegndi best; en nökkurir menn lögðu þat til, at selt myndi vera, ok gefit fátækum mönnum verðit. Þá mælti biskup: annat ráð vil ek taka, gera skal af kalekk¹ [her at staðnom², ok vil ek svá fyrir mæla, at allir þeir hinir helgu menn, sem her eru af helgir dómar í þessi kirkju, láti Harald konúng í hvert sinn njóta, er yfir þeim kalekk¹ er messa súngin. Svá var gert, ok er sá kalekk³ [æ síðan⁴ at staðnum í Skálaholti, en af pellunum, er yfir voru dregin hægindin, voru⁵ gerfar fyrirsauungskápur þar at staðnum. Í slíkum hlutum má marka stórlýndi Haralds konúgs gilla. [Haraldr konúgr tók Þóru, dóttur Guttorms grábarða, ok lagði hana hjá ser, ok átto þau son er Sigurðr hêt; son átti hann ok við Íngirði drottníngu, er Íngi hêt; dóttir Haralds konúgs het Brigit, önnur María. Brigit dóttur hans átti fyrst Íngi Hallsteinsson Svíakonúgr, síðan Magnús Heinreksson, síðast Birgir brosa. Haraldr konúgr var allra manna mildastr af fe við vini sína⁶.

¹) þannig A; kalek, H, M, Hk. ²) M, Hk; v. í A, H. ³) kalekr, B, M, Hk. ⁴) mestr, M. ⁵) ero nú M, Hk. ⁶) b. v. E, og að mestu leiti Hk; v. í A, H.

17¹. Sigurðr er maðr nefndr, er uppfæddist í Noregi. Hann var kallaðr son Adalbriks² prests. Móðir Sigurðar var Þóra, dóttir Saxa ör Vík, systir Sigríðar, móður þeirra Ólafs konúngs Magnússonar ok Kára konúngsbróður, er átti Borg-hildi, dóttur Dags Erlínssonar³. Þeirra synir voru þeir Sigurðr (á) Austrætt, [ok Dagr; synir Sigurðar vǫro þeir⁴ Þorsteinn, Andreas dauði ok Jón er átti Sigríði, systur Ínga konúngs ok Skúla hertoga. Sigurðr var í bernsku settr til bókar⁵, ok varð hann klerkr, ok vígðr til djákns. En er hann gerðist fullkominn at aldri ok afli, þá var hann allra manna vaskligastr, mikil maðr ok sterkr, ok á alla atgerfi var hann umframm alla jafnaldra sína, ok nálíga hvern mann annan í Noregi. Sigurðr var snimma ofsamaðr mikill ok úeirinn um flest, hann var kallaðr Sigurðr slæmbidjárn; manna var hann fríðastr sýnum, heldr þunnhárr; ok þó vel hærðr. Þá kom þat upp fyrir Sigurð, at móðir hans sagði Magnús konúng berfætt vera föður hans; ok þegar er hann ræð sjálfr háttum sínum, þá af-ræktist hann klerkasiðu, fór hann þá af landi brott. Í þeim ferðum dvaldist hann lángr hríðir; hann fór út til Jórsala, ok kom til Jórdánar, ok sótti marga úkunna staði [svá sem pálm-

¹) *M hefir hér mjög frábrugðna frásögn, er þul Saga Sigurðar slæmbidjárnar þarú innfærð seinast í þessu bindi; en hér sleppt öllum orðamun úr henni um þetta efni.* ²) Adalbriga, H. ³) Erlínssonar, Hk. ⁴) Hk; v. í A, H. ⁵) bækr, H.

aðum er títt¹. En er hann kom aptr, þá dvald-
ist hann í kaupferðum nokkura vetr; [var hann
staddr nokkura hrið² í Orkneyjum með Haraldi
jarli, ok var með honum at drápi Þorkels fóst-
ra Sumarliðasonar³. Sigurðr var ok uppi á Skot-
landi með Davíð Skotakonungi, ok var þar virðr
mikils. Síðan fór hann til Danmerkr, ok var
þat hans sögn ok hans manna, at þar hefði
hann flutt skírslu til faðernis síns, ok þæri⁴ svá
til, at hann væri⁵ son Magnúss konúnga, ok vāru
þar við fimm biskupar. Svá segir Ívar Íngi-
mundarson í Sigurðar-belki⁶:

Gerðu skírslu
um⁷ skjöldúnga kyn
fimm biskupar,
þeir er framast þóttu:
svá bar raunir⁸,
at ríks konúnga
þess var [hins⁹ milda¹⁰
Magnús faðir.

Vinir Haralds konúnga sögðu, at þat hefði verit
svik ok lygi Dana.

18¹¹. Þá er Haraldr gilli hafði verit 6
vetr konúnger, kom Sigurðr til Noregs, fór hann
til fundar við Harald konúng, ok fann hann í

1) v. í H. 2) Einn vetr var hann staddr, H. 3) v. í
H. 4) bar, H, Hk. 5) var, H. 6) þannig líka báðar
skinnbæk af Hk. 7) of, Hk. 8) raun, E. 9) ons, H. 10)
þannig. líka báðar skinnbæk af Hk. þó útgáfan hafi: hina
mildi. 11) Hk hefir hér töluverðan orðamun, en kemr at mestu
leiti saman við M, úr hverri sagan öll er innfærð seinna.

Björgyn. Gekk hann þegar fyrir konúng, birtí hann fyrir konúngi faðerni sitt, ok beiðdi at hann tæki við frændsemi sinni. Konúngur veitti einga skjóta örskurði um þat mál; bar hann þetta fyrir vini sína, ok átti við þá stefnur ok tal, en af tali þeirra kom þat upp, at konúngur bar sakir á Sigurð, um þat er hann hafði verit at aftöku Þorkels fóstura fyrir vestan haf. Þorkell hafði fylgt Haraldi konúngi til Noregs [þann fyrsta¹, er hann kom í landit; hafði Þorkell verit hinn mesti vin Haralds konúnga. Var þessu máli fylgt svá fast, at þar fyrir var Sigurði gefin dauðasök, ok með ráði lendra manna var þat framgengt, svá at eitt kveld síðarla gengu til gestir nökkurir, þar er Sigurður var, ok kölluðu hann með ser; tóku skútu eina, ok reyru á brott frá bænum með Sigurð [suður til Norðness². Sigurður sat aptr á kistunni³, ok hugsaði sitt mál, grunaði hann at þetta myndi vera svik. Hann var svá búinn, at hann hafði blár brækr ok skyrtu ok möttul á tyglum at yfirhöfn; hann sá niður fyrir sik, ok hafði hendrnar at möttulsböndunum, lét stundum upp á höfuð ser, stundum lét hann af. En er þeir komu⁴ fyrir nesit⁵, voru þeir kátir ok druknir, reyru ákafliga, ok ugðu fátt at ser. Þá stóð Sigurður upp, ok gekk [til borðs⁶; en tveir menn, þeir er til gæzlu

1) þá fyrst, *H, Hk.* 2) *A, H*; norður um Holdbellu, *E.* 3) skipit, *H*; kisto einni, *Hk.* 4) voru komnir, *Hk.* 5) nálíga út til Mjólkrár, *b. v. Hk.* 6) út at borðinu, *H*; á borð, *Hk.*

voru fengnir við hann, stóðu upp ok gengu (með honum) at borðinu, tóku möttulinn báðir tveir, ok hældu frá honum, sem títt er at gera við ríka menn. En er hann grunaði, at þeir hældi fleirum klæðum hans, þá greip hann sinni hendi hvárn þeirra, ok steýptist utanborðs¹ með báða þá. Skútan rendi fram hart, ok varð þeim seint at víkja, ok laung dvöl áðr þeir næði² mönnum sínum, þeim er á sundi voru. Sigurðr tók svá langt kaf á brott, at hann var fyrr á landi uppi, en þeir hefði snúit skipi sínu eptir honum. Sigurðr var allra manna fóthvatastr, stefndi hann á land upp. Konungsmenn fóru ok leituðu hans alla nóttina, ok fundu hann eigi. Hann lagðist í bergskor nökkura, honum svalaði mjök; fór hann þá ör brókunum, ok skar rauf á setgeiranum, ok smeygði á sik, ok tók út höndunum; hjálpaði³ hann svá lífi sínu at sinni. Konungsmenn fóru aptr, ok máttu eigi leyna óförum sínum.

19. Sigurðr þóttist nú vita, at eigi myndi honum til hjálpar, at leita á fund Haralds konungs, var hann þá í fylsnum⁴ allt haustið ok öndverðan vetr. Var hann í bænum í Björgyn á laun með presti nökkurum, ok gildraði til, at hann mætti verða skaðamaðr Haralds konungs, ok voru mjök margir menn at þessum ráðum með honum, ok sumir er þá voru hirðmenn

¹) úthyrðis, H. ²) næðu, H. ³) hulp, Hk. ⁴) þannig A, H; fylsnum, Hk.

ok herbergismenn Haralds konungs, en þeir höfðu fyrr verið hjörðmenn Magnús konungs¹; voru þeir þá í karleskum miklum við Harald konung, svá at þeir sátu nokkurir² yfir höfði konungsins. Lúkmenni at kveldi söluðust við treir menn er þar sátu, mælti annarr til konungs: herra! nú höfum við skotið þættu okkarri til yðvars órskurðar, ok höfum veðjat ask³ hundings hvárr okkar: ek segi at þú munt liggja í nótt hjá Ingiríði drotningu, konu þinni, en hann segir at þer munit sofa hjá þínu Guðbrandsdóttur⁴. Konungur var mjök úvitandi, at þessi spurning væri⁵ með svá mikilli vél, ok svarar hlējandi: eigi mun þú hljóta veðfeit. Af þessum svörum þóttust þeir vita, hvar hans var at vitja á þeirri nótt, en höfuðrúðr var þá haldinn fyrir þvi herbergi, er flestir menn ætluðu at konungur væri inni, ok drotningin svaf í.

20. Sigurðr slembir ok nokkurir menn með hánum komu þar til herbergis, er konungur svaf, brutu upp hurðina, ok gengu inn með vápnum. Ívar Kolbeinsson vann fyrst á Haraldi konungi. Konungur hafði⁶ drukkinn niðrlagzt, ok svaf fast; vaknaði hann við þat er menn vögu at honum, ok mælti í úvitinu: sárt býr þú nú við mik, þóra! Hon hljóp upp ok mælti: þeir búa sárt við þik, er verr vilja þer en ek. Lét þar Har-

¹) þannig H, Hl.; hjá Sigurði, A. ²) = var nokkur af þessum, Hl. ³) aski, H, Hl. ⁴) Guðbrandsdóttur, Hl. ⁵) mundi sett, H.

aldr konúgr líf sitt¹, en Sigurðr ok menn hans gengu í brott, lét hann þá kalla [at ser² þá menn, er honum höfðu heitizt til föruneysis, ef hann fengi Harald konúgr tekit af lífdögum. Þeir Sigurðr ok hans menn tóku skútu nökkura, ok skipuðu mönnum við árar, reyru um våginn fyrir konúgrsgarð. Tók þá at lýsa af degi. Sigurðr stóð upp, ok talaði við þá menn, er stóðu á konúgrsbryggju, ok lýsti³ vígi Haralds konúgrs ser á hendr, ok beiddist af þeim at þeir tæki hann til konúgrs, svá sem burðir hans stóðu til. Þá dreif þagat á bryggjurnar mart manna af konúgrsgarði, ok svöruðu allir sem⁴ einum⁵ munni, sögðu at þat skyldi aldri verða, at þeir veitti hlýðni ok þjónustu þeim manni, er myrt hafði bróður sinn: en ef hann er eigi bróðir þinn, sögðu þeir, þá áttu einga ætt til at vera konúgr. Þeir börðu saman vápnum sínum, dæmdu þá alla útlæga ok friðlausa. Því næst var blásit konúgrs lúðri, ok stefnt saman öllum lendum mönnum ok hirðmönnum, en Sigurðr ok hans menn sá þann sinn kost fegresta⁶ at verða á brottu. Hann hēlt þá norðr á Hörðaland, ok átti þar þing við bæendr; þeir gengu undir hann, ok gáfu honum konúgrsnafn. Þaðan fór hann inn í Sogn, ok þingaði

1) M, Hk nefna hér þá, sem inn-gengu með Sigurði, sjá seinna. 2) þannig lagfært, at v. í A, H; til sín, Hk. 3) H; lýstu, A. 4) senn, Hk; bundit í A, H: sē. 5) eins, H. 6) líkastan, H.

þar; var hann ok þar til konúngs tekinn. Þá
fór hann norðr í Fjörðu, var honum þar vel
fagnað. Svá segir Ívar Íngjaldsson¹:

Tóku við mildum

Magnússyni

Hörðar ok Sygnir

at Harald fallinn;

sórust margir

menn á þíngi

buðlúngs syni

í bróður stað.

Haraldr var jarðaðr at Kristskirkju hinni fornu.

¹) A, B, þó bundit, í A; Ingimundarson, Hk.

Björn Egilsson, Gunnar af Gimsum, Halldórr Sigurðarson, Áslákr Hákonarson ok þeir bræðr Benedikt ok Eiríkr, ok hirð sú er fyrr hafði verit með Magnúsi ok fjöldi annarra manna. Þeir fóru með flokkinn suðr fyrir Mæri, ok allt fyrir Raumdalsmynni. Þeir skiptu þar liði sínu; fór Sigurðr slembir suðr með landi, ok vestr um haf þegar um vetrinn, en Magnús fór til Upplanda, ok vænti hann ser þar mikils liðs, sem hann fèkk; var hann þar um vetrinn ok um sumarit allt á Upplöndum, ok hafði mikit lið. En Íngi konúgr fór at honum með liði sínu; þeir hittust þar sem heitir í¹ Mynni; varð þar mikil orrosta, ok hafði Magnús meira lið. Svá er sagt at Þjóstólfr Álason hefði Ínga konúng í kiltíng ser, meðan bardaginn var, ok gekk undir merki, ok kom Þjóstólfr í mikla nauð² af erfiði ok atsókn. Er þat mál manna, at þá hafi Íngi konúgr fengit vanheilindi, þat er hann hafði allan aldr síðan, knýtti hrygginn, ok annar fótrinn var skemri en ánnar; ok svá afl-lítill at hann var illa gengr, meðan hann lifði. Þá sneri mannfallinu á hendr Magnúss-mönnum, ok fèllu þessir í öndverðri fylkingu³: Halldórr Sigurðarson ok Björn Egilsson ok Gunnar af Gimsum, ok mikill hluti liðs Magnúss, áðr hann vildi flýja. Svá segir Kolli:

Unnuð austr fyrir Mynni
oddhriðir⁴ [ok brak⁵ síðan

¹) fyrir, H. ²) rauð, H. ³) þorkel, b. v. Hk. ⁴)
oddhrið, H, Hk. ⁵) en brast, Hk.

hilmir fékk und hjálmi
hrafnsverðar lið sverðum¹.

Ok enn kvað hann:

Fyrr² lá hans, enn³ harri
hríngmildr þaðan vildi,
verðung öll [á velli
vigfimt⁴ konúngur himni⁵.

3. Magnús flýði fyrst austr á Gautland
[ok þaðan til Danmerkr⁶. Í [þann tíma var⁷
Karl jarl Sónason í Gautlandi; hann var ríkr
ok ágjarn. Magnús blindi ok hans menn
sögðu svá, hvar sem þeir komu, fyrir höfð-
ingjum⁸, at Noregr myndi liggja lauss fyrir,
ef nokkurir stórhöfðingjar vildi tilsækja, er
eingi var konúngur yfir landi, ok lendra manna
forráð var yfir landinu. En þeir lendir menn,
er fyrst voru til forráða teknir, var nú hverr
úsáttir við annan fyrir öfundar sakir. En með
 því at Karl var ágjarn til ríkis, ok áhlýðinn
um fjártökur⁹, þá safnar hann liði, ok ríðr
austan í Víkina; gekk þar mart fólk undir hann
fyrir hræðslu sakir. En er þat spurðu þeir
Þjóstólfr ok Ámundi, þá fóru þeir í móti með
þat lið er tilfækst, ok höfðu með sér Ínga kon-
úng. Þeir hittu Karl ok her Gauta austr á
Krókaskógi, ok áttu þar aðra orrostu, ok fékk Íngi

¹) Hk b. v. öðrum vísuhelm. ²) fyst, H. ³) t, H. ⁴) H,
Hk; frá merkinu sást ekki t A. ⁵) Hk b. v. öðrum vísuhelm.
⁶) v. t Hk. ⁷) II; sást ekki t A. ⁸) heiðingjum, H; höfð-
ingja, Hk. ⁹) fortölur H; fyrirtölur Hk.

konúgr sigr. Þar féll Munan Ögmundarson, móðurbróðir Karls jarls. [Ögmundr, faðir Munans, var son Orms jarls Eilífssonar ok Sigríðar, dóttur Finns jarls Árnasonar. Ástríðr, (dóttir) Ögmundar, var móðir¹ Karls jarls². Mart féll á Krókaskógi, en jarl flýði austr af skóginum. Íngi konúgr rak þá allt austr ör ríkino³, ok varð þeirra för hin hæðiligsta. Svá segir Kolli:

Lýsa mun ek hve ljósa
(laut hrafn í ben Gauta)
(örn fylldit⁴ sik sjaldan)
sár-ísa rauð vísir⁵:
goldit varð⁶ þeim er gerðu
glaum her-þundum⁷ sverða
(raun er⁸ at ríki þínu)
róg á Krókaskógi.

4. Magnús blindi sótti suðr til Danmerkr á fund Eiríks eyfuna, ok fékk hann þar góðar viðtökur; bauð hann Eiríki (konúgi) at fylgja honum í Noreg, ef hann vildi leggja undir sik landit, ok fara með Danaher í Noreg; ok sagði, ef Danakonúgr kæmi með styrk hans í Noreg, at eingi maðr myndi [þora at skjóta spjóti⁹ í mót honum¹⁰; en konúgr skipaðist við fortölur Magnúss, ok bauð út leiðángri.

¹) Þannig leiðrétt eftir Hk; dóttir, A; en í H v. þessa klausu.
²) v. í H. ³) Þannig H; ör Krókaskógi, A. ⁴) fylldi, II,
⁵) vísir, H. ⁶) var, H. ⁷) herðundum, H, Hk. ⁸) v. í H.
⁹) skjóta skapti, H. ¹⁰) þeim, H.

4. K. SAGA ÍNGA HARALDSSONAR. 211

Hann fór með 6 hundruð¹ skipa norðr í Noreg. Magnús blindi ok hans menn voru í þessi ferð með Danakonungi; en er þeir komu í Víkina, þá fóru þeir at nökkuru hófi með spekt ok friði austanjarðar; en (er) þeir komu liðinu til Túnbergs², þá var þar fyrir safnaðr mikill lendra manna. Vatn-Ormr Dagsson, bróðir Gregoriuss, ræð mest fyrir þeim. Þar máttu Danir eigi á land koma, ok eigi taka ser vatn, var þar mart drepit af þeim. Þeir lögðu þá inn eptir firði til Óslóar, ok var (þar) fyrir Þjóstólfr Alason. Svá er sagt at þeir vildu bera skrin hins helga Hallvarz ör bænum um aptan, ok gengu svá margir undir, sem við máttu komast, ok fengu þeir eigi leingra borit en utar á kirkjugólfrit, en um myrgininn, er þeir sá at herrinn fór utan at Höfuðey, þá báru 4 menn skrinitt upp ör bænum. En Þjóstólfr ok allt bæjarfólk fylgdi skrininu. Eiríkr konúgr ok hans lið sótti upp um bæinn, ok runnu sumir eptir þeim Þjóstólfi. Þjóstólfr skaut broddi at þeim manni er Áskell hét; hann var stafnbúi Eiríks konúgs, ok laust undir kverkina, svá at yddi út um hnakkann, ok þóttist Þjóstólfr eigi hafa skotið betra skot, þvíat ekki var bert á honum nema þat eitt. Skrin Hallvarz var flutt uppá Raumaríki, ok var þar þrjá mánuðu³.

¹) Þannig skrifuð í H: VI C; en Hk hefir 200. ²) H; Túnbergs, A, hér ok annars á stöku stöðum. ³) Þannig, A.

Þjóstólfr fór um Raumaríki, ok safnaði liði um nóttina, ok kom ofan til bæjarins um morgininn. Eiríkr konúgr lét leggja eld í Hallvarzskirkju ok víðara í bæinn, ok brendu¹ upp með hríngum. Því næst kom Þjóstólfr ofan með lið mikit, en Eiríkr konúgr-lagði á brott skipaliði sínu, þvíat þeir máttu hvergi á land koma fyrir norðan fjörðinn fyrir safnaði lendra manna; en hvar sem þeir leituðu til landgaungu, þá lágu eptir 5 eðr 6 eðr fleiri. Íngi konúgr lá í Hornborusundum með miklu liði; [en (er) Eiríkr konúgr spurði þat, þá sneri hann² aptr suðr til Danmerkr. Íngi konúgr fór þá eptir þeim; [ok henti af þeim³ allt þat er þeir máttu, ok er þat mál manna, at eigi hafi verri ferð farin verit í annars konúgs ríki með jafnmiklu liði; ok líkaði Eiríki konúngi illa við Magnús ok hans menn, þótti þeir hafa mjök spottað sik, er honum höfðu komit í þessa ferð, læzt ekki síðan skyldu vera þeirra vinr, slíkr sem hann hafði áðr verit.

5. Sigurðr slembidjárn⁴ kom þat sumar vestan um haf til Noregs. En er hann spurði ófarir Magnúss frænda síns, þóttist hann vita at þá mundi hann eiga lítið traust í Noregi; sigldi hann þá allt útleið suðr með landi, ok kom frammi í Danmörk. Hann hêlt til Eystrasunds,

¹) brendi, H. ²) ok Amundi fóstri hans Gyrðarson, ok börðust við Eirík konúgr þar, ok drápo mætt af hánnum; flýði hann undan ok snerist, Hk. ³) H, Hk: v. i A. ⁴) slembir, H, Hk.

en suðr [frá Erri¹ hitti hann (Vinda-)snekkjur nokkurar, ok lagði til bardaga við þá, ok fékk sigr; hrauð hann þar 8 skip, ok drap mart manna, en heingdi suma². Aðra orrostu átti hann fyrir Mön við Vindr, ok hafði sigr. Þá hæld hann sunnan, ok lagði upp í Elfi hina eystri kvísl, ok vann þar 3 skip af liði þeirra Þóris hvinantorða ok Ólafs, (sonar) Haralds kesju, systursonar síns. Móðir Ólafs var Ragnhildr, dóttir Magnúss konungs berfættis. Sigurðr elti Ólaf á land. Þórir³ var í Konungahellu, ok hafði þar safnað fyrir. Sigurðr hæld þagat, ok skutust þeir á, féllu menn af hvarumtveggjum, ok mart varð sárt. Þar féll Úlfheðinn Söxólfsson, norðlenzkr maðr, stafnbúi Sigurðar. Þeir Sigurðr fengu þar ekki uppgaungu; lagði Sigurðr þá brott, hæld hann norðr í Víkina, ok rænti víða. Hann lá í Portyrju á Lúngbarðs⁴-síðu, ok sætti þar skipum, er fóru í Víkina ok ör, ok rænti. Túnbergs menn gerðu lið at honum, ok komu á úvart, svá at þeir Sigurðr voru á landi, ok skiptu fengi sínu; kom sumt liðit ofan at þeim, en sumir lögðu skipum um þvera höfnina fyrir utan þá. Sigurðr hljóp á skip sitt, ok reyri út at þeim, en skip Vatnorms var þar næst, ok lét hann síga á hömlu, en Sigurðr reyri út

¹) fyrir Eyri, Hk. ²) Hér smeygir Hk inu kafla með vlsam nokkrum, af hverjum orðamun mun seinna innfærðr. ³) Þjóstólfr, Hk. ⁴) Lungarðz, Hk.

hjá þeim, ok komst undan einskipa, en mart
tæll af liði hans. Þá var þetta kveðit:

Varð eigi vel við styrju

Vatnormr í Portyrju.

6. Sigurðr sigldi þá suðr til Danmerkr,
[ok týndist maðr af skipi hans, sá hæt Kolbeinn
Þorljótsson af Haðalandi, hann var á eptirbáti,
er bundinn var við skipit, en þeir sigldu mikit.
Sigurðr braut skipit, er þeir komu á land², ok var
hann um vetrinn í Álaborg; en um sumarit eptir
þá fóru þeir Magnús sunnan 7 skipum, ok
komu á Lista úvart um nótt, ok lögðu skipum
sínum at landi. Þar var fyrir Benteinn³ Kolb-
einsson, hirðmaðr Ínga konúngs, hinn hraust-
asti maðr. Þeir Sigurðr gengu þar upp í eld-
íng nær, ok tóku hús á þeim, ok vildu leggja
eld í bæinn; en Benteinn komst í útibúr nokkut
með herklæðum, ok var vel búinn at vâpnum,
ok stóð fyrir innan (dyrnar) með brugðit sverð,
ok hafði skjöld fyrir ser en hjálm á höfði, ok
var þá búinn til varnar; dyrnar voru lágar.
Sigurðr spurði, hverr sveina fúsastr væri inn
at gánga at Beinteini⁴. Þeir svöruðu at eingi
var fúss til. En þá er þeir ræddu þetta tíðast,
hljóp (Sigurðr) inn í húsit, en Benteinn hjó
eptir honum ok misti. Sneri þá Sigurðr út at
honum, ok skiptust þeir fám höggum við, áðr
Sigurðr drap hann, ok bar höfuð hans út í

¹) í, H. ²) v. í H, en finnst í Hk. ³) Beinteinn, Hk
allstaðar. ⁴) þannig á hér.

hendi ser¹. Tóku fe þat allt er í var bænum, fóru síðan til skipa sinna. En er Íngi konúgr ok hans vinir spurðu dráp Benteins, ok þeir Kolbeinssynir, Sigurðr ok Gyrðr, bræðr Benteins, þá gerði konúgr lið at þeim Sigurði, ok fór sjálf ok tók skip undan Hákonni púngeltu². Pálssyni, ok dóttursyni³ Ásláks Erlíngssonar af Sóla, systrúngi⁴ Hákonar maga. Íngi konúgr elti Hákon á land upp, ok tók hvert fat þeirra. Þeir flýðu í Fjörðu inn undan, Sigurðr slókr⁵, son [Eindriða í Gautdali⁶, ok Eiríkr hæll, bróðir hans, ok Andreas kelduskítr, [son Gríms ör Vistorð⁷; en Sigurðr ok Magnús ok Þorleifr skjappa sigldu norðr hit ytra þrim skipum á Hálogaland. Var Magnús um vetrinn í Bjarkey með Viðkunni Jónssyni, en Sigurðr hjó stafna af skipi sínu, ok hjó á raufar, ok sökti niðr í Ægisfirði innanverðum. Sigurðr sat um vetrinn í Tjaldasundum [í Hin⁸ þar sem heitir Gljúfrfjörð⁹. Í innanverðum firðinum er hellir í bjargi; þar sátu þeir Sigurðr um vetrinn, meir en 20 menn, ok settu fyrir dyrnar, svá at þær sá eigi ör fjörunni. Þeir fengu Sigurði vístir um vetrinn, Þorleifr skjappa ok Einar son Ögmundar af Sandi ok Guðrúnar Einarsdóttur, Arasonar af Reykjahólum.

7. Þann vetr er sagt at Sigurðr lèti Finna

¹) Hk b. hérinn 2 vlsom. ²) túngeltu, H. ³) dótturson, H.

⁴) Hk; systrúngi, A. ⁵) stokkr, Hk. ⁶) Eindriða í Gaurdal, H.

⁷) Frámerkinn v. í H; en Hk skrifar Orð fyrir Vistorð. ⁸) v.

í H; í Kinn, Hk. ⁹) Gljúfrfjörðr, Hk.

gera ser skútur tvær inn í fjörðum, ok voru sambundnar¹, ok eingi saumr í, en viðjar² fyrir kne; ok rero 12 menn á borð hvárri. Sigurðr var með Finnnum, þá er þeir gerðu skúturnar, ok höfðu Finnar þar munngát, ok gerðu honum veizlu. Síðan kvað Sigurðr þetta:

Gott var í gamma,
er³ ver glaðir drukkum,
ok glaðr gramsson
gekk meðal bekkja:
vara þar gamans vant
at gamandrykkju,
þegn kvaddi þegn
þarlands, sem ek var.

Skútur þær voru svá skjótar, at ekki skip tók þær á vatni, svá sem kveðit er:

Fátt eitt fylgir⁴
furu háleyskri⁵;
svipar⁶ und segli
sinbundit⁷ skip.

En um vârit fóru þeir Sigurðr ok Magnús norðan með skútur þær tvær, er Finnar höfðu gert. En er þeir komu í Vâga, drápu þeir þar Svein prest ok sonu hans tvâ.

8. Sigurðr hêlt þá suðr í Vikar, ok tóku þar Vilhjâlm skinnara, hann var lendr maðr Sigurðar konúngs, annan Þórâlða kept⁸, ok

¹ sambundnar eðr sinibundnar, H; sîni bundnar, Hk. ² viðlar, H. ³ þar, Hk. ⁴ flýgr, H. ⁵ háleysk, H. ⁶ svifr, H. ⁷ þannig Hk; sinbundit, H; sniðundit eðr sinbundit, A. ⁸ kepp, H.

drápu þá báða. Þá fór Sigurðr suðr með landi, ok hitti Styrkarr glæsirófu suðr við Byrðu, er hann fór sunnan ör Kaupánga, ok drap hann. En er Sigurðr kom suðr til Valsnes, þá hitti hann Svínagrím, ok lét höggva af honum hina hægri hönd. Eptir þat fór hann suðr á Mæri, þat er fyrir utan Þrándheimsmynni, ok tók þar Heðin¹ harðmaga ok Kálf kríngluauga, ok lét hann Heðin undanganga, en þeir drápu Kálf. Sigurðr konúgr ok Sága-Gyrðr, fóstri hans, spurðu til ferða Sigurðar, ok hvat hann hafðist at; þá sendu þeir menn at leita hans; fengu þar til forráða Jón kauðu, son Kálfs hins ránga, bróður Ívars biskups, ok [annan prest Jón² smyrl. Þeir skipuðu Hreininn³, er var 2 rúm ok 20, ok allra skipa skjótast. Þeir fóru at leita Sigurðar, ok fundu hann eigi, ok fóru aptr norðr með lítinn orðstír; þvíat menn segja svá, at þeir sæi þá, ok þorðu eigi at leggja at þeim. Sigurðr fór þá suðr⁴ á Hörðaland, ok kom í Herðu; þar átti bá Einar, son Laxa-Páls, ok var hann farinn inn í Hamarsfjörð til gagndagaþings⁵. Þeir tóku fe allt, er heima var, ok lángskip hálfþrítögt, er Einar átti, ok son hans, fjögurra vetra gamlan, er lá hjá verkmanni hans, vildu sumir drepa sveininn, en sumir hafa á brott með ser. Verkmaðrinn mælti: þetta er minn son, en ekki

¹) Heðin, *II*. ²) annan, Jón prest, *H*, *Hk*. ³) *III*; Hreininn, *A*. ⁴) norðr, *II*. ⁵) Gágndagaþings, *III*.

Einars, því er yðr ekki happ at drepa hann, ok eingi gripr at hafa hann brott; ok af hans orðum létu þeir eptir sveininn, en þeir fóru brott. En er Einar kom heim, þá gaf hann verkmanninum fe til tveggja ára gulls, ok þakkaði honum sitt tiltæki, ok læzt skyldu vera vinr hans jafnan síðan. Svá sagði Eiríkr Oddsson, er fyrsta sinn ritaði þessa sögn¹, [at hann heyrði í Björgyn Einar Pálsson segja frá þessum atburðum². Sigurðr fór suðr með landi, ok allt austr í Vík. Hann hitti Finn Sauða-Úlfsson austr á Kvildum, er hann fór at heimta landskyldir Ínga konúngs, ok lét heingja hann. Eptir þat fóru þeir suðr til Danmerkr.

9. Þat er sögn nökkurra manna, þá er Sigurðr alembir hafðist við í kaupferðum, at einn vetr var hann á Íslandi með Þorgílsi Oddasyni á Staðarhóli í Saurbæ, ok vissu fáir menn, hverr hann var. Þat var um haustið, er sauðir voru í rétt reknir, ok ætlaðir til skurðar, ok er þeir hendu sauðina, hljóp einn sauðrinn at Sigurði, sem hann ætlaði þagat til nökkurrar hjálpar. Sigurðr rétti at honum höndina, ok lypti upp ör réttinni ok lét hlaupa á brott, ok mælti: eigi leita fleiri traustsins til vár, en at trausti skal þeim verða. Þat gerðist enn um vetrinn, at kona ein hafði stólit, ok varð Þorgíls henni reiðr, ok vildi refsa henni. Hon hljóp þar til hjálpar, er Sigurðr var, en hann setti hana hjá

¹) frásögn, Hk. ²) v. í H, en finnst í Hk.

ser í pallinn. Þorgils bað hann ser ekki skipta af við hana, ok segir hvat hon hafði gert. Sigurðr mælti: biðja vil ek henni friðar, hon hefir þó mitt traust sótt, ok gef henni upp sökina. Þorgils segir at hon skal víti fyrir taka. En er Sigurðr sá, at hann vildi henni ekki frið gefa fyrir bæn hans, þá hljóp hann upp ok brá sverði, ok bað hann til sækja. Þorgilsi leizt maðrinn með miklu yfirbragði, ok grunaði hverr vera myndi, lét hann viðberast at gera á hluta hennar at sinni. Þar voru fleiri útlendir menn, ok hafði Sigurðr minst yfirlát. Einn dag er Sigurðr kom í stofu, tefldi austmaðr við einn heimamann; sá var skartsmaðr ok barst á mikit. Austmaðrinn kallaði á Sigurð¹, at hann reði um taflit með honum; [þvíat honum leizt² gjör-farit; en sá maðr, er tefldi við austmanninn, hafði sáran fót, ok vægði tá hans. Sigurðr settist á pallinn, hann tók eitt strá ok dró eptir gólfinu. Ketlíngar vâro á gólfinu, ok hlupu eptir stráinu, þartil er þeir komu á³ hinn sára fót mannsins; hann spratt upp með ópi, en taflit svarfaðist; gerðu þeir nú þrætumál⁴ hvârr hefði. En því er þessa getið at Sigurðr þótti nær ser taka þetta bragð. Eigi vissu menn fyrr, at hann væri lærðr, en þváttdaginn fyrir páska; þá saung hann yfir vatni, ok þótti hann því meiraháttar⁵, sem hann

¹) ok beiddi, b. v. H. ²) Sigurðr sá á ok leizt honum Hk.

³) við, H. ⁴) úr, b. v. H. ⁵) meirhátar, A.

hafði þar leingr verit. Um sumarit eptir, áðr þeir Þorgils skildu, mælti Sigurðr at Þorgils skyldi kunnliga senda menn til Sigurðar slembidjákns¹. Þorgils spurði: hvat er þer at honum langt? Hann svarar: ek er Sigurðr slembir, son Magnúss konúgs berfæts; fór hann síðan.

10. Víkverjar ok Björgynjar-menn mæltu at þat var úsómi, er Sigurðr konúgr ok vinir hans sátu kyrrir norðr í Kaupáangi, þótt föðurbanar hans færi þjóðleið fyrir utan Þrándheims-mynni, en Íngi konúgr ok hans menn sátu í Vík austr við háskann, ok varði land þeirra, ok hafði átt margar orrostur. Þá sendi Íngi konúgr bréf norðr til Kaupáangs með þessum orðum: Íngi konúgr, son Haralds konúgs, sendir kveðju Sigurði konúgi, bróður sínu, ok Sága-Gyrði, Ögmundi svipti, Öttari birtíng ok öllum lendum mönnum, hirðmönnum ok húskörlum ok allri alþýðu, sælum mönnum ok veselum, úngum ok gömlum, guðs ok sína. Öllum mönnum ero kunnig vandræði þau er við þöfum, ok svá æska, er þú ert 5 vetrá gamall, en ek þriggja; [megum við ekki atfærast, nema við njótum vina okkarra ok góðra manna. Nú þykkjumst ek ok vinir mínir vera nærr staddir vandræðum ok nauðsyn okkar beggja en þú ok þínir vinir. Nú gjör svá vel, at þú far á minn fund sem fyrst ok fjölmennastr², ok verum báðir saman, hvat sem ígerist. Nú

¹ slembis, II, Hk. ² þannig A, H.

er sá okkarr mestr vinr, er til þess heldr at við [sém sem¹ sáttastir, ok jafnast haldnir í öllum hlutum. En með því at þú afrækist, ok vill eigi fara at nauðsynligri minni orðsend-ing enn, sem fyrr hefir þú gert, skal þú við því búast, at ek mun fara á hendr þer með liði, skipti guð þá með okkr; þvíat eigi megum ver leingr hafa svá búit, at sitja með svá miklum kostnaði, sem her þarf fyrir úfriðar sakir, en þú tekr hálfar allar landskyldir ok aðrar tekjur í Noregi. Lifit í guðs friði. Þá stóð upp á þínginu fyrstr manna Óttar birtíngr ok mælti: Þat er mál Sigurðar konúngs at mæla til Ínga konúngs, bróður síns, at guð þakki honum góða kveðju sína, svá starf ok torveldi, er hann hefir ok hans vinir í ríki þessu af beggja ykkarra nauðsyn. En þótt sumt þykki heldr örð-ikt í orðum Ínga konúngs til Sigurðar konúngs, bróður síns, þá hefir hann í marga staði mikit til síns máls. Nú vil ek lýsa mitt lyndi, ok heyra hvárt þar fylgi vili Sigurðar konúngs ok annarra ríkismanna, at þú, Sigurðr konúngr! bú þik ok þitt lið, þat er þer vill fylgja, at verja land þitt, ok far sem fjölmennastr á fund Ínga konúngs, sem fyrst máttþú, ok styrki hvárr ykkar annan í öllum farsælligum hlutum,

¹) A skrifar hér sém, með é, en ekki siem, þó í öðrum orðum æð sin'ægt ie brúkuð fyrir é, þykir þat líkast að framburðrinu hafi ekki verið sém eðr sjem, heldr sami og í orðinu sem, ein-úngis leingra nokkut dreginn, hvað Danakir mundu skrifa sém sem. Einnig A skrifar sém sem.

en almáttigr guð báða ykkar. Nú viljum ver heyra orð þín; konúngur! Petr, son Sauða-Úlfs, bar Sigurð konúng á þíngit, er síðan var kallaðr Petr burðarsveinn. Þá mælti konúngur: viti þat allir mínir menn, ef ek skal ráða, at ek vil fara á fund Ínga konúnga, bróður míns, sem fyrst má ek. Eptir þat talaði annarr at öðrum, ok hóf sinnig¹ hverr, en lauk í sama stað, sem talat hafði Óttar birtíngur; ok var þat ráðit, at stefna liði saman. Fór Sigurðr konúngur með því liði austr í Vík, ok hitti þar Ínga konúng bróður sinn.

11. Sama haust komu þeir Sigurðr slembir ok Magnús blindi sunnan ör Danmörku með 30 skipa bæði Danaliði ok Norðmanna. Þat var nær vetrnóttum. En er þat spurðu konungar ok þeirra lið, fóru þeir austr í mót þeim. Þeir hittust í hvolum við hólminn Grá; þat var hinn næsta dag eptir Marteinsmessu, þá var drottinsdagr. Íngi ok Sigurðr konungar höfðu 20 skip, ok öll stór, [varð þar orrosta mikil, ok eptir hina fyrstu hrifð flýðu Danir með 18 skip heim suðr til Danmerkr. Þá skildust² skip þeirra Sigurðar ok Magnúss. Magnús hvíldi í rekkju sinni; en er mjök var hroðit skip hans, þá tók Hreiðar Grjótgarðsson hann í fang ser; hann hafði lengi fylgt Magnúsi, ok verit hirðmaðr hans. Hreiðar vildi hlaupa með Magnús á annat skip. Þá var

¹) sína ræðu, H. ²) hruðust, Hk.

Hreiðar skotinn spjóti milli herðanna ok þar í gegnum; ok svá segja menn, at Magnús fengi af því sama skoti bana. Föll þá Hreiðar á bak aptr á þiljurnar, ok þar Magnús á hann ofan; en þat mælti hverr maðr at hann þótti vel ok prýðiliga hafa fylgt sínum lánardrotni. Gott er hverjum er slíkan orðróm hlýtr. Þar föll á skipi Magnúss Loðinn [stöppuðr af Brunastöðum¹ ok Brúsi Þormóðsson², stafnbúi Sigurðar slemb-idjákn, ok Ívar Kolbeinsson [ok Hávarðr fagri, fyrirrúmsmaðr Sigurðar. Sá Ívar Kolbeinsson [gekk inn at³ Haraldi konungi, ok vann fyrstr á honum⁴. Þar föll mikill hluti liðs þeirra Magnúss, þvíat menn Ínga konungs létu eingan undanganga, þann er þeir máttu taka, þótt ek nefni fá menn. Þeir drápu í einum hólmi meir en 60 manna. Þar voru drepnir íslenzkir menn, Sigurðr prestr, son Bergþórs Mássonar⁵, ok annar Klemet, son Ara Einarssonar⁶. Ívar skrauthanzki⁷, son Kálfs hins ránga, er síðan var biskup í Þrándheimi norðr; hann var faðir Eiríks erkibiskups. Ívar hafði ávalt fylgt Magnúsi; hann komst á skip Jóns kauðu, bróður síns; en Jón átti Cécilíu, dóttur Gyrðar Bárðarsonar, ok var þar í liði, ok þeir 3 komust á

¹) Guðrøðr af Línustöðum, *H*; Saupruðr af Línustöðum, *IIk*.

²) Þormóðarson, *Hk*. ³) Þannig *A*; S. tekinn af, *A*, þylir þat rángt lesit úr eldri bók af skrifurum; gekk fyrst inn, *Hk*.

⁴) Frá fyrra. merkinu v. í *H*. ⁵) Mássonar, *H*, *Hk*. ⁶) Ivarssonar, *H*; en 3 íslenzkir menn lifðu eptir, b. v. *Hk*. ⁷) skrauthangi, *H*; skrautháukj, *Hk*.

skip Jóns, annarr Arnbjörn ambi, er síðan átti dóttur Þorsteins í Auðsholti, hinn þriði var Ívar dynta Starrason. Hann var bróðir Helga Starrasonar, en þrænzkr at móðurkyni, hinn vænsti maðr. En er liðsmeun urðu varir við at þeir voru þar, þá gripu þeir til vápna sinna, ok gengu at þeim Jóni, en þeir bjuggust við, ok var við sjálf, at þar myndi alþýða berjast; en þat varð at sætt með þeim, at Jón leysti undan Ívar bróður sinn ok Arnbjörn, ok festi fe fyrir þá, en þat fe var honum gefit síðan. En Ívar dynta var leiddr á land upp ok höggvinn, þvíat þeir Sigurðr ok Gyrðr Kolbeimssynir vildu eigi taka fe fyrir hann; þvíat þeir kendu honum, at hann hefði verit at vígi Benteins bróður þeirra. [Þat sagði Ívar biskup, at þat hefði svá yfir hann gengit, at honum hefði verst þótt, er Ívar var leiddr á land upp undir öxi, ok hvarf áðr til þeirra, ok bað þá heila hittast. Svá sagði Guðríðr Birgisdóttir, systir Jóns erkibiskups, Eiríki Oddssyni, en hon læzt þat heyra mæla Ívar biskup¹.

12. Þrándr Gjaldkeri hèt maðr, er stýrði skipi í liði Ínga konúngs. En þá var svá komit at Ínga konúngs menn reru á smábátum at þeim mönnum er á sundi voru, ok drápu hvern er þeir náðu. Sigurðr slembir hljóp á kaf af skipi sínu, þá er hroðit var, ok steypiti af ser brynju í kafi, svamm² hann síðan, ok hafði

¹ v. 1 H. ² þannig A; svam, H, 11k.

skjöld yfir ser; en menn nökkurir af skipi Þrándar tóku á sundi mann einn, ok vildu drepa, en sá baðst undan, ek læzt myndu segja þeim, hvar Sigurðr slembir var; þeir vildu þat. En skildir margir ok spjót, menn dauðir ok klæði flutu víða hjá skipunum. Sjá munu þer, segir hann, hvar flýtr einn rauðr skjöldr; þar er Sigurðr undir. Þeir reru þartil, ok tóku hann, ok fluttu á skip Þrándar; en Þrándr gerði orð Þjóstólfi, Óttari ok Ámunda. Sigurðr hafði haft á ser eldsvjarki, ok fnjóskinn¹ í valhnotaraskurn innan, ok steyppt um utan vaxi. Því er þess getið, at hugkæmrligt þótti, at búa svá um, at aldri mátti vökna; [Því hafði hann skjöld-inn yfir ser, er hann svamm, at þá vissi eingi, hvárt sá skjöldr var eðr annarr, er margir flutu á sjónum². Svá sögðu þeir, at aldri myndu þeir hafa fundit hann, nema þeim væri sagt til hans. En er Þrándr kom til lands með hann, þá var sagt liðsmönnum, at hann var tekinn. Þá sló ópi á herinn af fagnaði. En er Sigurðr heyrði þat, mælti hann: margr vándr maðr mun her verða feginn af höfði mínu í dag. Þá gekk Þjóstólfr Álason þartil, er hann sat, ok strauk af höfði honum húfu hlaðbúna, ok mælti: hví varþú svá djarfr, þrælssoninn! at þú þorðir at kallast son Magnúss konúngs?

¹) Þannig eðr finoskinn, *A*; *H* sýnist hafa: hnjoskr eðr hin-opkr; var fnjóskriinn, *Hk*. ²) v. i. *H*.

Hann svaraði: eigi þarftu at jafna föður mínum við þræl, þvíat lítils var þinn faðir verðr hjá mínum föður. Hallr son Þorgeirs læknis Steinarssonar¹ var hirðmaðr Ínga konúngs, ok viðstaddr þessi tíðindi; hann sagði Eiríki Oddssyni fyrir, er hann ritaði þessa frásögn. Eiríkr ritaði bók þá [sem kölluð er Hryggjarstykki². Í þeirri bók segir frá Haraldi gilla ok sonum hans, ok frá Magnúsi blinda ok Sigurði slembi allt til dauða þeirra. [Eiríkr var vitr maðr, ok var þenna tíma laungum í Noregi. Suma frásögn ritaði hann eptir fyrirsögn Hákonar maga, lends manns þeirra Haraldssona. Hákon ok synir hans voru í öllum þessum deilum ok ráðagerðum. Enn nefnir Eiríkr fleiri menn, er honum sögðu frá þessum tíðindum vitrir ok sannorðir, ok voru nær, svá at þeir heyrðu eðr sá atburðina, en sumt ritaði hann eptir sjálfs síns heyrn eðr sýn³.

13. Hallr Þorgeirsson, er fyrr var nefndr, segir svá at höfðingjar vildu þegar láta drepa Sigurð slembi, en þeir menn er grimmastir voru, at reka á honum harma sinna, reðu píslum hans, ok voru til þess nefndir bræðr Benteins, Sigurðr ok Gyrðr, ok Petr Burðarsveinn, er hefna vildi Finns, bróður síns, en höfðingjar ok flest allt fólk gekk frá. Þeir brutu fótleggi hans ok handleggi með öxarhömrum. Þá

¹) Steinssonar, Hl. ²) er hann kallaði Hryggjarstykki, H.

³) v. í H.

flettu þeir hann af klæðum, ok ætluðu at flá hann kvikan, ok klufu svörðinn í höfðinu. Þat máttu þeir eigi gera fyrir blóðrás. Þá tóku þeir svarðsvipur, ok börðu hann leingi, svá at vandliga var öll húð af honum, sem flegin væri. Síðan skutu þeir stokki á hrygginn, svá at í sundr gekk, þá drógu þeir hann til tress¹, ok heingdu, ok hjuggu síðan af höfuð, ok drógu brott líkama hans, ok reyrdðu í hreysi nokkuro. Þat er allra manna mál, vina hans ok úvina, at eingi maðr í Noregi hafi verit betr at ser gjörr um alla hluti en Sigurðr, í þeirra manna minnum er þá voru uppi, en úgæfumaðr var hann um suma hluti. Svá sagði Hallr at hann mælti fátt, ok svaraði fáma orðum, [þótt orða væri yrkt á hann²; svá ok þat at hann brást aldri við, er þeir pínðu hann, heldr en þeir lysti á stokk eðr stein. En þat lét hann fylgja, at þat mátti vera [um röskvan mann³, þann er vel væri at þreki búinn, at hann mætti standast píníngar, svá at hann hældi munni, eðr brygðist lítt við; en hann sagði svá at Sigurðr brá aldri máli sínu, ok jafn lættmælt var honum þat sem hann mælti, sem hann sæti á ölbekk inni; hvárki mælti hann hærra ne lægra eðr skjálfhendra, en vandi hans var til; hann mælti allt til andláts síns, ok saung hriðum ör psaltera:

¹) þunnig A, H, Hl. ²) ok fáma mönnum, þó ath orða yrkti á hann, H. ³) of góðan dreng, Hl.

nú læt Halli þat þykkja umframm eljun ok styrk annarra manna. En prestur sá er þar hafði kirkju skamt frá, lét færa lík Sigurðar til þeirrar kirkju; sá prestur var vinur þeirra Haraldssona; en er þetta spurðist, þá köstuðu menn reiði á prest, ok létu aptr flytja líkit, þagat sem áðr hafði verit, varð prestur þó fe fyrir at gjalda. En vinir Sigurðar fóru síðan eptir líkinu sunnan ör Danmörku með skip, ok færðu til Álaborgar, ok grófu at Mariúkirkju þar í bænum. [Svå sagði Eiríki Ketill prófastr, er varðveitti Mariúkirkju, at Sigurðr væri þar grafinn¹. Þjóstólfr Álason lét færa lík Magnúss blinda til Oslóar, ok grafa at Hallvarðskirkju hjá Sigurði konungi, föður hans. Loðinn saupruð² færðu þeir til [Túnsbergs, en allt lið annat grófu þeir þar³.

14. Sigurðr ok Íngi höfðu ráðit Noregi 6 vetr. Þat vár kom vestan af Skotlandi Eysteinn, hann var son Haralds gilla, ok Árni, [Sturla ok Þorleifr Brynjólfssynir ok Kolbeinn⁴ hrúga. Þeir höfðu farit vestr um haf eptir Eysteini, ok fylgdu honum í land. Þeir hældu þegar norðr til Þrándheims, ok tóku Þrændir við honum; var hann til konúngs tekinn á Eyraþíngi um gagndaga, svå at hann skyldi hafa þriðjúng Noregs við bræðr sína. Sigurðr ok

¹) v. i H. ²) Sopruð, H. ³) þannig H, E, A; en A hefir hér: Sturla ok Þorleif Brynjólfsson ok Kolbeinn i staðinn, þylkir þat rángliga hingatflutt frá byrjun næstfölg. kap.; Hk hefir þat á báðum stöðum. ⁴) þannig H, A, E (nema að þar v. Sturla), en frá merkinu v. i A.

Íngi voru þá austr í landi; fóru þá menn milli þeirra, ok sættu þá, svá at Eysteinn skyldi hafa þriðjung ríkis. Þaðauk hæt móðir Eysteins konúnga, hon kom með honum í Noreg.

Magnús hæt hinn fjórði son Haralds konúnga; hann fóstraði Kyrpínga-Ormr, var hann ok til konúnga tekinn, ok hafði sinn hluta af landi. Magnús var veill¹ á fótum, ok lifði hann skamma hríð, ok varð sóttidauðr. Hans getr Einar Skúlason með öðrum bræðrum hans; hann kvað:

Auð gefr Eysteinn lýðum,
eykr hjaldr Sigurðr skjaldar,
lætr Íngi slög sýngja²,
semr Magnús frið bragna:
(fjöldýrs) hafa fjórir
(fólktjald³) komit aldri
(rýðr bragnínga kyn blóði)
bræðr und sól enn æðri.

15. Eptir fall Haralds konúnga gilla var Íngiríð⁴ drotníng gipt Óttari birtíng. Hann var lendr maðr ok höfðíngi mikill, þrænzkr at ætt. Hann var mikill styrktarmaðr Ínga konúngi, meðan hann var í barnæsku. Sigurðr konúngur var ekki mikill vinr hans, þótti honum Óttar vera allt hallr undir Ínga konúng mág sinn. Óttar birtíngur var drepinn norðr í Kaupánga í einvígi um kveld, er hann skyldi gánga til

¹) hrúmr, H. ²) sýngva, Hk. ³) fólktjalds, H. ⁴) þannig A; Ingiríðr, H, Hk.

aptansaungs, en er hann heyrði hvininn af höggvinu, þá brá hann upp hendi sinni ok skikkju í móti höggvinu, ok hugði at kastað væri suækekki at honum, sem títt var úngum sveinum. Hann féll við höggit, en Álfr hroði¹ son hans kom þá í kirkjugarðinn. Hann sá fall föður síns, ok svá at maðr, sá er vegit hafði, hljóp austr um kirkjuna. Álfr hljóp eptir honum, ok drap hann við saunghúshornit, ok mæltu menn at honum hefði vel gefit til um hefdina, ok þótti hann síðan miklu meiri maðr en áðr. Eysteinn konúgr var þá inn í Þrándheimi, er hann spurði fall Óttars birtíngs; hann stefndi þegar at ser liði. Hann fór út til bæjarins, ok varð allfjöldmennr. Frændr Óttars ok aðrir vinir kendu ráðin Sigurði konúngi; hann var þá í Kaupáangi, ok voru bændr mjök geystir á hendr honum, en hann bauð fyrir sik skírslur, ok festi járnburð, at svá skyldi sanna mál hans, ok varð þat at sættum. Fór Sigurðr konúgr eptir þat suðr í land, ok urðu þessar skírslur aldri af höndum greiddar.

16. Íngiríð drotníng gat son við Ívari sneis; sá hét Ormr, er síðan var kallaðr konúngsbróðir, hann var manna fríðastr sýnum, ok gerðist mikill höfðingi, sem enn mun síðar getið verða. Íngiríð drotníng var gipt Árna á Stoðreimi; hann var síðan kallaðr konúngsmágr; voru þeirra börn Íngi, Nikolás, Filippus í Herðlu²

¹) rauði, Hk. ²) Herðslo, Hk.

ok Margrèt, er átti Björn bukk¹, en síðan Símon² Kárason.

17. Erlíngur hét son Kyrpínga-Orms ok Ragnhildar, dóttur Sveinka Steinarssonar. Kyrpínga-Ormr var son Sveins Sveinssonar, Erlends-sonar ör Gerði. Móðir Orms var Ragna, dóttir Orms jarls Eilífssonar ok Íngibjargar³, dóttur Finns jarls Árnasonar. [Móðir Orms jarls var Ragnhildr, dóttir Hákonar jarls hins ríka⁴. Erlíngur var vitr maðr ok mikill vin Ínga konúgs, ok með hans ráði fékk Erlíngur Kristínar, dóttur Sigurðar konúgs Jorsalafara ok Málmfríðar drotningar. Erlíngur átti bú á Stuðlu á Sunnhörðalandi. Erlíngur fór ör landi, ok með honum Eindriði úngi ok enn fleiri lendir menn; þeir höfðu frítt lið; þeir bjuggust til Jórsalaferðar. Fyrir þeirri ferð var Rögnvaldr jarl kali, ok með honum Vilhjálmr biskup, ok höfðu alls af Orkneyjum 15 lángskip. Sigldu þeir fyrst til Suðreyja, ok þaðan vestr til Vallands, ok síðan þá leið sem farit hafði Sigurðr konúgr Jórsalafari út til Njörvasunda, ok herjuðu víða út um Spán heiðna. Litlu síðar en þeir höfðu siglt um sundin, skildist frá þeim Eindriði úngi, ok þeir er honum fylgdu, með 6 skipum; fóru [þeir til Miklagarðs⁵, en þeir Rögnvaldr jarl ok Erlíngur hittu á drómund einn í hafi, ok lögðu til 9 skipum, ok börðust við þá; en at

¹) búkr, Hk. ²) Símun, H, Hk. ³) Sigríðar, Hk. ⁴) v. í H; en *finst* í Hk. ⁵) síðan ser hvárir, Hk.

lyktum lögðu þeir snekkjurnar undir drómundinn, báru þá heiðnir menn ofan á þá grjót ok vâpn, ok grýtur fullar af biki vellanda ok viðsmjör¹. Erlíngur lá sínu skipi næst inn (undir) Drómundinum, ok bar fyrir utan þat skip vâpnaburð heiðingja. Þeir Erlíngur hjuggu raufar á drómundinum, sumar í kafi niðri, sumar uppi á borðunum, svâ at þeir fóru þar inn. Svâ segir Þorbjörn Skakkaskáld í Erlíngsdrápu:

Hjuggu öxar eggjum
 ugglaust hvatir glugga
 þat² var næmt³ á nýju
 Norðmenn í kaf⁴ borði:
 eyðendr sá yðrar
 arnar húngrs á jarnum
 vág-fýlengi⁵ vèlar
 vígskörð ofan börðust⁶.

Auðun rauði hèt sá maðr, stafnbúi Erlíngs, er fyrstr gekk upp í drómundinn. Þeir vunu drómundinn, ok drápu þar ógrynni manna, ok tóku ofa fe mikit, ok vunu frægan sigr. Rögnvaldr jarl ok Erlíngur, er síðan var skakki kallaðr, komu í þeirri ferð til Jórsalalands, ok út til árinna Jórdána; sneru þá aptr utan yfir hafit fyrst til Miklagarðs. Þar létu þeir eptir skip sín, fóru utan landveg, ok hældu öllu heilu, þar til þeir komu í Noreg, ok var þeirra ferð

¹) viðsmjörvi, Hk. ²) því, Hk. ³) nennt, Hk. ⁴) H, Hk; kass, A. ⁵) *Lugfært fyrir fylgíngi*, A; fyljúngi eðr fylvíngi, H; fylvíngi, Hk. ⁶) hörðut, Hk.

allmjök lofuð. Þótti Erlíngur síðan miklu meiri maður en áður, bæði af ferð sinni ok kvánfangi; hann var spekingur at viti, auðigr ok frændstór ok málsnjallr; hann var mest hallr at allri vinnáttu til Ínga konúnga allra þeirra bræðra.

18. Sigurður konungur fór at veizlum í Vík austr með hirð sína. Hann fór um bæ, þann er ríkr maður átti, er Símon hét. En er konungur reið í gegnum bæinn, heyrði hann í hús nökkut kveðindi svá fagra, at honum fanst mikit um. Hann reið til hússins, ok sá inn at þar sat kona við kvern, ok kvað forkunnar fagrt við, er hon mól. Konungur steig af hestinum, ok gekk inn til konunnar, ok lagðist með henni. En er hann fór brott, þá vissi Símon bóndi, hvat eyrindi konúnga hafði þagat verit. Kona þessi hét Þóra, ok var verkakona Símonar. Síðan lét Símon varðveita kost hennar. Eptir þat ól sú kona barn, ok var sveinn sá nefndr Hákon, ok kallaðr son Sigurðar konúnga; fæddist Hákon þar upp með Símoni Þorbergssyni ok Gunnhildi konu hans; fæddust ok þar upp synir Símonar, Önundr ok Andreas, ok unnust þeir Hákon mikit, svá at þá skildi ekki nema hel.

19. Eysteinn konungur Haraldsson var staddr austr í Vík nær landsenda. Hann varð úsáttur við bændr, Ræni¹⁾ ok Hísingsbúa, gerðu þeir safnað at honum. Hann hélt við þá orrostu, ok fékk sigr. Þar heitir Leikberg, er þeir börð-

¹⁾ A, H; á Reini, Hk.

234 SAGA ÍNGA HARALDSSONAR. 19-20. K.

ust. Hann brendi ok víða í Hísing. Síðan gengu bændr til handa, ok guldu gjöld stór, en konúngr tók gisla af þeim. Svà segir Einar Skúlason:

Víkverjum galt
(varð þannig halt)
gjöræði gramr
gjöfmildir¹ ok framr:
flest fólk var² hrætt,
áðr fengi sætt,
en gisla tók
sá er gjöldin jók.

Ok enn kvað hann:

Vann siklíngr sótt
við snarpa drótt,
leyfðr er lýðum bær
Leikbergi nær:
Rénir flýðu ríkt
ok reiddu³ slíkt
(öld festi auð),
sem öðlíng⁴ bauð.

20. Litlu síðar byrjaði Eysteinn konúngr ferð sína ör landi vestr um haf. Hann sigldi til Orkneyja; hann spurði til Haralds jarls Maddaðarsonar⁵ í Þórsá⁶. Hann lagði til með 3 smáskútur, ok kom þeim á úvart, en jarl hafði þrítugt skip, ok á 80 manna; en þvíat þeir vâro óbúnir við, þá fengu þeir Eysteinn

¹) gjöfmildir, H, Hk. ²) varð, Hk. ³) Hk; reiði, A; reðu H. ⁴) siklíng, H. ⁵) Hk; Maddaðarsonar, A, hér. ⁶) Þórsey, I

þegar uppgaungu á skipit; tók Eysteinn jarl höndum, ok hafði með sér á skip. Hann leysti sik út með þrim mörkum gulls, ok skildust þeir at því. Svá segir Einar Skúlason:

Voru (Sogs¹) með (sára)
syni Maddaðar staddir²
(má-grennir fremst) manna³
(máttugr) tígir átta:
þrimr⁴ skútum⁵ tók þreytir
þann jarl drasils hranna⁶
hraustr⁷; gaf hræskúfs⁸ nistir
höfuð sitt frömum⁹ jöfri.

Eysteinn konúngr sigldi þaðan suðr fyrir austan Skotland. Hann lagði til kaupstaðar þess á Skotlandi, er Apardjón¹⁰ heitir; hann drap þar mart manna; [ok rænti staðinn¹¹]. Svá segir Einar:

[Frètt hefik at fèll
(fólk¹² brustu svell¹³)
(jöfur¹⁴ eyddi frið)
Apardjónar¹⁵ lið.

Aðra orrostu átti hann suðr við Hjartapoll¹⁶ við ridderalið, ok kom þeim á flótta; hrauð hann þar skip nökkur. Svá seigir Einar:

Beit buðlúngs hjörr,

¹) Sogs, *M.* ²) skaddir, *H.* ³) mogrennir fremst manne, *M.* ⁴) þrim, *H.* ⁵) háttom, *M.* ⁶) hrafna, *H.* ⁷) *Hk*; hraust, *A.* ⁸) *Hk*; hræskips, *A.* ⁹) spöcum, *M.* ¹⁰) Fadjón, *H*; Apardjón, *M.* ¹¹) *v. í H*; en rennti staðina, *M.* ¹²) fólcs, *M.* ¹³) *v. í H.* ¹⁴) fylkir, *H.* ¹⁵) Fadjónar, *H*; Apardjónar, *M.* ¹⁶) Hjartapoll, *M.*

blóð fèll á dörr,
 hirð fylgdist holl
 við Hjartapoll:
 Hugin gladdi heit
 (hruðust¹ Engla beit)
 (óx vitnis vín)
²) valkastar³ Rín⁴.

Þá hèlt hann enn suðr á Eingland, ok átti
 [ena þriðju orrostu⁵ við Hvítabæ; hann fèkk sigr,
 ok brendi staðinn; [svá segir Einar:

Jók hilmir hjaldr,
 var⁶ hjörva galdr,
 hjóst Hildar ský
 við Hvítabý:
 ríkr⁷ lèk við rönn⁸
 (rauðst ylgjar tönn)
 (fèkst fyrðum harmr
 fyrri) skógar-garmr⁹.

Eptir þat herjaði hann víða um Eingland. Þá
 var Stefnir konúngr á Einglandi. Því næst átti
 Eystefnn konúngr orrostu við Skorpusker við
 riddera nökkura. Sva segir Einar:

Drap döglingr gegn
 (dreif streingjar regn)
 við Skorpusker
 skjaldkænan¹⁰ her:

¹) *M, Hk*; vit, *H*. ²) um *b. v. Hk*. ³) valbastar, *M*.
⁴) *seinna vísuhelm. v. i A*. ⁵) *H*; 3 orrostur, *A*. ⁶) þar var,
M, Hk. ⁷) ríkt, *M, Hk*. ⁸) rann, *Hk*; en *H* sýnist hafa
 tanna. ⁹) *vis. v. i A*, allt frá merkinu. ¹⁰) skaldkænan, *H*.

rauf¹ styrjar garð,
þá er stökkva varð,
ranndolom sótt
reið manna gnótt².

Þarnæst barðist hann við Pílavík, ok fèkk sigr.

[Svâ segir Einar:

Rauð siklíngur sverð,
sleit gyldis ferð
prútt Parta lík
í Pílavík:
vann vísir allt
for vestan salt
brandr gall við brún
brent Lángatún³.

Þar brendu þeir ok Lángatún, mikit þorp, ok segja menn at sá bær hafi litla uppreist fengit síðan. Eptir þat fór Eysteinn konúgr brott af Englandi, ok aptr til Noregs um haustið, ok ræddu menn um þessa ferð allmisjafnt⁴.

21. Friðr góðr var í Noregi öndverða daga Haraldssona, ok var þeirra samþykki til nökkurrar hlítar, meðan hit forna ráðuneyti þeirra lifði. Þeir Íngi ok Sigurðr voru bernskir; höfðu þeir þá eina hirð báðir; en Eysteinn einn ser, var hann maðr fullkominn at aldri. En er andat var [fóstrneyti⁵ þeirra Ínga ok

¹) þannig eðr raup, *M.* ²) *Seinna víshelm. v. í A, H, Hk;* en er hér tekinn úr *M.* ³) *M, Hk;* v. í *A, H.* ⁴) Eysteinn konúgr þóttisc þessa ferð hafa gert í hefnd þess, er Haraldr konúgr Sigurðarson fór vestr, ok féll þar, *b. v. M.* ⁵) et forna ráðu, *II.*

Sigurðar, Sæða-Gyrðr Bárðarson, [Ámundi Gyrðarson¹, Þjóstólfr Álason, Óttar birtíngi, Ögmundr sviptir, Ögmundr dreingr², bróðir Erlíngs skakka; lítils þótti vert um Erlíng, meðan Ögmundr lifði; síðan skildu þeir hirð sína³, Íngi ok Sigurðr, [ræðst þá til fulltíngs við Ínga konúng Gregoríus, son Dags Eilífssonar ok Ragnhildar, dóttur Skopta Ögmundarsonar. Gregoríus hafði auð fjár, ok var sjálfr hinn mesti skörúngi, gerðist hann forstjóri fyrir landráðum með Ínga konúngi, en konúngi veitti honum at taka af sinni eign slíkt er hann vildi⁴. Sigurðr konúngi gerðist mikill ofstopamaðr ok úeirinn um alla hluti, þegar er hann vóx upp; svá var ok Eysteinn konúngi, ok þótti hann þó nökkut nærr sanni um ofstopa, en hann var allra fejjarnastr. Sigurðr konúngi gerðist mikill maðr ok styrkr, vaskligr sýnum, jarpr á hár, munnljótr en vel at öðrum andlitssköpum, allra manna var hann snjallastr í máli. Þessa getr Einar:

Snild berr snarpra⁵ elda
sárflóðs [þess er⁶ rýðr blóði
(gefit hefir guð sjálfr jöfri
gagn) Sigurðar⁷ magni:
svá es⁸ sem⁹ Rauma-ræsir
reiðorðr tölur¹⁰ greiðir

¹) M, Hk; v. í A, H. ²) son Kyrpinga-Orms, M, Hk.
³) brállega b. v. M. ⁴) v. í W. ⁵) snarpa, Hk. ⁶) þars, Hk. ⁷) Sigurðr, Hk. ⁸) Hk; er, A, H. ⁹) þá, H, Hk.
¹⁰) tavlu, H.

THE HISTORY OF THE

REIGN OF

CHARLES THE FIRST

BY

JOHN BURNET, BISHOP OF SALISBURY

IN TWO VOLUMES.

LONDON, 1704.

Printed by J. Streater, at the

Sign of the Sun in St. Dunstons Church

in the Strand.

THE HISTORY OF THE

REIGN OF

CHARLES THE FIRST

BY

JOHN BURNET, BISHOP OF SALISBURY

IN TWO VOLUMES.

LONDON, 1704.

Printed by J. Streater, at the

Sign of the Sun in St. Dunstons Church

in the Strand.

THE HISTORY OF THE

REIGN OF

CHARLES THE FIRST

BY

JOHN BURNET, BISHOP OF SALISBURY

IN TWO VOLUMES.

LONDON, 1704.

Printed by J. Streater, at the

Sign of the Sun in St. Dunstons Church

in the Strand.

húks; þeirra son hét Nikólás. Margrét hét hin þriðja¹ dóttir Haralds gilla, hana átti Jón Hallkelsson, bróðir Símonar. Nú gerðist mart í með þeim bræðrum, þat er til sundrþykkis var, en ek mun nú þess eins geta, er mer þykkir mestum tíðindum sætt hafa.

22. Nikólás kardináli af Rómaborg kom í Noreg á dögum þeirra Haraldssona. Pávinn hafði hann sendan í Noreg. Kardinálinn hafði reiði á þeim Sigurði ok Eysteini, ok vurðu þeir at gánga til sættar við hann, en hann var ávalt sáttir við Ínga, ok kallaði hann son sinn. En er þeir voru allir sáttir við hann, veitti hann þeim at vígja Jón Birgisson til erkibiskups í Þrándheimi, ok fèkk honum pallium², ok mælti svá, at erkibiskupsstóll skyldi vera í Þrándheimi at Kristskirkju, þar sem hinn helgi Ólafr konúngr hvílir, en áðr höfðu lýðbiskupar einir verit í Noregi. Kardinálinn kom því við, at eingi maðr skyldi fara með vápn í kaupstöðum at úsekju, nema 12 menn þeir er fylgd áttu með³ konungi. Hann bætti at mörgu síðu Noregsmanna, meðan hann var í landi. [Eingi maðr⁴ hefir sá komit í Noreg, at allir menn mæti jafumikils, eða jafumiklu mætti ráða við alþjóð⁵ sem hann. Hann fór suðr aptr til Róms⁶ með miklar vingjafir, ok sagði sik ávalt

¹) *Frá merkinu v. í H.* ²) þat klæði er pallium heitir, *M, Hk.* ³) at veita, *H.* ⁴) Eingin manna, *H.* ⁵) alþjóð, *H, M, Hk.* ⁶) *H, Rómam, A.*

